

Si
29 C 12 d. 24. 1/2 pte
anno.

1/2

BIBLIOTECA NAZ.
Vittorio Emanuele III

XV

G


52


NAPOLI

9

52







LAURENTII HEISTERI
COMPENDIUM
MEDICINÆ
PRACTICÆ,

CUI PRÆMISSA EST

DE

MEDICINÆ MECHANICÆ

PRÆSTANTIA

DISSERTATIO:

Ad usum A. B. Angelini Curatoris Scholæ



Procurator ad B. B. J. A. A. A.

VENETIIS MDCCLVIII.

Expensis STEPHANI MANFREDI.

SUPERIORUM PERMISSU.

ॐ नमो भगवते वासुदेवाय ॥




ॐ नमो भगवते वासुदेवाय ॥

DISSERTATIOⁱⁱⁱ

D E

MEDICINÆ MECHANICÆ

P R Æ S T A N T I A .

I.  *Edicinam varia habuisse fata, variasque pro vario tempore passam esse mutationes, atque ob varias eam excolentium opiniones & ingenium in diversas abiisse sententias ac se-* *Medi-*
cina
varias
habuit
sectas.

Etas illis satis notum esse existimo, qui vel leviter in historia medica versati sunt. Prima enim secta fuit *empirica*, quæ sola experientia nitebatur, quam vero HIPPOCRATES adjecta ratione fecit *rationalem* sive *dogmaticam*; hanc Julii Cæsaris tempore, auctore THEMISONE secuta est *Methodica*, quam vero seculo secundo post Christum natum rursus evertere studuit GALENUS, quo auctore secta *Galenica* orta est. Seculo decimo sexto PARACELSUS condidit *chemicam*; decimo septimo orta est *Cartesiana*, *Sylviana* sive *TacKeniana*, *Eclectica*, ac denique *Mechanica* (sub qua tamen & *Hippocraticam* sive *Rationalem* intelligo) atque *Stahlianam*. Quoniam vero nomina priorum sectarum fere abolita sunt, atque hodie in Europa, quam maxime vero in Germania nostra, omnes præter *Mechanicam* & *Stahlianam* quasi desierunt, atque hæ duæ potissimum a Medicis nostris nunc excoluntur, atque hoc meum Compendium practicum secundum Mechanicorum principia conscriptum est, placet hic præfationis loco *Medicina mechanica præ Stahlianam* præstantiam hæc in dissertatione ostendere; ut

sic quid forte commodi ex hoc libello in facienda Medicina lectores & præsertim Medicinæ practicæ tirones capere queant, perspicere possint.

Quid 2. Medicina vero mechanica ea mihi dicitur, *Melecha* qua Medicus ex fabrica corporis humani, utpote *nicum*. quæ tota Mechanica est, per anatomen accurate cognita & actione reciproca partium solidarum in fluida, & fluidarum in solida, observationibus atque experimentis physicis, mechanicis ac chemicis, secundum leges mechanicas ratiocinatur & agit. Nam corpus humanum machinam esse artificiosissimam, ex quamplurimis machinulis minoribus compositam, tam anatome docet, quam a Cel. BOERHAVIO in Instit. Medic aliisque quamplurimis scriptoribus Medicis Mechanicis & nominatim, Borello, Bellino, Stenone, Lovvero, Pitcarnio, Frid. Hoffmanno, Bergero, Guiliclimino, Lancisio, Keilio, Meadio, Michelotto, Mazino, Schreiberio, &c. evictum est, qui excusso jugo auctoritatis, nihil pro certo aut vero admittunt, quisquis etiam illud dixerit, nisi quod sensibus, vel certis observationibus atque experimentis probatum esse cognoscunt, atque ex fabrica corporis per certa ratiocinia, tam in statu ejus sano quam ægroto, deduci potest.

Quid 3. Sed circa finem superioris seculi in nova, *secta* quæ in Saxonia tunc condebatur, Halensi Academia, juxta modo laudatum Frid. HOFFMANNUM *Stab-* *lina*. mechanicis principiis addictum, cathedram Medicam exornavit Georg. Ernest. STAHLIUS, vir quoque acutissimus & laboriosissimus, & cui ars Medica revera multum debet; cui vero neque mechanica principia, neque alia tunc in Medicina usitata arridebant, sed novas easque sequentes, quantum ego saltem ex scriptis ejus assecrarumque ipsius cognoscere potui, ab animo potissimum petitas, sibi formavit hypotheses, quibus ipsæ & assecræ ejus & theoriam & therapiam medicam superstruxerunt.

4. Nimirum ad animam, ut dixi, quam naturam esse volunt, sive ad naturam, quam animam principii hominis esse contendunt atque pro synonymis habent, in Medicina tam addiscenda quam facienda, forma quam maxime esse respiciendum; animam enim veritatem rationalem esse dicunt, quæ fœtus corpus in utero matris fabricaret; animam deinde eandem esse, quæ in corpore formato & nato ad omnes ejus actiones attenderet, curamque semper, ut hoc corpus, tamquam habitaculum suum, factum tectumque conservet, gereret, actionesque omnes corporis animales, vitales & naturales regeret, atque etiam eum in finem; si aliquod vitium in corpore adesse cognosceret, quod corpori noxam inferre posset, ipsam omnes nervos intendere, ut noxium hoc vel corrigeret, vel e corpore expelleret: atque hanc ob causam animam, matura hanc ob rem deliberatione facta, in quibusdam excitare vomitum, in aliis fluxum ventris, in aliis sudorem aut urinam copiosorem movere; rursus in aliis fluxus sanguinis, vel per nares, vel per pulmones, vel per ventriculum, renes, vesicam, vel intestinum rectum, quem fluxum hæmorrhoides vulgo appellant, concitare, atque sic supervacaneum vel noxium e corpore pro eo sano præstando eliminare. In aliis per spasmos sive contractiones partium & dolores animam noxium ex certis partibus, vel ad alium locum, eumque minus noxium compellere; illudque vel in pus convertere, sicut in inflammationibus & abscessibus fieri solet, vel hærentes humores spissiores ex parte læsa his spasmis & doloribus propellere, aut per sanguineas excretiones, hæmorrhoidum præsertim, sicut in morbis hypochondriacis, spleneticis, hepaticis, melancholicis, arthriticis & podagricis fieret, aut etiam per serosas, ut in coryxa, tussi & asthmate humido, expellere.

Qua- 5. Ubi simul monendum , Stahlianos pro mul-
ta *nam* a-torum morborum foecunda matre non tam pravas
lia ad sanguinis qualitates , acidum nempe aut alcali
huc ob-chemicorum , sed potius abundantiam sanguinis ,
tineat quam plethoram vulgo Medici appellant , haud
placi- inepte habere ; adeoque dicunt , animam quam-
ta . plurimis in morbis studere , immo quam diligen-
 tissime laborare , ut corpus suum per excitatas

sanguinis profusiones spontaneas a nimia sanguinis
 copia , a qua quamplurimæ noxæ ipsi immine-
 rent , liberet , atque ubi hunc scopum obtinere
 sponte non posset , medicum vel per idonea ad
 hanc rem remedia , vel per artificiales sanguinis
 detractiones naturæ succurrere debere . Immo si
 anima scopum suum in excretionibus ejusmodi
 obtinere non possit , ipsam haud raro extrema
 quæque tentare , & non solum vehementissimos
 dolores , ac speciatim arthriticos , rheumaticos ,
 podagricos vel hypochondriacos , atque convulsio-
 nes , sed ipsam quoque epilepsiam haud raro in-
 ducere , ea intentione , ut corpus ab imminente
 gravi noxa liberet . Speciatim vero multos morbos
 capitis , ut cephalalgiam , ophthalmiam otal-
 giam , odontalgiam , tonsillarum & faucium in-
 flammationes sæpe oriri , quando anima abundan-
 tem sanguinem per nares expellere studeret ; spiran-
 di vero difficultatem , pleuritidem & peripneumo-
 niam , si per pulmones , & dolores hypochondrio-
 rum , colicos , cardialgiam , lumborum , intestini
 recti & hæmorrhoidalium venarum dolorem ,
 quando vel per ventriculum , renes , aut intesti-
 num rectum se a nimia copia sanguinis liberare
 tentaret . Verbo : omnes actiones in corpore con-
 tingentes , tam animales , quam naturales & vi-
 tales , in statu secundum & præter naturam ab
 anima dependere volunt , animamque sic actio-
 num omnium auctorem esse statuunt ; ita , ut
 quoties dolores , inflammationes , convulsiones ,
 pro-

6. Itaque *Medicina Mechanica præstantiam præ Scopus Stabliana*, cum in speculatione sive theoria, quam differ- vocant, tum in praxi, sive medendi ratione hic tatio- demonstrare sive evincere conabor.

7. Quod igitur ad theoriam attinet, dissertationis limites non permittunt, ut ad omnes & singulas ejus partes me extendam, sed sufficiat mihi anima primaria quædam ejus capita tantum excutere; & omnium quidem primo, dum perhibent, animam omnium actionum naturalium & p. n. in corpore humano esse auctorem, hoc revera probare hæcenus nondum auctor. potuere: adeoque in veteres labyrinthos & occultas qualitates, quos CARTHESIUS & Mechanici tam diligenter e Medicina hucusque expurgare studuerunt ac commendarunt, rursus incidunt, juvenesque Medicos inducunt. Sed antequam hic ulterius pergam, moneo, hanc dissertationem revera non altercandi causa conscriptam esse; sed ut in veritatem, sine præjudicatis opinionibus, rebus in utramque partem probe perpenſis, serio inquiram, lectoribusque a præjudiciis liberis postea judicandum relinquam, an non Medicina mechanicis principiis utens præstet Stabliana.

8. Quando igitur unusquisque animo a præjudiciis libero animam suam explorat, atque ex ea quarit, an corpus suum struxerit? anima solertissimis etiam hanc ob rem institutis meditationibus, hujus actionis nulla ratione recordari, adeoque etiam profecto ab ea hoc factum demonstrari non potest. Nam quia anima est substantia cogitans, scire deberet, quid fecerit, & adhuc faciat. Sed objicere possunt, hominem, quando eum ad statum sive ætatem pervenit, quo anima ad judicandum rite idonea est, viginti, & plures forte annos præterisse, animamque tam longa annorum serie earum rerum oblitam esse, quas in prima generatione corporis sui peregerit; interea tamen verum esse, quod anima corpus suum construat.

Aruxerit , quia hoc aliter concipi non posset ,
Verum respondeo , dum anima harum actionum ,
 quæ ad corpus humanum ex tot minoribus parti-
 bus , machinis & visceribus constans , extruend-
 um requiruntur , sibi non amplius conscia est ,
omnes prudentes etiam incertos manere , an hæc sen-
tentia & primum Stahlianæ doctrinæ postulatum
verum sit . Prudens vero Medicus & Philosophus
 nihil in rebus naturalibus pro vero aut certo assu-
 mere debet , ut jam dictum est , nisi quod vel ex-
 perimentis vel sensibus verum ac certum esse ; si-
 cuti apud mechanicos usitatum est , cognoverit ;
 alias enim incertis fundamentis semper fluctuat ,
 atque incerta ratiocinia , & conclusiones superstruit ;
 quæ , cum fundamenta adhuc dubia aut falsa sunt ,
 & nonnisi hypotheses , etiam vero esse vix possunt
 (a) ; adeoque , quicquid postea ex hoc fundamen-
 to ratiocinantur , non nisi incertum & dubium ma-
 net , quod animo vero cupido , qui clare , distin-
 cte & certe res scire amat atque satagit , nulla
 ratione satisfacit ; alios autem , qui de vero non
 sunt adeo solliciti , aut ad verum indagandum
 inepti , quemadmodum quamplurimos esse homi-
 nes ingeniosissimus CARTESIUS quam verissime
 jam docuit , (b) incertos relinquit , qui dicta
 STAHLII ejusque asseclarum de animæ potentia
 in corpore suo formanda , aliaque similia arri-
 piunt ; dum ea tanquam vera assumunt , licet ve-
 ritatem eorum demonstrare nequeant , adeoque
 & ipsi de veritate earum convicti non sint , ea-
 que ut articulos fidei credunt ; id quod autem
 cordato ac prudenti Medico atque Philosopho in-
 dignum esse , & præstantiores Medici , & Philo-
 sophi a tempore CARTESII uno quasi ore confessi
 sunt

(a) Vid. Oratio mea de Hypothesium medicarum sal-
 lacia ac perniciæ . Altorfi A. 1710. jam a me vulgata .

(b) In Præfat. ad Meditat. de prima Philosophia .

sunt & adhuc continentur . Conf. scripta acutissimi Philosophi VVOLFII , aliorumque præstantissimorum recentiorum & Philosophorum & Medicorum .

Stahlii 9. Sed fingamus , licet non concedamus , *animam* tanti negotii actionem oblitam esse , tamen *hypotheses* ex multis aliis actionibus , quæ quotidie adhuc in *uberius* corpore nostro contingunt , quam manifestissime *perpenduntur* demonstrari potest , eas ab anima non perfici , immo ne quidem dirigi , dum earum nullo modo sibi conscia est . Actiones , quæ in corpore humano contingunt , ab antiquis jam in animales , naturales , ac vitales distributæ sunt , atque animales dictæ sunt eæ , quæ secundum animæ voluntatem in corpore nostro fiunt ; quales sunt motus voluntarii , quum plerasque corporis nostri partes pro lubitu & ad nutum animæ movere possimus : ex quibus manifeste apparet , animam hos motus perficere , dirigere , eosque ad voluntatem hujus inchoari , continuari , augeri , accelerari , retardari , aut etiam omnino rursus sisti posse . Altera pars actionum animalium corporis humani sunt sensus nostri : quos etiam ab anima nostra dirigi tam clarum , certum atque perspicuum est , ut actum agerem , si hoc uberius hic probarem , præsertim , cum vix aliquis hac de re vel unquam dubitavit , adeoque *Mechanici cum Stahlianis* egregie hic conveniunt , iisque concedunt , actiones , animales dictas , ab anima perfici & dirigi ; licet qua ratione anima in corpus , & corpus rursus in animam agat , definiri certe hætenus a nemine potuerit .

Quas 10. De actionibus vero vitalibus & naturalibus *actio-* alia res est : Dicuntur autem actiones vitales & *nes a-* naturales nostri corporis eæ , quæ ad vitam & *nima* naturam , h. e. fabricam corporis nostri conservandam *non per* inserviunt : ut exempli gratia actio cordis & inde *ficiat* . pendens circuitus sanguinis per vasa corporis , digestio sive concoctio alimentorum in ventriculo & intestinis , nutritio , vegetatio , secretiones omnium *liquor-*

liquorum in corpore nostro , ut *urinæ* , *salivæ* , *bilis* , *genituræ* aliorumque , quos brevitatis studio hic prætermitto . Hæ actiones a Medicis antiquis haud sine ratione , & ni fallor , propterea ab animalibus distinctæ sunt , quia probe perspexerunt , *probari non posse* , eas ab anima provenire , aut dirigi , *sed sponte* , anima de iis ne quidem cogitante , fieri . Verum , hoc non obstante , *Stahliani* tamen contendunt , eas etiam ab anima & oriri , immo & summa cum prudentia dirigi . Sed si hoc ita probare debent , sicut sapientes id hodie desiderant , nimirum ut certe demonstretur , non possunt , vel saltem huc usque non potuerunt . Nam si quilibet prudens cum anima sua serium ac severum init consilium , an has actiones , *vitales* , scilicet & *naturales* , perficiat ac dirigat , profecto earum neque conscia est neque reminisci potest , se eas unquam perfecisse ; licet hæ actiones in corpore nostro continuo fiant ; adeoque an eas perficiat ac dirigat , necessario etiam scire deberet : sed ne sapientissimi hætenus homines hoc cognoscere potuerunt . At contrarium potius patet ex eo , quod anima per voluntatem suam actionem cordis , *ventriculi* , *hepatis* , *renum* aliarumque actionum naturalium ne quidem vel minimum vel per momentum accelerare vel retardare possit ; verum omnes has partes actiones suas , ut *automata* , nimirum horologium quoddam , mola , vel aliæ machinæ artificiales perficiunt , quæ per solam hominis cuiusdam voluntatem absque adhibita vi externa actiones suas non mutant , neque accelerant , neque retardant ; sed prout fabrica sive mechanica constructio eorum motus regulari modo perficitur & dirigit , continuo agunt , donec ab alia causa aut vi id impediatur . Ergo hæ actiones , quia ab animæ voluntate mutari non possunt , ab anima quoque non dependent , adeoque ab ea etiam nec fiunt ; nec diriguntur .

Stahliani 11. Dum autem Stahliani volunt & docent, has actiones ab anima institui ac dirigi, illud vero probare non possunt, & anima ipsa hoc cognoscere nequit, quamvis summo studio in id inquirit, quid aliud hoc est, quam animæ qualitates occultas, præstantioribus Philosophis adeo exosas, & præjudicatas opiniones pleno agmine in Medicinam rursus inducere, atque discipulis sine sufficienti ratione credendas obtrudere? Sed de his hodie quam maxime valet, quod CICERO quondam de opinionibus præjudicatis dixit: (a) *Tantum opinio præjudicata poterat, ut etiam sine ratione valeat.* Nam multi, quia tam sæpe a Doctoribus suis audiverunt vel adhuc audiunt, animam actiones omnes corporis perficere, hoc tandem credunt, neque ipso in præjudicium de veritate hujus rei incidunt; quamvis hoc numquam sufficientibus rationibus probatum sit: sine quibus tamen nihil in rebus naturalibus & medicis vel credendum vel admittendum.

Mechanici 12. Contra *Mechanici Medici* nihil pro certo aut vero assumunt, nisi quod sensibus vel experimentis certis, aut ejusmodi ratiociniis ac demonstrationibus, quæ certo convincunt, adeoque demonstrationum vim obtinent, probatum est. Assumunt autem omnia ex omnibus disciplinis & sectis, quæ vera esse demonstrata sunt; assumunt, quod fabrica corporis humani, tamquam machina artificiosissima hydraulica, sive automatum ex solidis & fluidis, quemadmodum anatome docet, mirabiliter a Deo constructa sit.

13. Nam *solida*, aut *vasa humores coercentia* sunt, aut *instrumenta sive organa* aut *machinæ* certo ratione constructa, in certum finem sive usum sic facta, figurata & connexa, sicut divus ille Medicus

(a) Eib. De Nat. Deor. I. Cap. V.

dicus Mechanicus BOERHAVIUS quam rectissime scripsit, (a) ut ex singulari hac fabrica, quælibet pars instructa est, determinati motus & actiones, sicut in aliis machinis exerceri queant, si causa movens accedit. Deprehenduntur enim in nostro corpore, pergit, fulcimenta, columnæ, trabes, propugnacula, tegumenta, hypomochlia, cunei, vectes, trochleæ determinantes, funes, prela, folles, cibra, filtra, canales, alvei, receptacula; quibus vero a BOERHAVIO indicatis machinis nostri corporis merito adhuc addi possunt siphones, antliæ, valvula, forcipes, forfices, mola, pistilla, mortaria, infundibula, tympana, camera obscura, machinæ acusticæ, similesque res aliæ, quas omnes legibus mechanicis agere atque non nisi per eas rationali modo explicari posse & ratio docet, atque a modo laudato BOERHAVIO, aliisque supra §. 2. laudatis auctoribus, itemque a celeberrimo Philosopho VVOLFFIO (b) & SCHREIBERO (c) rerum physicarum & mathematicarum expertissimis, satis demonstratum esse existimo.

14. Fluidæ vero partes intra solidas in corpore Quohumano continentur, atque in iis, quamdiu vivimodemus, jugi modo a corde & arteriis moventur, in studiæmotu hoc per vasa & canales determinantur, varie miscentur, separantur, mutantur, vasa cum nexis instrumentis movent, horum parietes atterunt, mutant, restituunt, fiuntque hæ actiones juxta leges hydrostaticas, hydraulicas & mechanicas, ideoque & juxta has, si quid certi de iis scire volumus, ultimo exponi debent: ita tamen; ut accuratissima simul ratio habeatur naturæ uniuscujusque humoris specialis & actionis eius, prout per omne genus experimentorum (physicorum

(a) In Institut. Med. §.40. (b) Lib. de usu partium corporis humani & animalium, aliisque in locis. (c) In elementis Medicinæ physico-mathematicis.

rum præsertim & chemichorum) innotescere potest , sicut quam rectissime præstantissimus docuit BOHERHAVIUS . (a)

15. Ut vero ad specialiora quædam nunc transeamus , *quæ mechanici Medici in Physiologia sive usu partium explicando præstiterunt præ Stahlianis* , consideremus , quæso , paucis quam doctè STENO de fabrica & actione musculorum egerit , *in Physiologia* (b) quam mirifice Joh. Alphons. BORELLUS motus musculorum negotium , tam in homine , quam animalibus , *secundum mechanicam leges exposuerit* . (c) & quos mechanicos usus & actiones ossibus & ligamentis eorum hac in re tribuerit , quæ sane a rerum peritiis sine stupore atque admiratione legi vix possunt , præsertim cum Dei sapientiam summam in corporis nostri constructione , ad motus , & actiones multivarios , in usus corporis nostri quamplurimos , quam commodissime , quam constantissime & optime præstandos , quam evidentissime demonstrent ; quæ profecto a Stahlianis tam solide nusquam expositaprehendimus . Quam eleganter STENO , MALPIGHIIUS , BELLINUS , HEILIUS , HARTSOEKERUS , MICHFLOTTUS *secretionis negotium* exposuerunt . Quam pulchre LOVVERUS & BORELLUS *actionem cordis* ex mirabili sua musculoſa fabrica explicarunt . Quis enim mirabilis circuitus sanguinis rationes rite comprehendet , nisi qui *ex admiranda structura cordis* , arteriarum distributione & elastica fabrica , venarum situ sive cursu earumque valvulis , pulmonum & thoracis vera constitutione (d) & ex ma-

[a] In Instit. Medic. §. 41. & deinde passim in aliis locis . (b) In specim. myologiæ , itemque in libro de musculis & glandulis . (c) Libro doctissimo de motu animalium . (d) Hæc omnia ex anatome cognita hic desideramus , quia nimis prolixum foret , ea hic describere .

mathematicis hydrostaticas, & hydraulicas leges perceperit? Cor enim est musculus cavus, ejusque fibræ musculosæ magno artificio ita sunt contortæ, ut præli vel siphonis in modum sanguinem magno impetu in arterias expellant (a). Arteria autem sunt canales conici, robusti & elastici, quæ ob hanc suam fabricam sanguinem, & corde susceptum, ex ampliori per angustiores semper & tandem angustissimum diametrum, reciproca cum corde actione in omnes partes, & tandem in venas propellant, quæ quoque canales membranacei & conici sunt, sed inversi, ita ut sanguis in iis ex angustissimo diametro semper in ampliorem influat; adeoque ille sanguis, qui primas & maximas earum angustias superavit, postea in amplioribus viis vix hæere queat. Atque hunc motum in venis, præsertim brachiorum atque infra cor positæ promoven-
vent multæ in eis conspicuæ valvula semilunares, membranaceæ, a FABRICIO AB AQUAPENDENTE primum & elegantissime delineatæ: quæ mirabili mechanica ratione impediunt, ne sanguis in partibus infra cor, ac præsertim pedibus & brachiis pendentibus relabatur; sed dum a corde per sanguinem arteriosum semper urgetur, faciliiori ratione ascendat. Præterea per arteriarum & venarum ordinatam distributionem per corpus fit, ut sanguis e corde projectus, non temere hinc inde, sed per determinatas vias, ad determinata loca & partes, sursum & deorsum feratur. Quidnam autem est, quod cordis actionem in circumpellendo sanguine per arterias & venas elegantius illustrat ac docet, quam siphon & prælum, machina vulgatissima,

(a) Sicut eleganter hoc demonstravit LOVVERUS Lib. de Corde, BORELLUS Part. II. de motu animal. Cap. V. propos. 50. & seq. BELLINUS de motu cordis, LANCISIUS de corde, aliique.

ma? quando liquores per canales propellunt? *Quid respiraticnis modum* planius exponit, quam *follis?* qui dilatatione laterum suorum aerem per tubum per eundem rursus expellit, sicut quam ingeniosissime id exposuerunt, BORELLUS, MAYOVIVS, BERGERUS, BOERHAVIVS, HAMBERGERUS, alique: nam in corpore habemus organa maxime mirabilia, diaphragma præsertim aliosque musculos quamplurimos, respirationi dicatos, (a) per quæ thorax, dum costæ ab ipsis elewantur, diaphragma vero descendit, dilatatur in inspiratione, sed in expiratione, dum diaphragma ascendit, costæ autem descendunt, constringitur: ut sic per *tubum pulmonis*, *arteriam asperam* intelligo, aer pulmonem, ut in follem, ingredi, & ex eo rursus egredi possit.

*Hoc
uberius
exponi-
tur.*

16. Quis *visus*, quis *auditus rationes* mirabiles exponere potest, nisi qui ex anatome harum partium mechanicam fabricam, ex optica vero, catoptrica, dioptrica & acustica, artibus matheseos in arte salutarì utilissimis, *camera obscura* & *tubis acusticis* radiorum visibilium & sonorum naturam; refractionesque, & reflectiones eorum probe didicerit? *An non glandula* & viscera nostra, ubi secretiones certorum humorum, & quidem modo tenuiorum modo crassiorum fiunt, *vera cribra* & *filtra pharmaceutica*, per quæ tenuiora a crassioribus separantur, repræsentant? *Valvule cordis* & *triangulares* & *semilunares regressum* sanguinis per eam viam, per quam venit, tam mirabili mechanica ratione impediunt, ut in machinis humanis tam apte hoc vix unquam factum sit. *An non in ventriculo*, *vesica urinæ* collectioni destinata, *vesicula*

(a) Qui videri possunt in compend. meo anatom. §. 330. aliisque in recentioribus scriptis anatomicis.

ficula fellis, vesiculis seminalibus, & similibus *vera habemus receptacula*, in quibus varii liquores, ob certas causas aut ad certos usus, per certum tempus, quasi in receptaculis hydraulicis, asservantur. Quam eleganter *dentes nostri* in ore, & præsertim anteriores, *cuneos*, quam egregie maxillæ *forcipem*, aut etiam certo modo *forcem*, qua cibos discerpimus aut discindimus, repræsentent, atque revera etiam constituent, olim in dissertatione de *masticatione* (a) demonstravi. Immo eandem *maxilla cum dentibus* certa ratione *mortarium cum pistillo*, sed sic exhibent, ut superior maxilla constituat corpus resistens sive mortarium, inferior autem pistillum, quo cibi in ore, quasi in mortario, conteruntur ac comminuuntur; immo & eorum similitudinem *cum mola* Antiquissimi una cum Scriptura sacra jam cognoverunt (b): unde etiam *posteriores dentes* jam dudum *molares*, anteriores vero ab usu incidendi ad modum forcipis, *incisores* dicti sunt. Denique in *faucibus*, speciatim in œsophago & capite hujus pharynge dicto, aptissimum conspicimus *infundibulum*, per quod deglutienda, præsertimque potio, quasi per *infundibulum* in dolium vel lagenam aliudve receptaculum, quod ventriculus hic est, demittitur. Tandem os, fauces & præsertim *larynx* cum pulmonibus *nobile organum musicum pneumaticum*, cui simile in artificialibus non existit, constituunt, sicut varii, qui de voce & loquela scripserunt, egregie demonstrarunt. (c) *Quæ omnia sane*, nisi me omnia fallunt, *mechanismum & actiones me-*

b cha-

(a) Quæ Altorfii 1711. prodiit in 4. (b) Vid. Ecclesiast. c. 12. v. 3. (c) Vid. DODART. in act. Acad. Reg. Paris. An. 1700. VVEDEL. & SCHEHAMMER diff. de voce, AMMAN. de loquela.

chanicas in corpore humano, adeoque & præstantiam Mechanicorum in physiologia præ Stahlianis, abunde demonstrant.

In actionibus animalibus Mechanici cum Stahlianis conveniunt. 17. Sed obijciunt Stahliani, hæc omnia tamen moveri & agi ab anima, atque sine concursu vel directione animæ non fieri, quemadmodum in mortuis post excessum animæ omnes prædictæ actiones cessarent. Sed respondeo, *distinguendo primum probe inter actiones animales, vitales & naturales*. In actionibus animalibus, sive iis, *quæ ab anima voluntate dependent*, Mechanicos (saltem plerosque) ut jam dictum est, cum Stahlianis amice conspirare, opinor, atque ratione causæ efficientis cum ipsis prorsus consentire, quod scilicet ab anima dirigantur, eaque auctor earum atque director sit: quia hoc sensibus obvium atque manifestum est. Sed quando causam instrumentalem, ut vocant, consideramus, nullus profecto actionum animalium, motuum scilicet voluntariorum, organorumque sensuum idoneam explicationem adhuc dedit, aut dare forte unquam poterit, nisi eorum instrumenta, ut organa mechanica considerabit, & earum actiones secundum has leges explicabit: adeoque quoties Stahliani recte de actionibus animalibus sive voluntariis disserere volunt, mechanicam partium structuram & agendi rationem vel inviti in auxilium vocare coguntur.

In naturalibus vero dissentiunt. 18. Verum ut in his est concordia, sic e contrario in actionibus vitalibus & naturalibus explicandis tanto major inter ipsos est dissensus: dum Stahliani has quoque ab anima produci, dependere & dirigi statuunt, ut supra jam §. 4. & seq. dictum est; Mechanici vero hoc cum antiquis prorsus negent; quia anima de excitatione, aut directione harum actionum, sicut §. 7. & seq. ostendimus, nihil scit, nihil cognoscit, nihilque in iis mutare, hoc est, eas neque accelerare neque re-

tardare sua voluntate ulla ratione & ne per momentum quidem temporis potest.

19. Qua ratione igitur Mechanici hæc actiones fieri existimant, dum animæ nullas partes hic dare volunt, dicam. Evicimus non solum jam supra, & anatome, opinor, omnes attentos & a præjudicatis opinionibus, liberos facile convincet, corpus nostrum esse artificiosissimam machinam hydraulicam, ex diversis machinis minoribus, vasis, canalibus, & ductibus, certos liquores vehentibus, ita conflatum, ut solida fluida, fluida vero solida reciproca actione moveant ac propellant, & ut una semper pars per communicationem & nexum cum altera, ope vasorum præsertim & nervorum, alterius actioni succurrat, atque sæpe plures ad unam actionem perficiendam, instar automati, horologii vel molæ concurrant. *Demonstrat hoc*, (ut exemplo uno alterove rem illustrem & extra justæ dubitationis aleam ponam) *concoctionis ciborum negotium*: quod non solus ventriculus, ut haud pauci imperiti existimant, perficit; sed ad illud conficiendum primo manducatio in ore facta, deinde omnes glandula salivam secernentes juxta os, in ore, in faucibus & œsophago consistæ concurrunt, ac præterea intestina, præsertim tenuia, glandula pancreas dicta, hepar & lien, suum quoque Symbolum conferunt, quemadmodum hoc a Physiologicis recentioribus unanimi consensu probatum est, neque forte vel ab ullo prudentiorum Stahliautorum negatur. Ita bilis præparationem non solum hepar præstat, sed lien, intestina, mesenterium, omentum, aliæque partes in unam hanc actionem amice conspirant: id quod etiam vix ab ullo prudenti hodie in dubium vocatur, atque a BOERHAVIO in Institut. Med. eleganter demonstratum est.

20. Sic ad cordis actionem, quæ primaria est vitæ nostræ, cerebri, sive rectius cerebelli concursus sive adjumentum & quidem per nervos, qui a cere-

Quid
Mecha
nici de
his sen
tiunt.

Quo
modo
cordis
actio
pera
gatur.

cerebello ad cor excurrunt , requiritur ; quia his resectis vel ligatis in animali vivo cordis motus atque ita pendens vita desinit , quod quamplurimi etiam probarunt , inter quos unicum rursus BOERHAVIUM nunc tantum nominare volo .
 (a) *Ad cerebelli autem actionem præstandam requiritur communicatio cordis cum cerebello per arterias , per quas ad cerebrum & cerebellum sanguis tenuissimus per leges mechanicas devehitur , sine quo actio cerebelli nulla est , & animalis vita quoque perit . Probant hoc vulnera , per quæ sanguis ita profunditur , ut ad cerebrum nullus amplius pervenire queat . Quemadmodum vero ab influxu sanguinis ex corde in cerebrum sublato actio cerebri & cerebelli tollitur ; ita ex influxu alicujus liquidi subtilissimi ex cerebello per nervos ad cor impedito aut sublato , quod vulgo liquidum nerveum sive spiritus appellamus , tollitur motus cordis , atque inde mox subsequitur mors . Quamdiu autem hoc commercium inter cor & cerebrum saluum sartumque conservatur , tamdiu observamus actionem quoque cordis & cerebelli perdurare ; quæ partes , ut causæ sociæ , reciproce se invicem juvant , se invicem conservant , & sic automatæ præcipuum nostri corporis , quod sine animæ directione movetur , & artificiosissimum , PERPETUUM MOBILE , ut vulgo dicunt , quale vel præstantissimi adhuc Mechanici perficere nondum potuerunt , constituunt , in quo cor per sanguinem ad cerebellum propulsum actionem hujus , secretionem scilicet liquidi illius subtilissimi præstat ; cerebellum , contra , per nervos hoc liquidum continuo rursus ad cor demittit , ejusque ope motum cordis singulo ejus pulsu instaurat , & quamdiu animal vivit , conservat , atque*
sic

(a) Vid. ejus Institut. Med. §. 401.

c hoc perpetuum mobile , quod stupenda prorsus actione per centum sæpe annos , sine ulla interruptione , constanter noctes diesque movetur , centies fere millies singulo die pulsat , atque sic vitam hominis reliquasque omnes actiones in corpore conservat ; (a) ad quos motus nullum principium immateriale sive anima requiritur ; sed hi motus ob solas corporeas atque mechanicas illas rationes fieri possunt . Ut vero hoc aliquo simili illustretur , placet producere mola exemplum , in qua videmus rotam maximam , quæ ab aquæ motu , aut lapsu movetur , reliquas rotas interiores & minores , una cum ingentibus lapidibus molaribus movere , subjectumque frumentum comminere , idque tamdiu fieri , quamdiu mola machina est integra & affluxus aquæ moventis non deficit . Quemadmodum vero illas rotas & lapides ab affluente aqua moveri videmus , sine animæ alicujus directione ; ita & quandiu ille affluxus spirituum sive liquidi cerebelli in cor non desinit , tamquam in machinam , quæ apta est ab hoc liquido moveri (quia via huic liquori per ligaturam præclusa mox desinit moveri) atque machina corporis integra est ; motus ille cordis conservari & quam diutissime , ut dictum est , instar perpetui mobilis continuari sæpe solet .

21. Sic eadem ratione rem se habere Mechanici statuunt in aliis visceribus , quorum actiones per se fiunt , atque animæ voluntati non sunt subiectæ ; verum quæ inscisa & non advertente anima , & ubi anima nihil mutare , actionesque accelerant . Quo-
modo
aliæ
actio-
nes na-
tura-
les .

b 3

re,

(a) Hoc non modo in compend. anatom. §. 261. ubi de motu cordis egi , sed & postea uberius VVACHERUS in diss. de vera perpetui mobilis in homine vivo idea , sub præsidio Fr. HOFFMANNI , Haïæ 1731. edita , exposuit .

re, neque retardare potest, contingunt, adeoque automaticæ sunt: quales, ut supra jam diximus, sunt viscerum concoctioni ciborum famulantium, glandularum aliarumque partium, ubi secretiones variorum in corpore humorum perficiuntur, actiones: ut hepatis, renum, testiculorum, ventriculi, mammarum, &c. ex quibus exempli loco unicam modo partem ob prolixitatem nimiam hic vitandam, paulo intimius considerabimus, & quidem nominatim ventriculum, concoctionis organum primum.

Specie 22. Huius actionem, concoctionem scilicet ciborum, animam pro lubitu neque accelerare neque retardare posse, sicut de corde diximus, experientia loquitur; interea tamen ventriculus sanus intra certas horas certam alimentorum assumptorum copiam concoquit, digerit, & in fluidum, quod chylum vocant, resolvit, eadem fere ratione, ut mola intra certum temporis spatium, certam frumenti copiam conterit & in farinam resolvit. Nullus adeo demens est, qui credat animam esse, quæ actiones molæ bene fabricatæ & semel in motu constitutæ, dirigat, quia tam ordinate hic omnia procedunt, sicut in horologio; sed potius vel rustici agnoscunt, hæc omnia, quæ mola perficit, ob mechanicam fabricam, quam habet, ita fieri. Quapropter etiam opus non est, ut in corpore humano, quod machina est longe excellentior, quam mola aut horologium, aliter de ejusmodi actionibus spontaneis sive automaticis, quales digestio & secretiones sunt, sentiamus & judicemus. Nam ventriculus ob fabricam & figuram, quam habet, aptum receptaculum præbet alimentis assumptis, eisque, quantum satis est, retinendis; humores dissolvendi potentia præditi ex ore, œsophago & ipsa ventriculi substantia continuo in cavum ejus influunt, aut potius sub tenuissimi vaporis specie, dum copiosissimis vasis sanguiferis & nervis instructus est, per quæ ope pul-

pulsus cordis & arteriarum propelluntur, exhalant, ut sic tanto melius ac facilius in subtilissima interstitia assumptorum sese insinuare, atque sic ipsorum resolutionem efficere possint. Aer, qui in foraminulis assumptorum hærebat, dum deglutiebantur, jam a calore ventriculi & vicinorum vim suam elasticam innatam exercet, atque alimenta, liquore calide in ventriculo semper tota ac macerata, sensim molliora fiunt, atque ab aere in foraminulis eorum contento, tanto facilius jam dissolvuntur. Quando denique ad hæc omnia adhuc accedit alterna ipsius per tunicam suam musculosam vegeta constrictione & relaxatio atque sic perpetua conquassatio, ut & motus ac pressio partium vicinarum, diaphragmatis præsertim ac musculorum abdominis, utpote a quibus, maxime quando homo in exercitationibus corporis versatur, concutitur, digestionem, sive resolutionem ciborum, cum primis antea in ore bene manducatorum, solis his recensitis physicis ac mechanicis causis perfici posse, immo etiam revera fieri, non est, quod dubitemus, & quidem sine ullo animæ concursu; dum omnia, quæ hic fiunt, ex causis, ut dictum est, mere physicis & mechanicis, sicut in mola aut horologio bene constructo, fieri possunt, atque revera etiam fiunt. Quam enim ob causam anima hic concurrere debeat, tanquam res quasi supervacanea, non percipio. E contrario Dei sapientia in fabrica corporis nostri tam magna & mirabilis est, ut teste GALENO (a) aliisque prudentioribus, nihil ad finem destinatum obtinendum in eo vel deficiat vel abundet.

23. Quemadmodum verò Mechanismi veritatem ratim in præcedentibus demonstravimus, ita etiam haud in aliis difficile hoc esset de organis, & partibus reliquis, actionibus secretionibus, vegetatio, nutritio, aliæque actionibus

b 4

nes natu-
ræ

(a) Lib. de usu partium & Wolffius de finibus rerum. bus.

nes naturales , *animæ imperio haud subjectæ* , in corpore humano *contingunt* , quoque demonstrare ; verum quia nimis longus fieri cogerer , lectorem ad BELLINI scripta , itemque ad BOERHAVII vel HOFFMANNI Physiologiam , KEILII libellum de *separatione fluidorum in corpore animali* , aliosque supra laudatos Auctores ablegamus , ubi hæc res ex mechanicis fundamentis satis mihi evicta esse videtur , ita ut Medicinæ Mechanicæ , præ Stahlianis in Physiologia nondum probatis principiis , præstantia satis cognosci queat .

*Speciatim ratione vegetatio-
nis .*

24. Unicum solum ratione *nutritionis & vegetationis* hic adhuc addam phænomenon , quod Stahlianæ doctrinæ quam maxime est contrarium : nimirum , quod si nutritio & vegetatio corporis esset in animæ potestate , atque plerorumque hominum animæ corpus suum magnum , venustum ac robustum desiderant , sequeretur plerorumque corpora etiam magna , venusta ac robusta esse ; verum quantopere etiam anima fere uniuscujusque hominis hoc desideret , tamen plerique ad illam magnitudinem & formam , quam anima ipsorum maximo desiderio vult , desiderat , exoptat , non perveniunt ; sed plerique minores , minus obesi & venusti manent . Immo è contrario in quibusdam regionibus multi exoptant , ut minores manerent , quam sunt ; verum , anima etiam reluctante , majorem proceritatem quam desiderant , acquirunt ; unde patet omnia hæc fieri contra animæ voluntatem & non secundum eam , adeoque & vegetatio & nutritio ab animæ directione nullo pacto procedunt .

*Stahlianæ
sententia S.
S. contraria .*

25. Denique sententia Stahlianæ ; quod vegetatio , nutritio & incrementum corporis ab animæ directione & voluntate proveniant , ipsi sacræ Scripturæ , quod nullus , quantum novi , adhuc notavit , aperte est contraria . Stahliani enim dicunt , animam struere corpus , animamque vegetatio-

nem & nutritionem ejus perficere ; Christus vero ait , (a) neminem stature suæ cubitum addere posse . Ergo dum hoc ultimum quam verissimum esse novimus , non solum , quia os veritatis hoc dixit , verum etiam , quia id experientia omnes didicerunt , sequitur , Stahlianam sententiam tanto magis hic falsam esse , quia & sacra Scriptura & experientia quotidianæ contrariatur .

26. In respiratione autem ; quæ actio est partim *Quomo animalis* , partim *naturalis* , res paulo , aliter sese *do in* habet ; hæc enim animæ voluntate dirigi , accelerari nempe ac retardari potest ; attamen sponte quo *respi- ratione* que , ut automatam , nocte dieque viget , quando dormimus & anima de ea nequidem cogitat . Hoc vero inde fieri plures , & speciatim BOERHAVIUS (b) egregie demonstrant ; quia scilicet organa respirationis nervos , adeoque & spiritus accipiunt partim a cerebro , partim a cerebello , atque si hi tantum agunt , sponte æqualis respiratio contingit ; sin vero illi , scilicet a cerebro prodeuntes , qui animæ famulantur , respiratio etiam voluntaria est , & pro animæ voluntate , in magnos usus corporis nostri , atque in multis actionibus voluntariis , exercitationibus corporis , nisibus magnis , ponderibus gravioribus elevandis , modo accelerari , modo augeri , live profundior ac fortior fieri potest .

27. Unam adhuc haud levis momenti controversiam , quæ inter Stahlianos & Mechanicos intercedit , prætermittere hic non possum , antequam ulterius pergam , quæ est , quod Stahliani rava nervorum adeoque & subtilissimum illud liquidum nervorum sive spiritus , ut plerique illud cum veteribus appellare malunt , HIPPOCRATI partes impectra tum facientes dicti , quod in iis movetur , atque ita Stahlianos .

[a] Vid. Evangel. Matth. VI. 27. (b) In Instit. Med. Cap. de Respiratione .

ira & omnes actiones, usus & effectus], quos Medici alii a longo tempore *cerebro, nervis & spiritibus* adscripserunt, *negent*, eosque omnes usus & effectus, forte ut quam brevissime se semper in difficultatum multarum resolutione expedire queant, animæ adscribant. *Mechanici vero Medici & cava nervorum & liquidum nerveum sive spiritus* admittunt, eosque simul usus & actiones, quos veteres ipsis adscripserunt, quoque tribuunt, atque ab horum legitimo e cerebro & medulla, quæ in spina est, per fibras minimas in partes influxu, *sensum, motum, nutritionem & actiones* harum deducunt. Atque ut brevitatis causa alias demonstrationes jam taceam, quæ a BOERHAVIO (a), Burgravio (b), & me (c), magna satis copia prolata sunt, vel unicam tantum nunc commemorabo, quam Stahliani evertere hætenus non potuerunt, nimirum quod nervo *ligato, sensus, motus & nutritio partis tollantur, quæ eo non ligato in corpore sano vigeant*. Stahliani sensum & motum, qui manifeste per nervos perficiuntur, non spirituum per hos influxui, sed *certa cuidam vellicationi, tensioni aut vibrationi nervorum adscribere velunt*, quam anima in actionibus illis efficeret. Sed præterquam quod hanc tensionem sive vibrationem nullo modo probaverint, neque sensibus percipi queat, non video, quomodo filum, quo nervus aliquis ligatus aut constrictus est, tensionem, vibrationem, tractionem, aut quacumque alia ratione hanc animæ actionem appellare velint, impedire possit. Contra si cum Mechanicis ac veteribus Medicis statuitur, actiones nervorum prædictas fieri per influxum

(a) In Institut. Medic. §. 274. & seqq. (b) De existent. spirituum. (c) In compend. meo anatomico §. 301. quæ ab iis, qui eas adhuc ignorant aut non legerunt, legi ac probe perpendi merentur.

fluxum liquidi alicujus subtilissimi summeque mobilis, clarum erit, quare actiones, & effectus, qui antea a transitu ejus fiebant, nunc iis ligatis. impediuntur aut prorsus tollantur.

Obje-

28. Nec obstat, quod regerant, hoc liquidum subtilissimum nerveum & cava in fibris nerveis conspici non posse; cum sciamus & quam manifestissimum sit, succum valde crassum in vegetabilibus per fibras eorum, quæ revera subtilia vascula sunt, & speciatim per pedunculos, verbi causa cerasorum, prunorum similiumque fructuum, transire, indeque fructus, carnem satis crassam non solum, verum ipsius nuclei duri substantiam, longe adhuc crassiorem, transisse; cum tamen in fibris sive vasculis horum pedunculorum nulla cava æque ac in nervis appareant. Ex effectibus vero, sicut aliis multis in rebus, per certissima ratiocinia de rei veritate dictis in fructibus & nervis æque certe persuaderi & convinci possumus, ac per manifestissimas demonstrationes geometricas alias fieri solet; dum talia argumenta & observationes fortissimarum demonstrationum vim obtinet, iique profecto nimis crasse de spiritibus seu liquido cerebri & nervorum atque cavis horum judicant, qui illud tam crassum, hæc vero tam ampla esse putant, ut oculis conspici queant aut debeant: dum cava vasorum non solum pedunculorum dictorum fibris, verum & in multis rebus aliis, ac præsertim etiam in insectis perexiguis, maxime pedibus ipsorum conspiciere non possumus; ubi tamen ex effectibus, & actionibus eorum, vegetatione scilicet, nutritione aliisque phænomenis vascula & cava in his existentia, quæ liquidum vehunt, revera adesse, quam certissime persuademur.

Alia

29. Unicam vero adhuc superesse video objectionem, quam Stahliani Medicis Mechanicis ob-
jectionem, quam Stahliani Medicis Mechanicis ob-
jicere solent, de primo in corpore humano motore. mo-
Nam dicunt, quamvis etiam partium, quæ fun-
vente.

Etio-

Etionibus naturalibus famulantur, fabrica, organa & aptitudo ad motum certasque perficiendi actiones adsint, tamen quis est, qui motum cordis aspiciatur, adeoque *quisnam est primus ejus motor?* Partes corporeas ad motus inchoandos ineptas esse dicunt, adeoque *neccessario ab anima eos inchoari*, atque deinde etiam, quamdiu vivimus, continuari. Verum respondemus, hoc nullo modo verum esse, quod *corporeæ sive materiales partes, mechanica structura prædita*, per se & sine anima rationali ad motum ineptæ sint, nam hoc *refellunt quam manifestissime automata*, ut horologia, veru, *automatum*, aliæque, quæ vel elateris vel ponderis ope motum inchoant & continuant; hoc *refellunt etiam mola*, quæ vel ab aqua vel vento *moventur*, sine anima rationali, aut alia qualicumque.

Quoniam vero *fœtus rudimenta*, ut in *seminibus plantarum*, faba, verbi gratia, phaseolo, piso, &c. ita & in ovo muliebri, dum DEUS & natura magnam inter plantarum & animalium generationem, ut recentiores Botanici demonstrarunt, [a] *analogiam servat*, existunt; dum ovulum muliebri in concubitu a semine virili fœcundatur, staminibus sive rudimentis ejus hoc ipso motus & vita a parente impertitur; id quod ovuli post coitum intumescencia & incrementum demonstrant; huncque motum postea hac ratione per vim elasticam illorum rudimentorum, quæ fibræ sunt, dum quælibet fibra, quodlibet vasculum corporis animalis vi elastica a Deo præditum est, quam paucis ab imprægnatione diebus *punctum, saliens dictum*, in ovo *incubato ostendit*, (b) ceteraque fabricam me-

[a] Vid. CAMERARIUS de sexu plantarum, VAILLANTIUS de florum structura, van ROYEN de amoribus & connubiis plantarum, itemque LINNAEUS in script. suis botan. (b) Vid. MALPIGHIIUS de ovo incubato, BAYLII Instit. physic. aliique.

mechanicam jam ante imprægnationem præsentem, licet adhuc subtilissimam, sicut forte in minimo, quod existit, insecto, continuat, sensim, quando partes robustiores fiunt, auget, atque tandem ob easdem causas continuat, quamdiu animal vivit & sanum est, sicut id supra §. 20. jam prolixius exposuimus, ita ut ex his satis patere existimem, præsertim, quia hæc res eodem modo in brutis animantibus, ut in homine contingit, nullam animam rationalem ad actiones naturales & vitales vel auspicias vel continuandas & perficiendas necessario requiri; sed ex solis causis mechanicis fieri posse, atque etiam revera fieri; præsertim, cum de anima hoc nullo modo, ut sæpius jam diximus, probatum sit.

30. Sed tempus nunc est, ut ad Pathologiam me conferam, atque etiam præstantiam Medicinæ Mechanicæ præ Stahlia & in hac evincamus. Quoniam autem in Physiologia præter opinionem paulo jam prolixior fui, brevior in Pathologia esse studebo; id quod tanto melius fieri poterit, quia multæ veritates Pathologiæ jam ex præmissis facile demonstrari possunt. Ut exempli causa, quando Stahlia volunt & statuunt, animam humanam rationalem causam esse tam actionum in statu naturali, quam in statu p. n. & speciatim febrium, inflammationum, dolorum, spasmodorum, sanguinis profusionum spontanearum, distensionum nervorum sive convulsionum, relaxationum nervorum, epileptiarum, etsi qui sunt alii, hosque morbos non esse nisi molimina sive conatus, ut vocant, naturæ salutares, quibus noxium & corpore expellere studeret.

31. Verum admodum lubrico & infirmo stare fulcro hanc sententiam, ex eo rursus facile patere arbitramur, quod anima non solum harum actionum, quod scilicet eas excitet, sibi haud sit molimina con-
An morbi sint
 natura
 naturæ.

conscia ; sed e contrario , si in ejus potestate hæ res præter naturam essent positæ , eas potius impediret , aut alia saltem eaque longe securiori & blandiori ratione noxium e corpore , quam molestis illis dolorificis , & sæpe horrendis , ut in epilepsia , ac periculosis actionibus expelleret . Immo si anima rationalis , quam ad avertenda omnis generis vitia & interitum corporis semper intentam esse fingunt Stahliaui , intelligeret aut cognoscere posset mala imminencia , causas eorum maturius & mox in principio , dum malum adhuc parvum est , per consueta corporis excernicula eliminaret , antequam , ut Poeta canit ,

. . . . per longas invaluerit moras .

Verum si animam nostram interrogamus , quando male valemus , an ipsa ejusmodi mala morbi-que præsentis causas cognoverit , præviderit , atque vel febrem , vel inflammationem , vel dolores ; vel hæmoptysin aut epilepsiam , vel alium ejusmodi morbum produxerit , illa hoc negabit ; & numquam in mentem hoc sibi incidisse affirmabit ; immo se causam , vel auctorem esse horum malorum & tumultuum , qui jam nos tam misere affligunt , Stahliaui in faciem negabit , atque injuria ea ipsi , quæ non fecerit , tribui constanter asseverabit .

Et profecto anima rationalis , quæ ens cogitans haud prorsus inepte a CARTESIO appellatur , quia natura ejus non melius , quam per cogitationes nobis innotescit , eamque a corpore hac ratione distinguit , conscire profecto deberet , quid agat , aut quod nuperrime egerit , quemadmodum & aliarum rerum , quas perficimus aut nuperrime adhuc perfecimus , præsertim si ad eas serio attendimus , conscii sumus . Verum quantopere etiam mente ad res has reflectamus , tamen numquam ex ea intelligere possumus , quod hæc faciat , multominus , quod id certo demonstrari queat : adeoque

fun-

fundamentum morborum ac medicinæ practicæ nimis infirmum & incertum præbet, & injuriam ipsi inferunt, dum injuste animæ innocenti tribuunt facta mala, quæ numquam perpetravit, aut perficere voluit, & de quibus antea numquam cogitavit.

32. E contrario sunt quamplurima, quæ hanc Stahlianorum sententiam labefactant, aut potius lianor. prorsus evertunt: quorum speciminis loco nonnulla nunc tantum, ob nimiam prolixitatem evitantia de dam, ex quamplurimis hic proferam, quæ jam o- caussa lim aliquando Medicis ita sentientibus opposui, hamo- (a) Nimirum primo causam sputi cruenti, quod ptysis. hamopyrin vulgo vocant, Stahliani non morbo aut vitio culpando, sed prudenti animæ consilio si- ve decreto adscribunt, ut corpus hac ratione ab abundante & noxio sanguine liberet: igitur animam sperire vel disrumpere vasa pulmonum, atque supervacaneum sanguinem in salutem sui corporis expellere perhibent, ut postea reliquus in vasis sanguiferis & ceteris visceribus commode pro corporis sanitate ac vita conservandis circumagi atque officia sua præstare possit, hacque etiam prorsus ratione de aliis quoque profusionibus sanguinis judicare & sentire solent.*

33. Verum hæc morbi hujus sæpe periculosissimi ætiologia Medicis Mechanicis minime satisfactatur. t, adeoque nec pro vera ab iis assumi potest. Jam primo anima rationalis profecto non rationalis aut prudens, sed irrationalis & stultissima esset dicenda, si in homine, præsertim sapiente (dum facillima ingenia sæpe hoc morbo afficiuntur) sanguinem abundantem expellendum, vasæ pulmonis, visceris adeo nobilis, & ad vitam & nitatē adeo necessarij, tanto cum vitæ periculo per-

(a) In dissert. de morbis adolescentum & juvenum ipocratis, jam Ann. 1722. 4. Helmstadii edita.

perrumperet ; quia inde non raro tanta sequitur sanguinis profusio , ut quandoque una cum sanguine ipsa anima effundatur ; aut ob difficilem disruptorum vasorum visceris hujus , perpetuo in motu constituti , glutinationem , *ulcus sapissime pulmonis sive phthisis* & mors ipsa subsequuntur . E contrario si anima deliberato consilio , ut Stahliani dicunt , & pro arbitrio sanguinem abundantem in corporis sui salutem & conservationem expellere posset , locum , unde nullum , vel saltem non adeo magnum detrimentum esset metuendum , *nares scilicet vel anum* , pro hac excretionem eligeret ; verum hoc hic non fit , *sed per pulmones* , *reluctante etiam anima* , expellitur .

Porro si anima ejusmodi hominis , qui hæmoptysi graviori laborat , aut aliquando laboravit , queritur , an hanc laticis vitalis incongruam evacuationem effecerit ? *ejus facti non modo sibi non est conscia* , verum *potius contrarium affirmat* , omnibusque viribus sanguinis e pulmonibus profusionem periculosam inhibere ac impedire studet . Itaque secundum Stahlianos anima hujusmodi ægri vult & efficit hanc sanguinis rejectionem ; sed si animam sive ægrum ipsum examinamus , an hoc verum sit , *anima hujus hominis hoc negat & eam potius cohibere magnopere adlaborat* . Quomodo itaque anima , in una eademque re , velle & etiam simul anxie nolle , & duo manifeste contraria simul & desiderare & facere possit , cum sana ratione & prudenti ratiocinio nulla ratione convenire mihi videtur ; sed potius a Philosophis omnibusque prudentioribus pro re contradictoria , immo prorsus absurda habetur , quæ in una eademque rationali animali anima simul subsistere haud possit . Immo ausim asseverare , *numquam rationalem aliquam animam de excianda suo corpori hæmoptysi vel solum serio cogitasse* , saltem numquam ejusmodi vidi . Quamplurimi contra sunt & fuerunt prudentissimi homi-

homines atque inter hos etiam Medici egregie docti, qui non modo omni animi contentione, sed etiam remediis quibuscumque præstantissimis sanguinis hanc profusionem e pectore prohibere sibi studuerunt; [quia animæ ipsorum eam valde noxiam & quam sæpissime funestam esse probe cognoverunt;] verum animæ hæc frustra omnibus suis conatibus & actionibus nihil hac in re efficere potuerunt; sanguis enim e pulmonibus; quicquid etiam egerint, prorumpere non cessavit, atque tandem propterea e vita quam maxime inviti decedere coacti sunt.

34. Unde satis patere existimo, animam rationalem non esse causam periculossissimi hujus mali, eique hanc actionem jure nulla ratione tribui posse, si-
cut Stahliani injuste faciunt: dum anima agri longe aliud, immo prorsus contrarium vult & agere conatur; sed aliunde causas hujus mali esse repetendas. Videamus igitur nunc, an Mechanici magis certas ac perspicuas, magisque rationales huius morbi causas reddere valeant; cum Stahliani non nisi causas a ratione & experientia prorsus alienas hic exhibuerint. Scire igitur juvabit, ex prudenti ordinatione divina, ob sufficientem rationem in juvenibus, quibus hic morbus frequentissimus jam ab HIPPOCRATIS tempore observatus est, (a) ut plurimum plus sanguinis confici, quam pro eorum nutritione & conservatione requiritur, ut nimirum materia pro eorum uberiori incremento, sine qua alias eorum corpora ad debitam perfectionem pervenire non possent, præsto sit. Quando vero corpus tandem non amplius expanditur, cibi tamen & potus desiderium in eis, sicut plerumque fieri solet, bene viget, immo hæc ætas ingluviei & voracitati plerumque indulget, hinc a ventriculo & intestinis vegetis ac valentibus plus chyli, atque a ceteris visceribus

(a) Vid. ejus Aphor. 29. Sect. III.

bus bonis ac robustis *plus sanguinis conficitur*, quam ad conservationem eorum requiritur; adeoque copiosior hic chylus & sanguis vasa sanguifera & viscera ac speciatim pulmones, plus justo replet ac distendit, quem statum corporis *plethoram* vulgo appellant, id quod ratio & experientia docent, atque Stahliani ipsi concedunt. Vasa etiam ac viscera molli sanguinis aliquamdiu & sæpe multum cedunt, antequam vasis ruptura aut morbus aliquis inde producat. Sed quemadmodum canales, per quos aquæ ducuntur, vel oræ rivulorum aut fluviorum, vel aggeres etiam circa littus oceani, vel a copia aquarum nimia, vel ab impetu earum, iis præsertim in locis, ubi debiliores sunt, adeoque vi aquarum minus resistunt, perumpuntur, vel foramina quædam canalium minora valdè dilatantur ac prorsus diffringuntur, ut tandem modo minor, modo major aquæ moles ex terminis suis erumpat. Ita nimia sanguinis moles cor, pulmones & arterias vehementius distendens, eas ad fortio rem renixum & constrictionem excitat, aut vehementior ejus a quacumque causa agitatio, qualis esse potest, exercitatio sive motus voluntarius fortior, vini potus largior, salia acria aut bilis acrior in sanguine, vasa, quibus coercetur, in locis debilioribus aut minus renitentibus sæpe diffrumpit, aut foraminula eorum insensilia, quæ poros vulgo vocant, ita diducit, ut nunc minori, nunc majori copia prorumpat. Quod si in pulmonibus contingat, oritur hinc ille morbus, de quo hætenus egimus, nimirum hæmoptysis; sin alio in loco, alia hæmorrhagiæ species: id quod pro partium corporis diversa innata aut aliunde acquisita debilitate, *fortuitum pla-*

Stah- ne esse & non a naturæ Stahlianæ directione, mul-
liani tis rationibus vel observationibus persuademur.

uberi- 35. Nullo enim modo Stahlianis credere hic pos-
us hæc sumus, evacuationem hanc sanguinis per pulmones
ab rem prudenti ac deliberato animæ consilio fieri; verum si
confu- sanguis ibi prorumpit, hoc vel casu mere fortuito,
tantur. ob

ob pulmones in hoc reliquis partibus debiliores accidere, vel externis causis eam adscribendam esse censemus. Ut enim *canales hydraulici*, per quos aquæ ducuntur, & *aggeres fluviorum vel oceani* modo in hoc, modo in alio loco, non certo consilio, sed fortuito, ubi vel natura debiliores sunt, vel ibi, quo impetus aquarum maxime vergit & ubi accola hoc sapius quam minime expectant; ita etiam in corpore humano, ubi partes aut vasa debiliora, ut jam dictum est, sanguinem copia, & impetu vel & acrimonia forte simul urgentem transmittunt. Unde fit, ut in multis per narium vasa erumpat; in aliis per pulmones, tamquam viscus in juventute valde adhuc tenerum ac spongiosum, in aliis per ventriculum, intestinum rectum, vel per urinæ vias, aliave loca profiliat, prout homo forte hanc vel illam præ aliis partem habet debiliorem. Nam verissima esse deprehenditur illa CELSI observatio, [ad quam Stahliani non satis attendunt] magni in Medicina usus, quando scribit: (a) *Neminem facile esse, qui non habeat partem aliquam imbecilem*; adeoque etiam frequentissime observatur, in eis, qui sputo cruento sunt obnoxii, *pulmones vel natura, vel ob causam quandam violentam esse debiles*, atque ut plurimum simul sanguinis abundantiam, ac motum ejus fortiozem, id quod ex florido faciei colore, quem plerumque hi homines, antequam nimis debiles fiunt, præ se ferunt, *agnosci solet*, hic peccare. Ut de causis externis, quæ hæmoptysin producere solent; contusionibus scilicet, lapsibus, saltationibus, vehementioribus aliis motibus quibusque, vociferationibus vehementioribus, vulneribus pulmonis, &c. quæ causæ omnes mechanica ratione agunt, brevitatis causa nihil dicam, utpote, quæ non tantum sputum cruentum producere sæpe solent, verum etiam pulmonibus inde semel debilitatis, efficiunt, ut, curata etiam semel hæ-

moptysi, ex levi causa, ob partem jam debilem, alio tempore facile redeat: *eaque profecto non ob animam in hoc negotio prudentem aut salutarem actionem, sed ob rationes mechanicas indicatas, pulmones scilicet debilitatos, sanguinisque copiam aut impetum sustinere non valentes; unde facile denovo rumpuntur, & malum pristinum redit. Igitur cum causae hic adsint adeo manifestae, physicae & mechanicae, hujus morbi, quid opus est ad incertam, numquam probatam, immo & sanae rationi manifeste adversantes actiones animae confugere, easque tamquam veras eruditis ac discentibus obtrudere velle? Nam revera illa anima, quae haemoptysin induceret, dum loco securiore sanguinem expellere posset, merito pro stultissima esset habenda; quia hoc ipso non sanitatem, sed plerumque interitum corpori procurat. Atque hoc modo quoque de aliis sanguinis profluviiis periculosis, ut vomitu & mictu cruento, sentiendum esse judicamus; quae potius prudentiori modo avertere deberet, si ipsa ejusmodi vim in corpus, qualem Stahliani, ipsi reluctanti & neganti, obtrudere volunt, haberet.*

Fe- 36. Progrediamur nunc ad febrium quoque causam
brium sam ex mente Stahlianorum examinandam. Hanc
caussa quoque nihil aliud esse perhibent, quam conatum
Stah- animae, prudenti consilio noxium, quod ipsa in
liana corpore cognosceret, in eius utilitatem ejiciendi.
impu- Verum febrem inde quam minime deduci posse
gnatur hinc judicant Mechanici, quia anima agri, febri quadam laborantis, neque ante accessum febris aliquid adeo noxii in corpore suo cognoscit, dum quamplurimos aegros inopinato invadit, neque ut plurimum in ipsa febri, quid noxii in corpore sit, aut ubi hæreat, quod eliminandum est, novit. Provocamus ad testimonium, fidem & experientiam omnium eorum, qui vel semel vel saepius febri quadam laborarunt, an anima ipsorum tale quid cognoverit? omnes enim, quos hanc ob rem examina-

minavi , hoc negarunt , animæque ipsorum talis cognitionis aut scientiæ haud erunt conscia . Mirandum esset , si anima noxas tales in corpore suo cognosceret , quare non in principio & citius , quam causâ peccans in talem copiam ; vel in tam malum , ut sæpe fit , morem incretceret , qualis præsertim in febribus malignis observatur , ubi multi fere moriuntur , antequam se agrotare recte percipiunt , leviori minusque periculosa ratione in tempore , hoc est , in primo initio , illud malum e corpore expelleret .

37. Præterea in febribus intermittentibus paroxysmus ægros sæpe tempore quam maxime incommodo invadit , ubi ægri , præsertim Magnates , aut qui his sunt a consiliis vel auxiliis , vel belli Duces , aliique haud raro gravissima negotia expedienda habent . Si ab anima actus ille paroxysmi dependeret , anima prudens vel alia ratione a malo illo se liberare studeret ; vel saltem , si sine paroxysmo negotium hoc expedire non posset , alio eoque magis opportuno tempore , quia in intermittentibus plerumque non adeo magnum periculum est in parva mora , eum institueret , dum ab anima , secundum Stahlianorum sententiam , tota res dependet . Verum ægri , licet hoc quam ardentissime sæpe velint , tamen illud omni animæ vi , conatu & sollicitudine obtinere nequeunt ; sed paroxysmus stato tempore redit , sicut in horologiis stato suo tempore hujus vel illius horæ numeris , secundum mechanicas horologii leges , insistit . Itaque potius ille reditus regularis paroxysmi mechanicas magis rationes , quemadmodum horologium , verum automatum , clepsydra , ut alia similes machinæ , habere videntur , quam animæ directionem ; qua vero de re infra plura . Quomodo enim ab hac oriretur , quia anima hominis libero arbitrio prædita est , ut ille qui sui juris esset , paroxysmum talem eo tempore institueret , quo ipsi minime molestum esset ? Verum hoc animæ suæ voluntate & imperio efficere non valet . Anima

Etiam
in fe-
bribus
inter-
mitten-
tibus .

igitur ejusmodi hominis maximo sæpe ardore ac molimine vult, (quod Stahliani negare non possunt) ut *paroxysmus febris vel omnino avertatur; vel ut saltem in magis opportunum tempus differatur*; Stahliani contra quoque dicunt, animam ejusmodi hominis revera illum paroxysmum, eundemque prudenti deliberatione atque consilio concitare: itaque una eademque anima eodem tempore, secundum Stahlianos, *paroxysmum vult & non vult, id eoque duo contraria in una eademque re & uno eodemque tempore desiderat*, id quod profecto absurdum ab omnibus Philosophis habetur, atque ab una eademque anima prudenti & quidem tam sæpe proficisci posse, nulla ratione verisimile videtur: praesertim cum id fiat, quod anima manifeste non vult.

Ex va- 38. Atque idem absurdum haud adeo difficulter
riis a- ex convulsionibus & epilepsia ejusque horrendis ac
liis in periculosis paroxysmis, itemque ex inflamma-
morbis. tionum, angina, ophthalmia, peripneumonia, pleuritis, apoplexia, vigiliarum involuntariarum, abscessuum, fistularum strumarum, tumorum cysticorum, dolorum, calculorum, suffusionum, herniarum, aliorumque quamplurimorum morborum generatione demonstrari posset; quos omnes tamen Stahliani promiscue ab anima voluntate & prudenti ejus directione in salutem corporis produci perhibent, atque contra omnem sanam rationem credenda tironibus commendant: quamvis hæc sententia, ut sæpius jam monuimus, ab ipsis non solum non probari; sed potius contrarium, sicut modo de febribus earumque paroxysmis diximus, quod scilicet ex mechanicis & physicis causis, vitio scilicet vel partium solidarum vel fluidarum, omnes hi morbi oriantur, & producuntur, facile demonstrari & evinci queat.

Causse febriu 39. Ut tamen veram, aut saltem magis, quam
mecha- Stahlianorum est, verisimilem sententiam de causse
nica in febrium, ex certioribus physicis & mechanicis
dicantur. fundamentis, producamus, ex phaenomenis earum
judi-

judicandum ; atque , cum in omni febris motus cordis atque arteriarum naturali velocior , percipiatur , id quod Stahliani , experientia edocti , concedunt , aliquid præter naturam in febrium generatione in vasa sanguifera adeoque & in cor ingredi , [quod Stahliani quoque non negabunt ,] quo illud , præsertim quia intus sensili tunica investitur , una cum arteriis , ad frequentiores motus excitatur , unde motus sanguinis necessario augetur ; ab aucto vero isto motu , & attritu valorum globulorumque sanguinis inter se oritur (sicut vulgaribus mechanicis experimentis quam plurimis constat) calor auctus , quem præter naturam vocamus ; atque ex hoc postea siccitas oris & faucium , unde tandem reliqua febrium accidentia , ut sitis , dolor capitis , vigilie , anxietates , inquietudines , deliria , aliaque symptomata , immo & ipsa mortis causa haud adeo difficulter deduci poterunt .

40. Quo vero hæc causa febris proxima , quam statuimus , atque ex phænomenis demonstravimus , uberius probetur , consideremus paululum causas febrium nonnullas remotas , ex quibus febres sæpe sequi , experientia , optima rerum magistra , jam dudum docuit . Oriuntur nimirum febres , & intermittentes & continuæ , sæpe post iram , quod forte nemo negat . In ira bilem , quæ liquor est in statu secundum naturam jam sanguine acrior , longe majorem adhuc acrimoniam acquirere , morsus hominum aliorumque animalium ira percussorum , satius evincunt . Quando igitur acrior ejusmodi bilis post iram vehementem , eaque majori , quam par est , copia in sanguinem impellitur , facile concipi potest , quod cor atque arteriæ , partes egregie sensiles , fortius quam alias , atque eodem fere modo irritentur , ac si acre quid in oculos incidit , qui inde in contractiones frequentiores adigitur , quibus anima resistere non potest ; quæ etiam prius haud cessant , quam causa illa irritans rursus ex

Et ubi
berius
proban
tur, præ
mo ex
bile.

oculo expulsa vel ita correcta est, ut stimulare amplius nequeat. Si itaque aliud ejusmodi irritans præter naturam in sanguine herere cogitas, simili ratione cor & arteriæ, aliæque partes sensiles in frequentiores contractiones, etiam contra animæ voluntatem sollicitantur, quæ adeo vehementiores erunt, quo vehementior illa causa irritans est, quæque etiam non prius cessant, quam irritans illud vel correctum & ad blandum morem redactum, vel e corpore eliminatum sit; vel donec ægrum, si corrigi aut expelli non possit, interfecerit. Posse vero bilem aut alios humores acriores partes prædictas in motus vehementiores & p. n. concitare, uberius probamus ex eo, quod sæpissime post iram ventriculus, vel ad vomitum, vel intestina ad fluxum alvi, immo haud raro ad choleram ea stimulentur; ubi humores acres & per vomitum & per alvum vehementissime rejiciuntur: qui vero morbi omnes, ablato stimulo illo irritante p. n. ut experientia, & præstantissimi quique practici testantur, tolluntur.

Deinde 41. Febres quoque, sive motus illi cordis & arteriarum frequentiores, cum calore p. n. sæpe concitantur a crapula, sive copiosiori vini aliarumve inebriantium potione. Hæc enim cum particulas acres irritantesque larga copia possideant, in promptu ratio est; cur cor & arterias ad illos motus velociores excitare, atque sic febrem producere valeant. Cum vero & aliis quamplurimis causis, ejusmodi irritantia in sanguine produci queant, quæ cor contra voluntatem animæ irritare apta sunt, immo spina infixa, festuca ossium, aut aliæ res p. n. in vulneribus hærentes & nervos irritantes febres concitent, patet inde ex aliis jam dictis rationibus quam manifestissime, Stahlianam hypothesein circa febrium causam, valde incertam, aut prorsus falsam esse; cum cor, ut probatum est, agat contra voluntatem animæ: e

con-

contrario Mechanicorum sententiam ex observationibus certis , phænomenis , caussis , itemque ex effectibus clare demonstratam esse .

42. Quemadmodum vero varia in sanguine acria Febres febrem producere possunt , ita & sanguis tenax , etiam & viscidus mechanica quoque ratione eam concitare a vi-valet , sicut demonstratu haud adeo difficile est , scido-
atque ex eadem hac caussa ratio paroxysmorum , qui riuntur in febribus intermittentibus occurrunt , egregia quo-que dari potest . Viscidum vero in his febribus sæpe , si forte non semper , peccare prudens & expertus Medicus facile negare nequit ; dum id rursus probant causæ remotæ , ut victus errores , cibi crudi , duri , crassi , viscidi , difficilis concoctionis , iique præsertim magna copia assumpti & non probe digesti ; deinde vomitus & rejectio materię valde tenacis ac viscidę ; denique stagnationes humorum in minimis vasis , ac præsertim cutis ; unde ob motum ibi sublatum pallor & frigus itemque os siccum & sitis oriuntur . Quando autem vasa minima a materia illa viscida , quæ sensim parietibus minorum vasorum adhæret , fere obstructa , adeoque sanguis a corde projectus libere ea transire nequit , majori copia , quam par est , in arteriis & in corde tandem accumulatur ; hæ partes necessario inde solito magis distenduntur , fibræ autem earum nervæ musculosæ & elasticæ , quo magis distenduntur , eo magis renituntur & ad contractionem instigantur , ut ex mechanicis patet , adeoque eo fortius reagunt , ac simul eo fortius etiam in sanguinem viscidum agunt , eum vehementius commovent , exagitant , compellunt , comminuunt , calefaciunt , atque tandem comminutum rursus propellunt . Hinc eo tempore frigus ægri mutatur in calorem ; pulsus parvus in magnum ac frequentem , hisque aliquandiu continuatis , humoribus viscidis sic rursus digestis ac resolutis , tandem in toto corporis ambitu tanquam resolutionis effectus , prædit sudor
copio-

copiosus, & cum urina multa particula crassa, viscida, terrestres, lateribus tritis sæpe similes, expelluntur, quæ demonstrant, sub actu hoc mechanico sanguinem crassiores non solum atteri ac digeri; verum etiam ipsum re vera rursus fuisse digestum & attenuatum, atque simul quoque magnam noxiæ materiæ febrilis copiam & per sudorem & per urinam rejectam. Quo facto, dum, libero circulo sanguinis iterum restituto, illa cordis atque arteriarum distentio violenta cessat, cessat etiam violenta illarum contractio; pulsus fortior & calor p. n. in statum naturalem redeunt, atque sic paroxysmi finis est.

*De re-
ditus
paro-
xysmo-
rum ra-
tione*

43. Quando autem, hoc absoluto, nova ejusmodi materia vitiosa ex primis viis, quæ ex erroribus diætæ ibi genita est, ut e ventriculo, vel intestinis, hepate aut vesicula fellea, vel etiam ex pancreate, glandulis intestinorum, aliave quacunque parte, per vias consuetas chyliferas ad sanguinem influit, parva quidem copia ad stagnationem ejus producendam non sufficit, adeoque nec paroxysmum mox producere potest. Quando autem sensim sensimque in vasis sanguiferis materia illa noxia magis augetur, (id quod ad certam ac sufficientem copiam in ea vehendam certum tempus requirit,) fit, ut determinato tempore tandem novus paroxysmus rursus producat, & ut ægri jam ante paroxysmum lassitudinem, oscitationes & pandiculationes, tanquam initia obstaculorum libera circulationis persentiscant, donec tandem ipse novo horrore & frigore, ut antea, ægrum invadat. Sed hæc ex pathologia, ad demonstrandum, quod Me-

*Ani-
mam* *chonica Medicina Stahlianam præstantia superet, tetigisse hic sufficiat. Pergamus ad therapiam sive vim sâ Medicinam practicam, ut ex hac quoque eminentiam ejus ostendamus.*

habere *negatur.* 44. Quoniam vero in præcedentibus satis evicimus, Stahlianam primariam de anima in corpus potentia

tia

tia fundamenta non nisi falsas aut dubias esse hypotheses, quas probare aut evidentes ac certas reddere nondum potuerunt, idcirco forte non opus esset, ut speciatim hic ea adhuc uberius refutem, quæ in curatione morborum caducis hisce fundamentis superstruuntur. Verum ut tanto melius Mechanicæ Medicinæ & in curatione, tanquam principe Medicinæ parte, præstantiam demonstrarem, nonnulla etiam hic speciminis loco adducemus, atque inter hæc prius generalia quædam considerabimus, & postea ad speciales quosdam morbos progrediemur. Inter generaliora autem Stahlianorum fundamenta merito referendum est, primo, quod animæ ejusque prudenti directioni vim omnes morbos & producendi & rursus sanandi, corpusque a morbis liberandi, audacter adscribant. Verum quia hæc vis siue potentia non magis probata est, quam quod actiones naturales & p. n. exciter, sicut in præcedentibus ostendimus; nullæ autem propositiones, aut sententiæ, de quarum veritate non constat, in rationali Medicina sint assumendæ, ideoque & hæc pro vera assumi non potest.

45. Deinde cum in scriptis Medicorum ab Hippocratis usque temporibus vocabulum *NATURÆ* rames-
sæpius occurrat, ut v. g. quod natura sit morborum se ani-
medica, quod Medicus sit natura minister, quod natura cum morbo luctetur, quod bona aut robusta natura magnum in curandis morbis sit auxilium; debilis contra Medicum & agrotum in curatione deferat, atque sine naturæ auxilio eum nihil efficere posse; multos morbos sponte natura, sæpe sine Medico & medicamentis sanari, præsertim apud vulgum & pauperes: hinc cum, quid hoc natura vocabulum sibi velit, STAHLIUS & asseclæ ejus intelligere non potuerint, eam tandem, contra omnem præcedentium Medicorum sententiam, in opinionem, quod anima rationalis hæc natura sit, venerunt, hisque duobus vocabulis anima & natura

turæ pro synonymis , sicut supra jam §. 4. diximus, usi sunt , *atque sic* , quod Hippocrates , Celsus , alii-
que Medici *naturæ* , id Stahliani *animæ* tribuerunt .
Verum quamvis vocabulum hoc quamplurimas ha-
beat significationes , sicut ex controversia , quam
Celeb. STURMIUS & SCHELHAMMERUS pu-
blicis scriptis quondam de hac re agitarunt , item-
que ex BAYLII Institut. physicis & aliis quamplu-
rimis videri potest , adeoque subinde aliquam ob-
scuritatem involvat ; tamen in morborum curatione
animam hoc nomine haud intelligi posse , ex multis
patere potest documentis , quorum nonnulla tantum
pro sententia nostra roboranda nunc proferemus .

Natu-
ram fa-
bricam
corpo-
ris ef-
se, pro-
batur .

46. Nimirum quando dicitur , *hunc hominem gau-
dere bona aut robusta natura* , profecto anima hic
nullo modo *natura* vocabulo intelligi potest ; sed
potius *robustum corpus* , sive , quod idem est , *robu-
sta corporis fabrica* , quæ sæpe vix credenda per-
fert : atque plerumque ea gaudere dicuntur rustici
ac plebei , milites , juvenes , &c. Contra *debilem
naturam habere* perhibenturii , qui *debile corpus* , si-
ve *imbecillam corporis fabricam* obtinent & qui pro-
pterea multa perferre nequeunt : atque inter imbecil-
los hos plerumque referendos esse CELSUS ait ,
*magnam partem urbanorum omnesque pene littera-
rum cupidos .* (a) Si anima esset *natura* , eruditis
potius & sapientibus *natura robusta* esset adscriben-
da ; id quod vero est contra experientiam , dum
urbani homines & litteris dediti fere semper minus
robusta natura gaudeant , sapiusque & periculosius
quoque ut plurimum ægrotent , quam rusticæ ac
plebei , qui duris laboribus se sustentant , atque
inurias aeris ac victus , quam imbecilli perferre non
possent , sine omni incommodo sæpissime perferunt ,
atque etiam , si aliquando ægrotant , sæpe sola na-
tu-

(a) Lib. I. Cap. 2.

tura a morbis rursus liberantur. Adeoque ex his quam clarissime patet, in Medicina non animam, sed corporis fabricam, sive de natura robusta sive imbecilla sermo sit, & a vulgo & ab eruditis intelligi. Ita etiam juvenibus præ senibus robusta describitur natura, atque in illis etiam facilius omnes fere morbi, & speciatim vulnera, ulcera, luxationes, fracturæ, febres, &c. curantur: non quod anima ipsorum anima senum sit sapientior; sed quia, experientia teste, illorum fabrica corporis magis integra & vegeta, adeoque seniorum fere jam destructa robustior est.

47. Sed Stahliani regerunt, si natura corporis An hæc esset fabrica, quæ in rebus mere corporeis conspiceretur, hanc tanta prudentia neque in statu naturali agere, neque in statu p. n. tanta sapientia noxium corrigere, atque e corpore eliminare posse, quam in perfectione morborum plerorumque curatione fieret, ergo rationale principium, anima scilicet, hoc dirigere: dum modo per hæmorrhagiam quandam, modo per sudorem, modo per alvum aut urinam, &c. illud expelleret, atque hac ratione ægrum a morbo liberaret. Verum his respondetur, eos divinam corporis humani machinam (forte ob neglectum anatomes & mechanices accuratioris studium ejusque inde pendentes admirandas vires) non satis considerasse aut intellexisse. Nam sicuti illi, qui numquam horologium & cumprimis internam ejus fabricam accuratius inspexerunt, vix credere possunt ejus effectus ex mera corporea fabrica provenire, ut minuta prima, minuta secunda, horas, dies, lunæ cursum, mensem & quæ sunt alia; verum etiam pro lubitu hominis levi externa facta alicujus tuberculi pressione, repetitionem horæ ejusque minorum, idque toties, quoties libuerit, sono vel pulsu indicare possint, & hoc a rationali principio oriri putant, sicut de Americanis referunt, cum primum Europæorum horologia conspexerint;

sint ; dum omnia illa , quasi cum iudicio , certo temporis spatio , & ordine , ab eo peragantur : id quod vero fabricæ horologii peritis non adeo obscurum , sed conceptu facile est ; qui illud non rationali principio , sed a pura puta mechanica ejus fabrica fieri norunt.

48. Ita quidem etiam minus cautis videtur , ac *Vide- si machina nostra* in actionibus naturalibus cum prudentia ageret : verum cum ille effectus , qui prudentia, dens videtur , non a prudentia machinæ dependeat , quata utpote qua , ut horologium , licet artificiosissimum men ea sit , nec cogitat , nec deliberat , adeoque nec prudenon est. dens dici potest ; sed ob artificiosam suam fabricam , quam summus atque sapientissimus Artifex confecit , actiones suas , quasi cum prudentia eas faceret ; perficit , quæ tamen , ut in horologio , omnes a sola ejus fabrica & motu , quibus prudentia tribui nequit , dependent. Quod vero ut clarius pateat ; sciendum , quod omnis mutatio in corpore humano fiat per motum & fabricam partium , ubique libet pars ob peculiarem ac diversam suam structuram , quam anatome , immo & externa facies demonstrant , in determinatum finem a Deo conformatum , certas mutandi vires , sua fabrica convenientes , ut ex physiologia jam constat , obtinet : qua ipsæ mutationes illæ non animæ directione aut imperio , verum necessitate quadam mechanica , sicut in horologio aut mola quadam producuntur ; quæ quidem ordinatæ & prudentes videntur , licet revera , ut antea dictum est , non sint , sed solum a mirabili earum fabrica , variisque physicis & mechanicis conditionibus proveniant.

Quod
uberius
exponi-
tur .

49. Adeoque cum ab adorando machinæ nostræ effectore corpus nostrum tanto artificio & ad modum perpetui mobilis , sicut supra §. 20. evictum est , sit constructum , ut sine concursu animæ circulatio sanguinis , digestio ventriculi , secretiones , &c. in nobis omnino fieri queant , & quod deinde cutis , viscera

&

& *glandula nostra talem a Creatore adepta sint fabricam*, ut in statu naturali omnis generis functiones, *liquidorum mutationes & secretiones*, ut iam supra §. 21. 22. probavimus, perficere queant; cur non etiam, quando vel humorum copia, vel eorum prava qualitas & nominatim *bilis viscosa* vel *sanguis nimis spissus*, ut §. 40. ad 42. ostendimus, corrigenda & eliminanda sint, motum *primarium corporis nostri*, cor nempe cum arteriis, ita in motus excitare poterunt, ut non solum *his motibus nimis visceri humores atterantur*, attenuentur & propellantur, verum etiam *supervacanei & noxii*, sicut in febribus, locis modo citatis expositum est, vel per consueta sua excernicula, cutem nempe, renes vel alvum, vel quandoque etiam per narium aliamve hæmorrhagiam excernantur. Nam certissimum est quod supremus conditor, qui corpus nostrum quam sapientissime ita fabricavit, ut in statu sano, ope suæ fabricæ & sanguinis per tam multa viscera circuitus, humores suos in requisita qualitate sive temperie non modo conservet, sed ut etiam abundantes, inutiles aut effectas sanguinis particulas per debita emunctoria expellat, illud quoque ita struxerit, ut noxios etiam & superfluos humores in *stata p. n. ob summam fabricæ suæ perfectionem*, quam habet, ope ejusdem motus & circuitus mutare, subigere, digerere & expellere, seque ipsum hac ratione restituere valeat. Atque ex hoc profecto quam maximum divinæ potentis, sapientis, & providentis argumentum petere licet; dum ex eo, quam egregie hæc machina non modo sanam sæpe quam diutissime se conservet, verum etiam, si forte vitium aliquod cepit, seipsam quoque suis *hisce viribus*, a Deo ipsi datis, per *meras causas sive vires naturales & mechanicas*, sine animæ auxilio restituere valeat, cognoscere licet: omnes enim corporis humani partes a sapientissimo Numine in determinatos fines & usus

*Mechanici
quid
natur-
ra, &
quo
sensu
vocabu-
lo hoc
utun-
tur.*

usus, tam in statu naturali quam morbofo fabricatæ, vi-
ribusque ad hos obtinendos necessariis instructæ sunt.
50. Adeo ex hætenus demonstratis omnes hodie prudentiores & Philolophi & Medici Mechanici naturam hominis nil minus, quam animam, sed re ipsa nihil aliud esse, quam fabricam illam artificiosissimam mechanicam sui corporis, nobiscum statuant: (a) in qua mirabili modo solida liquores, & liquores rursus solida in motum reciprocum concitant, quo ipso autem motu & peculiari partium fabrica, in eo, ut in horologio vel mola certæ ac determinatæ, ex mechanica necessitate, fiunt actiones; quo autem motu cessante, cessant etiam hæ actiones, & neuter sine altero motus persistere potest. Huic etiam, quæ de ea a veteribus & recentioribus dicta sunt §. 46. egregie competunt, & quæ ea etiam omnia efficere potest, quæ tam in statu naturali quam p. n. ut modo §. 49. probavimus, ei semper tributa atque adscripta sunt. Igitur Mechanici quoque cum HIPPOCRATE, CELSO, aliisque Medicis utuntur vocabulo nature, verum ita ut eo non animam, sed fabricam illam corporis intelligant, eique etiam illas functiones & mutationes in corpore adscribant, quæ a Stahlianis animæ adscribuntur, ast revera a motu & fabrica ejus partium, tam in statu naturali, quam p. n. perficiuntur. Adeoque & Mechanici recte dicere possunt, quod natura sit morborum medica, quod natura cum mor-

(a) Ex Philosophis, vid. Christ. VVOLFFII omniumque, qui cum eo sentiunt, scripta; ex Medicis autem non nisi SYDENHAMII, Fr. HOFFMANNI & BOERHAVII scripta, VITTERBACHII dissert. qua functiones corp. hum. & ægritudines necessitate mechanica fieri asserit; SCHREIBERI Elementa Medicinæ, & GROSII Verum Medicinæ Principium in structura corporis humani mechanica reperiendum, Halæ 1732. impressum, citabo.

morbo luctetur , quod hic homo robustam , alter debilem obtineat naturam , & quæ sunt alia . Quo etiam pertinet CELSI elegans monitum practicum, quando ait (a) Ante omnia scire convenit NATURAM CORPORIS: quia alii graciles : alii obesi sunt ; alii calidi , alii frigidi , alii humidi , alii sicciores , alios adstricta , alios resoluta alvus exercet: quæ profecto de anima minime dici aut intelligi possunt . Quid igitur opus est , cum hæc res adeo clara sit , ad incertum nondum probatum ac dubium prorsus actionum nostrarum principium , animam scilicet recurrere ? præsertim cum hoc nullum prorsus in curandis morbis efferat usum ; dum remedia nostra non in animam , sed in corpus agunt .

52. Igitur cum corpus nostrum revera machina si- *Mecha-*
ve automatam artificiosissimum sit , & omnia , quæ *nici*
in eo fiunt , ex actionibus & fabrica ejus deduci *Medici*
possint ; nemo autem automati aut horologii dese- *quare*
ctus recte novit , aut cognoscere , multo minus corri- *aliis in*
gere rite potest , nisi qui structuram ejus atque actiones *praxi*
singularum partium probe callet , atque imprudens *præ-*
ille merito suo judicaretur , qui horologium nobile *stent .*
ac pretiosum rustico cuidam aliive rudi in his re-
bus homini reficiendum committeret . Ergo cum
veri *Mechanici Medici* , qui semper simul *Anatomi-*
ci & *Physici* , ob tanto meliorem corporum natu-
ralium cognitionem , esse debent , partium corporis
situm , figuram , nexum , communicationem cum
aliis partibus , structuram , actionem & usum optime
sciunt , sine dubio in curatione illis præstant , qui hæc
ignorant , aut ob ignorantiam , vel ob præjudica-
tam opinionem proterve contemnunt ; de quibus
vero recte dici potest , artem non habere osorem ,
nisi ignorantem : id quod quamplurimis , ac potis-
simum ex *Chirurgia* , tamquam parte *Medicinæ* ,
depromptis exemplis , ex quibus nunc solum luxatio-
nes,

nes, fracturas, gravia vulnere, suffusiones & fistulas oculorum, hernias, calculum vesicæ nominare sufficiat, quam manifestissime demonstrari potest.

Ductus 52. Porro Stahliani tamquam fundamentalem re-
naturæ gulam practicam assumunt, *naturæ ductum in mor-*
non *bis esse sequendum, & Medicum non nisi naturæ es-*
semper se ministrum. Sed quemadmodum jam dudum mul-
sequē- tis rationibus & exemplis, in dissertatione de Me-
duc. dico *naturæ Domino* (ad quam lectorem brevitatis
 causa nunc remitto) hoc posterius, quam tritum
 & verum illud etiam multis minus cautis visum
 est, falsum esse docuerim, & quod *Medicus potius Di-*
rector ac Dominus naturæ esse debeat, demonstrave-
 rim; ita paucis hic examinabo, *an prius illud pro*
certa & firma regula, cui cum Stahlianis promi-
 scue fidere possimus, in medicina facienda assumen-
 dum sit. Haud quidem ignoramus, hoc dictum a
 Medicinæ Parente, HIPPOCRATE provenire; *Ubi se-*
quen- verum postquam cum CARTESIO jugum aucto-
duc. ritatis excussimus, HIPPOCRATI (adeoque &
 aliis) non aliter credendum, quam ubi ejus præce-
 pta cum ratione & experientia conveniunt. Nam
 ejus præcepta atque aphorismos quamplurimos non
 in universum, sed solum in certis casibus certisque
 limitationibus, vera esse, experientia & quamplu-
 rimi egregii Medici jam dudum observarunt.

53. Mechanicus igitur Medicus & hoc & alia
 ejusmodi præcepta non sequitur, nisi ubi ea cum ra-
 tione & experientia probe convenire didicit. Ut e. g.
 quando in febre, aut post errores in victu, æger
 quidam de sapore amaro, nausea & conatu vomendi
 conqueritur, ratio autem & experientia sapius do-
 cuerint, vomitum in ejusmodi casibus ad vitiosum
 ex primis viis ejiciendum, prodesse, *ductum natu-*
ræ recte hic sequitur, quæ indicat, noxium ad su-
 periora vergere, adeoque remedium pro hoc exci-
 tando idoneum merito ei exhibet. Deinde quando
 morbus occurrit, ubi cognoscimus, naturam vi-

iosos humores vel sudore , vel exanthematibus per cutem expellere velle , ob eandem modo dictam rationem ductum hunc , jam in aliis multis ejusmodi casibus utilem observatum , & regimine & medicamentis convenientibus , recte sequitur . Porro si in dolore capitis , vertigine , oculorum & aurium inflammatione , variolis ut & calore p.n. qualicumque , sanguinem e naribus prodire observat , quia hæc excretio in ejusmodi malis , (nisi forte nimia sit) plerumque salutaris observata est , eaque natura a noxiis vel abundante sanguine se liberat , eam non impedit , sed promovere satagit ; atque idem etiam in plerisque casibus de mensium & hæmorrhoidum fluxu , itemque de multis alvi fluxibus facit : ita ut illud Hippocraticum , quo natura vergit , eo ducenda , per loca scilicet convenientia , (a) probe observetur . Verum quia multi casus & exempla , quæ contrarium quoque evincunt , facile afferri possunt , sequitur inde hanc regulam non pro universali , neque adeo simpliciter sicut a multis Stahlianis proponitur , habendam ; sed per prudentiam practicam multis in casibus magnopere limitandam esse . Inprimis vero genuinus Medicus ex historiis morborum & felicibus curationum successibus probe perspectis , nosse debet , ubi , aut quibus in morbis ductum naturæ sequi , & ubi eum non sequi conveniat ; alias ipsum sæpissime graves in errores deducet . Si enim in machina nostra omnia , sicut decet , tam in sanitate quam morbis succedunt , ut bonus eques aut auriga , cujus equi officium suum rite perficiunt , nihil mutare , sed naturam recte agentem sibi relinquere debet , quia alias tantum turbaretur ; id quod etiam in bono horologio est observandum . Sin vero aberrat & quidem tantum parum , blanda ratione in rectum tramitem est reducenda ; nam multis in casibus , id quod etiam

probe sciendum , natura blande duci , sed vi non vult cogi . *Quando autem malum est vehementius* , ut leni modo scopum assequi non valeamus , tunc , ubi medicamenta parum sunt , ferro , & igne sæpe cogenda , juxta HIPPOCRATEM : *Quicquid medicamenta non sanant , ferrum sanat ; quod ferrum non sanat , ignis sanat ; & quæ hæc non sanant , insaniabilia sunt habenda .* Aphor. 6. Sect. VIII.

Ubi enim non sequi conueniat, exemplo hæmoptysis ostenditur .

54. Ut igitur *quam falsa & inepta hæc de natura sequenda sit Stahlianorum doctrina practica* , per exempla demonstrem , sumamus rursus hæmoptysin , morbum notissimum , de qua non solum , ut supra jam diximus , asseuerant , *illam esse excretionem sanguinis noxii , a prudenti (si Diis placet) natura , in salutarem finem institutam* , ad corpus a sanguine illo liberandum : immo ut hoc magis probent , etiam dicunt , *animam magnos labores per motus tonicis , & nescio quos alios , impendere , ut sanguinem corpori illi molestum ad pulmones compellat : adeoque hic spirandi difficultatem , palpitationes cordis , angustias præcordiorum , tussim & alia mala inducere , donec tandem scopum suum , perrumpendo pulmones , assecuta sit , & sanguinem pleno agmine per illum rejecerit .* Nunc gaudent Stahliani & quasi tripodiant , *quod anima ipsorum tam feliciter finem suum consecuta sit , & tam nobilem siue heroicam prorsus actionem perfecerit , laudantque quam maxime ejus prudentiam & providentiam , quam pro sanitate hujus hominis in procuranda hac sanguinis excretionem adhibuerit . Verum cum eventus hujus excretionis sæpissime , ut supra jam diximus , funestus sit , phthisique perquam frequenter atque mortem post se trahit , hunc ductum nature sequi stolidum potius , atque a sana ratione alienum , adeoque omni modo , quia non fit per locum convenientem , prout Hippocrates hoc requirit , evitandum esse cum sanioribus Medicis Mechanicis esse arbitramur ,*

55. Quid itaque Mechanici in hoc morbo agant, *modo* & an eorum sententia atque curandi modus *Mecha-* lius cum sanâ ratione & experientia conveniat, *nici* prudentibus dijudicandum paucis nunc proponere *eum* mus. Accidit nimirum aliquoties, ut mihi ejusmodi *confide-* di ægri, quos Stahliaui antea tractaverant, curan- *rent.* di offerrentur, quibus hi Medici egregie quidem *illam salutarem,* ut vocabant, animæ in excitando hoc malo *actionem laudaverant,* multaue remedia ad hunc naturæ ductum, ut fideles ejus ministri, juvandum, adhibuerant; verum his ipsis, redeunte sæpius hæmoptysi, tantopere tandem debilitati & ad incitas redacti fuerunt, ut mortui magis quam vivi hominis imaginem referrent. Quoniam vero cognitu facile est, *temere hic agi,* si *qui ductum hunc naturæ sequi aut juvare velit,* qui a prudenti directore anima, *quia per locum convenientem non fit,* minime oriri potest; dum illa alia potius ratione, si in ipsius potestate hoc esset, alioque in loco se a noxio liberaret, quam in adeo periculoso: sed potius ex hoc ipso actu contra Stahlianos cognosci posse existimo, *malum hoc non ab anima, sed ex causis mere mechanicis oriri,* sanguinemque per ea loca erumpere, ubi vasa sunt debiliora. Itaque & hic minime ductum hunc naturæ sequi consultum duco; seu potius omnem primo curam eo dirigendam esse puto, ut *copia sanguinis alia via aliaque ratione imminuatur,* sanguinis motus vehementior temperetur, *impetus sanguinis a pulmonibus avertatur,* atque tandem *pulmo latus probe rursus glutinetur ac roboretur.*

56. Ad copiam igitur sanguinis minuendam per *Quo-* manifestas rationes mechanicas egregie confert primo *modo parca victus ratio;* deinde sanguinis per *ve-* nas detractio, ter vel quater, pro diversa ægro- *curent-* rum natura, per annum instituta; ac denique ob eandem causam frequens, sed blanda *per alvum eva-* cuatio, quæ vero medicamentis *calescentibus,* quæ

sanguinem exagitant; qualia sunt aloetica, myrrha & similia resinosa, immo & ipsæ adeo a Stahlianis decantatæ *pilula Bœcherianæ & Stahlianæ*, quas tamen in plerisque fere morbis, tamquam panaceas extollunt & commendant, *feri non debet*; sed potius temperatis refrigerantibus, e. g. *decollis ex tamarindis, foliis sennæ, rheo & manna* aut simili-
bus, convenienti copia sæpius adhibitis: quippe a quibus egregiam utilitatem in his ægris sæpius expertus sum, præsertim ubi jam novas in pectore congestiones ac molestias, quæ novam rupturam in pulmonibus minabantur, perceperant. Præterea *quoties aliquem calorem p. n. sive sanguinis quasi ebullitionem sentiebant ægri*, quæ ab acri alcalico vel bilioso sanguine, aut etiam a nimia vi elastica solidarum oriri solent, *remedia temperantia & spasmos sive rigiditatem fibrarum minuentia*, qualia sunt *lap. cancror. aut conchæ acido citri saturati, salia media*, præsertim tartarus vitriolatus, arcan. duplic. nitrum & cinnabaris, in pulverem redacta, bis vel ter in die ad drachmam dimidiam, ex aquis refrigerantibus jubeo, donec illa mala remittant. *Pro pulmonibus denique lasis sanandis & roborandis*, infusa *herbarum traumaticarum*, ut veronicæ, scabiosæ, tussilaginis, pilosellæ, solidaginis, faniculæ, cum radice glycyrrhizæ & malvæ, itemque datylis, passulis & ficubus remixtis, ad modum herbæ Theæ, bis vel ter in die, tepide, interpositis subinde blandis balsamicis, haurienda præcipio, eisque, præsertim ubi ægri a victus erroribus quam solertissime abstinerint, modiceque corpus quotidie exercuerint, non paucos, qui mortis vicini videbantur, Deo benedicente, hoc modo restitui. Atque hæc ipsa quoque verâ sunt, atque agenda in vomitu & mictu cruento.

Du-
Eus
nature
sequē-
dus in
inflam-
matio-
nis in
nibus.

57. Eandem fere & curandi & præservandi rationem in eis observo atque observandam suadeo in illis, qui *tonsillarum & faucium inflammationi*, aut

aut *ophthalmia*, *otalgia* vel *odontalgia*, ob sanguinem abundantem sæpe obnoxii sunt, quos omnes morbos *salutari natura intentioni* ascribunt *Stahliani*. Adeoque quia in his, secundum hos naturæ intentio est, a nimia sanguinis per *hamorrhagiam* narium vel per *abscessum* sese liberandi copia, juxta eorum doctrinam minister natura ductum hunc naturæ sequi deberet. Verum quam incerte ac difficulter hic scopus his in morbis per artem, sine metu graviora mala ægris inducendi, obtineatur, illi optime sciunt, qui in Medicina & observationibus faciendis ætatem fere consumserunt; non vero illi, qui hypotheses in museo ex ingenio fingunt.

Rectius ergo longe & securius omnes ii morbi curantur, si ductum illum naturæ non sequimur; sed ut Medici rationales Mechanici, qui experientiam simul semper considerant, agimus. Exempli loco in *faucium inflammationibus*, quia prudenter rem ponderando cognoscere licet, minime sapientis naturæ institutum esse posse, per valde dolorificam inflammationem aut *abscessum* harum partium, qui sæpe maximis doloribus & suffocationis periculo committati sunt, corpus a nimia sanguinis copia, quia plerumque vix dimidiam puris unciam continet, liberare velle; quippe a qua exigua quantitate tanta mala non essent pertimescenda: id quod & de *aurium*, *dentium* aliarumque partium inflammationibus & abscessibus intelligi debet. Sed oriuntur potius hi tumores ex mechanicis & physicis causis, quando v. c. cuidam hæ partes natura sunt debiliores, sicut sæpe homines videmus, qui a prima juventute hisce malis sæpius exercentur, & vel aliqua humorum abundantia vel ebullitio, vel spissitudo, vel aer frigidiior, corpore præsertim calente, accedat, facile ejusmodi mala concitantur.

58. In his igitur nullo modo ad ductum naturæ, qui nullus vel malus hic est, respiciendum, sed potius quando ejusmodi morbum imminere & humores

Quid
potius
facien-
dum.

res abundare cognoscimus , sicut boni Mathematici aquas abundantes qui noxam aliquam ædificio , muro , vallo vel integro cuidam castello , urbi aut regioni inferre minantur , per alias vias a loco læso vel lædendo derivare solent ; ita quoque *Mechanici Medici hos humores faucibus , auribus , vel oculis ruinam vel saltem ingentes dolores , abscessus noxasque alias minitantes* , ut mox dicetur , per alias vias abducunt & evacuant .

*Quid
potius
facien-
dum .*

Præterea ad humores in faucibus hærentes dissolvendos sæpe prodest vel solum *infusum herbae theae* vel aliud simile sæpe haustum & *gargarisma resolvens* , quale egregium & euphoristicum paratur ex spiritu vini & aqua flor. sambuci vel solis , vel pauca *salis ammoniaci* , vel *nitri aut aluminis admixta* quantitate , vel aliud ejusmodi , tepide sæpius adhibendum , præsertim si simul *pulvis temperans ac resolvens* §. 56. aliquoties in die assumatur ; atque victus & aeris conveniens regimen servetur . Sequenti die , matutino tempore si prædicta ad malum digerendum forte haud suffecerint , egregio cum successu ad humores in faucibus vel auribus congestos avocandos ea *potiuncula purgans* , quæ eodem loco indicata est , usurpetur ; post cujus usum ejusmodi mala sæpissime sublata , & per alvum educta esse novi , ut alijs remedijs haud opus fuerit . In casibus vero , *ubi major calor p. n. in sanguine , faucibus , auribus vel oculis percipitur* , vel eodem adhuc die , præsertim circa vespèram , quando malum a prædictis non minui observamus , *sanguinem per cucurbitulas sub auribus , in collo , & in dorso adhibeas* , [pedibus simul in pediluvium tepidum revulsionis gratia immixtis) quam saluberrimo consilio evacuare ac simul revocare , & sic hominem ut plurimum his in integrum restituere possumus . Hoc s. forte sequenti die nondum factum sit , vel *potiuncula laxans* , si ante cucurbitulas nondum fuerit adhibita ,

ta ,

, vel venæ sectio in pede aut brachio magno
tum fructu adhibetur, iisque ipsis hac mala pleu-
rumque quam felicissime tolluntur, quamvis nullo
modo ductum naturæ sequamur.

59. Pleuritidem, peripneumoniam & spirandi dif- Nec in
ficultates nonnullas Stahliani, licet quamplurimas pleuri-
dilas easque manifestas causas habere possint, tide
sienti tamen quoque suæ naturæ directioni eas ad- ductus
scribunt, cujus intentio esset, sanguinem vitiosum naturæ
vel abundantem, quem hic congestit, per spu- sequen-
tum cruentum e pulmonibus expellere, quæ vero dus.
ob certa & sæpe haud cognita obstacula, scopum
suum assequi non posset, adeoque sanguis in pul-
monibus, ac pleura hæreret, atque sic inflamma-
tiones in his partibus prædictosque morbos produ-
ceret. Sed præterquam quod haud verisimile sit,
sapientem animam sanguinem noxium ad organa
vitæ primaria, summo cum vitæ periculo compellere,
ille profecto, qui hanc ipsorum doctrinam
sequi velit, efficere deberet, ut in omnibus hisce
malis hæmoptysin produceret. Verum periculosa &
a sana ratione aliena hæc esset curatio, partim ex
iis, quæ de hæmoptysi modo §. 54. diximus; par-
tim ex eo, quod ipsi prudentiores Stahliani ab hac
curandi ratione recedant, atque experientia edocti
aliam curandi viam in his malis, quam hypothe-
ses eorum requirunt, sequantur.

60. Quid igitur faciunt in pleuritide exquisita Quo-
& peripneumonia itemque in spirandi difficultate, modo
quæ a copioso & viscido sanguine, circa præcordia proce-
hærente, oriuntur, Mechanici? Abundantem & den-
viscidum sanguinem hic congestum partim per dum.
largas sanguinis missiones a pectore revocate, par-
tim diluentibus & resolventibus medicamentis
reliquum resolvere & in motum naturalem redi-
gere student. Efficitur hoc, ut in præcedenti
§. dictum est, infusis herbarum resolventium mo-
derate calidis, pulveribus §. 56. laudatis dia-
phore-

phoreticis solventibus atque camphoratis, immo & essentiis ac potiunculis ejusmodi temperantibus his subinde interjectis, cum regimine blando diaphoretico & potu sufficienti aqueo, subacidulo; atque externe, fomentis calidis digerentibus, præsertim aqua vel lacte calido, vesica incluso. Quibus ipsis, si stagnantis sanguinis qui obstructionem vel inflammationem fecit, resolutio obtinetur. quemadmodum sæpissime fit, etiam morbus tollitur. Quia vero *Stabliani* hos morbos fere eadem ratione curant, quis non perspicit, quod in his & similibus pluribus aliis malis, si recte curare velint, necessum sit, ut *hypotheses suas deferant*, illosque ductus naturæ, qui ad curationes noxias deducunt, pro erroribus naturæ, ad quos tunc, tamquam ad asylum confugiunt, declarent, atque, secundum rationalem mechanicum modum curationes suas instituant?

*Mechanici
nisi
nulla
absone
supponunt.*

61. Atque idem quoque in quamplurimis aliis morbis, si limites dissertationis hoc admitterent, & speciatim in vomitu ac mictu cruento, lue venerea. herniis, visus & auditus vitiis, tumoribus, scrophulis, carcinomatibus, &c. facile ostendere possem. Interea tamen ex his pluribusque similibus, præstantia *Medicina mechanica* elucet, quæ nusquam adeo incertis, absone & contradictoriis, ut vocant, hypothesibus nititur; sed omnia secundum mechanicas leges, sanæ rationis scilicet & experientiæ normam, instituit, ut vel ipsi *Stabliani* ad eorum methodum sæpe confugere cogantur, quando suppositam naturam vel animam ipsorum errare, ne & ipsi simul hic graviter errent, deprehendunt. Pergamus itaque, ut nonnullas hic adhuc ex præcipuis *Mechan-*

Leges nicorum curandi regulis exhibeamus, ex quibus pruden-
dens facile, quod rationales sint, judicare poterit.
62. (1) Si partes solidæ sunt nimis laxæ aut debiles,
curandæ, vi contrariorum, (nam universalis fere regula
di in practica est, contraria contrariis curanda) sunt robo-
solidis. randæ;

andæ; sin nimis adstrictæ & rigidæ, relaxandæ. (a)

2. Si cohesio sive unitas soluta, ut in vulneribus & fracturis, ea rursus sunt conjungendæ & conjunctæ ope fasciarum & quiete servandæ; ita beneficio circuli sanguinis affluunt humores idonei ad partes lasas rursus glutinandas. Deus enim promissa sua sapientia, partes nostri corporis ita fabricavit, ut in ossibus succus osseus, qui in calum abire & ossa fracta rursus glutinare potest, vi fabricæ ipsorum præparetur & separetur, qui etiam ea glutinat; in musculis autem, cute, & reliquis mollibus partibus succi quoque ipsarum naturæ conveniens, ita, ut frustraneum prorsus sit animæ directionem dubiam, quæ hoc efficiat; cum Stahlianis hic advocare, atque ejus hac in re sapientiam aut vim, quam non habet, collaudare; cum ex sola harum partium fabrica & generatione hoc secretionis & glutinationis negotium satis apte explicari comprehendique queat.

3. Si partes naturales clausæ aut p. n. coherent, illæ sunt dividendæ & divisæ servandæ. (4.) Si ex situ naturali dejectæ, sicut ossa in luxationibus, intestina in herniis, uterus in uteri prolapsu, &c. in naturalem situm & ordinem sunt redigendæ, atque in eo quoque, quantum satis est, continendæ (5.) Si quid in corpore abundat aut supervacaneum adest, illud qua fieri potest, commodissima ratione auferendum; sin deficiat, addendum. [6] Si mala aliqua conformatio corporis peccet, ea est emendanda; quæ vero omnia non melius, quam mechanica ratione, præstari posse, res ipsa loquitur.

63. Deinde in partibus fluidis peccantibus in unum. In fluidis quoque apud Mechanicos Medicos generalis valet illa regula, contraria contrariis curantur:

ut

(a) Hanc regulam veterum Medicorum de laxo, vel stricto & Stahliani Mechanici Medicj diligenter & recte, quia valde rationalis est, inculcare solent.

ut si sanguis abundat atque morbos creat, aut creare minatur, hi, ut alii Mechanici, qui, ubi nimix aquæ loco cuidam, quem satis roborare nequeunt, noxam intendunt, eas vel minuunt, vel ad alia loca deducunt, sicut §. 58. dictum est, sanguinem quoque minuunt, & per alia loca, missionibus sanguinis, purgantibus, diureticis, diaphoreticis, sudoriferis aliisque evacuantibus educunt. Si ventriculus & intestina saburra sordium aut rerum noxiarum nimis repleta sunt, ea quoque, ut alias Mechanici impura receptacula & canales mundant, aqua, vomitoriis & eis, quæ per alvum educunt, expurgant. Si defectus humorum adesse percipitur, sicut Mechanici alii aquis aliunde adductis hunc defectum resarcire, ita & Medici deficiens idoneo potu, victu & remediis restituere satagunt. Si prava sanguinis qualitas peccat, eam quoque suis contrariis, ex physica & chemia cognitis, corrigunt. Ubi spissitudo, eis, quæ humores spissos resolvunt, aqueis scilicet, decoctis, salinis alcalicis & mediis, quandoque & mercurialibus, ubi hæc prodesset usus docuit, resolvitur: ubi tenuitas nimia, ea lacte, gelatinis, farinosis, gummosis &c. inspissatur. Si humores sunt nimis falsi, aqua & lacte ii demulcentur; si acidi, alcalicis; si alcalici, acidis corriguntur ac simul aqueis. Quando in nimio motu & calore sunt constituti, illi motus nimii, una cum calore p. n. minuuntur, nitro, blandis acidis, cinnabari, potu aquæ, regimine frigidiusculo. Sed si motus sunt nimis languidi & calor deficiens, excitandi vino, spirituosis, aromaticis, aqua cinnamomi, cort. aurantiorum vel citri aliisque similibus, varia ratione adhibitis: quo etiam sæpe referri possunt martialia, cort. chinæ, resinæ & gummata nonnulla. Sed natura Stahlianæ hic prorsus nihil efficere valet, licet hæc virtus præ ceteris ei ab ipsis tribuatur; nam experientia docet, eam nimis languidos cordis motus non excitare, & nimis ce-

leres

leres haud quicquam voluntate sua retardare posse. Quid

64. Denique quoniam nonnulla corporis vitia vix de spe-
nisi specificis apte corrigi possunt, sicut in febribus cificis
intermittentibus, lue venerea, affectibus uterinis, sentien-
vigiliis & doloribus nimis conspicimus; Mechan-
ci etiam specifica remedia, quæ speciatim huic vel
illi malo contraria esse per experientiam cognove-
runt & postea etiam ex parte per rationem depre-
henderunt, haud contemnunt; quia omnia, quæ vel
ratione vel experientia vera atque proficua esse cogno-
verunt, in Medicina facienda assumunt, & ex præ-
judicio, sicut Stahliani cum cortice peruviano, marte,
camphora, opio aliisque nonnullis contra experien-
tiam tot egregiorum Medicorum faciunt, non con-
temnunt; præsertim si debita prudentia, in subje-
ctis idoneis, opportuno tempore atque apta quanti-
tate, immo & præmissis, ut ajunt, præmittendis,
adhibeantur: dum revera, si his cum observationibus
usurpantur, ut multi ex Stahlianis, qui vel clam
vel palam iis utuntur, ipsi agnoscunt, nullum
damnum inferunt; sed quam maxime salutes ef-
fectus, qui ab aliis frustra expectantur, exerunt.

65. Nusquam vero magis & manifestius Mechan- Mecha-
ces in Medicina præstantia, quam in antiquissima & nica in
præstantissima illa Medicinæ parte, quæ Chirurgia ap- Medici
pellatur, se ostendit: quippe omnia, quæ in hac fiunt, na chi-
mechanica ratione contingunt, atque aliter fieri pro-
fecto nequeunt, animæque Stahlianæ impotentia maxi-
quam maxime in Chirurgia cognoscitur. (a) Nam me ex-
luxationes & fractura ossium non nisi mechanica ra- cellit,
tione restitui possunt, vulnerum ora mechanico mo-
do junguntur & glutinantur, atque profusiones san-
guinis eorum meris mechanicis artificiis, ut com-
pressione, ligatura, torcularibus, &c. cohibentur.

Venæ,

[a] Videri uberius hanc ob causam potest STEN-
ZELI dissert. de natura Stahlianæ in chirurgia im-
potentia, Vitebergæ. 1729. 4.

Vena, arteria, abscessus, fistula scalpellis inciduntur, *ossa cuneis, forcipibus aut ferris* resecantur; *peregrina e vulneribus & aliis locis, digitis, vulsellis, forcipibus, hamis, specillis aut uncis* extrahuntur; *vulnere ac laborum leprinorum ora* acubus adunantur; *calvaria* aliave ossa *terebris, si opus est, perforantur*; *luxationes* subinde non nisi machinis iisque saepe artificiosissimis restitui possunt; *scarificationes, ustiones, suffusiones, fistulae lacrymales*, aliaque multae operationes oculorum, nasi, aurium, dentium, sua peculiaria ferramenta & artificia mechanica desiderant, id quod & *de collo & dorso incurvato, pedibusque distortis* in ordinem redigendis recte dici potest. An non *acus illa triangulari cuspidate*, quibus aquam *hydropicis atque hydrocele* laborantibus educimus, & *vincula, quibus ernias curamus*, itemque illa ferramenta, quibus *urinam & calculos e vesica* educimus, secundum mechanicas regulas agunt? Verbo, in omnibus his *Medicus, ut prudens Mechanicus, agit*: non solum attendendo ad fabricam & situm partium, ne partes utiles, & vitandas laedat, sed etiam ut instrumentis suis ita uti sciat, quo nullum damnum iis inferat; verum quantum fieri potest, tuto, cito & jucunde actiones suas instituat.

Præ- 66. Denique ut *Mechanices in Medicina* præstantiam paucis complectamur, asseverare hic non dubitemus, 1. quod *quicquid boni & certi in doctrina* *nices de usu partium habemus*, illud omne Medicis, qui in *Me-mechanice* partium fabricam, situm, nexum & *ad-icina* tionem pervestigarunt, & secundum illius. leges *stri-* harum usus prudenter exposuerunt, debeamus. 2. *Et* *re* Quod & ab iis didicerimus, omnes quoque morbos *ex* *petitur* *caussis mechanicis in corpore oriri*, adeoque & eos *mechanica* quoque ratione tollendos esse. Ex quibus simul sequitur, eas curationes, quæ principiis *me-* *chanicis* non nituntur, ut quas *sympatheticas* appellant aliaque similes, nihil certi præstare & saepe

non nisi aniles sapere fabulas, sicut frequens experientia docuit. 3. *Mechanici ad laudem summi Numinis docuerunt*, quod artificiosissima nostri corporis machina ab ipso tam mirabili sapientia efformata sit, ut non modo seipsam, sine animæ adjumento, quam diutissime sanam conservare, verum & *sub natura nomine*, quando male afficitur, *sape sola* rursus noxia emendare aut expellere, *seque ipsam* sic in statum sanum ut §. 49. ostendimus, *restituere valeat*. Immo 4. & Mechanicis Medicis debemus *inventionem tot præstantissimorum instrumentorum chirurgicorum*, quibus complura gravissima corporis mala curare possumus, & *sine quibus Medicina practica admodum manca*, quamplurimi autem ægri miserimi & insanabiles essent. Testes hujus rei sunt *Scriptores & veteres & recentiores*, qui *res chirurgicas descripserunt* atque idonea ferramenta delineaverunt, qui *revera Medici Mechanici fuerunt*; quos autem, ne nimis longus sim, hic recensere nolo, sed ad Chirurgiam meam lectores ablegabo; in qua quicquid fere hucusque boni in hac Medicinæ parte præstitum est, quasi in compendio videri poterit.

67. Atque sic *Medicina Mechanica præstantiam*, *Con-*
præ Stabliana ceterisque forte simul reliquis sectis, *clusio.*
quæ a Mechanica recedunt, satis nos evicisse arbitramur. Potuissent quidem, fateor, omnia hæc longe adhuc uberius exponi; verum quia jam ob rerum hic dicendarum copiam prolixior fui, ut brevior sine obscuritate esse vix potuerim, hæc nunc pro argumento hoc demonstrando sufficiant, dum plura ex ipso hoc libello petere possunt; quem post diuturnam experientiam, ut ægrotis & Medicinam discantibus hoc ipso prosum, conscripsi, & ut malevolos, qui, me non nisi Chirurgum esse atque internorum morborum curationes ignorare, apud Magnates sæpe calumniati sunt, hoc ipso aliqua ratione confundam, & quænam mea sit fueritque curandi methodus demonstrarem.

lxiv
CONSPPECTUS
C A P I T U M,

quæ hoc in Libro continentur.

- CAP. I.** De *plethora morbis.*
II. De *febris in universum, & speciatim de intermittentibus.*
III. De *febris continuis, & 1. acutis.*
IV. De *febris exanthematicis, & speciatim de variolis ac morbillis, quibus purpurata, petechialis, & scarlatina subjunguntur.*
V. De *febris acutis stomachicis & intestinalibus, quibusdam mesentericis dictis.*
VI. De *febris lentis & hæcticis.*
VII. De *inflammationibus.*
VIII. De *hæmorrhagiis sive fluxibus sanguinis.*
IX. De *hæmorrhagiis sive fluxibus sanguinis suppressis.*
X. De *congestionibus & doloribus.*
XI. De *cachexia & cachecticis affectibus.*
XII. De *obstructionibus.*
XIII. De *fluxibus, sive fluxionibus, iisque maxime serosis.*
XIV. De *præcipuis sensuum morbis.*
XV. De *motus læsionibus.*
XVI. De *ventriculi & intestinorum morbis.*
XVII. De *morbis sexus fæminini præcipuis.*
XVIII. De *morbis infantium ac puerorum.*
XIX. De *venenis.*
XX. De *aquarum medicatarum natura & usu.*

LAU-

LAURENTII HEISTERI
COMPENDIUM
MEDICINÆ PRACTICÆ,

*Sive de optima morbos internos & cognoscendi ,
& curandi ratione .*

INTRODUCTIO.



I quis artis salutaris Candidatos firma solidaque Medicinæ practica, quæ victu & medicamentis medetur, *fundamenta*, [nam de Medicina, quæ manū sanat, alibi diximus,] ratione facillima, optimaque docere satagit, ei utilissimum, immo quam maxime necessarium esse existimo, ut postquam *theoreticam*, quam vocant *Medicinam*, non ex fictis aut suppositis, sed ex *anatomicis & physicis*, atque mechanicis principiis, tamquam genuinis & veris illius *fundamentis*, probe addicerint, memoriaque comprehenderint, morborum curandi rationes, non ordine alphabetico, neque secundum corporis partes, ut haud pauci Doctores artisque salutaris Professores fecerunt, tradat, quippe quod multis repetitionibus molestis, aliisque incommodis obnoxium est; sed ita potius rem suam instituat, ut *morbos affines, tamquam species, ad unum genus sive classem pertinentes, simul & sub una quoque classe* (sicut fere in re herbaria fieri solet) *comprehendat*, atque sic uniuscuiusque classis morborum ideam, naturam, causas, signa generalia, effectus, mutationes, eventus, rationem medendi, & quid in unaquaque classe potissimum observandum,

A

2 INTRODUCTION.

dum , faciendum , fugiendumque sit , ipsis generatim bene exponat ; ita enim specialiorum morborum , ad quamvis classem pertinentium , natura & curatio (quæ maxima ex parte ipsis communis est ,) longe melius quam in antea dictis tractandi modis Æsculapii filiis patefient , eorumque memoria imprimetur , ut deinde quid in quovis occurrente ægro ac morbo optime sit agendum , facilius intelligere , rectiusque dijudicare atque efficere valeant . Hoc itaque est , quod in hoc libello , jam a longo tempore in gratiam potissimum Auditorum meorum quam facillima ratione , attamen haud perfunctoriè , neque sine magno ac diuturno labore , quia ejusmodi satis idoneum aut perfectum (*a*) compendium , supra dictis fundamentis superstructum , haud prostat , præstare annisus sum , atque hactenus in multis fructum ejus percepi uberrimum , speroque ut & in posterum diligentiores eum abunde sint percepturi .

CA-

(*a*) *Boerhavi* quidem Aphorismi egregium ex hisce principiis conscriptum est compendium ; sed quia primo multos morbos & quidem admodum frequentes , & graves omittit , eorumque curandi rationem prorsus prætermittit , ac deinde scribendi genere per quam difficili utitur , quod multi intelligere vix possunt , pleniori ac faciliiori compendio tironibus opus esse judicavi .

CAPUT PRIMUM.

De Plethora Morbis.

I.



UM vero *quamplurimi morbi multas ob rationes a plethora* mihi oriri videantur, quia scilicet plerique homines quotidie fere plura alimenta assumunt, quam pro nutritione corporis & vitæ suæ conservatione indigent, atque simul otio nimis, quam par est, indul-

Plethora quid est unde.

gent, motumque corporis ac labores, sanitati adeo utiles ac necessarios, intermittunt, immo omni studio fugiunt; mirum non est, copiam sanguinis in ejusmodi hominibus plus justo augeri sive coacervari, atque sic id, quod Græci *plethoram* vocarunt, generari, idcirco vasa sanguifera, ab ea nimis repleti, distendi & quasi infarciri, eamque sic minora vascula vel obstruere vel comprimere, vel, dum a vegeto corde, causisve violentis fortius urgetur, ea perrumpere, unde sanguinis profusiones, vel saltem circulum sanguinis expeditum ac liberum impedire, cordique, propter pondus hujus auctum, valde resistere, ita ut necessario multis eisque gravissimis malis, ut obstructionibus, tumoribus, doloribus, spasmodis, profusionibus sanguinis, quas *hemorrhagias* vulgo appellant, inflammationibus, febribus, convulsionibus, epilepsiæ, vertigini, apoplexiæ, aliisque morbis quamplurimis hoc ipso ansa præbeatur: hinc a plethora praxeos nostræ medicæ initium facere consultum duximus.

Plethora

divisio.

Est vero plethora vel *simplex*, quando sanguis

bonus, nondum depravatus, aut vitiosus, copia solum excedit, sive majori quantitate adest in corpore, quam ejus conservatio & sanitas requirunt, aut vasa commode ferre, vel cor apte propellere valent; vel *complicata*, quando is spissitudine sive crassitudine notabili, acrimonia vel salina vel biliosa, atque inde producto calore p. n., orgasmo, aut alia vitiosa humorum qualitate simul peccat. Præterea plethora vulgo dividitur in eam, quæ est vel *ad vasa*, vel *ad vires*; illa dicitur, quando venit a sanguine ita impletæ vel repletæ sunt, ut valde turgeant; hæc vero, quando cum abundantia sanguinis ex causis (N. I.) nata, sine notabili vasorum expansione, insignis torpor, lassitudo, aut debilitas corporis simul adsunt.

III.

Plethoram dari, probatur.

Dari autem *plethoram*, inter alia, contra *Helmontium* ejusque asseclas, patere existimo. 1. ex modo dictis (N. I.) de nimia satietate sive excessu in victu; 2. ex motu voluntarii & laboriosi apud plurimos defectu; 3. ex spontaneis sanguinis profusionibus, sæpissime ægros & sanes a variis malis levantibus, aut omnino liberantibus; 4. ex manifesta utilitate evacuationum sanguinis artificialium in præservatione & curatione morborum quamplurimorum, quam experientia frequens, a longissimo tempore docuit; 5. ex morbis & symptomatibus evacuationes sanguinis naturales suppressas, vel naturaliter etiam cessantes, sæpissime consequentibus; 6. ex frequentissima & manifesta noxa, quæ evacuationes sanguinis consuetas naturales suppressas, vel artificiales neglectas, brevi, ut plurimum, excipere solet.

IV.

Cognoscimus vero *plethoram* adesse in homine, licet forte ejus vasa haud turgeant, 1. ex *lauro vi* *gnosis*. Et prægresso, imprimis si accedat simul vita otiosa; 2. ex *appetitu bono* & facili ciborum concoctione, dum

de plethoræ morbis.

5

dum bene se habent ; 3. ex corporis & speciatim faciei constitutione florida & rubicunda in sanguineis ; in cholericis vero & melancholicis , ex venis notabiliter turgescantibus ; 4. ex somno in nonnullis , præsertim sanguineis & laxo corporis habitu præditis , multo , profundo ; in cholericis vero & melancholicis , inquieto , turbulento , cum anxietate sæpe in somniis ; 5. ex inusitato corporis , artuumque torpore & gravitate ; 6. subita defatigatione a labore , ambulatione , vel motu qualicumque in consuetum aut paulo fortiori , cum respiratione difficili , aut palpitatione cordis ; 7. ex vertigine , præsertim si caput subito deorsum & iterum sursum movetur ; 8. gravitate aut dolore capitis frequentiori , aut diuturniori , sine alia causa manifestata ; 9. ex pressionis & anxietatis sensu frequenti circa præcordia ; 10. ex hæmorrhagiis spontaneis sæpe accidentibus ; 11. levamine ex spontaneis aut artificialibus sanguinis evacuationibus ; 12. ex evacuationibus sanguinis naturalibus suppressis , vel artificialibus consuetis neglectis .

V.

Subjecti igitur sunt plethoræ quam maxime , 1. homines victu largo sive pleno utentes & simul otiosi , aut vitæ sedentariæ dediti ; adeoque & cum primis litterati , si parco non fruuntur victu , cuiuscumque etiam sint ætatis , senes æque ac juvenes ; 2. qui evacuationibus sanguinis spontaneis quibuscumque antea adsuæti fuerunt , quæ vero jam suppressæ sunt ; 3. qui evacuationibus sanguinis artificialibus aliquandiu usi sunt , eas vero postea , vitæ haud diminuto , ob quascumque rationes intermittunt aut negligunt ; 4. qui vitam antea mobilem aut laboriosam in sedentariam atque otiosam mutarunt , & tamen victu parciori quam antea , non utuntur .

Qui-
nam
pletho-
re sub-
jecti.

VI.

Hinc causa plethoræ primaria est victus plenus Causa
A 3 cum ejus .

cum otio , aut vita sedentaria conjunctus ; & deinde *suppressio evacuationum sanguinis consuetarum* , sive naturalium , sive artificialium ; itemque *transpiratio impedita* , vel prorsus cohibita : inde fit , ut *plethora multorum morborum fecunda* evadat mater , licet per se morbus primo & proprie non sit .

VII.

Prognosis. Quod ad *prognosin* attinet , sciendum , *plethoricōs* facilius , adeoque *sapius morbis esse expositos* , quam alios ; præcipue vero periculosis *profusionibus sanguinis* , *febris acutis* , atque *inflammationibus internis & externis* , itemque *obstructionibus* , *destillationibus* , sive catharris , *spasms* ac *doloribus* omnis generis , & quam maxime etiam *mortibus subitaneis* , ut *apoplexiæ* , *catarrho suffocativo* , *polyposis concretionibus in corde* vasisque *sanguiferis* . Speciatim vero *plethora* , quæ a *suppressis hæmorrhagiis consuetis* provenit , facilius ac citius *plerumque morbos excitat* , quam reliqua . Ita & *complicata* , ubi simul sanguis valde viscidus aut pituitosus , plures & graviores morbos producit , quam simplex ; hæc enim quam maxime lædit liberam circulationem , respirationem , secretionem atque excretionem : & hinc obstructions vasorum , tumores , inflammationes & corruptiones humorum oriuntur quam plurimæ ac variæ .

Si cum *acrimonia* , præsertim *alcalica* , aut *biliosa* , atque inde nato sanguinis calore p. n. sive *orgasmo* combinata est , graviora quoque , quam simplex , mala inducit , adeoque , quantum fieri potest , evitanda .

VIII.

Præservatio. In præservanda vero & curanda *plethora* duo præcipue requiruntur : primo *victus* , sive *dieta moderata* aut parca , & deinde *motus corporis frequens* ; qui enim hæc rite observabit , a morbis *plethoræ* liber erit , & præcipua sine sumptibus aut pretio , quæ Deus gratis unicuique largitur , ad-
ver-

versus quam plurimos hos morbos novit & possidet remedia . (a) Quia vero plerique delicatiores ac ditiores , gulæ magis indulgentes , quam sanæ rationis ductum sequentes , vilia hæc , licet efficacissima atque certissima remedia , renuunt , & ignaviæ , gulæ , ac voluptatis causa , adhibere aut observare nolunt ; hinc fit , ut hi non solum quam plurimis morbis acutis & tardis corripiantur , verum etiam , ut multi eorum morbi chronici , v. gr. articularum morbi , podagra , hæmorrhoides , hypochondriaca mala , obæstas nimia , cachexia , hydrops , respiratio difficilis , asthma , catarrhi varii , febres chronicæ ac lentæ , hæctica , calculi , &c. funditus curari in eis non possint . Oportet enim , ut divus HIPPOCRATES monet , (b) *non solum Medicum , sed & ægrum , immo & adstantes suum facere officium* , si optatum finem hic obtinere concupiscit .

I X.

Quoniam autem quamplurimi , præsertim Magnatum , divitum , ac gulæ deditorum , ut modo (N. VII.) dictum est , hoc non faciunt aut observant , sed victus rationem , sive uno verbo , *diætã* ac motum negligunt , & tamen a Medicis desiderant , ut eos ab ejusmodi morbis , non solum curent , sed & præservent ; quapropter , quia hic diætæ neglectus plerosque morbos post se trahit , adeoque Medicis maxima confert emolumenta , (dum jam diu a priscis *intemperantia nutritrix Medicorum appellata* est) , Medicus , ut quantum in se est , ac fieri potest , sanitatis eorum curam gerat , alias easdemque magis artificiosas ac cariores & præservandi & curandi rationes , aliaque remedia ,

artificiosa
magis.

A 4

dia,

(a) Confer. uberius Regulæ pro sanitate conservanda in Compendio nostro Institut. Medicar. datæ p. 14. (b) Aphorism. I. Sect. I.

dia, plethoræ adversa, tam ex pharmacia quam chirurgia, substituere cogitur; & primò quidem præservandi causâ *purgationes alvi*, sæpius, singulis circiter mensibus, aut in quibusdam adhuc frequentius, pro rerum, circumstantiarum, & malorum varietate, repetitas; deinde *sanguinis missiones*, vel per *venæ sectionem*, bis in anno, ut circa æquinoctia, aut quandoque frequentius, ut ter vel quater in anno, singulis scilicet tribus vel quatuor mensibus institutam; vel etiam *scarificationes*, singulis nimirum, aut duobus vel tribus mensibus repetitas: quibus etiam tertio *sudores*, vel saltem largior *transpiratio*, sæpius, matutino tempore, in lecto commode & magno cum fructu, jungi possunt. Atque eadem etiam *inacuratione morborum a plethora*, sive sanguinis abundantia oriundorum, sunt facienda, ubi tamen sanguinis iusta & opportuna detractio remedium princeps est.

X.

Si cum Ubi vero plethora complicata, & *spissitudo*, si-
viscido ve, ut vulgo dicunt, *caebexia plethoræ juncta est*,
compli tunc præter dicta, etiam remedia hanc *digerentia*
cata. *atque attenuantia* sunt usurpanda: sicuti sunt omnis generis infusa herbarum, radicum, lignorum, corticum, aliorumque remediorum attenuantium, res solventium, amarificantium, vel grato odore gaudentium, imprimis & nominatim herbæ theæ, veronica, betonica, salviæ, card. bened. trifol. fibrini, saponariæ, rad. scorzonæræ, cichorei, sarsaparillæ, chinæ, lign. saffras, juniperi, fantali, &c. cum aqua fervente, infusione vel leni coctione, parata; præterea omnis generis Tincturæ, Essentia, & Elixiria, eandem virtutem obtinentia, cum primis amara, atque blanda, aromatica, ut Ess. absinth. simplex & compos. fumariæ, trifol. fibrin. card. bened. scordii, cortic. aurant. rad. gentian. amara Hallensis, pimpinellæ, aliaque similia. Elixiria quoque varia stomachica hinc inde in officinis

usitata & extracta amara; Tincturæ porro salinæ acres; ut Tinct. tartari, antimonii, tartarizata, liq. terræ foliatæ tartari, ac sæpe ipsæ *aquæ medicatæ* sive *minerales*, egregia sane & valentissima sæpius his in morbis remedia; quæ vero, nisi evacuatio sanguinis sufficiens eorum usum præcedat, debitaque ratione & prudentia usurpentur, parum vel nihil proficiunt, immo perverso usu potius nocent. Ceterum in curatione hujus plethoræ *victus si parvus*, ac moderatus, vitenturque glutinosa, viscida, pingua, dura, legumina, farinosa, & similia.

X I.

Si *astus sive orgasmus sanguinis concurrit cum plethoræ*, qui ab acribus, alcalicis salibus, vel & a *calore*. sulphureis sanguinis particulis copiosioribus oriri videtur, tunc *medicamenta temperantia* appellata, ut lap. cancr. & conch. citrat. hisque similia quam plurima, potus aquosus; nitrosa, salia media & lenia acidula conveniunt; ut sal absinthii, card. benedicti, centaur. minor. &c. nitrum depur. nitrum regenerat. nitrum antimoniatum, arcan. duplicat. tartarus vitriolatus antimonium diaph. pulvis temperans noster, aliufve similis; Tincturæ *acidæ*, ut Tinctura rosar. flor. bellid. papaveris, *spiritus acidæ*, dulces redditi, & similia. *Victus* sit refrigerans & leniter acidulus; hic pleraque vegetabilia blanda, acrimonia fervida destituta, his optime conveniunt, immo & *usus moderatus fructuum horarum* bene maturorum his non nocet: carnes vero & quæ inde parantur, *aromata*, cibique & potus omnes *calescentes* atque inebriantes serio vitentur.

X II.

Si narium hæmorrhagia, menses aut hæmorrhoides suppressæ sunt, harum fluxus propriis remediis, (de quibus infra suo loco,) est restituendus: quo facto, symptomata inde producta breviter cessant, & tunc artificiales sanguinis evacuationes, si fluxus rite rursus procedat, se-

ſæpiſſime intermitteri poſſunt ; ſin vero hæ evacuationes ſanguinis reſtitui nequeant , dum quandoque omnium remediorum vim eludunt , ſanguinis miſſiones artificiales (N. IX.) ſubſtituendæ ſunt ; id quod etiam fieri debet in hæmoptyſi , vomitu cruento , & miſctu cruento : utpote quæ ſanguinis vitioſæ excretiones , quando quieſcunt , minime irritandæ aut reſuſcitandæ ; ſed potius per artificiales avertendæ : quo ipſo autem Medicus ductum naturæ tunc non ſequi , ut multi hodie volunt , & Miniſtrum ejus agere , ſe potius *ejus debet eſſe director & dominus* ; ut uberius evici in Diſſertatione de Medico naturæ domino .

Monita practica .

1. .

Qui frugali utitur diata & motu corporis frequentiori , vel laboribus aut exercitationibus ſe frequenter exercet , dum ſanus eſt , efficaciffima poſſidet remedia contra plethoram , & omnes inde pendentes morbos , atque evacuationibus artificialibus vix aut raro ſaltem indiget .

2.

Ubi venæ ſectio requiritur *plethora ſolum minuendæ gratia* , perinde mihi eſſe videtur ſive in brachio , ſive in pede ea celebretur . Interim tamen multi malunt , ut *apud juniores in brachio* , poſt annum vero quinquageſimum *in pede* ſemper iſtituatur ; id quod tamen non eſt perpetuum , quia res id ſæpe aliter requirit .

3.

Si hominem morbi *plethora affligunt in partibus ſupra diaphragma* , ut in pectore , verbi cauſſa , hæmoptyſis aut respiratio difficilis ; vel in capite , dolor capitis , vertigo , apoplexia ; in oculis , inflammatio , &c. phlebotomia in pede revulſionis gratia
uti-

utilius plerumque perficitur ; *sin vero infra diaphragma* , eandem ob revulsionis causam , in brachio , nulla ætatis habita ratione , sanguis educatur . *Exicipiendæ tamen mensium & hæmorrhoidum obstructions* , ad quas referandas aut revocandas , venæ in pedibus sunt secandæ , quando vero nimis fluunt , revulsionis gratia , in brachio . Interea tamen optimo etiam cum successu in variis capitis , oculorum , faucium & pectoris morbis , & præcipue inflammationibus earum partium , sanguis quoque e venis brachii educitur .

4.

Sanguinis missio nimis parca in homine valde plethorico nihil proficit , atque non raro febres aut arthriticos affectus post se trahit : hinc sufficienti copia pro abundantia , morbi , aut ægri diversitate , semper educatur .

5.

Phlebotomias in variis paroxysmis , ut febrium intermittentium & arthriticis institutas , aut in fluxu menstruum , aut hæmorrhoidum , aut narium modico , sæpius nocere , atque naturam turbare observatum est ; adeoque expectandum tunc est ut plurimum cum sanguinis detractione , si ea opus est , donec paroxysmi præterierint , atque interea medicamentis temperantibus blande resolventibus , ac diaphoreticis agendum . Attamen inde non sequitur , ut nonnulli male docent , ac si in ullo paroxysmo vena secanda sit , cum potius contra in hæmorrhagiis nimis quibuscumque , revulsionis causa , summo cum fructu , immo fere necessario sæpe instituatur , itemque in asthmaticis , suffocativis , & apoplecticis paroxysmis , a plethora oriundis , sine periculo omitti aut differri solum sæpe non possit .

6.

Sanguinis missiones , quæ præservationis gratia instituuntur , magis prodesse observantur , si circa æquinoctia , vere nimirum & autumno , quam si circa
circa

circa solstitia vel alio tempore fiant. Attamen valde plethoricis, vel ubi consuetudo jam invaluit, præsertim in vegetis ac robustis, *sapius quam his* adeoque etiam magno cum fructu circa solstitia sanguis abundans educitur: cumprimis vero iis, qui hæmoptysi, palpitatione cordis vehementi, animi deliquiis, metui apoplexiæ, mictui sanguinis, fluxui mensium vel hæmorrhoidum nimio, aliisque similibus plethoræ morbis obnoxii sunt.

7.

Qui scarificationes lubentius admittunt, quam phlebotomiam, vel qui phlebotomiam vehementer, ob quamcumque etiam causam, *aversantur*, quales multos novi, vel quibus venæ non facile incidi possunt, ii eundem effectum & utilitatem, quicquid nonnulli obloquuntur, inde expectare possunt, quam a venæ sectione, ut sæpe observavi, si modo larga satis sanguinis copia iis educatur, exque certis temporibus, sicuti venæ sectiones, pro indole morbi & ægri repetuntur.

8.

Qui vero evacuationibus ejusmodi per aliquod tempus sunt assueti, nisi vitæ genus quietum in mobile sive laboriosum transmutent, aut victu pariori utantur, ut plurimum ad feram usque ætatem, licet etiam octogesimum annum superaverint, eas continuare debent, neque temere prætermittant. Falsum enim est, sanguinis missionem senibus omnibus, ut multi putarunt & adhuc putant, esse noxiam; aut, ut nonnulli dixerunt & adhuc dicunt, senibus sanguinem potius emendum & in venas infundendum, quam educendum aut subtrahendum esse.

9.

Plethorici imbecilles sive valetudinarii ab abusu omnium calorem nimium sive orgasmum sanguini inducentium, tam in victu, quam medicamentis, abstinere & sedulo sibi cavere debent.

Item-

Itemque a motu nimis violento ac subitaneo, quia palpitationes cordis, animi deliquia, apoplexiam, sanguinis profluvia, ac speciatim hæmoptysin, aliæque multa gravissima mala hoc ipso sibi concitare possunt, frequentes vero & moderatæ ambulationes, unctiones, equitationes aliæve ejusmodi modicæ excitationes his egregie conveniunt; hancque ob causam aqua minerales tantos sæpe multis in morbis gravibus exerunt effectus: quia homines, in earum usu, frequenti & fere continua utuntur exercitatione ac simul moderato victu, quæ profecto ad sanitatem quam maxime conferunt.

C A P U T II.

De Febris in universum, & speciatim de intermittentibus.

I.

Quoniam Febres morbi sunt frequentissimi & Febris communissimi, ita ut effato celeberrimi Sydenhamii tertia pars agrorum febribus laboret, & secundum Veteres nonnullos, vix sit sine febre moriens; hinc præ reliquis hic earum considerationem trademus, præsertim quia multi admodum male aut obscure de ipsis scripserunt.

II.

Febris vero generatim nobis dicitur calor præter naturam, sive intemperies calida; cum virium læsione, a motu cordis & arteriarum frequentiore, prægresso plerumque horrore sive frigore qualicumque, subsequente motu sanguinis vehementiori, & ut plurimum siti ac dolore capitis, modo leviori, modo vehementiori, cum urina plerumque tinctiori, cibi appetitus, variarumque aliarum actionum corporis

14 *Cap. II. De Febris in universum,*
 poris humani & præcipue virium insigni, nunc ta-
 men majori nunc minori læsione: ita ut calor præ-
 ter naturam & pulsus celer, sive motus cordis fre-
 quentior, cum virium læsione, sponte, hoc est, si-
 ne causa externa, ægrum affligentes, ac per ali-
 quot horas aut diutius perdurantes, sint signum Fe-
 brium certum sive pathognomicum, atque essentiam
 febris quasi constituent; quo vero motu frequen-
 tiori humores noxii in corpore ægro sæpe subigun-
 tur & expelluntur.

III.

Divisio Pro continuatione vero caloris p. n. & pulsus
genera- celeris diversa, febres dividuntur in *continuas* &
lissima. *intermittentes*; in his enim post aliquot horas in-
 termittunt vel plane cessant; in illis vero diutius,
 per unum scilicet, duos, tres, septem pluresque
 dies continuant, atque hinc a Germanis *servida fe-*
bres appellantur. *Continua* vero rursus in *acutas* &
lentas, item in *continuas continentes*, sive syno-
 chum, & *remittentes*, ut & in *exanthematicas*, &
non exanthematicas; sed pro minori virium læsione
 sive prostratione, aliorumque malorum minore vel
 majore vehementia, in *benignas*, & *malignas* dispe-
 sciuntur. Plures earum divisiones vid. Cap. seq.

IV.

Febris Quando febrilis quidam impetus plane aliquam-
inter- diu cessat, ægerque per aliquod tempus a febre, id
mittens est calore & pulsu p. n. liber est, & postea eum
 & pa- novo impetu, novo scilicet horrore sive frigore,
roxys- & subsequente æstu aggreditur, talis febris *inter-*
mus, mittens dicitur. Vocatur autem nova talis aggres-
quid. sio, vocabulo Græco usitatissimo, *paroxysmus*, ele-
 gantioribus Latinis *febris circuitus*, *accessio*. [a]

In-

[a] Vid. Celsus Lib. II. c. 17. Lib. III. c. 3. &c.

V.

Incipiunt hæc febres intermittentes; singulique eorum paroxysmi ordinaria ratione cum horrore & prima frigore, leniori aut vehementiori, quem calor præternaturalis lenior quoque aut vehementior, modo citius, modo tardius, pressio subsequitur pede, tandem in sudorem desinens, qui paroxysmo finem facit. Sed præter hæc varia adhuc alia secum trahunt symptomata, præcipue oris siccitatem, sitim, dolores capitis sive cephalalgiam, appetitum sive ciborum desiderium læsum, dolores ventriculi, nauseam, vomitus, urinæ mutationem, quandoque delirium in paroxysmo, modo somnum, modo vigilias.

VI.

Paroxysmi intermittentium ut plurimum statum Divisionem diem reditus sive circuitus servant; attamen in hora interplerumque variant: nunc enim horam unam aliter teramve anticipant, nunc postponunt. Quæ singulorum die redeunt, quotidianæ; quæ alternis, tertianæ; quæ vero quarto die recurrunt, ægrisque biduum integrum est, quartana appellantur, diæque a febre liberi intercalares, aut Græco vocabulo, *tempos apyrexia*, sive intermissionis, vocantur. Sæpe etiam ex errore vel diætæ, vel curæ, vel causæ materialis, benignioris aut peioris, febres hæc duplicantur, immo multiplicantur, ut inde quotidianæ, tertianæ, & quartanæ duplices quandoque fiant. Itaque ex iisdem causis diversa in diversis subiectis producantur symptomata, ut diversum frigus & æstus, sitis major aut minor, fastidium ciborum majus vel minus, anxietates præcordiorum, tussis, vomitus, tormina, alvi fluxus, vel obstructio ejus, somnolentia, vigilæ, delirium. &c.

VII.

Causa proxima harum, sicuti ceterarum febrium, Causa est celerior motus cordis, (qui ex pulsu arteriarum celeri cognoscitur,) productus ab irritatione ejusdem,

dem, sive ea fiat a plethora sive sanguinis abundantia, sive ab humoribus crudis, tenacibus, viscidis, biliosis, pituitosis, plus, minus acribus, tamquam *caussa antecedente*, in vasis corporis capillaribus & præsertim cutaneis, quasi coagulatis, atque in paroxysmo fere stagnantibus, (*unde frigus oritur*) e ventriculo & intestinis, ubi potissimum nidulantur, cum chylo, per vias chylicas in sanguinem delatis; quorum vero *caussæ remotæ* varii in dieta aut ex rebus non naturalibus errores esse solent, & in primis aer humidus & frigidus, transpiratio suppressa, victus inordinatus, nimius, crudus, crassus, ira, horror, nausea, &c. quibus vitiosi ac noxii humores generantur, qui stagnando in capillaribus *frigus*, sive initium *paroxysmi* producant; postquam vero hoc ipso vasa, fibræ, at præsertim cutis, itemque cor irritantur, quemadmodum oculus a corpore peregrino illapso, vel ventriculus a re molesta aut irritante in vomitu, intestina a diarrhœa vel dysenteria, fortius & frequentius moventur, constringuntur, eoque sanguis & humores commoventur, exagitantur, propelluntur; quo fit, ut frigus sensim sequatur calor sive *æstus*, stagnantium humorum exagitatio ac resolutio, propulsio, attenuatio, coctio, noxii tam per sudorem quam per urinam expulsio, & paroxysmi tandem finis. In *quotidiana tamen*, humores pituitosos; in *tertiana*, biliosos; at in *quartana*, magis pituitam tenacissimam, acido junctam, peccare, varia symptomata & *caussæ remotæ* indicare videntur.

VIII.

Stabilia Multi hodie animam rationalem, quam naturam
norum vulgo appellant, pro febrium *caussa proxima* & *effi-*
senten- *ciente habent*. Cum vero anima nihil hac de re
tia. sciat, & paroxysmum pro voluntate neque accele-
 rare, neque tardare, neque minuire, multo minus
 inhibere aut tollere possit, neque in curatione ani-
 mam

mam curemus, sed causam febrium materialem, humores scilicet noxios; hinc cum illa doctrina, primo probari non possit, maximisque propterea ac multis dubiis sit obnoxia, & deinde multa phaenomena ex ea non explicari, ac denique nullam in Medicina habeat utilitatem; merito eam, tamquam incertam, haud probatam, & innumeris difficultatibus subjectam, rejicimus, praesertim quia ex nostra hac sententia omnia clarius ac melius explicari atque intelligi posse existimo.

IX.

Diagnosis harum febrium ex antecedentibus jam habetur. Ad *prognosis* vero quod attinet, raro multum periculi eas comitatur: quia paucissimi eis moriuntur; verum plerumque salutarem acquirunt eventum, nisi perversa diæta aut inepta curatione in deterius mutantur. *Quotidiana* tamen & *tertiana* facilius curantur *quartanis*, quæ intermittentium pessimæ sunt, & plerumque etiam, praesertim secundum vulgarem curandi modum, magis pertinaces ac diuturnæ. Ita & *vernales* facilius plerumque sanantur *autumnalibus*, atque facillime post aliquot paroxysmos, servata praesertim abstinencia, sine medicamentis, sive sponte cessant: & nisi praepostere tractentur, aut praemature per incongrua medicamenta sistantur, meliorem saepe sanitatem pollicentur; quia his a multis noxiis rebus corpus per alvum, urinam & sudorem liberatur, unde *salubritas febrium* a quibusdam ultra modum laudatur. Nonnullæ vero *febres intermittentes senum*, quas *vehemens somnolentia* in primis paroxysmis comitatur, tertio vel quarto paroxysmo, inopinato saepe lethales fiunt, nisi peculiari eaque efficacissima, de qua infra dicemus, methodo tractentur. Confer. doctissim. Tortus & Vverlhoffius de febribus, item Lancisius de mortibus subitaneis. Ita etiam intermittentes pertinaciores, si ineptis aut etiam solum lenioribus, aut saltem

minus efficacibus remediis tractantur, facile cachexiam, & hydropem post se trahunt, sicut antiquissimi Medici jam notarunt.

X.

Curatio.

In curatione februm intermittentium præ omnibus prima via respicienda, dum plerumque vitæ errores sequuntur, & saburra viscida, pituitosa, biliosa, incidenda, attenuanda, emendanda & evacuanda. Deinde dispositio similis in sanguine corrigenda, destruenda, expellenda, ventriculus, quia læsus, roborandus, bona digestio restituenda, & Symptomata urgentia mitiganda.

XI.

Extra paroxysmum humores peccantes visceri optime emendantur & attenuantur amaris & salinis, tam alcalicis, quam mediis: ut sunt Essent. absinth. simplex & composita. Essent. gentianæ, cort. aurantiorum, fumaricæ, centaur. minor. trifol. fibrin. calcarilla, alexipharmaca, aliaque similia, vel Elixir. antifebrile, Mynsichti, ejusdem Elixir. vitrioli, Elixirium proprietatis; Mixtura simplex, & tartari, & antimonii tartarizata &c. &c. ad gutt. 50. vel 60. vehiculo quocumque, præsertim tamen mane, calido, vel etiam circa meridiem; & postea vino exhibita, Ex salinis omnia salia alcalica ex cineribus herbarum, præsertim amararum, parata: ut Sal absinthii, centaur. min., card. bened. &c. Ex Salibus vero mediis sive mixtis, tartarus vitriolatus, arcan. duplicat. Sal digestivum Sylvii, Sal antimoniatum, Sal ammoniacum, &c. quæ salia singulo trihorio vel quadrihorio ad ℥j. vel robustis ad gr. xxv. vel 3℥. alternatim cum Essentiis aut Elixiriis illis antea nominatis, ex infuso herbæ Theæ, decocto Coffeæ, juscu-

jusculo, cerevisia calida, vel aquis destillatis, ut aqua cardui benedicti, fumarie, menthae, cinnamomi, &c. propinanda; ubi tamen observandum, quod *frigidioribus magis amara & aromatica*, calidioribus *salina & subacida* magis conducant.

Plerumque vero in harum febrium principio ad Vomitoria. purgandas ac liberandas a vitiosis humoribus primas vias Vomitoria quoque sunt utilia, immo saepe necessaria potissimum si aegri de amaritie oris, angustis, constrictionibus atque anxietatibus praecordiorum, cardialgia, pressione, & ponderis sensu circa ventriculum, vertigine aut singulari nausea, vel movendi conatu conquerantur: quae tunc, vel *mox in principio*, vel etiam, pro rerum circumstantium varietate, post aliquot paroxysmos, usurpatis prius per aliquot dies praedictis medicamentis, corrigentibus, amaris ac salinis, (N. XI.) quatuor vel quinque horis ante paroxysmum in quotidiana, vel die intermissionis, in tertiana aut quartana exhibeantur. Dari hunc in finem commodissime potest *tartarus emeticus* ad gr. j ss. in debilioribus; ad gr. ij vel gr. ii ss. in robustioribus, sub forma quacumque libuerit; optime tamen datur in forma pulveris cum ℥ss. vel ℥j. alicujus salis ex praenominatis; vel vini emetic. ℥ss. ad ℥ii. immo robustis ad ℥ijss. Si cui vero *radix hypecacoanna* magis arrideat, haec a ℥j. ad gr. xxv. vel ℥ss. exhibetur, subjuncto postea, si vomitus sequitur, potu frequenti ac copioso aquae tepidae, vel infusi tenuioris herbae cardui benedicti, pro meliori & faciliiori saburrae peccantis solutione & evacuatione. Haec in nonnullis, ubi amarities in ore, cibi fastidium, nausea, vomendi conatus inanis, aut cardialgia continuant, vel sublata, aut sponte, aut errore in dieta commisso, redeunt, post aliquot dies subinde repetenda sunt: ita hoc modo noxia e ventriculo, intestinis, pancreate, hepate ac liene egregie excutuntur.

tiuntur, variæque in his partibus factæ obstructi-
ones referantur, ut non raro post vomitorii legiti-
mum effectum febris non amplius redeat, sed to-
ta sublata sit. Ubi vero nullum adest indicans vo-
mitorii, æger difficulter vomit, aut debilis est,
aliudve contra indicans adest, vomitoria omitti de-
bent; quia ægris valde ut plurimum molesta sunt,
debiles magis debilitant, nonnullis vero, ut phthi-
siccis, hæmoptoicis, vomitu cruento, vel hernia
laborantibus, &c. aperte nocent.

XIII.

Pur- Quod si vero æger sit debilis, aut difficulter ni-
gantia. mis vomat, vel nullum indicans vomitorii adsit,
aut aliæ rationes adsint vomitoria vetantes, e con-
trario autem parva victus ratio prægressa, flatus,
tormina, obstructiões, dolores & molestiæ circa
hypochondria, aliave in abdomine mala percipian-
tur, *purgantia*, eaque lenia, ac si res exigat, re-
petita, loco vomitoriorum substitui possunt ac de-
bent: ut rhabarbarum, fol. sennæ, tamarindi, sub
forma pulveris, boli, potiunculæ aut vini medi-
cati; pulvis jalapæ, aut *pilula* variæ purgantes,
hodie usitatiores, præsertim tartareæ Schroederi,
Quercetani, aut Bontii, Extr. panchym. Croll. aut
pilula balsamica vel polychrestæ hodie adeo de-
cantatæ, Beccherianæ scilicet aut Stahlianæ, no-
stræ aliæve similes; aut sal amarum catharticum
Anglicanum vel Bohemicum, ab ℥ss. ad ℥j. aut
sal mirabile Glauberi, abstinendo a violentioribus,
quia turbant & debilitant, atque sic febrem ve-
hementiorem reddunt. Ita & quandoque *Clysteres*,
si alvus obstructa, & flatus sive fæces duræ ægro
negotium facessunt, ad hæc mala mitiganda adhi-
bendi sunt.

XIV.

Vena *Phlebotomia*, nisi manifesta & magna plethora,
sectio. aut æstus valde ingens adsit, aut aliud quid eam
indiceret, in his febribus rectius omittitur; quando
au-

autem contra vel manifesta plethora adest, vel consuetæ sanguinis excretionēs suppressæ, & cum primis in mulieribus menses; quam utilissimè venæ sectio instituitur; ubi eam sæpius egregio cum successu institui; at si instituenda, eam extra paroxysmum atque die a febre libero, instituere præstat.

XV.

Postea *dyscrasia sanguinis*, quam a corruptis ac vitiis humoribus e ventriculo & intestinis acquisivit, & quæ febrim fecit, iisdem medicamentis alternantibus, corrigentibus, sive attenuantibus, tam forma fluida, quam solida (N. XI.), continuato usu, emendatur, iisque ipsis etiam *symptomata* simul mitigantur & minuuntur, atque ipsa febris profligatur.

Speciatim vero *sitim*, *astumque nimium moderantur*; ac simul sanguinem spissum attenuant, acremque temperant, partim *sufficiens potus aquosus*, ut, infusum Theæ, Coffæ, veronicæ card. bened. præsertim in principio paroxysmi, aliaque similia; item *cerevisia tenuis* cum paucis nitro, vel frustulis dissecti pomi citri adjectis. Vel, præsertim in progressu paroxysmi aut ejus declinatione, quando cumprimis ægri potum calidum averfantur, *decotum hordei citratum*, aut blande acidulatum, v. g. Subl. vitrioli, sulphuris elyssi antimonii, vel sirupo citri, sirup. ribesior. berberis, vel ceras. acidor., vel etiam *aqua simplex* pane tostio alterata, cum vel sine frustulis citri; vel sirupo acidulo q. s. ad gratum saporem, vel aqua simplex cum paucis vino & saccharo, additis vel omissis citri frustulis; partim *mixture diaphoreticæ* ex aquis destillatis temperatis, cum pulveribus temperantibus, & leniter diaphoreticis, pro materia vitiosa febrili cum corrigenda tum e sanguine expellenda, ut lap. 69, antimonio diaphoretico, aliisve temperantibus jam supra (N. XI.) laudatis, addito sirupo quodam grato ex modo

modo laudatis . Quibus ita , una cum *diata parca* & tenui , per aliquod tempus rite usurpatis , hæc febres , præsertim vernaes , post aliquot paroxysmos , intra quatuordecim dies , vel citius quam optime sæpe solent profligari .

XVI.

Specifica anti-febrilia. Quod si vero intra hoc tempus non fiat , primæ tamen viæ bene prius purgatæ & vitiosi humores ex parte correcti sint , tunc ad *specificam antifebrilia* , id est , febrem peculiari virtute sistentia , accessus fieri potest , qualia plurima laudantur , & inter hæc maxime *specificum antifebrile Crollii* , aut *Strobelbergeri* , itemque *Regulus antimoni medicinalis* , aliaque similia terrea ad ℥j. bihorio vel trihorio ante paroxysmum exhibita , commendantur . Ita & *mixtura febrifuga Crollii* , ex aquæ cardui benedicti ℥ij. Sal. absinth. ℥℞. succ. citr. ℥iij. constans , vel in robustioribus ex Sal. absinth. ℥j. & succ. citri ℥℞ aut Essent. absinth. ℥j. cum Essent. vitrioli ℥℞. ante accessionem semel iterumque data , sæpe juvat . Præterea omnia superius laudata *salia* , majori paulo dosi & sæpius exhibita , febres has sæpe profligant . Quidam *alumen* vel per se , ad ℥j. vel ℥℞. vel cum NM part. æqual. datum , valde extollunt , sed ob nimiam adstrictionem & inde metuenda mala , valde suspectum est ; id quod & de pulvere *gallarum* , qui a Gal- lis in Acad. Reg. ad ℥j. valde laudatur , sentiendum esse puto .

Nonnulli *piper* quoque præsertim phlegmaticis , ad grana xx. & ultra : alii *capsicum* , quod piper Hispanicum vulgo audit , ex spiritu vini ante paroxysmum aliquoties sumptum , valde commendant ; quæ vero ob fervorem nimium facile præsertim imbecillis nocent , & calorem p.n. vel alia mala inducunt .

Alii *Nucem vomicam* & hæc affinem *Fabam S. Ignatii* a. gran. v. ad x. vel solam , vel cum aliis mix-

mixtam, & ante accessionem datam, magnopere laudant (a); alii *vitrum antimonii*, immo ipsum *arsenicum* ad gr. j. vel ij., immo gr. iij. pro specifico euporisto habent; quæ vero tamquam violentiora & venenata, aut ad naturam venenorum quam proxime accedentia, non facile, & forte non nisi in casu necessitatis, ubi secuta non proflarent, adhibenda. *Flores chamamali* contra, tam in decocto, quam in forma pulveris aut electuarii, larga dosi propinati, securissimi sunt, & multum sæpe in febribus hisce debellandis præstant. Ita & *radix pentaphyli aut imperatoria* aut *gentiana*, vel & *cortex cascarilla*, vel *cortices aurantium* in pulvere vel electuario, larga & sæpe repetita dosi, febres has egregie & tuto sæpe tollunt. (b). Id quod etiam haud raro *crocus martis antimoniatu*s, quem Stahliani valde extollunt, perficit, itemque *pilula Voildegansi* dictæ. At si securiora ex his debitum effectum non præstant, sicuti sæpius contingit, at certioris effectus causa omnibus illis tamquam minus certis, uti nolimus, ne scilicet ægri nimis diu a febre torqueantur, *corticis peruviani* sive *chine china* legitimus usus [licet multis adeo exosus sit, & multa obloquantur,) intermittentes quascumque certo & tuto etiam profligat, sub quacumque forma exhibeatur; qui propterea hodie mihi & plerisque bonis practicis præ omnibus aliis specificis usitatissimus, iisque merito præferendus est. (c) *Externis* vero remediis, quorum varia a nonnullis, ut pulsibus

B 4

appli-

(a) Vid. *Valentini Polychrest. exotic.* ubi de *Faba* hac disserit, itemque ejus *Museum Museor.* (b) *Conf. Dissert. nostra de Aurantiis*, eorumque eximio usu medico, 4. *Helmstadii* 1741. edita. (c) Vid. uberius de præstantia hujus corticis doctiss. *Vuerlboffi* observationes de Febribus, & cautiones ejus medicæ.

applicentur, vel collo appendantur, tamquam specifica magnopere prædicantur, haud fidendum, quia vel superstitiosa, vel causam non attingunt; adeoque plerumque vana sunt, & non nisi forte fortuna juvant.

XVII.

Dieta. *Diata*, febre durante, tenuis sit & parca, vel abstinencia aliquot servetur dierum: hac enim, experientia teste, multæ febres omnino profligantur. *Potu*; pro sitis ratione, utatur sufficienti, tenui, aquoso, (N. XV.) & quidem in frigore paroxysmi, calido vel saltem temperato; in calore vero & declinatione paroxysmi (quia ægri a potu calido sæpe abhorrent) paulo frigidior esse potest, vitando tamen nimis frigidum, ejusque præsertim nimiam copiam simul & semel ingestam. Die paroxysmi, æger ante paroxysmum prorsus a cibo absteineat, & si sitis urgeat, nulum potum nisi calidum & aquosum, imprimis vero infusum Theæ vel Coffeæ, vel florum chamæmelli aut card. bened. assumat. *Vitet frigus* & aerem frigidum aut humidum, atque in paroxysmo, se lectulo mox committat, corporeque bene recto, sudorem patienter ferat, vix enim ulla febris sine sudore bene curatur: qui vero in paroxysmo egregie promovetur potu calido vel saltem temperato, aqueo, sæpius assumpto, præsertim si in principio sudoris essentia amaræ alicuius (N. XI.), vel diaphoreticæ, aut elexipharmacæ gutt. 40. & 50. in potu calido simul assumantur.

Monita practica.

I.

Febre profligata victus parvus ac tenuis, medicamenta amara, stomachica & roborantia (N. XI.) adhuc aliquamdiu sedulo continuanda, haustus vini

ni generosi in pastu usurpandus, *frigusque* diu vitandum, & ne morbus hic, quod ei alias solemne est, *facile recrudescat*, præsertim si jam antea pertinacioris fuit indolis, aut jam sæpius recruduit, bis terve in die *portio aliqua corticis chinæ*, vel *cascarilla*, & quidem in tertianis curatis post octiduum a superata febre, in quotidianis vero & quartanis, tertia quavis post debellatam febrem hebdomade, salutariter usurpanda, subjuncto tempore idoneo motu corporis moderato, & præsertim ambulatione, aut equitatione, aut uestitione frequenti.

2.

Si *agri sudores* in paroxysmi declinatione oriundos refrigeratione corporis *impediunt*, augment lassitudinem corporis, morbum potrahunt, varia insolita eaque sæpe gravia hoc ipso symptomata excitant, & febres leves facile in lentas periculosissimas, hecticam, cachexiam, œdemata, asthmata, hydropem, aliosque pessimos morbos transmutant: quæ mala sæpe insonti Cortici peruviano, sed falso adscribuntur.

3.

E contrario, *quo tranquillius agri in paroxysmo se gerunt*, patientiusque sudori indulgent, eo citius materia noxia febrilis subigitur, & expellitur, eo citius proinde omnia symptomata mitescunt, eo citius febris curatur, & eo melius ac certius pravæ sequelæ avertuntur.

4.

Potus sufficiens tenuis (N. XV.) ægris, præsertim in paroxysmo, pro sitis ratione, non solum non denegandus, sed potius *commendandus*, qui vero in frigore, ut dictum, non frigidus, sed calidus, aut saltem, si forte æger calidum bibere recusset, temperatus esse debet; neque spissus aut inebrians, sed aquosus, quique non affatim, aut præcipiti modo, at modicis haustibus sensim sensimque ingerendus.

5.

Sudorifera & amara in paroxysmo, quando ætus minui, & sudor erumpere incipit, magno cum fructu, ad sudorem promovendum noxiumque e sanguine expellendum, exhibentur; si citius, calorem nimis augment, & deliria aliaque mala sæpe inducunt.

6.

Frigus nimium in paroxysmo quarundam febrium, & præsertim quartanarum, lenitur calore lecti, potu calido, balsamis stomachicis & aromaticis, ventriculo ac spinæ dorsi calide illitis. Item spiritui vini rectificato, linteis complicatis calide ventriculo impositis, stragulis sufficientibus, lapidibus, aliisque machinis calidis pedibus suppositis.

7.

Febre debellata, si cibi desiderium diutius deficiat, R. vitrioli martis Ludovici, aut Elixir. vitrioli Myns. bis, terve in die ad gutt. 50. sumpta, egregie profunt, interpositis lenibus purgantibus.

8.

Cortex peruvianus, aliave specifica febres sistentia, præsertim vero adstringentia fortiora, si exhibeantur, antequam materia febrilis probe evacuata & correctæ est, graviora sæpe mala inducunt: ut obstructions alvi, angustias præcordiorum, dolores ventriculi, cachexiam, icterum, œdemata, asthmata, hydropes, inflammationes, febres lentas, hecticam, &c. Minus tamen hæc a cortice peruviano, cascarillæ & aurantium metuenda, quam ab adstringentibus aliis fortioribus.

9.

Cortex peruvianus, divinum sane remedium, non particulis adstringentibus, aut vi adstringendi, ut multi male existimant; sed particulis suis amaris, roborantibus, ac balsamicis, febres pellit ac sanat: hinc tantum periculum, ut multi putant, ab ejus recto usu non est pertimescendum.

10. Vo-

10.

Voracitas in febribus intermittentibus morbum diu protrahit ; aut morbo superato recidivam ejus excitat : hinc serio vitanda.

11.

Contra æstum & sitim ægris æqueus potus sufficienti copia dandus , isque pro majori effectu , gratis acidis supra nominatis est temperandus , vel & paucò vino rhenano & mosellano.

12.

Ægri , quo magis antea valetudinarii aut imbecilles fuerunt , eo cautius cum specificis & vomitoriis sunt tractandi , robustioribus vero minus nocent .

13.

Febres intempestiva suppressæ & alia mala , cum primis abdominis duritiem , adstrictiones alvi , & dolores circa hypochondria , excitantes , blande laxantibus , præsertim pilulis tartareis , balsamicis , aut polychrestis , aut vinis medicatis laxantibus , optime revocantur ; quæ deinde præparato ac purgato rite corpore , méthodo præscripta , denuo curandæ.

14.

Oedemata , post intermittentes , ut sæpe vel ob potum nimium fit , vel ob sudorem impeditum , relicta , frictionibus , motu corporis , exercitationibus , salibus digestivis , atque essentiis , itemque infusis amaris , cum vino aut cerevisia paratis , præsertim ex carduo bened. summit. absinth. bacc. juniper. cort. aurant. & cascarill. immo & ipsius chinæ curantur , interpositis subinde remediis martialibus , lenibusque laxantibus , atque observata simul tenui ac parca diætâ , & vitato potu nimio .

15.

Absorbentia terrea antifebrilia , & *antimonialia* in febribus his nimis copiose exhibita ventriculum facile vehementer lædunt , adeoque nimius eorum usus vitandus .

16. In

In quartanis præsertim senum, aut imbecillium, vehementiora remedia, ut vomitoria, purgantia drastica, volatilia fortiora, itemque V. S. (nisi forte fluxus sanguinis suppressus eam. exigit,) ut plurimum nocent: in junioribus contra & robustioribus haud raro rationes adfunt, quæ vomitoria & V. S. ut supra docuimus, requirunt.

In Febribus intermittentibus senum, soporosis dictis, ubi ægro altero vel tertio paroxysmo in soporem gravem, & tertio vel quarto paroxysmo in apoplexiam lethalem incidere solent, ut præstantissimi practici observarunt, mox post paroxysmum, quo sopor ille accessit, cortex peruvianus sæpe & larga dosi est adhibendus, ut sequens paroxysmus avertatur; alias ægri plerumque in sequenti paroxysmo apoplectici moriuntur. Confer. hanc ob causam utilissima scripta Celeb. Itali TORTI & WERLHOFFII nostri de febribus.

In febribus inveteratis aliquamdiu salia, vina medicata amara, & pilulæ amaræ balsamicæ, interjectis purgantibus, sunt usurpanda, antequam specifica sive sitientia exhibeantur.

Quoties ex quartana hydrops oritur, nullo remedio melius uterque curatur morbus, quam cortice peruviano, tam in substantia, quam infuso, recte exhibito. Conf. Filii Dissertatio de quartana & hydropse per corticem peruvianum curatis, A. 1740. Helmstadii edita.

C A P U T III.

De Febris continuis, & 1. acutis.

I.

Febri continua dicitur intemperies calida, aut morbus, in qua pulsus celer & calor præternaturalis, [cum variis aliis symptomatibus] usque ad finem morbi cum periculo perdurat. Dividuntur ejusmodi febres primo in *acutas*, & *lentas* sive *chronicas*. Acutæ vocantur, quæ brevi tempore vel ad mortem, vel ad salutem decurrunt, & sunt vel *acutæ simplices*, sicuti febris ephemera, synochus, febris catharralis, &c. vel *peracutæ*, ut causus, febris petechialis, purpurata; vel *acutissima*, ut sudor Anglicus, febris pestilens, & pestilentia sive pestis ipsa. Dividuntur præterea acutæ in *benignas*, & *malignas*, pro minori vel majori virium prostratione, symptomatumque minori, vel majori vehementia: & in quibus simul *macula vel papula sive pustula in cute*, quas Græci *exanthemata* vocant, proveniunt, ut in variolis, morbillis, febre petechiali, scarlatina, miliarum, seu purpura, urticata, peste, &c. *exanthematica* appellantur.

*Febris
conti-
nua
quid,
ejusque
divisio*

II.

Eodem fere modo ut plurimum incipiunt continuæ, quo intermittentes: nimirum horrore vel frigore, quem pulsus celer & calor præternaturalis modo lenior modo vehementior subsequuntur; verum distinguuntur ab intermittentibus *continuatio-
ne diuturniori* horum ultimorum, calor enim & pulsus p. n. in his ante febris finem non plane intermittunt, licet in nonnullis quandoque parum remittant; quam ob causam etiam a quibusdam

*Diffe-
rentia
ab in-
termittentibus, alique
divisio-
nes.*

dam in *continuas continentes*, sive *synochos*, & in *continuas remittentes*, easque vel quotidianas vel tertianas dividuntur: ad quas potissimum febres ita dictæ *catharrales* pertinent, quas coryza, tussis vel raucedo comitantur, quæ vesperi ut plurimum ægros nova quadam accessione vehementius affligunt, & matutino tempore a vehementia sua aliquo modo remittunt. Nonnulli plures constituunt differentias; sed hæc sufficere possunt: atque hoc solum adhuc notamus, quod vocabulum *continua febris* etiam sæpissime latiori & naturali sensu quoque pro *continente* usurpetur, atque non semper a continente distinguatur. III.

Symptomata, præter jam dicta in his febris
Sym-usitatoria, sunt cibi fastidium sive appetitus pro-
ptoma-stratus, sitis, cephalalgia, vigilia, virium major
ta. minorve prostratio, urina saturatius tincta, plusque
minusve rubicunda, siccitas oris, faucium & lin-
gue, harumque crusta modo albicans, modo fusca,
aut subnigra, quem statum nonnulli barbare pru-
nellam vocant, deliria, anxietates præcordiorum
leviores vel vehementiores, & alia; pro quorum
varietate varia recipiunt nomina: ut *ephemera*, *sy-
nochus* sive *continens*, *causus*, *angina*, *pleuritis be-
nigna*, *maligna*, *petechialis*, *sudor anglicus*, *mor-
bium billi*, *variola*, *purpurata vel miliaris*, *scarlatina*,
varie-urticata, *catarrhalis*, *biliosa*, *pestilens*, *pestis*, *epi-
demica*, *dysenterica*, *stomachica*, *intestinalis*, sive
mesenterica, *castrensis*, *hungarica*, *vulneraria*, *ery-
sipelacea*, *inflammatoria*, *lochialis*, *lactea*, *lenta*,
hectica sive *phthisica*, *verminosa*, &c.

IV.

Causa Causa proxima harum febrium quamvis non sit
& 1. adeo plana, certa ac perspicua, sed potius valde
propin-obscura, mihi tamen esse videtur, ut in intermit-
tus. tentibus, materia quædam p. n. modo acris, modo
viscida, peculiaris, partes multas, & cum primis cu-
tem, ad spasmos, sed cor & arterias ad frequentio-

res contractiones sollicitans , *non acida* , ut olim putarunt , sed *sulphurea* potius aut *alcalica* ; id quod calor morbidus , sitis , siccitas oris & cutis , aliaque phænomena evincere videntur : quo ipso deinde sanguis celerius , quam par est , per vasa propellitur , unde dolor capitis , vigilæ , deliria , aliaque symptomata explicari apte possunt . *Antecedens* vero hic magis in vasis sanguiferis , quam primis viis , in vario nimirum sanguinis vitio , vel quantitate , vel qualitate præsertim acri , alcalica , biliosa , sive *sulphurea* peccantis , consistit , quo cor & ceteræ partes ad motus ejusmodi p. n. concitantur , aliaque symptomata inducuntur ; quod vero sanguinis vitium , qualecumque id sit , hoc motu cordis & sanguinis aucto sæpissime corrigitur , vel expellitur , morbusque sic rursus tollitur , eumque motum & effectus *Naturam* vulgo (quæ nobis cor potissimum , una cum arteriis , motuque tonico aliarum corporis partium , verbo , mirabilis fabrica corporis mechanica est , Stahlianis autem *Anima rationalis*) præstare dicunt ; id quod etiam sano sensu verum est , dum a sapientissimo Conditore apta nata est , sicut in statu naturali , ita & in morbofo , noxia atque supervacanea secernere atque expellere ; atque hinc *Natura* merito optima morborum , & cum primis februm medicatrix appellari potest , quia eas sæpe sola sanat , cujus etiam ductum , si rite agit , sequi debemus . Contra sæpius occurrunt febres alique morbi , ubi *Natura* parum præstare valet , ars vero multum ; ubi Medicus fit magister & dominus *Natura* , in quibusdam vero **NATURA & ARS** , ut præsertim in malignis quibusdam , parum adhuc vel nihil efficere possunt.

V.

Remotæ verò causæ sunt itidem , uti in inter-
mittentibus , errores in rebus non naturalibus , cibo præsertim , potu , aere , moto vehementiori , vigiliis nimis , & affectibus animi , commissi , atque in-

2. Causæ
se re-
motæ.

inprim. etiam, maxime in epidemicis, *contagium*, si scilicet noxium quoddam in aere, quod sanguinem atque simul spiritus vario modo corrumpere, ejus crasin naturalem destruere, atque partes multas, cumprimis vero cor ad motus p. n. excitulare, cerebrum vero in suis functionibus vehementer turbare valet. Pro diversitate vero harum causarum, & inde inducta minori vel majori corruptione sanguinis, itemque pro varia corporum dispositione, febres hæc evadunt vel leviores vel graviores, benignæ vel malignæ; varique earum gradus & diversitates oriuntur: quantum tamen causarum & corruptionum ab iis inductarum natura si ve indoles a priori hæctenus satis cognosci haud potuit; a posteriori tamen observatur, sanguinem & serum in quibusdam magis *spissum* sive *coagulatum*, in aliis vero, præsertim in malignis, nimis *dissolutum*, & ad *putredinem alcalicam dispositum* esse, immo in malignis atque ipsa pestilentia revera in celere putredinem abire; unde necessario fluidarum ac tandem etiam solidarum partium fabrica, crasis & usus ita læduntur, ut omnia prædicta symptomata cum læsione reliquarum corporis animæque actionum, & sæpe mors ipsa inde subsequantur.

V.I.

*Diagnosis
mni
cont
nuar*

DIAGNOSIS continuarum generalis ex definitione earum (N.I.) constat. Specialis vero ex specialibus circumstantiis & symptomatibus desumitur. *Benigna* enim ex virium qualicumque aliarumque actionum constantia; *maligna* vero ex earum subitanea & insigni prostratione, ac pulsu debili, quibus plerumque mentis quadam turbatio sive alienatio, præcordiorum anxietas, & respiratio anxiosa aut suspiciosa, vigiliæque nimie ut plurimum juncta sunt, dignoscuntur. *Ephemera* sive *diaria febris* ex duratione 24. circiter horarum cognoscitur; *continua simplex*, *synochus*, sive continens dicta, ex signis febrium generalibus, viribus satis constantibus & sym-

pto-

ptomatibus plerumque non adeo vehementibus, per plures dies durantibus. *Synochus putrida*, ubi graviora adsunt symptomata, major anxietas præcordiorum, foetor excrementorum vehemens, aliaque. *Causus*, sive *febris ardens*, ex æstu sive ardore, præsertim circa præcordia, intollerabili, & siti fere inextinguibili. *Angina* ex faucium inflammatione, deglutitione & respiratione difficili, cum febre continua. *Pleuritis* ex dolore lateris punctorio, tussi & dolorifica respiratione, junctis signis febris generalibus, ex inflammatione pleuræ oriunda. *Phrenitis* ex faciei & oculorum rubore insigni in febre continua, itemque capitis dolore insigni, delirio, quod sæpe furiosum est, orta ex inflammatione cerebri. *Petechialis* ex maculis cutis, morsibus pulicum fere similibus, & cutis superficiei æqualibus, in toto fere corpore, facie tamen plerumque excepta, in quibus vero stigma sive punctum, ut in pulicum morsibus, non apparet, sexto vel septimo die ut plurimum se manifestantibus. *Morbilli* papulas sive maculas rubras habent paulo elevatas, sed sine pustulis, cum febre & tussi plerumque juncta. In *Variolis* vero post tales papulas sive maculas, pustulæ lentis vel minoris pisi magnitudine in iis elevantur, nunc purulenta, nunc aquosa sive serosa materia repletæ; priores *Variola vera*, posteriores *spuria*, sive *aquosa*, vocantur. *Variola vera* denique nunc *discreta* sunt, nunc *confluentes*: hæ, pejoris moris atque sæpe valde *malignæ*; illæ autem plerumque melioris sunt indolis. *Purpura* vel *febris miliaris* distinguitur ex maculis rubris vel papulis seminis milii aut papaveris magnitudinem, ut plurimum non excedentibus; quarum tamen hæ *purpuram albam*, illæ *purpuram rubram* constituunt. Quædam harum papularum haud raro liquidum perlucidum continent, & hinc morbus hic a nonnullis *purpura crystallina* appellatur.

Urticata vero *febris* dicitur, quando elevationes

sive papulæ puncturis urticarum similes cutem exasperant. Febris *scarlatina* cognoscitur, quando in febre acuta maculæ amplæ, rubræ, ad colorem scarlatinum accedentes, in cute hinc inde prorumpunt, eæque mox primis diebus, immo quandoque antequam febris percipiatur, quæ supra cutem non elewantur, & quidem etiam in facie, ubi petechiales vix umquam prodeunt. Febris *catarrhalis* cognoscitur ex eo, quando ita dicti catarrhi, ut Coryza, rauco, tussis, itemque capitis gravitas, juncta sunt; calor non solet esse adeo vehemens, nec sitis, attamen calor circa vesperam ut plurimum una cum ceteris symptomatibus increfcere solet, atque urina plerumque mox est turbida, sed sine sedimento. Febris *biliosa* vero ex prægressa ira, subsequente sapore bilioso in ore, æstu magno, vomitu bilioso, vel saltem conatu vomendi, cum præcordiorum anxietate, donec biliosa materia vel sponte vel dato vomitorio rejecta sit.

Febres *pestilentes* appellantur, quando febricula correpti subita virium prostratione affliguntur; nam est species febris malignæ, cum variis aliis febrium malignarum supra indicatis symptomatibus, eisque adhuc gravioribus magisque insolitis, multique ægrorum, quemadmodum in ipsa peste, intra breve tempus, duos scilicet, tres, quatuorve dies, immo subinde adhuc citius inde moriuntur, atque ut plurimum sunt *epidemica*; sique belli tempore in castris oriuntur, febres *castrenses* appellari solent, atque speciatim in Hungaria, Febris *Hungarica*, de qua mox plura. Pests vero sive Pestilentia ipsa innotescit, quando una cum ejusmodi symptomatibus tumores hinc inde in corpore, qui *bubones* aut *carbunculi* dicuntur, erumpunt. Epidemica febris est, quando plures simul eodem tempore, eodem in loco vel regione, ex eadem fere Febre decumbunt, quæ quandoque benignæ, quandoque tamen malignæ sunt. Sudor *Anglicanus* fuit febris olim

ad mo-

admodum maligna in Anglia orta & observata , in qua ægri mox vehementi sudore , & vitium prostratione corripiebantur , & multi intra unum alterumve diem , ut in peste , ea interficiebantur. *Dysenterica febris* est , si cum calore & pulsu p. n. vehementia tormina & æstus in abdomine , cum frequentibus & dolorificis dejectionibus , eisque vel cruentis , vel mucosis , aut purulentis adsunt.

Febris stomachica vel intestinalis mihi est , quam fluxus alvi , & rejectio materiæ sæculentæ utplurimum valde foetidæ comitatur , quam quidam *mesentericam* appellant .

Hungarica , quando ægri , præsertim in Hungaria , vel saltem tempore belli Hungarici , febre peculiari maligna , cum subitaneo virium lapsu , vehementissimo capitis dolore , linguæ & faucium inflammatione , ardore , nigritudine , atque ariditate afficiuntur , quam nonnulli barbaro vocabulo *prunellam* appellant , unde quamplurimi intra paucos dies pereunt . *Vulneraria* , quando calor & pulsus p. n. vulneri , abscessui vel operationi chirurgicæ graviori superveniunt . *Erysipellacea* ; ubi febri erysipelas ; *inflammatoria* , ubi ei inflammatio notabilis alicujus partis , sive externæ , sive internæ , conjuncta est ; vel ubi inflammationi , præsertim majori , febris supervenit .

Febris lenta sive hæctica , quando cum notabili corporis tabe calor lenis p. n. attamen continuus , cum pulsu celeriori ægrum perpetuo ac diu affligunt . *Phthisica* , ubi in viscere quodam , præsertim pulmonibus aut renibus ulcus est , una cum signis febris lentæ modo indicatis . *Lochialis* vocatur , quæ lochiis obstructis supervenit . *Febris lactea* , quæ lactis difficilem proventum in novis puerperis comitatur : atque ex his febrium continuarum diagnosin satis patere existimo .

VII.

Ratione prognoseos continuarum generatim pro-

be notandum est antiquum atque verissimum Hippocratis monitum , [a] in acutis scilicet nullas certas esse prædictiones , neque sanitatis , neque mortis ; quia adhuc hodie sæpius observatur , eos , qui nobis leviter agrotare videntur , sæpe inopinato mori , graviter vero decumbentes , præter omnem spem haud raro reconvallescere . Interea tamen *ea* , quas gravia comitantur symptomata , periculosiores ut plurimum sunt reliquis ; speciatim vero illæ omnium periculosissimæ esse solent , ubi subitanea eaque magna virium adest prostratio , ubi pulsus valde debilis , respiratio anxiosa , præcordiorum magna anxietas , urina tenuis , ignea , sine sedimento , vigilia perpetua , inquietudo & jactatio corporis continua , floccorum collectio , tremores artuum & linguae , subsultus tendinum in manibus & circa carpos , quando pulsum explorare volumus , mentis alienatio , pudoris neglectus & corporis denudatio insolita adsunt : Pulsus denique myurus , sacum & urina involuntaria & inscia excretio , oculique caligantes , cum perpetuis deliriis , mortem indicant . Ita & si urina in his morbis prius tinctorum simul & semel prorsus aquea sit , & quidem subito , deliria brevi instare fere certissime significat , ac deinde plerumque mortem . Optandum esset , ut aque valentia ac certa hic quoque haberemus remedia , quam in intermittentibus ; attamen hucusque ea adhuc desideramus . Interea tamen sciendum , plerosque , si rite tractantur , præsertim benignis aut saltem non adeo malignis laborantes , hodie a peritis & prudentibus Medicis restitui , atque longe plures evadere quam mori ; licet quam plurimi adhuc optimis etiam Medicis , varias ob causas , sæpiissime tamen ipsorum ægrorum aut adstantium culpa , moriantur .

Exi-

VIII.

Exitus vero harum febrium salutaris, quando per notabilem quandam evacuationem, ut hæmorrhagiam largam narium, sudorem fortem, urinam turbidam copiosam, cum sedimento largo, sputum multum, vel quandoque etiam alvi fluxum, & *Crisis* contingit, *Crisis* vocatur; quas evacuationes, si *plerumque ter minantur*. sufficienti copia procedunt, brevi euphoria & levitas sequuntur; sin contra, vel nulla, vel non satis larga aut sufficiens contingit, mortem vel saltem morbum diuturniorem aut mutationem in alium indicant. Et licet, ut modo dictum est, aliæ evacuationes criticæ accendant præter sudorem, quibus ægri servari solent, tamen quia plerique a febre sine sudore non curantur, ut hic apta ratione, dum natura sæpissime hunc modum ostendit, producat, serio studendum, fugiendumque ut plurimum omne, quod eum impedire potest: quia quando impeditur, sæpissime inde mors, interdum febres lentæ, aut innumerabilia alia mala gravia sequuntur. Scire vero juvat sudorem plerumque non in principio, sed in statu vel potius jam aliqua facta morbi declinatione, remittente nimirum aliquo modo caloris & pulsus vehementioris impetu provenire, atque ut plurimum nubecula in urina, quam tunc coctam appellant, indicari, ideoque ægri in principio sive ante hoc tempus, ut olim pessimo sæpe consilio fecerunt, ad sudorem non sunt cogendi; multo minus valde calefacientibus bezoardicis, aut alexipharmacis dictis remediis, ut quondam curarunt, tractandi, sed blandis ac lenibus diaphoreticis, præsertim fixioribus, tincturis ac mixturis temperantibus acidulis & potiunculis diluentibus, ac æstum temperantibus, sic certius reconvalescunt. Quia tamen etiam certæ febres acutæ materiam noxiam per alvi fluxum cum euphoria ægrorum expellunt, quæ in primis viis potissimum hæreere videtur, cavendum in his a sudoriferis, & sequamur

ductum naturæ, quæ de re uberius in Cap. V. dicemus.

IX.

*Cura-
tio fe-
brum
levio-
rum.* In curatione igitur plerarumque acutarum Medicus ab initio & incremento usque ad statum morbi materiam noxiam, tamquam causam febrilem, corrigere, præparare, & ad ejectionem disponere, aut in statu & declinatione eam per convenientia loca, quæ decursus morbi plerumque indicare solet, eliminare debet. Ubi vero præ omnibus, melioris methodi causa, notamus, *febres continuas ac continentes leviores, benignas, ut ephemeram, synochum simplicem, febres catarrhales benignas, urticales, scarlatinas, vulnerarias, lacteas, variolas, & morbillos benignos* frequentissime salutariter decurrere, causamque morbificam a natura sive motu cordis atque arteriarum frequentiori subigi, hoc est, corrigi, emendari, atque tandem quoque expelli, idque etiam sæpe sine medicamentis, præsertim si æger 1. *abstineat a cibis* valde nutrientibus, maxime carnibus, & utatur solum iusculis tenuibus, vel omnino abstineat a cibis, præsertim si ab eis abhorret; 2. *potu utatur* sufficiente, frequenti, diluente, aquoso, imprimis tepido, vel saltem temperato; 3. *quiete*, & 4. *frigoris evitacione*; his enim utcumque observatis, multi ab his morbis omnino & perfecte, tota sic dicta natura liberantur. Sed hæc si negliguntur, atque circa has res errores committuntur, aut incongrua remedia adhibentur, felix exitus sæpe invertitur, morbi que graviores, vel ipsa mors inducitur.

X.

*Cura-
tio gra-
viorum
exigit
prepa-
rationē
quæ fit
I. potu
apto.*

Ubi vero febris gravioribus stipata est symptomatibus, calori vehementiori temperando, & viscidæ vel acris materiæ preparationi magis studendum: in quem finem danda sunt *Diluentia*, ut potus sufficiens, aquosus, temperans, ex. gr. aqua simplex, pura, vel pane injecto alterata; vel decocta ex
pane

pane triticeo, aut hordeo, vel avena, vel decoctum hordei aut C. C. succo vel syrupo citri, vel spiritu vitrioli aut sulphuris, vel & spiritu nitri dulci sapore grate acido impregnatum, & saccharo vel syrupo quodam suave redditum; vel decoctum pomorum fragrantium, aut cerasorum acidorum siccorum, aut tamarindorum, addito pauxillo sacchari q. s. ad gratiam, vel & serum lactis, &c. quibus subinde infusum Theæ tepidum, vel veronica aut scabiosæ, præsertim mane & circa vesperam interponi potest. Paulo potentius vero tenacitatem sive spissitudinem humorum, in pejoribus ac malignis febribus subinde resolvunt, infusa vel decocta sic dictarum plantarum alexipharacorum & quidem temperatiorum: ut sunt herb. scordii, alliariæ, salviæ, millefolii, rad. scorzonere, caryophyllatæ, pimpinellæ albæ & similia, itemque horum essentia debiliores mane solum exhibitæ, quæ vero in ægris frigidioribus tantum sunt adhibenda & in calidioribus prorsus omittenda.

XI.

Pulveres temperantes ac diaphoretici, quales egregii parantur ex lap. cancrorum aut conchis, succo citri vel aceto destillato saturatis, atque salibus mediis æstum blande temperantibus; ut sunt nitrum depuratum, nitrum regeneratum, sal antimoniatum, Tartarus vitriolatus, arcan. dupl. &c.; vel pulveres temperantes compositi, in pharmacopoliis hinc inde prostantes, ex aquis temperantibus, borragin. bugloss. ceras. nigror. card. benedict. acetosæ, fumar. &c. ter quaterve die ad ℥j. vel 3℥. exhibiti, ex quibus etiam idoneæ potiuncule sive mixturæ fieri possunt, quæ vero quoque, præsertim si ægri pulveres averlantur, sine pulveribus dantur.

2. Pulveribus
& potiunculis temperantibus.

XII.

Blanda acida ad acrimoniam alcalicam, biliosam aut sulphuream, & æstum temperandum, putredini-

3. Blandis acidis & emulsionibus.

nemque alcalicam præcavendam, & quæ jam adest, destruendam: qualia, præter dicta salia media & nitrosa sunt succus citri, tamquam acidum corpori nostro amicissimum; syrupus citri, ribesiorum, berberum, cerator. acidor. rubi idæi, mororum, & Tinctura rosarum, fl. papav. bellid. vel aquilegiæ; &c. Acida autem fortiora sunt spiritus vitrioli, sulphuris, nitri, clyssus antimonii, spiritus nitri aut vitrioli dulcis; vel R ex prædictis, cum quarta parte spiritus nitri dulcis, tamquam remedio perquam grato, &c. quæ decoctis hordei aut CC., si modo tussis abest, ad gratum acorem instillantur, vel etiam per se aliquoties in die exhibentur; itemque *Julapia* grata ex aquis, syrupis, tincturis & spiritibus modo laudatis, refrigerantibus blandeque refocillantibus, quæ ultima remedia pueris plerumque, aliisque qui a pulveribus abhorrent, gratiora esse solent [a]. *Emulsiones* tenues, ex amygdalis dulc. rec. pistaceis, pineis, sem. card. maris, aquilegiæ, vel semin. 4. frigid. major. non rancidis, addito paucò saccharo ad gratam dulcedinem, pro acrimonia alcalica demulcenda & sanguine temperando.

5. Es-
sentiis
O tin-
cturis
dia-
phor.

XIII.

Materia hæc febrilis corrigitur & expellitur quoque medicamentis diaphoreticis sive alexipharmacis, quæ *guttatim* assumuntur, qualia sunt, Mixture simplex, Essentia scordii, helenii, angelicæ, contrayervæ, pimpinellæ, alexipharmaca, Tinctura bezoardica & similia, mane potissimum cum infuso aquoso ad guttas xxx vel xxxx exhibita; ex quibus vero priora sunt temperatiora, posteriora calidiora, adeoque temperatiora magis aegris calidioribus, posteriora vero frigidioribus sunt danda,

(a) Obs. in cholericis & melancholicis calor melius *nitro*; in sanguineis melius *acidis* temperatur.

da , atque magis in declinatione , quam in principio morbi , ubi calidiora remedia , præsertim in calidioribus , quam maxime sunt vitanda , reliquo autem diei tempore iis temperantibus remediis est pergendum , quæ §. X. XI. & XII. commendata sunt . Hæc diaphoretica sive alexipharmaca temperatiora ; illa vero , quæ ex vegetabilibus calidioribus parantur , & quidem cum spiritu vini , alexipharmaca sive bezoardica calidiora appellantur .

XIV.

Quod ad venæ sectionem attinet , ea locum habet in principio & incremento , quando æger est *plethoricus* & robustus , ubi *magnus aestus* , atque *pulsus fortis* aut vehemens adsunt ; quibus in casibus sanguis ad 3vj. viij. & plures , pro egrorum & symptomatum varietate , e vena educi potest ac debet ; imo quæ etiam subinde repetenda , si modo dicta symptomata brevi non remiserint . Ubi vero ejusmodi rationes sive indicantia non adsunt , vel egri valde debiles , vel calor lenis aut valde moderatus , ac pulsus languidus , V. S. omittenda est , præsertim si malignitas adest , & constitutio epidemica repugnat .

De Venæ Sectionis usu in eis.

XV.

Vomitiva non nisi in febribus illis continuis indicantur , ubi *caussa hæret in ventriculo* , ut ubi vel *nimia repletio* , vel *ira præcessit* , [præsertim in biliosis] & *nausea* , *amarities oris* , vel *sapor nidorosis* , vel *inanis vomendi conatus* , vel *dolores circa hypochondria* , cum præcordiorum anxietate , egrum affligunt ; ubi vero lenia sint , & præcipue hic *hypercacoanna* est laudanda , tanquam divinum præ cæteris remedium : quia alia , & præsertim antimonialia , facile hyperemesin aut hypercatharsin inducunt , aut vires nimis prosternunt , aliave mala concitant , quod hypercacoanna non facit , sed potius vim simul aliquam alexipharmacam , præsertim in malignis atque exanthematicis exercere solet .

De Vomitorio rum usu.

let . Sed ubi danda , mox , si fieri potest , in principio exhibenda ; quandoque tamen etiam adhuc in progressu locum habent , imo necessaria sunt , præsertim si in principio neglecta fuerunt , symptomata vero prædicta continuant ; hoc igitur in statu , si ægros ab iis malis , imo ab ipso mortis periculo , liberare volumus , quocunque adhuc morbi tempore cum fructu dari possunt , recorderque me ea aliquoties die demum decimo , duodecimo , imo decimo quarto morbi cum optato successu adhuc dedisse , ægrosque brevi postea convaluisse . Quando vero nulla ejusmodi indicantia adsunt , non promiscue , ut nonnulli suadent , exhibenda ; quia tunc non nisi debilitant ac turbant , causamque , quæ tunc non hæret in ventriculo , haud tangunt , multo minus tollunt .

XVI.

De Purgantia vero fortiora , in his morbis nunquam conducunt , quia debilitant , humores tenues expellunt , morbi cursum naturalem invertunt , naturam in subigenda & expellenda causa morbi sanguine turbant , facileque fluxus alvi periculosos excitant . Attamen *lenia* sæpe usum habent . 1. in febrium illarum principio , ubi indicia adsunt Sæburæ noxiæ in primis viis hærentis , ut molestiæ sive dolores circa hypochondria , murmura ventris , vel ipsa diarrhæa , &c. deinde 2. & cum primis in febribus catarrhalibus , aliisque epidemicis stomachicis aut intestinalibus , ubi ea conducere observatum est ; 3. in prima variolarum invasione ; liberatis enim sic prius primis viis a materia vitiosa , reliqua deinceps tanto facilius corrigitur : imo in catarrhalibus solo fere purgante totum morbum sæpius debellavi , & quidem potiuncula , quæ ex tamarindis , foliis sennæ , vel rhabarbaro & manna conficitur , vel ex sale amaro catartico , vel pilulis balsamicis Becherianis . In principio autem variolarum commode quoque datur mercurius dulcis cum rhabarbaro ,
vel

vel jalappa, aut decoct. tamarindorum. In progressu vero aut *statu febrium*, præsertim *exanthematicarum*, & cum primis *variolarum*, alvus purgantibus non est irritanda, sed si obstructio alvi molesta, clysteribus tantum blandis emollientibus referenda; nisi epidemica forte constitutio id suadeat.

XVII.

Ceterum in tali febre, sive venæ sectione aut *Dia-*
vomitorio, aut purgante opus, sive eis opus non *phoro-*
fuerit, quando per remedia prædicta (N. X. XI. *sis quo*
& XII.) morbus ad statum pervenit, vel calor ali-
modo quomodo temperantibus illis, jam imminutus est, *procu-*
& in urina coctionis signa apparent, cutisque hu-
randa, mida percipitur, atque inde constat, materiam mor-
bi coctam, subactam & ad excretionem præparatam
esse, tunc *medicamentis diaphoreticis sive excretio-*
nem promoventibus huic indicationi uberius satisfac-
ciendum est. Hoc præstant. 1. pulveres diaphore-
tici, ut Lap. Cancr. citrati cum antimonio diapho-
retico aut bezoard. minerali & pauxillo nitri, ex
aquis diaphoreticis, ut aqua fumar. card. bened.
scorzonera, flor. sambuci, scordii, cinnamomi,
cord. frigid. galegæ, ulmaria, ceras. nigror. ace-
tositatis citri, vel totius citri, &c. &c. exhibiti,
quibus in casibus gravioribus, ubi *anxietates præ-*
sertim adsunt magnæ, vel *deliria*, aut inflamma-
tiones, in quavis dosi pulveris camphoræ grana ij.
iij. ad iv. magno cum fructu addi possunt, itemque
pro ditioribus, lap. bezoardicus; quibus 2. subin-
de parca dosi, præsertim si ægri non facile sudant,
aut frigidioris sunt constitutionis, & cum primis
matutino tempore, interponi possunt *Essentia dia-*
phoretica, aut *alexipharmaca*, aut *Tinctura blanda*
bezoardica varie: ut vel sola Essent. Scordii, vel
Angelicæ ad gutt. xxx. vel cum pauca copia Ess.
pimpinellæ alb. vel helenii, vel contrayervæ mixta;
vel & harum loco mixtura simplex; aut R. bez.
Vvedelii, vel & ess. alexipharmaca Stahlî, eadem
vel

vel adhuc minori dosi . *Parcissime tamen his ultimis , utpote calidioribus , utendum , ubi magnus calor adhuc in ægro percipitur , vel quando ægri natura sunt calidioris temperamenti , resque tunc præcipue pulveribus & aquis illis diaphoreticis & ad summum essentia scordii , vel mixtura simplici , interpositis moderate acidis , peragatur .*

XVIII.

Quia vero nonnullæ febres diuturniores , aut minus acuta sunt , & per xiv. ac plures sæpe dies sese extendunt , methodo hac generali temperante ac diaphoretica modo descripta , mutatis pro symptomatum ac circumstantium rerum varietate remediis ac formulis , usque ad finem continuandum , nisi forte diarrhœa præsens , dolores circa hypochondria , excrementa valde foetida , laxantia suadent . Quod si vero in lentas & heclicas degenerent , earum curatio infra peculiari capite tradetur .

XIX.

Dicta . Ratione Dieta æger loco servetur temperato , vitetur calor cubiculi & stragulorum nimius , attamen & frigus ; præstat tamen , ut cubiculum aliquo modo magis ad frigus , quam æstus nimium inclinet . Potus congruus , diluens , aquosus , subacidus , gratus , ac pro siti moderanda sufficiens , modo non sit nimis frigidus , concedatur ; hoc enim æger multum reficitur ac roboratur , æstus minuitur , humores visciidi diluuntur , temperantur , quies , somnus & sudores promoventur : imo & in statu morbi , & adhuc magis in declinatione , quando vires fractæ sunt , etiam haustulus vini rhenani , mosellani , vel rubri cujuscunque temperati , vel solus vel cum aqua mixtus , ægro non interdicator , maxime si vinum appetat , vel saltem illud non adversetur , eive alias assuetus sit . Pro cibo , juncula tenuia ex vegetabilibus parata , præsertim farinacea , avenacea & hordeacea , succo citri , vel paucio aceto subacido facta , aut ex pomis parata , &c. item pruna , cerasa & poma co-
cta ,

Est, parcissime usurpata, optime conveniunt. Car-
nes verò quæcunque & quæ ex his parantur maxi-
me hic sunt vitanda, natura hoc dictitante, quæ
ab iis plerumque his in febribus abhorret. Nullus
etiam cibus qualiscunque sit; agro nauseanti, obtru-
datur, quia ut HIPPOCRATES recte docet, quo
plus hos agros nutriveris, eo plus nocebis; multum
enim omnibus in febribus præstat abstinentia, aut
saltem si quid appetant, aut aliquid ipsis porriga-
tur, semper sit parcissimus aut tenuissimus, & qui-
dem, ut jam dictum est, ex vegetabilibus paratur.
Atque hæc curandi ratio mihi hactenus optima in
his febribus perspecta est: conferantur tamen adhuc
diligenter sequentia

*Monita Medica & Symptomatum
Curatio.*

1. Ut nimius calor, ita nimia refrigeratio, siue
externa ea sit, siue interna, per potum scilicet ni-
mis frigidum, in continuis, & præsertim in su-
dore, summe noxia est, adeoque & lecti & indu-
siorum mutatio, maxime in exanthematicis.

2. In omnibus acutis, & speciatim quodque in
malignis, atque exanthematicis, ut variolis, mor-
billis, purpura, &c. regimen blandum diaphoreticum
siue diaphoreticum, sed non coactum, atque legiti-
ma victus ratio, una cum quiete, præcipuum cu-
rationis negotium absolvunt.

3. Evacuaciones alvi in his febribus in incre-
mento vel statu; nisi natura viam demonstret, aut
epidemica constitutio id doceat, ut plurimum sunt
periculosæ, ipsaque clysmata acriora tunc quando-
que non satis tuto applicantur; primo autem ini-
tio, præsertim, ubi repletio vel ira præcessit, le-
nia ex rhabarbaro vel ex decocto tamarindorum
aut foliorum sennæ cum manna, non nocent.

4. Sed si alvi obstructio in incremento aut statu

molestias creat, vel lotionem emollientem vel decoctum tamarindorum, addito syrupo acetositate citri vel rubi idæi q. s. ad gratiam loco potus usurpato, solvi potest, idque adhuc magis in declinatione, ubi etiam sæpe lene evacuans, ut potiuncula ex foliis fennæ, vel rhabbarbaro, vel ex tamarindis & manna, aut etiam sale amaro cathartico dari tuto potest.

5. Speciatim tamen in malignis, petechialibus & castrensibus, præmisso leni ex hypecacoanna emetico, causa maligna corrigenda est 1. idoneis acidis, ut potu ex decocto hordei vel radic. scorzonæ, aut CC. citrato, cum syrupo ribesiorum, vel rubi idæi suaviter temperato: vel potu ex aquæ part. iii. & vini part. j. pomis citri & saccharo grato reddito, vel & cerevisia tenui, cui aliquot guttæ clyssi antimonii vel spiritus sulphuris ad gratum usque saporem acidum, instillantur. Ita & 2. infusa ex herb. scordii aut cardui benedicti, radicis scorzonæ vel helenii, vel florum calendulæ, ad modum Therac subinde usurpata, cum vel sine syrups laudatis acidulis egregie profunt, 3. Rob. sambuci & juniperi, itemque diascordium cum lacte præsertim rutaceo subinde inter prædicta data, specificè contra malignas profunt. 4. Pulveres ex antimonio diaphoretico vel bezoardico minerali, aut conchis cicratis, cum nitro antimoniato & camphora, parca sed sæpius repetita dosi, ex potionibus illis vel aquis diapnoicis dati, acie malignum egregie destruunt.

6. In Febris malignis epidemicis, præsertim petechialibus & catarrhalibus, vel ubi alias ægri valde debiles. Vena sectio ut in peste, noxia plurimumque esse solet; adeoque, potissimum, ubi noxia jam deprehensa est in aliis ægris, postea omittatur in sequentibus, nisi ingens forte plethora id suadeat.

7. In febris exanthematicis, ut maculis petechialibus & purpura, itemque variolis & morbillis, si non rite erumpunt, id quod inter alia anxie-

tas circa præcordia indicare solet, valde conducunt emulsiões diaphoretica [præmisso ex hypecacoanna emetico] ex seminibus aquilegiæ, cardui marie & napi paratæ, quia hæc semina vim obtinent expellendi, sive, ut dicunt, alexipharmacam; ita Essent. scordii, helenii, pimpinellæ, vel castarillæ, subinde ad gutt. xx. vel xxx. ex vehiculo apto, præsertim calido, exhibita, hoc in statu valde conducit, non neglecto potu Theæ aliave calido superingesto. Vulgus nostrum frustulum radicis helenii potui ordinario horum ægrorum haud sine fructu immittit, vel cum Thea commiscet.

8. Ubi metus est exanthemata retrocessura esse, potus calidus cum Essent. scordii, vel helenii, vel pimpinellæ, aliave simili diaphoretica, corpore probe tecto optimum est remedium, adhibitis simul, si graviora symptomata adsunt, cantharidibus in brachiis & pedibus.

9. Quando vero exanthemata jam retrocesserunt, atque tunc mors fere certa est metuenda, Essentia quoque alexipharmaca, ut Essent. scordii, pimpinellæ, aliqve similes sæpius, simul cum infuso Theæ, scordii vel millefolii exhibeatur, atque cantharides sive vesicatoria fortia dorso, brachiis & pedibus applicentur, corpore a frigore probe defenso.

10. In malignis & peste ipsa, dato prius laudato, si opus est, emetico, nihil melius conducit quam quies in lecto, regimen blandum diaphoreticum continuuum, servando nimirum corpus in perpetuo calore, exhibendoque sæpius potum tepidum, aquosum, infusi Theæ, radic. scorzonæræ, herb. scord. salviæ, millefolii, veronicæ, &c. interponendo subinde ptisanas subacidulas. Deinde, præsertim in malo graviore, etiam subinde danda alexipharmaca temperata, præsertim tempore matutino, parca sed sæpius repetita dosi, ut mixtura simplex, vel Essentia scordii aut alia quædam alexipharmaca, &
pul-

pulveres diaphoretici ex lapidibus cancrorum vel conchiis, succo citri præparatis, cum pauxillo nitri & camphoræ, qui pulveres vel alternatim cum essentiis sumendi, vel horis solam pomeridianis, sic tamen, ut Essentiæ magis frigidioribus, pulveres magis calidioribus temperamentiis, exhibeantur: quibus etiam *potione ex aquis* diapnoicis cum antimonio diaphoretico, vel temperante quodam pulvere paratæ, magno cum fructu subinde interponuntur.

11. Quia in peste, in *Bubonum legitima tractatione*, maxima felicitis curationis pestis pars consistit, hinc opera danda, ut emplastro vel cataplasmate emolliente mature extrahantur, ac maturentur, postea aperiantur, mudentur, & essentia vel balsamo vulnerario consolidentur. Qui plura de his *Carbunculis pestilentialibus* sanandis nosse vult, itemque de *preservatione* ejus, evolvat Instit. nost. chirurgic. Part. I. Lib. IV. Cap. IX. seqq.

12. *Nocent vero plerumque in malignis & præsertim in peste*, V. S. vomitoria ex antimonio, purgantiora fortiora, omnia medicamenta vehementia, ut nimis calida, aut volatilia, opiata, valde camphorata, ac regimen quoque nimis calidum, quemadmodum fere omnes scriptores, qui in ultimis pestilentiis vixerunt, testantur. Atque hæc ipsa etiam methodus in *sudore Anglicano* optima quondam observata est.

13. In *febris catharralibus*, mane, *præmissa* in principio ad materiam vitiosam evacuandam vel potiuncula mannata, vel pilulis lenibus; postea frigidioribus essentia quædam diaphoretica, vel liquor CC. succinatus cum leni sudoris regimine, ad materiam noxiam noctu subactam, expellendam, ex infuso herbarum pectoralium calido exhibeatur, & reliquo tempore diei aliquoties pulvis quidem temperans, salinus, resolvens, cum succino & nitro ad materiam vitiosam uberius corrigendam, vel

ex

ex simili infuso, vel ex aquis diaphoreticis detur; *calidioribus* vero soli pulveres & aquæ diaphoreticæ exhibendi. Ad *materiam acrem*, quæ *raucedinem* & *tussim* producit emendandam & incrasandam *linctus pectorales* conveniunt; pro materia vero *tenaci* e pectore evacuanda oxymel squill. ex aquis pectoralibus dandum. In *alvo obstructa* clystma vel potiuncula laxans mannata adhibeatur. Simulac vero *mador* percipitur, & æstus paullulum remittit, aquis & potiunculis diaphoreticis una cum infuso pectorali sedulo continuetur.

14. *Bezoardica* sive *alexipharmaca calidiora*, ut *salia volatilia urinosa*, *spiritus volatiles alcalici*, *spiritus vini rectificatus cum radicibus aliisve calidioribus destillatus*, *Essentia* & *Tinctura* e *calidioribus parata*, *myrrhata*, *ligna sudorifera*, aliaque *medicamenta æstum inducentia*, quæ haud adeo pridem a Medicis plerumque hic in febribus acutis adhibebantur, valde noxia sunt, & cum primis *calidioribus*; ardorem enim augent ac sitim; inflammationemque, anxietates, deliria, summas virium prostrationes, & sæpe mortem producant.

15. In *Bezoardicis* vero *mere terreis*, qualia *ferre sunt terræ sigillatæ*, *Cornu Cervi* ustum, *pulvis Pannonicus ruber*, *Mantuanus*, *bezoard. Sennerii*, *Anglicanus*, &c. parum virtutis deprehenditur, nisi *forte in alvi fluxibus nimis*: ubi tamen ipsis *cortex cascarillæ cum nitro* jungendus, si *bonus effectus inde sperandus*.

16. In *causo* & *ardore circa ventriculum* *externe spiritus Vini camphoratus* *scrobiculo cordis* cum *linteis complicatis* calide impositus, *superimposita vesica aquæ vel lacte calido*, præsertim si in eo *flores chamæm. costæ*, repleta, egregie conducit: quia hic *inflammatio ventriculi adesse solet*, quam *potenter resolvit*, maxime si *camphora etiam interne simul exhibetur*.

17. In *febre Hungarica*, præter remedia febribus

malignis adversa & modo commendata ,¹ conducit sæpe *initio vomitorium* , idque potissimum ex hypocaœna , quia sæpissime ex prava Militum diætâ ortum ducit : id quod subinde , si malignitas post primum non satis remisit , repetendum .

Deinde , quia *fauces in ea* plerumque valde *inflammata* , aridæ , fuscæ & siccæ sunt , atque capitis dolor vehemens valde molestus esse solet , quæ mala sæpius a nimio potu vini hungarici vel spiritus vini ortum ducere solent , non solum *Venefectio in brachio* aut pede , sed etiam *in venis jugularibus & raninis* , itemque gargarismata ex decocto & succo herbæ sedi majoris , vel endiviæ cum nitro depurato , vel antimoniato , aut lapide prunellæ , aut sale ammoniaco , cum syrupo mororum necessaria ac proficua esse solent . Ita & *mucilago seminis cydoniorum* aqua rosarum parata , cum syrupo mororum & nitro , faucibus & linguæ aridæ sæpius illita , egregie opitulatur .

18. *Hæmorrhagia quacumque in his morbis* , & imprimis *narium critica* præmature non sunt sistendæ : facile enim ægri his in morbis sine noxa aut vitæ periculo duas sanguinis libras emittere possunt ; cohibita vero , citius quam par est , gravissima mala , ut calorem majorem , dolores capitis vehementes , anxietates circa præcordia , præsertim vero deliria & phrenitidem inducere valent . Quod si vero sint *nimie* , tandem sisti debent , & quidem externe aceto , vel solutione aluminis aut vitrioli , in aqua cum turundis in nares immixtis ; interne temperantibus , nitrosis . Multi quoque hic *busonem* sub axillis alligatum valde commendant .

19. *Vomitus* , cum primis *in caufa* , aut *febris biliosa* , itemque in variis malignis , quia plerumque salutare aut critica hic sunt evacuationes , per adstringentia & opiata , ut ab imperitis sæpe fieri solet , præmature non sunt sistendi ; sed potius in vomitu potus largus aquæ tepidæ , vel decocti

cocti tenuis hordei vel avenæ , vel herbæ cardui benedicti , addito pauxillo hypecacoannæ , ad materiam acrem probe eluendam , & ejiciendam sæpe ingerendus , donec sponte remittant ; attamen si nimis diu continuant , tandem theriacæ vel diascordi ℥j. ex aqua cinamomi , cydoniata semel iterumque data conducit .

20. *Alvi quoque fluxus* quicumque , non mox adstringentibus curandus , sed materia peccans per diluentia potius & blanda evacuantia , imprimis rhabarbarina & tamarindinata , deinde & absorbentia ac nitrosa , partim evacuanda , partim corrigenda , ita post aliquod tempus plerumque sponte cessat . Aut si his præmissis , non remittat , ægrique debiliores fiant , Diascordium Fracastorii , vel theriaca , ad ℥j. ut mod. dictum est §. 19. vel pulvis cascarillæ , a gr. iij. vj. ad xij. cum pulveribus temperantibus vel terreis , ut corallis , CC. usto , terra sigillata , pulv. bez Sennert. vel anglicano , vel panonico rubro , ex aqua cinamomi cydoniata , vel aqua menthæ sæpius , donec cesset , exhibenda ; aut Essent. cascarillæ & Essent. scordii aut diascordi propinanda ; hæcque potissimum horis matutinis , illa a meridie & circa vespèrum .

Crystallus montana præpar. ac nitro aut cascarillæ , aut utriusque simul sociata , in diarrhœis excedentibus quoque egregia est , maxime si magis , quam antea , ad sudorem se componant ægri eumque patienter ferant . Ita & *emulsiones* ex amygdalis dulc. & semine papav. alb. paratæ , ad ℥j. sæpius exhibitæ , non raro solæ has diarrhœas compescunt .

21. *In diarrhœis febrium quarumcumque* & præsertim malignarum [a] , aut si tempus frigidum , præ-

D 2

ter

(a) Quas sæpe salutare esse , præter alios cel. Hoffmannus egregie probavit , in Dissert. de diarrhœa in malignis salutaris , aliisque scriptis .

ter jam dicta, opera danda, ne *ager e lecto facile surgat* ad alvum exornandam; quia diaphoresis, hic adeo necessaria, impediretur, sed potius vas vel patina apta egro in lecto decumbenti supponatur; vel si hæc desint, aut alias surgendi necessitas incidat, ut vestibis, stragulis, aliisque rebus a frigore probe defendatur, frigus enim hic valde noxium est, adeoque & potus semper vel calidus sit vel minimum tepidus. *Nitrum* deinde cum absorbente & pulv. calcarillæ junctum, atque parca, sed repetita sæpe dosi exhibitum, remedium hic, & præsertim etiam in *variolarum*. & *morbilorum diarrhæa*, alias valde periculosa, est efficacissimum: imprimis si emulsio (N. XX.) laudata, addita ʒi. vel altera gummi arabici, ad acre in intestinis temperandum sæpius interponatur.

22. Si *Dysenteria* febris superveniat, eadem curandi ratio est adhibenda, vel & sæpius egro *Ess. rhabarbari cothleare* unum, ad materiam noxiam evacuandam, donec malum remittat, exhibeatur, atque etiam egro in lecto, si alvum deponit, vas subji-ciatur, vel si surgere vult, vas aquam calidam continens supponatur, & stragulis vel vestibis probe contegatur; *Clysteres* ex lacte & theriaca hic quoque egregie profunt; conf. simul Cap. XIII. N. XIV. & seq. ubi speciatim de *Dysenteria* agitur.

23. In *singultu* febrium acutarum prodest *spiritus nitri dulcis* cum essent. quadam alexipharmaca ad gutt. xx. vel xxx. per intervalla ex infuso. Theæ vel aqua diaphoretica datus, donec cesset.

24. Ob *vigilias aut capitis dolores* egris non facile *opiata*, præsertim fortiora, exhibenda, quia obstructions inferendo morbum plerumque reddunt graviolem, atque deliria, soporem, aliaque prava symptomata facile inferunt: febre enim, laudatis remediis mitigata, aut superata, symptomata hæc sponte cessant. E contrario *potus sufficiens*, *aquosus*, *acidulus*, medicamenta nitrosa, cinnabarina, & emul-

emulSIONES tenues præsertim papaveratæ, hic multum valent. *Externa* in principio dolorum capitis, spiritus vini camphoratus fronti & temporibus, vel per se, vel philonio Romano roboratus & cum splenio calide applicatus, prodest; in progressu autem acetum rosarum vel solum, vel cum nucleis persicorum aut amygdalis amaris rasis, impositum; vel & *emulsio* ex semine papav. & nucleis persicor. cum aqua solani parata, addita portiuncula *camphoræ* egregie conducit, vel & unguentum alabastrinum camphoræque roboratum temporibus illini potest. *Clysmata* etiam emollientia, ubi alvus simul obstructa, hic multum contra dolores capitis & vigiliis prodesse possunt: ut & *cataplasma* ex fermento panis cum ruta, sinapi, sale & aceto plantis pedum impositum.

25. In anxietate & *cardialgia* febrium *petechialium* aliarumque *malignarum* affinium, præmissa *hypecacoanna*, theriacæ ʒj. cum salis absinthii & antimonii diaphor. a gr. xv. ex aceto bis vel ter post intervalla duarum vel trium horarum, si malum citius non remittat, apte exhibetur, subjunctis potiunculis diaphoreticis camphoratis.

26. In capitis doloribus & *deliriis* harum febrium præter modo dicta, etiam *sanguisuga*, temporibus & post aures adhibendæ, itemque *vesicatoria* pone aures, brachiis, cervici, & furis pedum, item *sinapismi* brachiis & plantis pedum, revellendi atque avertendi sine, imponendi; interne vero *nitrum* & *camphora*, vel in pulvere cum aliis temperantibus, vel in emulsione sæpius, quovis scilicet bihorio aut trihorio, danda.

27. Contra *tussim* sæpe molestam cumprimis *carrhalium* febrium *infusa aquosa* ex speciebus pectoralibus parata, calida subinde forbillata, itemque *emulSIONES* ex amygdalis, sem. card. bened. card. mariæ, papav. alb. & aquis pectoralibus, ut scabiosæ, hyssopi, tussilag. card. bened. confectæ,

54 *Caput III. Monita de Febris*

præsertim versus noctem sæpius datæ , egregie conducunt : ita & *linctus pectorales* ex oleo amygdalarum dulcium , syrup. violar. vel papav. err. & sperm. ceti , addito pauxillo laudani liquidi , usum hic habent non spernendum , si circa tempus , quo tussis maxime affligit , assumuntur . *Acida vero mineralia* , quæ ob vehementiam tussim facile augent , tunc sunt vitanda .

28. Quando *faucium inflammationes* percipiuntur , ita ut *agri de deglutiendi difficultate* conquerantur , mox *gargarismata* leniter adstringentia & resolventia , ex rad. tormentillæ , bistortæ flor. & fungis samb. flor. ros. papav. rhead. aqua japon. nitro & pauco alumine , vel etiam sale ammoniaco , addito syrupo mororum vel nucum , sunt adhibenda . Externe emplastra discutientia , ut Empl. de meliloto camphoratum , vel sacculi ex herb. aut florib. resolventibus applicandi , itemque si alvus obstructa , *clysmata* , vel ipsa *lenia laxantia* ex tamarind. fol. senn. rhabarb. & manna , *revelendi fine* , mature exhibenda , antequam *aphthæ* , quæ plerumque in his casibus periculosissimæ sunt , superveniant , & quando *faucium tumores* , *ingruente febre* , *incidunt* , hæc laxantia optimo cum successu mox in principio dantur .

29. Alias vero , ubi *angine indicia* , ut cum difficili deglutitione difficilis quoque *respiratio* incidat , *Venæ sectio* larga & quidem primo vel in brachio , subjuncto idoneo purgante vel adhuc melius in pede ; deinde , si malum non remittit , in *vena jugulari* , ac denique sub lingua *in raninis* , si præcedentes non suffecerint , instituenda est , itemque *clysmata* sæpius applicanda , atque vesicantia extus variis partibus imponenda .

30. *Aphthæ* in febribus malignis , quæ pessimi sunt moris & indicii , abstergendæ Ess. succini & myrrhæ , vel pimpinellæ , ope penicilli ; vel & liquore myrrhæ per deliquium ; interponenda gargarismata

rismata ex decocto herb. plantag. aut veronica cum melle rosar. & syrupo mororum; vel ex aqua plantaginis phlegmate vitrioli acidulata.

31. *In continuis remittentibus* ante novam accessionem pulveres salinos antifebriles temperantes, vel adhuc magis, *corticem peruvianum* dare utilissimum.

32. *Sudores nimii sive colligativi* requirunt aerem cubiculi frigidiusculum; integumenta lecti leviora ac tenuiora, potum frigidiusculum, acidulum, ad quem & serum lactis & lac ebutyratum pertinent, Tinctura rosar. aliarque acidulæ, vel & horum loco spir. nitri aut vitrioli dulcis, ac denique terrea, ut terra sigillata, corall. rub. gemmata & præsertim spec. de hyacinth., cum nitro & pauxillo opii, vel & dosi diascordii.

33. *Vires debiles*, præsertim in *malignis* vel in statu & declinatione benignarum, potiunculæ analepticæ, cum confect. alkerm. Tinctura coralliorum, emulsiones ex amygdal. dulc. pistaceis, pineis, sem. card. mariæ, card. bened. aqua borrag. bugloss. rosar. cinam. flor. aprantior. lilior. convall. totius citri, cordial. frigid. perlat. & camphora roboratæ: itemque *poma citria*, *aurantia*, *sinesia*, aliaque similia quocumque modo exhibita; immo & ipsum *vinum* bonæ notæ modice sumptum; præsertim si ægri illud appetunt, tam merum, quam aqua temperatum & pauxillo sacchari edulcoratum, adjectis vel omissis orbiculis dissecti pomi citrei, egregie refocillant. *Externe* carpis manuum & quandoque etiam cordi, aqua Anhaltina, Reginæ Hungariæ, carbunculi, itemque aceta varia, ut rosarum, lavendulæ, rutæ, caryophyllaceum, &c. tepide applicantur, quæ & naribus pro odoratu sæpius adhibita roborant.

34. *Contra convulsiones*, in his febribus, quæ symptomata sunt periculosissima, prodest spiritus cornu cervi, vel liquor succinatus, sal CC. volatile, itemque pulvis ex sale card. bened. nitro, cin-

56 *Caput III. Monita de Febris, &c.*

nabari & camphora. : quibus nonnulli etiam vel pauxillum opii addunt , vel theriacam interponunt.

35. *In Febris , quæ gangrenam aut sphacelum comitantur , interne ad hæc mala compescenda , ex novissimis observationibus valentissimus sæpe est cortex peruvianus , eadem ratione , ut in vehementibus febribus intermittentibus , sæpius & largâ fatis copia exhibitus.*

36. *Post Febres acutas omnes & præsertim exanthematicas ac malignas usus lenium alexipharmacorum , quæ simul stomachica sunt , ut Essent. cort. aurant. gentian. pimpinellæ , angelicæ , heleenii , card. bened. cascarillæ , scordii , adhuc aliquandiu continuandus est : ubi speciatim quoque cortex cascarillæ vel in pulvere , vel in electuario , vel ejus extractum in pilulis egregiam utilitatem præstant . His etiam lene laxans sub declinatione , immo etiam in fine , antequam aerem rursus ingrediantur , cum fructu interponitur , sic appetitus ac vires citius redeunt , ægrique rectius reconvalescunt .*

37. *Si post acutas vires & appetitus redire nolint , purgans dandum , & postea stomachica subjungenda : quia ut plurimum tunc appetitus , ob humores vitiosos in ventriculo hærentes , læsus est .*

38. *Denique reconvalescentes post quasunque tales febres operam dent , ne facile errores in dicta committant ; cum primis , ne carnes , maxime duriores , aut pinguiore , præsertim suillam , aliæque concoctu difficilia nimis cito comedant , aut etiam in levioribus copia excedant . Vitent etiam adhuc aliquandiu aerem frigidum , ventosum ac pluviosum , matutinum & vespertinum . Nisi enim hæc observent , facile in febres novas , easque sæpe peiores , immo sæpissime lethiferas ; vel saltem in alios graves morbos relabuntur .*

De Febribus exanthematicis & speciatim de Variolis ac Morbillis, quibus purpurata & petechialis subjunguntur.

I.

Quid Febres exanthematicæ sint, & quidem *Dee-* nominatim *Variolæ & Morbilli*, quænam earum differentia ab aliis, supra jam Cap. III. n. *xanthe-* VI. dictum, earumque etiam curatio generalis eo- *mati-* dem Capite tradita est. Interea tamen earum fre- *cis spe-* quentia, dum pauci homines ab his prorsus liberi *ciatim* agentur, illarum discrimen ac valde dubius sæpe *dum.* eventus aliæque causæ me permoverunt, ut de iis adhuc specialius hic exponere consultum duxerim.

II.

Inprimis vero in Variolis melioris curationis causa probe cum Sydenhamo notanda *Qua-* *tuor va-* *riolarū* *tēpora* *sunt no-* *tanda.* *quatuor ea-* *rum tempora*, invasionis scilicet, eruptionis, sup- *purationis*, & exsiccationis, ut tanto accuratius, quid in quovis optime sit agendum, observare queamus. Tempus igitur 1. invasionis sive ebullitionis materiæ p. n. aut malignæ vocatur primum morbi tempus, quando ægri languere aut male se habere incipiunt, ad tempus, quo maculæ rubræ in cute & præsertim in facie erumpere incipiunt, quo ægri prægresso plerumque levi horrore, plus minusve calere solent, quo ipso tempore nonnulli etiam *convulsionibus*, atque *epilepsia*, cum primis infantes & pueri, ex improvise sæpe corripuntur: hocque ebullitionis tempus trium quatuorve dierum spatio circumscribitur.

III.

Tempus vero 2. *eruptionis* vocatur, quando maculæ rubræ erumpunt & sensim sensimque in papulas eleuantur, quod *ut plurimum a tertio vel quarto die* ad septimum usque durat in veris & discretis. 3. *Tempus suppurationis*, a die scilicet septimo ad diem plerumque undecimum, quo papulæ rubræ in pustulas pure repletas transmutantur; & 4. *Tempus exsiccationis*, ab undecimo plerumque ad decimum quartum vel decimum quintum in veris & ordinariis. Sed in *spuriis sive aquosis* citius & suppuratio & exsiccatio contingere solent, ubi sæpe die octavo, nono, vel decimo omnino rursus exsiccatae sunt, in anomalis vero sive irregularibus ac malignis eas die XVII. imo vigesimo nondum exsiccatas esse memini, sed *Morbilli* citius, & fere ut variolæ nothæ, intra novem vel decem dies periodum suam absolvunt, & per squamulas exsiccati decidunt, *tussi tamen plerumque fortiori*, quam in variolis, afficiuntur.

Causa proxima horum morborum & speciatim variolarum est *materia quædam p. n. sive vitiosa in sanguine*, quam natura, inde irritata, in hoc actu separat atque per cutem sub puris forma expellit, videturque jam in utero matris cum sanguine infantibus communicari, quia infantes variolis & morbillis nati leguntur, aut eis sæpius primis post partum diebus vel hebdomadibus corripuntur, ubi aerem nondum ingressi & nullo adhuc alio victu, quam lacte, usi sunt: & quia plerique homines vel citius vel tardius semel eos sustinere coguntur. Interea tamen exempla etiam eorum prostant, qui bis, imo ter iis correpti fuerunt.

Diagnosis horum morborum ex Cap. III. n. VI. jam patet. *Prognosis* etiam valde cum aliis febribus acutis convenit [*ibid.* n. VII. & VIII.]. *Atta-*
men

men speciatim hic adhuc notandum, quod, *quacitius erumpunt*, eo plerumque fiant copiosiores, quo vero *copiosiores*, eo plerumque, sicut in aliis exanthematicis, periculosiores, atque ut plurimum *confluentes*, quæ longe majus vitæ periculum portendunt, vel saltem faciem imo & oculos vehementius, quam discretæ, corrumpere solent. *Quæ vero circa finem diei tertii, vel quarto demum placide proveniunt*, plerumque pauciores, discretæ & mitiores evadunt. Hinc haud probandum est illorum mos, qui *variolas* aliasve quascunque continuas ac speciatim exanthematicas *vehementioribus & calidioribus expellentibus*, itemque calore magno hypocausti ac stragulorum præmature expellere satagunt: quia his ipsis sanguis, jam quasi ebulliens, qui temperandus est, magis incalescit & corrumpitur, atque ex *levioribus & discretis pejores, confluentes & malignæ conficiuntur*. Præterea sciendum *epilepsiam*, quæ tempore invasionis sæpe pueros aggreditur, quamvis parentes aut amicos sæpe vehementer terreat, plerumque nihil mali denotare, & variolas ut plurimum satis bene ei succedere. Quando autem nimis copiosa prodeunt, præsertim in facie, aut confluentes sunt, aut malignæ gravioribus & inusitatioribus malis stipatæ, vel collabuntur aut retrocedunt, vel justo tempore non exsiccantur, periculosa sunt; & contra, minus periculosa, si blande & tarde prodeunt, si discretæ & pauca sunt, atque sine gravibus symptomatibus.

V I.

In curatione igitur lenissima via per blanda temperantia, diluentia, & diapnoica, ut in aliis continuis, mihi & plerisque hoc tempore bonis prædictis optima deprehensa est. Antequam vero de hac plura dicamus, pauca monebimus de ea curandi ratione, qua multi variolas periculosas, malignas, & confluentes, per ita dictam inoculationem benignarum, præcavere studuerunt, & quam mini-

Cura-
tio per
inocu-
lationem.

me

me rejiciendam; sed potius maxime salutarem, generique humano utilissimam esse existimamus.

Nam omnino verisimile videtur, jam ab utero materno variolarum materiam sanguini admixtam esse, quæ semel in omni propemodum homine deservescere debet. Quod ipsum quo citius, sive quo minori ætate hoc fit in infantibus aut pueris, eo securius ab eo veneno ut plurimum liberantur, atque eo melius evadunt. Quo autem diutius hæc pestifera materia hæret in sanguine, eo pejor ac malignior ea fieri videtur, dum observatur, adultos plerumque longe gravius inde affligi, quam pueros; & quam plurimos illorum veneni vehementia vinci. Igitur quando variolarum benignarum insitio præstat, ut citius atque in ipsa infantia, præparato præsertim corpore, deservescere sanguinis istud venenum queat, dubium sane mihi non est, quin homines quam plurimi, præsertim nobiliores & Principes quam aptissime non solum ab ipso mortis discrimine; verum etiam a variis aliis gravibus malis, quæ malignas sæpe comitantur, hoc ipso curationis genere defendi; atque faciei pulchritudo oculorumque integritas conservari queant, quæ alias quam sæpissime graviter læduntur, immo visus acies haud raro maximo cum ægrorum damno ac molestia omnino tollitur.

Neque curandum, quod timidiusculi hic opponant, cum experientia frequens in Turcis & Anglia, in Germania vero, Hanoveræ, Onolsbaci, Pyrmonti, aliisque locis ejus utilitatem satis comprobaverit. *Quomodo autem hæc inoculatio sit instituenda in Chirurg. nostræ P. II. Cap. XV. docuimus.*

VII.

Cura- Cæterum in curatione vario modo, pro morbi
tio le- varietate & vario morbi tempore, est proceden-
vioris. dum. Nam si blande, hoc est, sine gravibus malis
in-

invadunt & erumpunt, ægrique bene se habent, a medicamentis fere omnibus, vel saltem calidioribus aut vehementioribus expellentibus abstinendum, atque *totum hoc opus naturæ recte agenti relinquatur*, suadendo solum regimen temperatum, quietum ac diapnoicum, legitimam victus rationem ex vegetabilibus, cum potu cerevisiæ tenuis, vel alio aquoso, ut decocto avenæ vel hordei, ut in aliis febribus levioribus, & inprimis etiam hic *hydrogala potum* ex part. iij. aquæ & part. j. lactis valde idoneum deprehendi, servando ægros extra lectum, quamdiu ambulare possunt ac volunt. Alii pro potu valde commendant *decoctum milii*, nonnulli etiam *lenitum*; quæ etiam non contemnenda.

VIII.

Quando autem opus eruptionis non legitime succedit, sed ægri *anxietates*, *inquietitudines*; & *æstus nimium*, aliave mala sentiunt, in *calidioribus* nimius impetus est cohibendus; & quia materia sive venenum variolarum tunc peioris est indolis, ea corrigenda & temperanda per pulveres temperantes, cinnabarinos, vel apud eos, qui pulveres averfantur, sicut infantes & pueri sæpe facere solent, per tincturas refrigerantes, ut R. flor. papav. rh. vel aquilegiæ: quibus quarta vel quinta pars spir. nitri dulc. commode addi potest, itemque per potiones & emulsiones similes, potum sufficientem idoneum (N. VII.) acidulatum, atque regimen frigidius. *Sed in frigidioribus variolæ eruptionis tempore difficilius erumpunt*, vel depressiores subsistunt, indeque ægri anxietates persentiscunt, atque vehementius ægrotant: stimulan-
atque juvanda est natura *lenibus alexipharmacis*, ut radice *helenii* frustulo cerevisiæ tenui, tanquam potui ordinario injecto, quod vulgi nostri est remedium, vel granis aliquot *myrrhæ* prædictis pulveribus additis; vel essentia scordii, helenii, vel alexipharmaca, aliquoties in die parca dosi

*Quæ
difficilius
erumpunt.*

cum

cum potu calido , imprimis Thea pectorali exhibita , itemque aquis diaphoreticis & speciatim fumarizæ , card. bened. aut flor. sambuci , vel etiam emulsionibus ex seminibus aquilegiæ , cardui marizæ & napi , paratis . *Decoctum* ex ficibus & herbis diaphoreticis aut pectoralibus compositum , præsertim ubi forte simul tussis adest , egregium hic est , si aliquoties in die calide bibatur , ubi etiam in paullo graviori malo *vesicatoria* recte brachiis & pedibus applicantur : Cæterum in *mitiori sive medio statu* , quando variolæ non nimis facile erumpunt , blandâ diaphoretica ex prædictis aquis & terreis citratis sive temperantibus pulveribus , cum syrupo acidulo gratis redditis , sufficere sæpe solent ,

IX.

Ubi Venæ sectanda. In paulo peiori statu invasionis , ubi calor & ebullitio sanguinis est admodum vehemens , præsertim in juvenibus & adultis sanguineis , principio utilissime sanguis larga satis copia detrahatur : id quo præcipue in eis est faciendum , qui quotidie laute vivunt , vinumque simul & quidem larga copia bibunt , sicuti aulici , nobiles juniores , & magnates ; alias plerumque sunt confluentes , & ægri inde moriuntur . Ubi vero hæc indicia non adsunt , aut ægri defectu virium laborant , consultius intermittitur .

X.

Quando evacuanda. Sic , si eodem tempore nausea , anxietas , aliave vomitus indicantia adsint signa , tunc sicut in aliis febribus (Cap. III. N. XIII.) docuimus , præmissa , si æger est plethoricus , sanguinis detractio-
ne , vomitus radice *hypecacoanne* exitandus , vel si vomitorii usum res quædam vetant , aut indicia Saburræ crudorum humorum in intestinis adsint , hi leni purgante ex *rhaborbari* , vel *jalape* & *mercurii dulcis* apta dosi , vel decocto *rhaborbari* in aqua vel sero lactis cum manna , vel *tamarindorum*

dorum vel passularum cum manna , vel & Tinct. sive anima rhabarb. commode evacuari [a], hisque temperantia , diluentia , ac diapnoica sive lenia expellentia , pro materia vitiosa acri corrigenda & expellenda , subjungi , prudenterque per eruptionis & suppurationis tempus continuari possunt .

XI.

Si invasionis atque eruptionis tempore calor vehementior , sive nimia ebullitio in hujusmodi ægris in percipitur ; præter laudata temperantia , N. VIII. hemenad hanc moderandam acida quoque remedia , Cap. tiori in III. N. XII. laudata , in potu ordinario & in potu vasione tiunculis data egregie prosunt ; eo autem post eruptionem imminuto , diapnoicis & potu sufficiens-
te , temperante , eruptionis & suppurationis tempore prudenter continuandum . Epilepsia invasionis tempore incidens , nulla alia , quam lenia expellentia , addita pauca cinnabari , tanquam nervino, requirit , eisque plerumque variolis provenienti-
bus cedit .

XII.

Si variola eruptionis vel suppurationis tempore retrocedere videntur , vesicatoria brachiis , pedibus si retro & cervici sunt applicanda , atque interne alexi-
pharmaca sive expellentia paullo fortiora , N. VIII. cedere videntur .
laudata , corpore probe tecto , ex vehiculo calido sunt exhibenda : id quod etiam , & quidem adhuc majori cura est faciendum , quando jam retrocesserunt , alias certa fere mors brevi subsequitur .

XIII.

Tussis in variolis , & cumprimis etiam in morbil-
lis vehementer sæpe affligens , temperatur , omnis-
pri-
tussi
meden-
dum .

(a) Multi quidem evacuantia quæcunque hic metuunt & prohibent ; ego vero aliique præstantes Medici ea utilia deprehendimus .

primo acidis mineralibus, *infusis pectoralibus* ad modum herbæ Thæ, aliquoties in die, usurpatis, itemque emulsionibus, aquis & essentiis diaphoreticis, N. VIII. quæ ipsa quoque tussi post varias haud raro affligenti & phthisin sæpe minanti, optime opponuntur, ubi etiam *linctus pectorales* ex oleo amygdalarum dulcium & syrupis pectoralibus cum fructu his adungi possunt.

XIV.

*Quomo-
do ocu-
li præ-
servan-
di.*

Quoniam vero oculi in variolis sæpe vehementer afficiuntur, ut non pauci inde visu vel omnino, abscessibus scilicet in ipsis subortis, vel saltem ex parte priventur, quando nimirum cicatrices & maculae in cornea iis concitantur, ad mala hæc præcavenda & avertenda optime conducit, si *allii* a sano homine *manducati vapor* in oculos ægrotantium aliquoties in die inspiratur; vel si *splenia spiritu vini, camphora & croco impregnata*, imbuuntur, ad ignem deinde fere rursus exsiccantur, oculisque, aliquoties in die renovata, imponuntur. Ægri vero a splendore solis & ignis, *frictionibus* oculorum rudioribus & *ploratu* quoque sibi cavere debent. Infantibus, præter vaporem allii, etiam utiliter *lac muliebre* ex uberibus in oculos aliquoties, in die instillatur; vel in hujus defectu, *lac aliud tepidum, croco impregnatum*, eadem ratione adhibetur.

XV.

Quæ ratione Præterea tam oculis quam faucibus a malis metuendis præservandis, (nam hæc sæpe intus valde *fauces* intumescunt, ut ægri vix deglutire possint) egregie quoque conducit, si *quid croci & camphoræ*, linteolo inclusum, anteriori collo appenditur, atque per totum periculi tempus ibidem relinquitur, imo & dierum trium quatuorve intervallo renovatur. Deinde si jam aliquis tumor *fauces* occupavit, adhibendum *gargarisma* reprimens, ex radic. bistortæ, floribus rosarum & malvæ, cum syrupo mororum paratum, atque extus vel *cro-*
cas

cus vel theriaca cum camphora, collo circumda-
tur.

XVI.

Si palpebræ ob inflammationes sunt glutinatae, Quid
ut sæpe fieri solet, vi numquam sunt divellende, *gluti-*
quia inflammatio inde augetur, & visus læsio *natis*
inde esset metuenda: hinc, si dolores aliave sym- *palpe-*
ptomata defunt, in ægris, qui judicio pollent, *bris?*
ita sine damno relinqui possunt, donec sponte
dissolvantur. Sed si dolores aut vehemens pruri-
tus in oculis urgeant, vel ægri infantes sunt vel
impatientes, & oculos aperire volunt, referari
possunt vel saliva ægri aut alterius hominis sani
ac jejuni, vel lacte tepido, & cum primis cam-
phora & croco imprægnato, si eis sæpe fovean-
tur, donec a se invicem rursus recedant. Idem
quoque præstare potest oleum ovorum recens para-
tum & inflammationis minuendæ causa camphora
roboratum.

XVII.

Alvi obstructio tempore eruptionis, immo & *Quid*
primis suppurationis diebus neque clystere, mul- *alvo*
to minus purgante est irritanda, quamvis per se *obstru-*
ptem vel octo dies duret, præsertim quando æger *cia?*
nullum inde percipit incommodum. Sed si nimis
diuturna, aut æger ventris dolores aliave incom-
moda inde sentiat, primo victu lubricante ex pru-
nis vel pomis coctis, itemque decocto tamarindo-
rum, pauco saccharo edulcorato, loco potus ordi-
narii solutio est tentanda, quæ vero si parum suc-
cedat, aut periculum sit in mora, *clystere emol-*
liente est solvenda.

XVIII.

Alvi fluxus contra, qui ut plurimum valde peri- *Quid*
culosus, cohibetur pulveribus terreis, ut pulv. *ea ni-*
pannon. bezoard. Sennert. vel Anglicano, cortice *mis so-*
cascarillæ & nitro, roboratis, in primis crystallo *luta?*
montana, vel coralliis rubris præparatis, vel &

E.

CC.

CC. uſto aut terra ſigillata, ex aqua menthæ vel cinamomi cydoniata, parca, ſed ſæpe repetita doſi data, ut in monito 9. & 10. Cap. III. dictum eſt, curatur. *Dyſenteria* vel eadem ratione, vel interpoſito in malo graviore, præſertim veſperi, leni opiato ex diaſcordio, vel laudano liquido, aliove ſimili, itemque clyſteribus ex lacte & theriaca ſubinde injectis, ſanatur, ea ſimul adhibita cura, ne ægri, quando alvum exonerare volunt, e lecto ſurgant, quod ob refrigerationem, hic ſumme noxiam, probe vitandum. Atque illa ipſa quoque medicamenta interna in *Vomitu nimio*, præmiſſo potu largo aquæ tepidæ, ſæpe repetitis modicis doſibus, optimo cum ſucceſſu adhibentur.

XIX.

Quid in hæmorrhagia narium? *Hæmorrhagia* ſive profuſiones ſanguinis e nari-
bus plerumque hic ſunt ſalutares; adeoque niſi forte nimia, non ſiſtendæ, ſed ſibi relinquendæ, donec ſponte deſinant; ſin vero nimia, ita ut æger valde inde debilitetur, eadem ſunt faciendæ, quæ Cap. III. monito 18. commendavimus.

XX.

Quid in deliriis & convulſionibus? *Contra deliria & convulſiones* pulveribus temperantibus, nitroſis, cinnabaris & camphoræ aliquot grana; immo & pauxillum opii vel theriacæ addantur, atque emulſiones quoque cum camphora, aut potiunculæ ac tincturæ acidulæ his ſæpe interponantur. *Veficatoria* deinceps ſuris & cervici applicentur, atque *clyſmata* revellendi & temperandi ſcopo cumprimis ex ſero lactis, nitro & melle, vel ſaccharo, vel aqua tepida cum nitro, injiciantur, & ſubinde aliquot guttulæ ſpiritus CC. vel liquor CC. ſuccinati exhibeantur.

XXI.

Quid in virium defectu? *In virium defectu*, quia variolarum reſeſſus metuendus dandæ eſſentiæ diaphoreticæ, alexipharmacæ, vel Tinctura coralliorum, & aquæ roborantes pro ſiſtris languidis ſtimulandis, hiſque ſubin-

subinde interponatur haustulus vini rhenani vel alius generosi ac bonę notę, quale forte eger maxime appetat. (Conf. monitum 20. Capitis III.) Atque hoc ipsum in tarda nimis suppuratione & exsiccatione variolarum, quia hæ plerumque ob vires nimis prostratas contingere solent, fieri debet, ubi & myrrha pulveribus expellentibus cum fructu ad aliquot grana additur.

XXII.

Lingua & labiorum fissura demulcentur mucilage seminis cydoniorum sepe illitę. Sed in narium vehementi exulceratione turundę oleo novorum imbutę, in eas immittendę, & subinde renovandę, ne inde forte, ut aliquoties vidi, inter se concrecant, & respirationem postea ac loquelam valde corrumpant.

Quid
in lin-
gua &
narium
vitiis?

XXIII.

In variolis confluentibus suppurationis tempore, & cum primis circa undecimum morbi diem, nova quædam febris incidere, eaque ipsa sepe perniciosissima mala, ac mortem ipsam haud raro concitare solet. In hoc rerum statu, ubi vehementissime anxietates aliaque pessima symptomata plerumque oriuntur, nihil magis predest, quam si alvus lenibus purgantibus ducitur: id quod optime fit decoctis sive potiunculis ex tamarindis, vel rhabarbari aut foliis sennę paratis, quorum apud adultos unciis tribus, deinde mannę ℥j. additur, unde plerumque magnum levamen sentiant, aut prorsus ab iis malis liberantur. Quod si vero his prima vice prædicta symptomata non valde imminuta sint, eadem medicamenta sæpe iterumque sunt repetenda, donec egri melius se habeant. Nam hic periculum a purgantibus ejusmodi non est metuendum, ut quam plurimi hucusque sibi imaginati sunt, cum evacuando materiam noxiam, morbi tempore in intestinis collectam, egregie profint, itaque omisissis vel neglectis, hi egri ple-

Quid
in no-
va con-
fluen-
tium fe-
bri?

rumque moriantur. Conf. celeb. Angli Freindii Lib. de purgant. in nova variolarum confluentium febri adhibendis, & *Dissertatio nostra de Manna* ejusque usu in nova hac confluentium febri.

XXIV.

Quid Ad foveas & cicatrices turpes faciei evitandas
ad tur- nonnulli suadent, ut ægri tempore invasionis *pe-*
pes ci- diluvia tepida emollientia quotidie adhibeant, at-
catrices que mox quoque ad impetum a capite & facie
evitan- avertendum, vesicatoria brachiis & pedibus eo-
das? rum, revellendi causa, applicentur: quarum vero
 rerum periculum meis ægris hucusque varias ob-
 rationes suadere nolui. Attamen circa finem sup-
 purationis pustulas majores *acicula* aperiri jubeo ut
 pus effluere atque partes subjectas erodere nequeat.
Pustula exsiccata eundem in finem avelli, & loca
 ulcerata deinde oleo amygdalarum dulcium vel ama-
 rarum, vel ovorum illini possunt, ita foveæ vel
 nullæ vel saltem minus deformes remanent, præ-
 fertim si ægri antea in regimine præscripto tem-
 peramento servati neque calidioribus medicamentis
 tractati fuerunt, utpote a quibus alias deformes
 cicatrices sæpissime producuntur. Pustulis exsiccatis
 eisque vel avulsis vel lapsis, facies sæpius vapore
 lactis calidi, vel decocti avenæ foveatur, quod
 multum ad cutis æqualitatem & levitatem produ-
 cendam facit.

XXV.

Quid Morbo superato ægri semel iterumque, præ-
morbo fertim post peiores variolas, *antequam aerem ingre-*
supera- diuntur, [quod non nimis cito fiat,] *probe sunt*
to? *purgandi*, hisque purgantibus semper apta *mercurii*
dulcis dosis est addenda; alias plerumque varia
 gravia mala & cumprimis ophthalmiæ, spina ven-
 tosa, tumores glandularum, & ulcera varia va-
 riolas sequuntur: id quod etiam in oculorum in-
flammationibus variolas sæpe excipientibus, est fa-
 ciendum; quibus vero adhuc diaphoretica varia &

imprimis infusa ex herba eruphrasæ, veronicæ sem. fœniculi, ligno sassafras, sunt interponenda & subjungenda, haud omissis idoneis collyriis aliisque discutientibus, quæ in aliis oculorum inflammationibus prodesse solent.

XXVI.

Quando variolæ epidemicæ grassantur, magnæ *Quomodo peiores præcaverenda?* nobiles, aliique honoratiores a Medicis desiderant remedia, quæ liberos præparent, ne, si forte eos aggrediantur, nimis copiose aut periculose a variolis corripiantur. Ordinavi sæpius & adhuc ordinare in ejusmodi casibus soleo, primo purgans, ætati & viribus aptum, ex mercurio dulci & rhabbarbo, vel jalapa, aut similibus; hocque præmisso, *Tincturam* quandam acidulam ex floribus rosarum, papaveris, bellidis vel *aquilegiæ (a)*, mane & vespere conveniente quantitate ex infuso Theæ, vel cerevisiæ, vel aqua quadam destillata assumendam, una cum modica & apta victus ratione: quibus observatis, plerumque factum est, ut liberi illi vel immunes prorsus a variolis manserint, licet in tota vicinia sævierint, vel leniter saltem ut plurimum eis correpti fuerint.

XXVII.

De Morbillis.

MORBILLI (b) eadem ratione ac variolæ curandi, nihilque fere aliud requirunt, quam quia *Quid Morbilli desiderant?* tussis hos agros ut plurimum, aut potius semper, attali desiderant?

E 3

[a] Ex hoc genere quondam fuit celebris in Germania Tinctura antivariolosa Dolai & Waldschmidii.

[b] Horum Diagnos. vid. Cap. III. n. VI. & Prognosis eod. Cap. n. VII. & VIII.

70 Caput IV. De Febris exanthem.

men modo lenius, modo vehementius affligit, ut ter, vel quater in die egris detur infusum vel decoctum idoneum pectorale, & huic linctus pectorales subinde interponantur, conf. Cap. III. monitum 27. In nimis vehementi, noctu syrupus diacodii vel extracti papav. errat. gr. j. vel alterum, vel aliud blandum opiatum, modica dosi dari potest, & in fine morbi, sicut in variolis, alvus purgetur.

XXVIII.

De Febre Miliari, sive Purpurata.

Quid febris miliaris? FEBRIS MILIARIS SIVE PURPURATÆ [a] curatio quoque potissimum in blando regimine temperante ac diaphnoico consistit; adeoque potus sufficiens aquens, acidulus, ut cerevisia tenuissima, vel decoctum panis, vel hordei aut scorzonæ citratum haud frigidum, & remedia temperantia, diaphoretica, diluentia sæpius, & cum primis N. VIII. hujus Capituli jam laudata, primaria sunt: & quidem sic, ut mane essentia blande diaphoretica, postea mixturæ, potiunculæ, & pulveres diaphoretici, nitrosi exhibeantur. Interea tamen *in maligna*, vel *ubi nausea vel anxietas cardialgica* adest, usus maturus *radicis hypecacoanæ* causam horum malorum ut plurimum egregie expellit, ut laudatis remediis temperantibus ac diluentibus curatio tanto commodius absolvi queat. Si *in puerperis purpura* a lochiis suppressis oriatur, sanguis quoque e pedibus detrahatur, & pilulæ Becherianæ noctu simul exhibeantur, ad fluxum eorum, si fieri potest, restituendum. Si non
a lo-

(a) Diagnofis & Prognofis peti poffunt ex Cap. III. N. VI. VII. & VIII.

Et speciatim de Morbillis & Purpur. 71
a lochiis suppressis, venę sectio omittenda, & ce-
tera laudata solum adhibenda.

XXIX.

De Febre Petechiali.

Petechiales & petechizantes febres [a.] eadem Quid
fere ratione per lenissima diaphoretica, diluentia ac Pete-
nitrosa optime curantur, cavendo sudores coactos. chia-
Ubi vero adsunt nausea, vel conatus vomendi, res- lis?
piratio anxia, vel anxietas circa præcordia, prin-
cipio lene vomitorium, præsertim ex rad. hypeca-
coanna, utilissimum, immo necessarium est; id quod
etiam, si mala illa & præsertim respiratio anxia
non remittunt, repetendum, eisque diaphoretica
lenia cum camphora interponenda & subjungenda.

Alvi fluxus, si adsit, præsertim moderatus per
adstringentia non est cohibendus (b), sed naturę
potius relinquendus, vel ejus successus, quando
forte natura segnior aut ad expellendum nimis de-
bilis, leni laxante adjuvandus (c); & postea a
prædicta curandi ratione non recedendum, sicuti
Capite sequenti uberius exponemus.

Venę sectio locum non habet, nisi forte ubi
magna adsit plethora, vel abusus potionum cale-
facientium præcesserit.

E 4

XXX.

[a] Harum Diagnofis vid. Cap. III. N. VI. & Prognofis N. VII. & VIII. (b) Vid. hac de re *Stahlii* Opusc. Chym. Phys. p. 660. & seq. atque *Hoffmanni* Differt. egregiam de *Diarrhœa in malignis salutari*. (c) Conf. iterum si lubet, modo laudata *Hoffmanni*, itemque *Burchard. Med. Rostoch. utilissima* Differtatio, de *Febr. Mesenter. Ann. 1727. edita, ubi usum purgantium leniorum in his & similibus febribus egregie evicerunt.*

XXX.

De Febre scarlatina.

In Febre, *Scarlatina* dicta (a), quæ per se quidem non adeo periculosa, & pueros fere solum ag-
Quid greditur, quando levior, sola natura, præsertim si
Scarla- aptum regimen accedat, sapissime sine medicamen-
tina? tis curatur; sed si paullo gravior, causa morbi o-
 ptime quoque corrigitur & expellitur sufficienti potu
 diluente, temperante, acidulo, potiunculis & mix-
 turis temperantibus ac diluentibus, ut & pulveri-
 bus temperantibus & blande diaphoreticis, quando
 ægri a pulveribus non abhorrent, vitatis medica-
 mentis & alimentis omnibus calidioribus, quia ab
 his morbus redditur gravior, servatoque eodem re-
 gimine & victu, ut in ceteris exanthematicis ac
 speciatim variolis (b). Qua via maculæ post aliquot
 dies sensim disperebunt, cuticula fere tota per la-
 mellas decidet, & ægri tunc reconvalescunt: quo
 tempore purgandi, & postea adhuc per plures dies
 in cubiculis, præsertim si tempestas frigida est,
 conservandi, ut transpiratio aliquamdiu libera con-
 servetur, utpote quod ad sanitatem integram recu-
 perandam valde hic est necessarium.

XXXI.

Qua - Quod si vero ægri aut parentes hoc negligant, post
via a- tres circiter hebdomadas *tumore ventris*, immo totius
nasar- sæpe corporis sive *anasarca*, cum, vel sine febre cor-
ca post ripiuntur, immo & *tumoribus glandularum* aliisve
scarla- sæpius malis gravibus; *urina* simul solet esse fusca
tinam ac turbida, & multi inde moriuntur. Cum vero
curan- novus hic morbus, (quem quidam pro altera fe-
da? bris scarlatinæ periodo) habendum esse censent,

ex

(a) Diagnosin tradita est Cap. III. N. VI. [b] Ob-
 servare etiam hic juvat, *hemorrhagias narium* in hoc
 morbo plerumque non nocere, sed potius prodesse
 dum plethora eum reddit graviores.

ex retentis noxiis humoribus in corpore ortum trahat, optime ei medetur remediis, quæ hos humores e corpore educunt: id quod optime fit; 1. alvum ducentibus, iisque per intervalla repetitis; 2. quæ eos per urinam, utpote quam viam natura, urina illa fusca & turbulenta, indicare videtur, expellunt: quale præ ceteris est tinctura tartari bis terve in die ad x. xv. vel xx. guttas exhibita; vel & huic liquor terr. foliat. tartari aut spiritus nitri dulc. commodè admisceri potest; 3. quando infantes aut pueri purgantia assumere renuunt, *clysteribus* quoque e decoct. fol. fennæ satis apte purgantur (a); *Sudoriferis* vero hic nihil efficitur, dum sudor vix ulla ratione obtineri potest. Interea tamen *partes tumidæ a frigore probe sunt defendendæ*: nam si valde frigent, sæpe instantis mortis indicium præbent. Si *febris combinata* est, quæ frequentissimum hujus mali solet esse symptoma, mixturæ & potiunculæ temperantes ex aquis diureticis paratæ, horis pomeridianis & vespertinis sedulo exhibendæ. Alia symptomata remediis suis propriis sunt oppugnanda.

XXXII.

Denique in omnibus exanthematicis *refrigeratio, Observet itemque lecti & indusii mutatio summe sunt noxia*, vatio adeoque serio vitanda: nam hæc facile mortem, ut ratione sæpe vidi, aut gravissima saltem mala inducunt. *E regimi. contrario autem nimius calor quoque est perniciosissimus. Tranquillus vero decubitus in moderato & æquali calore*, ad blandam & æqualem transpirationem semper conservandam, quam utilissimus est, atque quam maxime commendandus, nisi forte in lenissimis Variolis, morbillis, scarlatinis & urticatis, ubi *deambulatio in cubiculo temperato, clauso*, ipsis concedi potest, quamdiu ambulare volunt aut possunt.

CA-

(a) De hac febre scarlatina haud pridem peculiarrem libellum evulgavit cel. Medicus Gothanus, Jo. Storckius, Gothæ 1742. 8. lingua vernacula.

*De Febris acutis stomachicis &
intestinalibus, quibusdam me-
sentericis dictis.*

I.

Peculiare **D** Enique peculiare adhuc genus est febrium acutarum a plerisque Scriptoribus hucusque valde neglectum, quod ratione symptomatum & curationis multum a ceteris differt, attamen apto satis nomine nondum descriptum, adeoque & plerisque adhuc prætervisum esse mihi videtur.

II.

*Differe-
rentia
a cete-
ris.* Differt autem a reliquis febribus acutis primo in eo, quod alvi fluxus ipsam plerumque comite-
reprimere periculosum est; deinde quod non tam medicamentis temperantibus ac diaphoreticis, quibus fere omnes reliquæ acutæ curantur, multo minus sudoriferis aut alexipharmacis calidis vinci queat, verum his exacerbetur, & ægri perdan-
sed potius alvum blande ducentibus, vel & vomitum leniter moventibus, optime profligetur. Adeoque falluntur ii, qui omnes acutas diaphoreticis potissimum aut sudoriferis curandas esse existimant aut docent.

III.

*A quibus ob-
serva-
tum.* Priscis quidem Medicis hoc febrium genus haud incognitum fuit: nam manifesta ejus vestigia jam apud Hippocratem & subsequentes Græcos, immo & apud Celsum reperiuntur. Deinde etiam ex recentioribus Duretus, Forestus, Sennertus, Riverius, Sydenhamus Ettmullerus; Baglivius, Medici Ratislavienses; Stahlius, Hoffmannus ac Lancisius, ut alios

alios nunc taceam, illud viderunt, & quidam brevius, quidam prolixius descripserunt.

I V.

A plerisque hæc febres *ad malignas relatae sunt*, Ad ma quia inusitata quædam ac gravia, vel mox in prin- lignas cipio symptomata ipsas comitabantur, vel per cu- relati. rationem consuetam diaphoreticam & potissimum sudoriferam eas insequabantur, qua plerisque ægris *precordiorum angustia, anxietates, dolores circa ventriculi regionem, virium prostratio, deliria, exanthemata varia, & præsertim petechia, aut purpura* inducta; & in ipsum tandem mortis periculum ii sæpe coniecti sunt.

V.

Febres autem hæc *in primis viis*, hoc est, in *ventriculo & intestinis potissimum, sedem suam*, Earum ob phænomena §. 2. relata, *habere videntur*; vel *caussa* si forte sedes aut causa quarundam earum in his, & se- sicut tamen verisimile est, non sit, tamen *materia des in primis viis. sive causa ipsarum*, quæ in putrida colluvie consistit, *per has vias optime*, experientia teste, *evacuatur*; adeoque vel non in sanguine ea hæret, ut plerarumque acutarum aliarum causa, vel saltem per illas vias longe felicius, quam per cutem aut sudorem, vel etiam sanguinis missionem, natura sæpe viam monstrante, eliminatur, *atque sic illa viscera a saburra vitiosa, putrida vel maligna, has febres inducente, brevissima ratione liberantur*, sicut hoc etiam in febribus dysentericis & dysenteria ipsa optime fieri solet.

V I.

Nonnulli has febres *mesentericas* appellarunt, De no- ut Baglivius [a] & speciatim Burchardus [b] Med. mini- Ro- bus ea- rum.

(a) In Praxi Medica Lib. I. itemque Lib. de Fibr. motrice Cap. XIII. & in Ep. II. oper. ejus annexa ad Andryum, mihi pag. 701. [b] In Dissert. de Febris mesentericis supra jam laudata.

Rostochiensis quondam celeb. sed nuper magna rei medicæ jactura defunctus ; quia vel in mesenterio, vel circa illud sedem suam ipsas habere existimant. *Sydenhamus*, summus ille Medicus, similes quoque febres descripsit in tractatulo de *Nova febris ingressu* : attamen quia idoneum aliud nomen proprium ignorasse videtur, generali nomine *nova febris* contentus fuit, & sub hoc eas satis bene descripsit.

Mihi vero, quia raro forte in mesenterio earum causa, aut sedes est, dum difficile concipitur, quo in mesenterii loco illa hære, aut etiam ex eo ope purgantium expelli possit, adeoque nomen *febris mesenterica* falsam ideam lectoribus & præsertim tyronibus concitat, de meliori nomine cogitandum esse existimo, atque donec forte aptius inveniatur, rectius eas *stomachicas* vel *intestinales acutas*, a sede, quam revera habent [a], vocari posse censeo ; ita ut ad hoc genus omnes fere illæ febres acutæ, quæ fluxu alvi stipatæ sunt, commode referri queant, quæ tamen deinde rursus *varia nomina specialia* a variis ipsas concomitantibus malis recipere, iisque in suas species distinguere poterunt. Absolum itaque videtur, omnes acutas una eademque ratione, ut recentiores plurimi voluerunt, *diaphoreticis* vel *sudoriferis*, vel etiam *vena sectione*, sanare velle ; cum natura in his alias vias demonstrat, & usus alios quoque & quidem iam indicatos curandi modos comprobet, immo illis multum præferat.

VIII.

Manifeste igitur ad hoc genus pertinent dysenter-

Species
hujus
generis
sive va-
rieta-
tes e-
jus &
signa.

[a] Ita enim *Baglivius* quoque sentit, quando ait
l. c. febres omnes gravioribus symptomatibus stipatæ
vel a viscerum inflammationibus pendent, vel a præ-
vis contentis in primis viis.

terica & petechiales sive petechizantes (a) aliæve con-
 genetes, ad malignas vulgo referri solitæ; præterea
 febres nonnullæ catarrhales dictæ, itemque continua
 quotidiana & quam maxime tertiana, ut & febris se-
 mitertiana sive hemitritæ, quo nomine a veteribus
 ex intelligi solent, ubi ægri vel quotidie, vel tertio
 quovis die, novam accessionem sive horrorem ac po-
 stea calorem experiuntur magis intensum, & ubi sæ-
 pe, quando corpus in lecto commovent, horrore quodam
 afficiuntur, unde & *opixodes*, id est horrida, veteri-
 bus dictæ sunt, atque *opixodes* & *hemitritæ* HIPPO-
 CRATI synonyma sunt [b], quas veteres rursus sym-
 ptomatum varietate in plures alias, ut *Typhodem*,
Affodem, *Elodem*, *Epialam* & *Lipyriam* subdivise-
 runt: quæ vero essentia omnes conveniunt, sed sym-
 ptomatibus tantum nonnullis differunt, sic, ut ni-
 mis subtilis illa divisio entium præter necessitatem
 fære sit multiplicatio, atque tyronibus minus uti-
 lis. *Hemitritæ* igitur quæ & *tritophyæ* veteribus
 dictæ, proprie sunt febres, quæ tertio quovis die
 horrore exacerbantur, immo & alias subinde, ut
 jam dictum est, leviozem horrorem ægris concit-
 ant, ita, ut horroris illa frequens perceptio signum
 pathognomonicum *hemitritæ* constituat (c): quare
 hi ægri corpus semper probe contactum amant;
 unde vero ii, qui ad sudores proclives, facile in
 sudores, nihil proficientes, sed potius noxios inci-
 dunt; id quod jam HIPPOCRATES notavit (d),
 dum dicit: in phricode, qui sæpe & multum sudore
 diffluunt, miserandi. Nam mali hujus causa non
 hæ-

(a) Conf. si placet, Stahl. Opusc. Physico-Chymic.
 Med. p. 660. & seq. (b) Teste Burchard. Diss. laud. p. 4.
 (c) Hujus horroris seu frigoris frequentem perceptio-
 nem a vitiis humoribus in primis viis hærentibus eas-
 que vellicantibus oriri cum Burchard. in citata modo
 Dissert. p. 5. haud sine ratione existimo. (d) Vid. Du-
 retus in Coacis prænot. p. 9.

hæret in sanguine, sed in ventriculo & intestinis, atque sic non per sudorem, (quia noxius in eo observatur,) sed per alvum, aut os quandoque, tanquam vias proximas, quas natura hic sæpe indicat, e corpore eliminari desiderat. Atque hæc febres largis ejusmodi sudoribus prodita, elodes veteribus dictæ, & valde periculosa ab ipsis merito habitæ sunt. Dum vero regimine live diaphoretico live sudorifero materia noxia ex intestinis in sanguinem propellitur, sed ad transpirationem inepta est, in cute habens maculas sæpe rubras vel lividas concitat, sic inde fiunt petechiæ, quem statum tunc, tanquam novam febris mali moris speciem considerarunt; aut malignæ alia inde concitantur, immo ipsæ pestilenciales; vel materia vitiosa in nobiliores partes ope bezoardicorum pessima metastasi transfertur, ut Sydenhamus & Baglivius etiam jam notarunt, atque inflammationes in eis producit, sic ut, si ad cerebrum transferatur, deliria aut phrenitidem; ad pulmones, peripneumoniam vel pleuritidem in aliis partibus, alias producat, quibus ægri, orta gangræna, vel brevi jugulantur, vel suppuratione facta, lenta tabe conficiuntur. Quando autem hæc primarum viarum materia vitiosa non adeo mali moris est, & vel ad nares, fauces aut pulmones transfertur, leviores inde proveniunt morbi, quos defluxiones live catarrhos vulgo appellant, vel febre juncta, febres catarrhales, materiaque illa per hæc loca evacuat; aut quoniam hæc defluxiones hæmitritæum haud raro concomitantur, eam febris catarrhalis nomine salutabant, & quidem vel benignæ vel malignæ pro magis vel minus gravibus, quos in corpore ægri adunt, effectibus.

Alia

VIII.

adhuc Tritophya vero febres propriæ dictæ sunt, quæ quidem quoque tertia live impari die suas per horrentia rores habent exacerbationes; verum minus certas, & si sed erraticas ac majore calore ægros affligunt, atque

que ad arduas sive caustodeas magis accedunt, ideoque gradu fere tantum ab ardentibus diversæ; hinc a recentioribus hæ duæ sub eodem vocabulo *febris cholericæ sive biliosæ* comprehendi solent, a quibus, etiam haud raro *febres putridæ*, ob foetorem conjunctum, dictæ fuerunt: atque hæ omnes, quod caput fere rei est, *sæpe alvi fluxum habent comitem*, & in primis viis ut plurimum sedem obtinere videntur. Frequens præterea & molestum valde symptoma est horum morborum, *anxietas circa præcordia*, interdum sine, interdum cum *cardialgia*, quo in statu *Assodes* a veteribus dicta est, unde teneriores subinde *syncope* corripuntur, a quo symptomate *febres syncopales* etiam dictæ sunt, adeoque ob vehementia hæc mala *malignis annumerata*. Haud raro his febribus stomachicis atque intestinalibus *dolores hypochondriorum* perquam graves ac molesti superveniunt, qui præsertim si *tussis* accedit, *pleuritidem* sæpe mentiuntur, & quidem ob cætera gravia mala simul juncta, *malignam*; ita ut minus cautis minusve exercitatis ejusmodi febris pro pleuritide habeatur; atque pro ea, sed malo cum successu, tractetur.

IX.

Verum omnia hæc symptomata a constrictionibus spasmodicis, tam ventriculi, quam intestinorum, cum tenuium, tum crassorum ab acri in iis contenta putrida materia irritatorum, quæ ad has admodum proclives sunt, oriuntur; quibus ipsis vero simul *respirationis organa*, ob nervorum nexum, in consensum, sicuti alias in spasmis hypochondriacis & hystericis fieri solet, rapiuntur; id quod non solum magna pituitæ tenacis ac foetidæ copia, quæ vel clysteribus vel lenibus evacuantibus, sed maxime, quæ sponte natura, magna sæpe copia, cum fructu & haud raro integra morbi solutione expellitur, docet, sicut HIPPOCRATES id satis ma-

Causse
harum
variationū.

nifeste,

nifelte jam notavit, quando ait[a]: *quibus in febre dolore lateris oboriente, alvus multa aquosa & biliosa egerit; hi allevantur.* X.

Quoniam igitur *hæ febres omnes re ipsa convenire & ejusdem fere naturæ esse*, atque non nisi certis *hæ Fe-* symptomatibus variare, mihi variisque aliis, ex *bres in* pra laudatis Scriptoribus videntur, omnes commo-
fundam- de unico febrium stomachalium & intestinalium a-
mento cutarum nomine comprehendendi possunt, nec opus hic
conve- esse existimo, ut jam dixi, entia ac nomina præ-
niant ter necessitatem multiplicare, iisque tyrones con-
 fundere, & frequentem errandi occasionem præbe-
 re; nomine, ex mea sententia, satis apto [saltem
 longe, ut opinor, *aptiori, quam mesentericarum*
 aut ceterorum omnium nominum hætenus prolato-
 rum], ita enim juniores in his morbis & cogno-
 scendis & curandis minus errabunt: quia sic certius
 meliusque scient, ubi eorum sedes, quænam sit
 causa, & denique quid in eis sit agendum: *cum ea-*
dem omnium, paucissimis pro ægrorum forte diver-
 sitate mutatis, sit & indicandi & curandi ratio.

X I.

Observatio enim nonnullorum supra laudatorum
Et per Medicorum præstantissimorum docuit, earum na-
evacu- tura ita constitutam esse, ut causa sive materia
antia morbi per alvum ut plurimum educi desideret, &
curari sponte sæpius a natura, licet nullo certo die, dum
deside- dies certi critici hic non dantur, etiam per hanc
rans. viam expellatur; *minime per transpirationem*, ut
 aliæ pleræque acutæ, *multo minus per sudorem*;
 quippe quia his, ipso etiam STAHLIO teste (b),
 semper in deteriorem statum conjiciuntur, adeoque
 probe ab illis distinguendæ; quæ *vel per sudorem*
vel hæmorrhagiam critice solvuntur: quod vero,
 quia paullo difficilius a junioribus Medicis dijudica-
 tur,

(a) Vid. Coacas prædict. T. I. p. 527. edit. Lind.

(b) Libro & loco supra jam citatis.

tur; opere pretium erit signa hic suppeditare, ea-
que satis certa, quibus has febres, quæ evacuationi-
nes per alvum postulant, a ceteris dignoscere queant.

XII.

Sunt itaque omnes hæc febres tales; 1. ut ægri eis
correpti per vices horreant, sed incertis tempori-
bus; 2. *dentes, lingua & fauces viscida & spurca* Earum
pituita, ac speciatim lingua squalore sæpe luteo, *diagno*
fusco vel nigricante, ipsis obstita sint, ita ut adstan- *sis &*
tes plerumque *scetoris oris*, ægri vero ipsi adversum *1. leviq*
saporem gustu inde percipiant; 3. *alvi fluxus ut plu-*
rimum adest, & excrementa, quæ per anum ejiciun-
tur scetorem sæpe pessimum spirent; (a) 4. *hypo-*
chondria tensa sunt, & sæpe simul valde dolent, [sine
dubio a copiosis & turgentibus humoribus noxiis,
in ventriculo & intestinis contentis;] 5. *pavores fre-*
quentes in somno incidunt, ut propter eos dormire
aut quiescere nequeant, qui sensibilibioribus etiam
vigilando haud raro sunt molestissimi, ita ut ex
levissima sæpe causa concutiantur & vehementer
expavescant: atque hos pavores in febribus acutis
quibuscumque haud sine ratione pro certissimo in-
dicio habet BURCHARDUS mineram febris in
intestinis hære; quæ etiam raro esse videtur,
quare *tritophyas* febres HIPPOCRATES *terrificas*
dixerit, atque mali plerumque præ sagii habuerit;
(b) 6. *dolores quoque plerumque adsunt capitis &*
cervicis, a spasmis, ut videtur, oriundi; 7. *urina ini-*
tio morbi ut plurimum naturali similis (forte quia
caussa morbi tunc nondum est in sanguine,) in
progressu turbida fit ac limosum sedimentum de-
ponit, quod sæpius usque ad finem ita durare solet.

F

At-

(a) Quæ omnia etiam Baglivius jam bene nota-
vit in Prax. Med. (b) Vid. Duret. Comment. in
Coacas pranot. p. 20. & Aph. 67. Sect. IV.

XIII.

Atque ex his signis primarum viarum febres acutas satis cognosci posse existimo. *Ad*sunt quidem sæpe adhuc alia, quæ vero non tam febres habent, quam potius gravem & periculosum eorum statum, si adsunt, indicare solent; qualia 1. sunt, summa præcordiorum anxietates; 2. dolor ventriculi aut lateris unius circa hypochondria acutissimus, pleuritidem mentiens; 3. vires valde prostrata & lypothimiæ; 4. ardor interne, sed externe frigus; 5. motus manuum tremulus, subsultus tendinum, mens vacillans, singultus, floccorum collectio & sudor frigidus; quæ ultima simul materiam morbi malignam atque summum vitæ periculum indicant, atque simul ex his indiciis peti potest præsagium.

XIV.

Sunt & quædam symptomata hisce febribus familiaria, quæ vero proprie non ex natura earum, sed potius & plerumque, sicut in aliis multis, ex malo ipsarum regimine, ac præsertim nimis calido, vel sudorifero, dum scilicet eo ipso, ut supra jam dictum est, materia vitiosa ex intestinis ad sanguinem ac partes nobiliores propellitur, sed exhalare forte e sanguine in cute ob spissitudinem vel aliam rationem nescia, hinc inde in ea hæret, & maculas aut papulas rubicundas aut lividas producit, quo casu tunc febris petechialis vel purpurata dici consuevit; vel si ad aures interne deponitur, surditatem sæpe producit; vel circa glandulas parotides vel maxillares, atque ibidem tumores, inflammationes & abscessus pessimos concitat; si ad cerebrum transfertur, deliria & phrenitidem; atque sic, prout in partem corporis magis vel minus nobilem impellitur, diversa necessario mala ac pericula, ut pleuritidem, peripneumoniam, hepatis, lienis, ventriculi, intestinorum, &c. inflammationem producit; quæ diversissimam causam & morbum diversum indicare videntur, licet revera unus idemque sit morbus, &

una

una eademque causa, atque vix nisi loco affecto
malisque accidentibus inde oriundis differat.

XV.

Quare si hisce in malis alvi fluxus supervenit, Diar-
is que per medicamenta cohibetur, ægri in pejus rheum
ruunt (a), quia materia noxia excernenda retine-
tur; sed si sibi relinquitur, dum causa primaria in pericu-
luminis hærens sic e corpore expellitur, morbum lo-
sum.
plerumque minuit, aut omnino solvit, quemad-
modum HIPPOCRATES generatim de febre late-
ris cum dolore combinata, sicut paullo supra indi-
cavi & speciatim de surditate & parotidibus. [b]
Gerard. Columba de feb. pestilent. aliique supra
N. III. laudatis præstantissimis Medicis de petechia-
libus, mesentericis, epidemicis, catarrhalibus, hor-
rificis, aliisque testantur.

XVI.

Cum autem maligna ac vitiosa harum febrium,
ut multa phænomena, (excrementa v. gr. saliva,
sudor, foetida & subinde cadaverosa) suadent, Eva-
cuatio
materia non tam in halituosa quadam, ut Stablius prima-
rum
existimavit [c], substantia tantum, sed sæpe in viarū
putrida quadam pravorum humorum colluvie con- necef-
saria.
sistere videatur, in ventriculo aut intestinis, vel in
ambobus simul collecta, atque attenta observatio
& usus docuerint: eam correctionem, (saltem per
hactenus nota atque usitata remedia) sæpius non
admittere, sed evacuationem potius per alvum de-
siderare, quemadmodum etiam hoc in febribus a
vermibus oriundis, qui quoque ut plurimum in mul-
ta putrida pituita nidulantur, & alii & ego fre-
quenter observavimus, quæ febres revera sæpe val-
de vehementes & periculosa sive malignæ sunt,

F 2

hinc

(a) Teste experientia & ipso Stablio Opusc. Chym.
Med. p. 612. & seq. (b) Aphor. 28. Lib. IV. & Epi-
dem. Lib. I. [c] In Opusc. Chym. Med. ubi Histor. Fe-
bris epidem. Petechizant. exponit. p. 636.

hinc nisi illa materia vitiosa a natura sponte ejiciatur, sicut id forte sæpius ob tenacitatem fieri nequit, præsertim in illis, ubi calor non est adeo vehemens, sed potius horrores frequentes incidunt, arte a Medico, naturæ tunc Magistro, (cujus prudentia & directio hic plus valet quam natura] sed non violenta, verum blanda ratione evacuari debet. [a] Doctissime hac de re etiam disserit celeb. Lancisius, quando ait: In febribus novis, præsertim malignis, castrensis, petechiantibus, &c. Medicus diligenter naturæ motus observare debet, & quidem sic, ut salutaribus saveat, noxiis obstat, ægrumque translatione saltem in chronicum morbum, (quod est hac in re, ut admodum frequens, ita summopere utile] ad salutis portum utcumque perducatur. Exinde fit, ut in huiusmodi febribus raro purgantia, nisi ab initio, & quidem cum absente diarrhœa; quotidie remiserint, aut alternis diebus rigore, aut saltem frigore exacerbentur, juvare solent: tunc enim non levis materia febrilis portio circa hypochondria aut primas vias hæere solet, quæ vel emeticis, vel purgantibus evelitur. Vid. doct. Lancisii Epistola, in Cochii Epistolis Med. p. 23. de Febris castrensis, contenta.

XVII.

Alii Modus vero evacuandi materiam corruptam in febribus acutis e corpore varius hætenus fuit apud Medicos, & quidem plerique hoc per sudorifera, vel saltem diaphoretica præstare voluerunt. Verum usus docuit, rem hac ratione, si in ventriculo vel intestinis materia noxia hæret, haud feliciter succedere; sed potius eo ipso eam in sanguinem promotam, petechias, aphthas, phrenitidem, anginas, inflammationes, & abscessus periculosos, vel omnino gangranam, sphacelum partium internarum, ac mortem.

[a] Libro modo citato p. 639. seq. 647.

tem inductam esse : unde HIPPOCRATES jam miserandos illos dixit , qui in *phricode* multum sudent : quia hi ægri his solum debilitantur , causa tamen per ea ex ventriculo & intestinis haud aufertur .

XVIII.

Rectius vero , & per viam longe breviorē hoc fit per os vel per alvum , natura hic sæpe viam monstrante , atque usu quoque hanc curandi rationem confirmante .

Testes habemus egregios Medicos jam supra N. 3. laudatos , & ex parte etiam *Stablium* [a] , qui tamen ultimus , licet observaverit , *diarrhæam ægris* hujusmodi febribus laborantibus non nocuisse , itemque ægros tales longe melius se habuisse , quibus alvus fluxerit , quam quibus obstructa fuit , immo empirici *cujusdam remedium alvum ducens indicet* , quo quamplurimi febribus *petechizantibus* , prout ipse eas appellat , sive *quotidianis continuis* , *casirensibus* aut *epidemicis* , *acutis* , decumbentes *optime curati fuerint* , tamen , quantum ex ejus scripto videre est , ipse lenia evacuantia , licet natura viam per alvum demonstraverit , isque naturæ ductum sequi alias ubique fere docuerit , iis porrigere ausus non est ; attamen circa finem illius scripti p. 687. spondet , se brevi aliquid editurum esse , quod *emeticorum & catharticoꝝ* eis in morbis usum uberius sit expositurum ; quod vero an factum sit , dubito , quia illud videre haud memini . Interea tamen & antea laudati Medici , & nonnulli alii postea , ductum naturæ hic sequentes , *felicem evacuantium* , & cum primis *lenium emeticorum & catharticoꝝ usum* , ejusmodi in morbis *tentarunt* , eumque longe saluberrimum deprehenderunt , inter quos præter nominatos etiam est

Optime per primas vias evacuantia curantur.

F 3 CA.

(a) Opusc. Chym. jam sæpius citatis.

CAROLUS (a), alique forte plures: cum primis vero BURCHARDUS in Dissert. sua jam aliquoties laudata de *Febribus mesentericis acutis*, hanc curandi viam diaphoreticæ & sudoriferæ haud sine ratione quam longissime prætulit, & nuperrime etiam adhuc DEGNERUS in libro de *Dysenteria Biliosa*, in Febribus Dysentericis. Quamvis autem fluxus alvi sponte iis superveniens febres has intestinales sæpe solvat, rectissime tamen Burchardus, cum in omnibus agrotis sponte non oriri, naturamque ad noxiam materiem expellendam sæpius haud satis validam esse monet, aut nimis quandoque a vitiosa putrida materia irritatam, plus, quam par est, expellere, atque si ægris vires nimis exhaurire, eosque hoc ipso sæpe perdere. Itaque hisce in morbis plus valere Medici prudentiam, quam naturam; scilicet ut languentem, quæ hic quod facere debet, non facit, blandis emeticis, vel alvum moventibus remediis excitet, & e contrario nimis violenter expellentem ægrumque debilitantem, prudenter moderetur, licet id ex viribus ægri & pulsu dijudicare debet.

XIX.

Duretus antiquo medicamento purgante, biera Quibus *picra* dicto, per aliquot dies in hujusmodi casibus febrem- *lici* cum successu usus est [b], cujus primarium ingrediens est *aloe*, quod & Baglivius hic valde commendat: ideoque & alia aloetica blanda remedia, ut pilulæ Francofurtenses, Immanuelis, vel Becherianæ, hisve similes, vel alia idonea aloetica compositio hic adhiberi poterunt. Alii decocto vel *rhabarbari*, cum aut sine *manna*, utuntur; vel ho-

(a) Sive Carl. Medicus Practicus egregius, & Daniæ Regis Archiater, in scriptis suis practicis, [b] Vid. ejus Commentar. in Coacas prædict. p. 27.

horum loco apte quoque Tinctura sive *Anima rhabarbari*, ad morem *Degneri*, ad cochleare j. vel ij. per intervalla, dari apte potest; infantibus vero gutt. 20. ad 50. BURCHARDUS *sal anglicanum purgans* hic laudat, ejusque ʒj. puerperæ cuidam optimo cum successu exhibuit, quò sedecim secuti sunt sedes, cum perfecta febris ejusmodi intestinalis solutione, adeoque & aliis cum fructu dari potest. Alii ægro *mannam cum cremore tartari & nitro* feliciter dedit. Ego sæpius potiuncula ex leni decocto *tamarindorum & foliis sennæ cum manna*, feliciter usus sum, vel *& anima rhabarbari*, vel etiam pulveris *rhabarbari ʒʒ. cum nitri ʒʒ.* vel in mulieribus, ubi forte menses instant, pilulis etiam *Becherianis*: hisque & similibus evacuantibus dolores *ventriculi & hypochondriorum*, itemque *præcordiorum angustia* egregie hic tolluntur. Cum itaque evacuantia ejusmodi lenia egregie hic profint, *sudorifera autem, & quacumque corrigentia alia* hætenus tentata, *noxiam hanc materiam* in primis viis non destruant, haud male BAGLIVIVS indignabundus quasi in eos, qui febres tales solis alterantibus curare volunt, invehitur Medicos, dicendo: *Quantum exardeo cum video Medicos ad corrigendam & dulcificandam solum materiam occupatos; sed de humore peccante foris eliminando non cogitare.*

XX.

Verum præter hæc lenia evacuantia, in eundem scopum simul quoque *lubricantia* varia apte adhiberi atque illis interponi ac subjungi possunt: ut scilicet sunt *potus feri lactis, decoct. C. C. cum pomocitri paratum, decocta ex hordeo cum pomocitri & saccharo, vel ex avena cum passulis confecta; decocta prunorum dulcium aut pomorum fragrantium saccharo grata reddita; emulsiones ex amygdalis & pineis, aut semin. 4. frigid., si recentia sunt, quæ omnia, etiam roborandi vi pollent; immo & oleum*

amygdal. dulc. quoque in iis, qui oleosa non aver-
santur, haud inepte ad acrimoniam in primis viis
corrigen- dam & vias lubricandas subinde interponi-
tur. Infusi herbae *Theae* & decocti *Coffee* potus te-
pidus, vel quod HIPPOCRATES jam commenda-
vit, *hordei tosti*, ad modum *Coffee* paratum (quod
eundem fere saporem & virtutem habet) itemque
potiuncula diluentes ex *aquis temperatis*, & syrupo
paratae, atque acidulae redditae, ad corrigen- dam ma-
teriam acrem, putridam, alcalicam commode etiam
porriguntur. *Pulveres ex absorbentibus terreis*, cum
nitro & *cinnabari* quoque cum fructu inter cetera
iis quandoque dari possunt, qui pulveres non aver-
santur; verum non ob scopum diaphoreticum, &
sine regimine sudorifero, sed tantum ad imbibendam
& temperandam materiam vitiatam acrem, & mo-
tus spasmodicos ac dolores hoc ipso mitigandos.

XXI.

*Clyste-
res quo-
que u-
tiles.*

Quod si laudata lenia evacuantia & lubricantia ad
humores noxios extrudendos forte non sufficiant,
atque aeger de *magnis praecordiorum angustiis*, dolo-
ribus ventriculi & *hypochondriorum* conqueratur,
clysteres quoque simul lubricantes & demulcentes,
qualia sunt decoct. avenae cum oleo olivar. vel lini,
vel decoct. fl. chamæmi in lacte, cum oleo, melle
aut saccharo, quod egregium simul est antispasmo-
dicum & anodynum, in usum adhuc sunt vocandi,
ut iis non solum exitus corruptorum promoveatur,
verum etiam acris materia temperetur, ac spastici
motus in intestinis & ventriculo demulceantur:
quibus hisce in malis saepe multum boni efficitur.
Si qui vero penitus a clysteribus abhorrent, *iis sal*
anglicanum, sicut N. XIX. dictum est, apte dari
potest, quod raro spem nostram destituet, quodque
eo magis laudandum est, quia æstum febrilem simul
temperat & intra breve tempus plerumque alvum
solvit, ægroque sic cito solatium præbet. *Clysteres*
tamen omnium promptissimum & innoxium maxime

remedium constituunt, semel, bis, terve in die reiterandi, quoties gravia mala & cumprimis anxietates aut dolores hypochondriorum id urgeant. Verum non sint nimis acres, sed ut dictum, emollientes potissimum ac demulcentes.

XXII.

Quando impetus humorum vitiosorum versas caput ferri videtur, id quod ex capitis dolore, rubore faciei, mentisque alienatione &c. intelligitur, pedes calidis fovendi, superiores vero partes frigidiores & parum tectæ servandæ sunt, atque ab omnibus calefacientibus ac sudoriferis abstinendum. Riverius tunc quoque indusia sæpe mutare jubet; (a) quod vero vix suaderem. Vesicatoria præterea suris, & rubefacientia, ut fermentum cum sale & sinapi contuso, atque aceto, plantis pedum calide imponantur; ut sic vehementius a capite revellant. Quem in scopum etiam, præsertim quia vesicatoria tardius agunt, elysmatibus quoque ex decoct. prunor. cum foliis sennæ, nitro imprægnatis, revulsio a capite procurari debet, eaque ratione sæpe quidam, qui jam desperati videntur, præter spem adhuc restituantur.

Quando materia morbi caput petit.

XXIII.

Eadem fere ratione est procedendum, si singultus incidat; aut si his non cedat, sal anglicanum Epsamense est propinandum, vel sicut Duretus & Baglivius sæpius cum successu fecerunt, Hierapicra. Potus Coffeæ etiam in singultu sanando singulari pollet virtute, eumque hic jam pro secreto commendavit BAGLIVIVS. Quando singultus ab inflammatione ventriculi, camphoræ gr. ij. vel tria pulveribus antispasmodicis misceri, & Spir. V. camphor. ventriculo extus imponi, cum fructu possunt.

Quid in singultu faciendum.

XXIV.

XXIV.

Quid de V.S. sentien- dum. Sanguinis missio, quam SYDENHAMUS fere promiscue in febris commendat, apud nos rara & nonnisi in valde plethoricis, aut qui vini copiosioris potui dediti sunt, prodest, & quidem tantum in principio: quando vero rationes eam instituendi adsunt, prius clysmate leni alvus evacuetur, & si ab hoc dolores hypochondriorum & præcordiorum anxietates mitigantur, ab illa abstineri potest: quando autem illa mala redeunt, clyσμα quoque, quoties id accidit, iterandum (a). Sed si ab adhibito clysmate non mitigantur, ad avertendam inflammationem mox in principio sanguis e venis educatur. Si enim hoc demum tertio aut quarto die fit, plerumque magis nocet, quam prodest.

XXV.

Quid facien- dum ubi diarrhaa. Quando natura ipsa in his febris alvi fluxum facit, tunc & ab evacuantibus internis, & clysteribus abstinendum, atque solis fere aqueis tepidis, diluentibus ac lubricantibus supra indicatis, ac portionibus satis largiter haustis, ea juvanda est. His terrea, nitro adjecto, interponenda, ad acrimoniam noxiorum humorum imbibendam & infringendam, atque inflammationes simul præcavendas. Interea tamen Tinctura rhabarbari quandoque etiam cum fructu cochleare j. interponitur.

XXVI.

Si alvi fluxus nimis. Quod si vero natura fluxus alvi nimis vehementes & colliquativos concitat, ita ut vires ægri valde prosternantur, extrema frigida reddantur, aliaque prava symptomata inde subsequantur, ægro diascordii ℥j. ex aqua cinamomi sine vino vel cydoniatæ ℥iſſ. exhibenda, quod vires non solum roborat & fluxum moderatur, sed & simul blandum somnum con-

[a] Hoc notabili exemplo illustrat & comprobatur laud. Burchard. in Diss. cit. p. 26.

conciliat. Sed si alvus inde nondum conquiescat, iterata vice post aliquod tempus exhibitum raro spem Medici destituet, quemadmodum præter nostram experientiam, & SYDENHAM & BURCHARD. p. 29. sancte etiam id confirmant.

XXVII.

In anxietatibus præcordiorum & doloribus ventriculi atque hypochondriorum evacuantia, præsertim rhabarbarina §. XIX. laudata dari, atque Clysteres leniter evacuantes §. XXI. sæpius injici debent: ut sic materia noxia a superioribus educatur & per inferiora educatur.

XXVIII.

Victus ratio in his febribus, quia non sunt summe acutæ, non sit nimis tenuis, præsertim postquam jam aliquot dies præterierunt. Nam quia ad secundam, tertiam, quartam aut quintam etiam hebdomadam sæpius extenduntur & nonnumquam in lentas tabificas terminantur, in tempore sufficienter cibis idoneis levibus sunt reficiendi, præsertim si cibi fastidium abest, ut ad finem usque morbi perdurare possint. Interea tamen in principio multum cibi non requirunt, sed fracto aliqua ratione impetu, quando scilicet cibos non amplius averfantur; nam invitis cibis non est obtrudendus; at tamen tunc, quando fastidium præterit, offerendus;isque non sit adstringens aut difficilis digestionis, sed levis atque mollis. Et quamprimum solida etiam alimenta rursus appetunt & assument, in pastu quoque haustulus vinis generosi ipsis non est denegandus; sed potius pro digestionem juvanda ægrisque rursus roborandis, commendandus.

XXIX.

Superest denique ut & alium adhuc modum humores noxios & malignos ejusmodi in febribus & imprimis in petechialibus & congeneribus. evacuandi, adhuc proponamus, quem haud pridem doctissimus D. WAGNERUS, Helmstadiensis, discipulus

lus quondam noster per multos annos diligentissimus, nunc amicus carissimus atque *Medicus Lubecensis celeberrimus*, quique ob usum Rad. scillæ in asthmaticis morbis, aliaque scripta egregia jam satis clarus est: qui *consistit in matura*, eaque subinde *repetita*, ubi opus est, *vomitus excitatione*, & quidem non antimoniatibus, sed *radice hypecacoanna*: quam methodum etiam ad *malignas atque exanthematicas alias*, cujuscumque generis, *ne ipsa quidem puerperarum & puerilis ætatis purpura* cum febris mali moris *excepta*, summo cum successu & quam frequentissime feliciter se adhibuisse, in litteris haud pridem ad me datis, asseverat, ita ut nulla alia hos morbos curandi via adhuc sit nota, quæ cum hac ipsa ratione felicitis successus possit comparari; qui tamen modus hucusque a multis contemptus, immo valde noxius, proclamatus est.

XXX.

A qui- Meminit quidem Riverium, Ettmullerum, Scretam,
bus jã Apinum, Spiesiumque nostrum, immo & *Stablium* in
lauda- dissert. de febris petechiali & congeneribus, aliosque
tus. vomitoria subinde commendasse; verum ea tam angustis limitibus inclusisse & tot cautionibus ac limitationibus restrinxisse, ut vix Medici jam satis experti, multo minus juniores aut tyrones certi inde esse potuerint, ubi vel iis utendum, vel ubi ab iis abstinendum, præsertim cum ea vitanda plerumque docuerint, ubi quam maxime utilia ac salutaria hæc ipsa deprehenderit.

XXXI.

Ego Ego quoque *emetica semper in febris acutis usus*
diu jam sum ab eo tempore, quo ut Medicus castra for-
deratorum in Belgio Anno 1707. & sequentibus se-
deratorum cutus sum, eaque non solum & postea, ubi vomitum indicantia aderant signa, *etiam in ipsis puerperis* adhibui, atque illa quoque adhibenda esse his in casibus in prælectionibus meis practicis auditoribus meis semper suasi. Interea tamen hoc in argumen-

to ulterius progressus est prælaudatus meus *Vvagnerus*, qui summa jam cum laude ac gloria per plures annos medicinam Lubeccensibus facit.

XXXII.

Modus vero ejus malignas febres curandi primum, præsertim cum Lubecæ militum ultra centum fere simul febre & petechiali & petechizante correpti decumberent, consistebat potissimum in *matura vomitorii sufficientis portione exhibenda*, nec non interdum apud *plethoricos vena sectionem* instituendo, administrato deinceps regimine antiphlogistico ac diapnoico per pulveres absorbentes nitrosos & similia remedia; qua ratione plerique ægri curati sunt; postea vero his inductus exemplis alium eumque adhuc *melio rem modum* excogitavit, qui in sequentibus consistit. Nimirum sumpsit Rad. *Hypecacoannæ* pro ægrorum diversitate \mathfrak{D} . vel $\mathfrak{3}^{\mathfrak{k}}$. cum arcano duplicato probe tritæ, eique addidit aquæ cujusdam destillatæ, v. g. Card. bened. aut similis \mathfrak{z} iiij. vel iv. Hujus mixturæ, quavis hora dimidia vel integra cochleare unum alterumve [interponendo subinde mixturam temperantem] donec effectus hypecacoannæ sequatur, exhibet; postea mixtura quamdam temperante diapnoico diuretica continuat. Sed si posthac intra horas circiter XII. mala graviora, ut vertigo, lipothymia & faucium mala, non valde remiserint, atque pulsus ac respiratio non sint liberiores, cum primis vero respiratio (utpote cujus difficultas merito in petechialibus & congeneribus pro pathognomico signo præcipuo mali moris jure habetur) prædictam potiunculam emeticam repetit, eamque toties pro renata, exhibet, donec mox laudata indicia in melius conversum morbum demonstrent, neque prius ab usu hypecacoannæ, aliquot minimum grana mixturis morbo congruis addendo, abstinet, donec signa malignitatis (nam egregium simul est alexi-

*Ubi
magis
cultus
est hic
modus.*

phar-

pharmacum] omnino sint sublata , & morbus mali moris in benignum conversus ; id quod sæpe , si modo non nimis tarde Medicus advocatus fuerit , intra biduum obtineri solet . Immo si etiam quarto die & quandoque tardius advocatus fuerit , atque res jam quasi conclamata visa est , tamen hac curandi via quamplurimos , ut retulit , adhuc servavit , qui antea neque Stæbliana , neque Hoffmanniana methodo , (quæ optimæ tamen hodiè habentur] summa licet cura adhibitis , servari potuerunt .

XXXIII.

In e- Atque sic quoque egit , sive pauca sive multa *xanthe exanthemata* adfuerint : quia conversio morbi *matemat*- ligni per hanc methodum in benignum , caput rei *cis* eo-est , ubi istiusmodi symptomata nos a recto hoc *dē* *mo*-tramite abducere non debent . Interea tamen , pro *do* agente nata , interdum etiam Vena sectionem , laxantia , *dum* . *clysmata* & *vesicatoria* simul adhibet ; quibus vero , si ab initio ista per *hypecacoannam* curandi ratio rite in usum vocatur , raro , ut asseverat , opus esset , atque sic hoc modo ab eo tempore fere omnes servavit .

XXXIV.

Exan- Febris denique etiam *exanthematicas* , *purpu-* *thema-*ram , *petechiales* & congeneres pro morbis *mesen-* *tericos* *tericis* sive *stomachicis* WAGNERUS noster *ha-* *morbos* *bet* , in quibus sanandis , præsertim si graviores , *mesen-* frustra laborari existimat , nisi ipsarum causa in *tericos* primis viis hærens atque velociter sæpius sese per *esse* . sanguinem & totum corpus extendens , mature auferatur , ac prædicta ratione e corpore eliminetur : id quod peculiari libro uberius exponere atque evincere fidem mihi dedit , quod , cum eruditio ; diligentia & vis judicandi ejus mihi bene sint perspecta , magnæ generis humani utilitati cessurum esse certus confido .

CAPUT VI.

De Febris lentis & hecticis.

I.

Febres lentas continuas eas esse febres, quæ calore naturali majore & pulsu celeriore per plures hebdomadas, menses, immo annos perdurant, supra Cap. II. N. VI. diximus, atque græco vocabulo *chronica*, sæpius tamen quoque lentæ aut *hectica* appellantur, præsertim si labes visceris cujusdam, & cumprimis ulcus aut scirrhus in pulmone, hepate, liene, mesenterio aliove viscere simul adsunt. Quid sint.

II.

Signa diagnostica ex definitione patent; quibus adhuc illud, præsertim in ita dictis hecticis addit, quod ægri aliquot horas post pastum prædicta symptomata paullo vehementius & nova quasi accessione sentiant, cum rubore genarum, sanis sanguineis fere simili, cum ante pastum pallidi esse soleant; & corpus simul sensim contabescat, viresque valde minuantur. Diagnosis.

III.

Causæ febrium lentarum & hæcticarum sunt variae, tam remotæ, quam proximæ. Hæ ut plurimum sunt 1. *Ostruções* quorundam viscerum, ut pulmonis, hepatis, lienis, pancreatis glandularum, mesenterii, &c. vel 2. *abscessus* cum in partibus externis, tum internis; vel 3. *exulcerationes* quorundam viscerum aut partium, & imprimis pulmonum vel pleuræ, ut phthisi & empyemate, vel in renibus, vesica, utero, &c. 4. *peculiaris acrimonia sanguinis* fervida, febriculam perpetuam lentam, & corpus depascentem efficiens.

Causæ

Remo- *Causse antecedentes & remote* sunt sæpius febres
ta. tam continuæ quam intermittentes, & cumprimis
 male curatæ, præsertim per adstringentia, materia
 morbi nondum satis digesta, correctæ, aut evacua-
 ta, quibus fit, ut humores viscosi, crassi, pituito-
 si, serosi hinc inde cogantur, quiescant, hæreant,
 atque sic *obstructiones* partium, præsertim nobilio-
 rum, febrium harum causas præcipuas, unde cor-
 dum reliquus sanguis libere has partes transire ne-
 quit, ad frequentiores contractiones sive motus con-
 citatur, producant. 2. In aliis eisque magis sangui-
 neis stases hæ humorum sive sanguinis ad *abscessum*
 vergunt, dum in putredinem & pus fatiscunt, atque
 hujus irritatione febriculas ejusmodi faciunt. 3. Quo-
 tiescumque *ulcera* sunt in visceribus, ex similibus fe-
 re causis, febres lentæ & hæcticæ inducuntur. 4.
 Quando autem ab *acrimonia peculiari, fervida, irri-*
tante, ac *deperescente* proveniunt, hæc hominibus
 quandoque a parentibus aut nutricibus impuris, he-
 teticisve cõnnata est, quandoque tamen a *prava dia-*
ta, potu, cumprimis vini, spiritus vini, aliorumque
 calidiorum potionum, aut ciborum, præsertim aro-
 maticorum aut salforum largiori & frequentiori usu,
 ortum trahit, vel etiam a *nimia libidine* & excessu
 in venere, quo sanguis vehementius incalescit, ni-
 misque acris & fervidus redditur, quo febricula con-
 tinua lenta excitatur, & corpus consumitur, cum-
 primis si illi homines simul, ut sæpe fit, prædictos
 errores in cibo & potione simul comittunt, aut
 etiam medicamentis calefacientibus & venerem ex-
 stimulantibus abutuntur, aut forte etiam *iracundia*
 dediti sunt, quibus tanta acrimonia in corpore pro-
 duci potest, ut hæcticas sive lentas ejusmodi febres
 sæpius inducat, quas ultimas, [quando nimirum a
 venere nimia proveniunt] nonnullis *tabem dorsalem*
 appellare solent: quia in dorso sive lumbis simul
 dolores & insignem debilitatem sentiunt.

Omnes

V.

Omnes febres lentæ & hecticæ non sunt sine periculo, præsertim si jam diu durarunt, corpus & vires ægri jam nimis consumserunt, sudores colliquati-
vos, aliaque jam gravia mala induxerunt; præ omnibus tamen ex magnum foveant periculum, quæ scirrhum vel ulcus quoddam grave in viscere quodam nobiliori, præsertim in pulmonibus, conjunctum habent. Si vero adhuc sunt recentes, aut alias adhuc levioribus malis comitatæ, si vires adhuc satis constantes, viscera satis sana & integræ, vel saltem non nimium corrupta, de illarum curatione non est desperandum, si Medicus & æger simul bene suum faciunt officium. In hæmorrhagiis adstringentia, præsertim præmature adhibita, vitanda, aut si necessitas ea exigat, caute & cum potu satis copioso aquoso sunt exhibenda, alias facile hecticam producant. Juniores homines hecticæ febres citius jugulant, quam seniores.

VI.

In curatione ad causas semper probe est respiciendum, & secundum has curatio prudenter est instituenda. Adeoque si congestiones sive obstructions sunt in visceribus aut glandulis, (N. III.) hæc, quia a viscido oriuntur, diluentibus, incidentibus ac blandis diaphoreticis sunt digerendæ ac resolvendæ, ut infusis vegetabilium e radicibus vel herbis, vel utrisque simul, ut rad. chinæ, scorzonæræ, cichorei, taraxaci; herb. tussilaginis, scabiosæ, veronicæ, pulmonariæ, chærophylli, &c. ad modum Theæ, bis terve in die ad ℥viij. x. vel xij. usurpatis, itemque, essentia, quadam diaphoretica, leniori, ut cort. aurant. scordii, helenii, card. bened. pimpinellæ; bis terve in die, ex vehiculo tali aqueo præsertim calido exhibita; vel & loco essentiarum, liquore terræ foliatæ tartari, qui egregie hic prodest, ex simili vehiculo, interpositis circa vespæram bis pulvera

quodam temperante & incidente, ex lap. cancror. vel conchis acido citri vel aceto vini aut destillato probe imprægnatis, ac tartaro vitriolato, quibus, ubi æstus major, aliquid nitri commode additur: & subinde pilula balsamica amara apte interponuntur. Multis ex his etiam prudens usus aquarum medicatarum cum apto regimine egregie prodest, de quibus §. X. plura.

V I I.

Regimen.

His adjungenda frequens corporis exercitatio, & imprimis equitatio, potus sufficiens tenuis, aquosus: ut præter infusa illa e vegetabilibus digerentibus, radicibus vel herbis parata, aqua simplex vel pitisana apta; victus tenuis, facilis digestionis, modice nutriendi: ut omnis generis bona iuscula, gelatinæ, emulsiones, fructus horæi cocti, pulres tenues, aliæve lacticia tenuia; vitando crassa, viscida, tenacia, difficulter digerenda, interponendo subinde roborandi causa haustulum vini generosi, vel dulcis, præsertim si calor p. n. notabilis abest. Sed si calor p. n. & sitis vehemens adsunt, Tinctura flor. papaver. vel rosarum vel alia hujus generis, vel phlegma vitrioli potui commode instillari possunt.

V I I I.

Si post intermitten-tes febres.

Quod si obstructiones hæc post febres intermittentes, a saburra viscida non rite evacuata & subacta sint ortæ, prædictis adhuc penetrantiora amara, resolventia atque blande evacuantia sunt subjungenda, aut interponenda, ut pilulæ ex extract. absinth. card. bened. centaur. min. gentianæ, gummi. ammoniac. galban. myrrha & aloe, vel Becherianæ, aliæve his similes, quarum gr. xv. vel xx. semel aut bis in die exhibendæ, quibus ipsis febris male suppressa sæpe revocatur, quæ postea digerentibus amaris, salinis aliisque idoneis febrifugis rite curanda, ac denique stomachicis, roborantibus sive tonicis martialibus, immo ipsis aquis

aquis medicatis martialibus, legitime usurpatis, noxii humores reliqui sunt corrigendi & evacuan- di, ac tonus viscerum restituendus.

Iisdem in casibus si principio *indicia saburra biliosa in primis viis* adsint, egregie conducit *lenis vomitus*, vel saltem *lenia purgantia*; sed si *plethora*, aut *consuetæ sanguinis excretionis sup- pressa* adsint, *detractio sanguinis*; si utrumque peccat, utraque etiam medela est adhibenda; ve- næ sectio tamen, si utroque opus, emetico est præmittenda.

IX.

Si *abscessus*, præsertim externi, in causa sunt, studendum, ut hi, simulac fieri potest, aperi- antur, purgentur & rursus glutinentur; alias reme- dia interna nihil proficiunt; interea tamen, do- nec abscessus aptus reddatur ad aperiendum, tem- perantia aliquod levamen dare queunt. Sed si *exulcerationes viscerum* febrem lentam & hec- ticam continuant, tunc, ut *ulcus pulmonis sive phthisis*, de qua infra, curari debent, & solum hic monemus, quod vomitoria & purgantia hic sint vitanda, aut lenissima saltem, si forte iis opus, extamarindis, rhabarbaro, vel manna porri- genda.

Si ab-
scessus
in cul-
pa.

X.

Sed si *acrimonia sanguinis in culpa*, hæc tem- peranda, diluenda, ac demulcenda, pulveribus il- lis temperantibus, supra N. 6. laudatis, & infu- sis aut decoctis vegetabilium, acrimonia caven- tium, §. VII. ad Theæ similitudinem, vel per se, vel paucò lacte adjecto, itemque emulsio- nibus, gelatinis sero lactis, vel lacte ebutyrato, & quam maxime etiam *aquis medicatis selterensi- bus*, cum vel sine lacte, & cum primis caprillo vel asinino temperatis, quibus plures, immo & ipsos infantes sex, septem, octo, decem annorum

Si san-
guinis
acrimo-
nia.

ex Orci quasi faucibus eripui. (a) Nonnulli *curatio-*
ne sive *dieta lactea* curantur, quando nimirum per
 aliquot hebdomades non nisi lacte, pauxillo saccha-
 ro adjecto, vescuntur, aut lacte, loco cibi & po-
 rus, utuntur, vel simul, si lubet, paucis pane tri-
 ticeo, vel pultribus ex amylo, oryza, vel amygd-
 dalis paratis. Huc etiam referri potest decantata
cura avenacea Louveri, quando decoctum paratur
 ex avena, radice cichorei cum pauxillo nitri, &
 quotidie certa copia cum apta *dieta* bibitur, de
 qua uberius legi meretur Frid. Hoffmanni Diss. de
Cura avenacea. Quandoque, imprimis si *alvus ob-*
structa, aliave sunt indicantia, *lenia laxantia*, ut
 rhabbarum, vel tamarindi, cum foliis sennæ &
 manna exhibenda, atque *dieta* eadem servetur,
 quæ modo commendata est.

XI.

Quando febris *hectica* a nimia *venere* aut gonor-
 rhœa ortum traxit, præter modo dicta, aut quando
 hæc parum sunt, *agua selterenses* cum lacte, vel
 ipsa *cura lactea*, quam vocant, purgatis prius pri-
 mis viis, egregie profunt. Quando autem post *sa-*
livationem male institutam orta sit, decocta radi-
 cum & lignorum antivenereorum cum Tinctura
 antimonii, ad reliquias venereas penitus extirpan-
 das, egregie conveniunt: quibus vero aptissime
lac admisceri potest, si ægri ab eo non abhorrent.
 His quoque parca *mercurii dulcis* dosis magno cum
 fructu subinde & potissimum vespere interponitur.
 Quod si vero reliquæ illæ ablætæ & extinctæ sunt,
agua selterenses aliæve temperatiores cum lacte,
 vel etiam ipsa *lactea cura & dieta* [N. X.] ad
 vires & carnes ægris restituendas quam maxime
 valent.

XII.

[a] Conf. Fr. Hoffmanni Dissert. de *aguarum
 selterensium usu cum lacte*.

XII.

Si a *scabie retropulsa* per unguenta quæcumque Si a
intempestive adhibita, materia acris viriosa per *scabie*
decocta radicum herbarum & lignorum diaphore- *retro-*
ticorum, scabiei & morbis venereis alias dicato- *pulsa*.
rum, una cum Essentiis diaphorencis, præsertim
fumariæ, helenii aut lignorum, interpolitis pul-
veribus ex antimon. diaphor. adjecto pauco sul-
phure & mercurio dulci, accedente regimine dia-
phoretico, partim expellenda, partim corrigenda;
postea ea sunt facienda; quæ §. X. & XI. dixi-
mus.

XIII.

Febris lenta aut heftica si ab ira producta est, Si ab
premissis salibus digerentibus, vomitus ad bilera ira vel
noxiâ evacuantem, præsertim ubi sapore amaro *mæro-*
in ore se prodit, optime prodest, aut saltem hu- *re*.
jus loco, si quid forte vomitum vetet, evacuans
aptum ex rhabarbaro: postea temperantes pulve-
res, infusa vegetabilium aperientium, liquor ter-
ræ foliatæ tartari, cura seri lactis vel lactis ebu-
tyrati, immo & ipsæ aquæ selterenses optime con-
veniunt.

Si a *mærore ac tristitia* ortum ducat, eadem,
omisso saltem emetico, optime conveniunt: in u-
troque tamen casu *cortex peruvianus* quoque ma-
gnas exerit vires, si prudenter adhibetur.

XIV.

Quandoque hæc febres etiam ab *inebriantium* & Si ab
cumprimis ex vini & spiritus vini *abuso* generan- *inebri-*
tur; rursus seri lactis & ebutyrati usus est egre- *anti-*
gius, si satis diu & cum legitima victus ratione *bus*.
continuetur. Ita & *aquæ medicatæ* blandiores,
præsertim selterenses, cum vel sine lacte tenui,
per aliquot hebdomades haustæ, hic præstantissime
sunt. *Ptisana* & *decoctum avenæ*, cum nitro pa-
ratum [cura vulgo *avenacea* dicta] magne quo-
que hic utilitatis.

XV.

Si a Quod si a sanguinis fluxibus naturalibus aut sal-
supprestem salutaribus suppressis oriuntur, potus tenuis,
sis ha- attenuans, & medicamenta temperantia diapnoica
morrua conveniunt; quæ vero si non sufficiant, vena se-
giis. ctiones iusto tempore & loco sunt adhibendæ, &
fluxus illi propriis suis remediis sunt restituendi:
ubi quoque aquæ medicatæ & præsertim martia-
les, multum boni præstant. Ita & vena sectio in
ejusmodi casibus præservando valde prodest, si per
intervalla idonea instituitur.

XVI.

Si post Variola male curata, vel & ex, quæ per se fue-
runt graviores, etiam sæpe febres ejusmodi post
se relinquunt: quo in casu, lenia, sed sæpius re-
vario- petita laxantia, ex mercurio dulci præsertim præ-
las. parata, una cum usu feri lactis, necessaria sunt
ad reliquias earum valde acres & rodentes sensim
evacuandas & corrigendas: quibus vero interpo-
nenda temperantia, diaphoretica varia, & inprimis
quoque infusa pectoralia cum essentiis simili-
bus, aut aqua selterenses, vel etiam his omnibus
frustra adhibitis, in his aliisve variis febribus he-
cticis corticem peruvianum mature aliquoties in
die exhibui, eoque paucorum quandoque dierum
intervallo febres has fugavi, ciborum desiderio &
viribus brevi restituis.

XVII.

Si am- Postquam in omnibus hisce casibus ad eum redie-
bulare runt statum, ut ambulare aut foras prædire rursus
rursus queant, præcedentibus addenda roborantia, ut vi-
possunt na dulcia in pastu modice sumpta, nisi calor, vehe-
mentior id prohibeat, victus blande nutriens &
facilis digestionis, sed parvus aut modicus, Eff.
cort. aurant. citri, corticis cascarillæ, Mixtura
tonica, immo & usus frequens lactis ebutyrati,
si æger illud non averfatur, cum blando, sed fre-
quenti motu aut exercitatione corporis, cumprimis
equi-

equitatione aut iteratâ sæpius veltione in rheda si-
ve curru.

XVIII.

Si *tussis* in his febribus vehementius ægros af- *Sym-*
fligit, præter infusa pectoralia & Elixir. pectora- *ptoma-*
le Wedelii cum parte octava Laud. liquid. Sy- *tum.*
denh. remixtum, linctusque ex oleo amygdala- *mede-*
rum dulcium & syrupo papaver. conducit; sed no- *la.*
ctu cum pulveribus temperantibus, mp. de cyno-
glossa, vel quam præstantiorem adhuc deprehendi,
mp. de Styrace gr. j. ad ij. iij. danda.

Æstus nimius sub exacerbatione temperatur suc-
co citri, phlegmate vitrioli, vel elyso antimonii
potui intillatis, itemque feri lactis vel lactis ebu-
tyrati potu, ut & absorbentibus citratis cum ni-
tro ante accessionem datis.

Sudores nimii, quos *colliquativos* hic vocare
solent, non vi supprimendi: sed frigore modera-
to, terra sigillata, corallis rubris, spec. de hya-
cinth. cum paucis nitro, cascarilla & opii granu-
lo, interposito usu feri lactis, vel lactis ebutyra-
ti, moderandi: quibus ipsis etiam, itemque *emul-*
sionibus, & gummi arabico, *Diarrhœa* ipsorum,
quæ sæpe periculosa, ut & lacte chalybeato, pul-
tibus, & conservis rosarum, prudenter est refræ-
nanda: cui scopo etiam diascordii ʒj. ex aqua men-
thæ vel cinamomi sine vino, vel cinamomi cy-
doniata, egregio haud raro satisfacit.

Appetitus prostratus excitatur hic amaris, ut
Essentia cortic. aurantiorum, cardui benedicti, vel
absinthii, cum parte ess. cort. cascarillæ vel corti-
cis peruviani remixtæ; vel *Extractis amaris* in
aqua stomachica vel vino malvat. solutis, & ali-
quoties in die exhibitis: quibus & spiritus salis,
vel nitri, vel vitrioli dulcis pars fere quarta com-
mode addi potest ad cibi desiderium tanto melius
excitandum.

CAPUT VII.

De inflammationibus.

I.

Transitus ad inflam-
matio-
nes. **Q**uibus febres continuæ, acutæ, cognitæ sunt, si facile etiam in inflammationum cognitio- nem atque curationem pervenire possunt; quoniam in ambabus motus acceleratus cordis, pulsus, & sanguinis una cum calore p. n. percipitur; præsertim in inflammationibus gravioribus, si- ve majoribus: ubi semper pulsus celer, calor præter naturam, aliaque varia febris acutæ symptomata adesse solent; vulgare enim est dictum: quod febris est in toto, at inflammatio in certa quadam parte; febresque acutæ sunt fere inflammationes universales.

II.

Inflam-
matio
quid. **Idea** vero inflammationis consistit in congestio- ne, atque majori minorive stagnatione sanguinis, in certa quadam parte; qua fit, ut sanguis, dum per multa vasa sanguifera obstructa transire nequit, & in motu suo impeditur, reliquus per vasa libera vi & pressione cordis irritati, tanto celerius fluere cogatur: quo ipso, (exemplo machinarum hy- draulicarum) motus sanguinis necessario accele- ratur, atque æstus ceteraque symptomata indu- cuntur. A sanguine vero in parte afflicta congesto & stagnante fit, ut in omni notabili & visui expo- sita inflammatione in loco læso tumor, rubor, dolor, calor, & plerumque etiam splendor, tamquam signa inflammationum pathognomica observentur; quæ ve- ro phænomena ex prædictis facile intelligi pos- sunt, maxime si ad illud attendatur, quod in inflammationibus plus affluat per arterias, quam per

per venas refluere possit, sicuti etiam in chirurgiæ nostræ Institut. docuimus.

III.

Variaæ admodum dantur inflammationum diffe-
rentiæ: & generatim dividuntur in externas & internas, quarum quælibet pro diversitate partis affectæ & gradus alia atque alia produciunt symptomata. Inter externas *Erysipelas* dicitur, quando inflammatio insignis adest in cute, late se extendens; quæ pro partis varietate erysipelas faciei, colli, dorsi, manus, brachii, scapulæ, tibiæ, aut pedis appellari solet. *Phlegmone*, si inflammatio major partes cuti subjectas, præsertim pinguedinem simul occupat, estque gradus major inflammationis, quam erysipelas. *Furunculi* dicuntur inflammationes minores in cute & pinguedine substrata, quorum minimi sunt *vari faciei*, quibus *gutta rosacea* in facie valde affinis est.

Ex his jam facile, quid sint inflammationes siue tumores inflammatorii *tonsillarum*, *uvulæ*, *parotidum*, *mammarum*, *glandularum axillarum* & *inguinalium*, (qui *bubones* dici solent,) *testium*, aliarumque partium externarum intelligi potest. Ita *ophthalmia* dicitur, si oculus; *odontalgia*, si dentis radices; *otalgia*, si meatus auditorius inflammatione laborant.

IV.

INFLAMMATIONUM INTERNARUM ea, quæ cerebrum ejusve meninges occupat, *Phrenitis* appellatur; a qua vehemens dolor capitis, febris vehemens, rubor plerumque ingens faciei & oculorum, ac tandem delirium inducuntur. In *Angina* fauces & potissimum larynx inflammatus est, unde respiratio difficilis, suffocatoria, cum deglutionis impedimento producit. *Pleuritis* in pleuræ & plerumque simul partis vicinæ pulmonis inflammatione consistit, conjunctumque habet dolorem vehementem lateris puncturium, pulsus durum,

rum, respirationem difficilem ac dolorificam, & tussim molestissimam, sæpe sanguinolentam. Si pulmo totus vel magnus ejus lobus inflammatione laborat, malum *Peripneumonia* nuncupatur: in qua respiratio valde anxiosa, pulsus mollis, & celer. Si renes, *Nephritis*; si hepar, *Hepatitis*; si diaphragma, *Paraphrenitis*; si aliæ partes internæ, ut *ventriculus*, *lien*, *intestina*, *vesica urinaria*, *uterus*, aut *cor inflammata sunt*, inflammatio nomen a parte affecta adipiscitur; ut *inflammatio ventriculi*, *lienis*, *intestinorum* &c. hæque omnes ex ardore & dolore, majore minorive, in regione partis affectæ, febrique acuta præsentē cognosci ac distingui solent ac debent.

V.

Causa.

Causa proxima inflammationum est stagnatio sanguinis in certa quadam corporis parte; hujus vero *caussa antecedens* est vel abundantia sanguinis, sive *plethora*, vel *sanguis nimis viscidus*, vel utrumque simul. *Causæ vero procathartice* sive *occasionales* sunt, vel externæ vel internæ; ut contusiones, luxationes, fracturæ, vulnera, ligaturæ fortiores, potus frigidus vel aliud frigus, præsertim calente corpore admissum, excessus in vino, spiritu vini aliisque potibus spirituosus, exercitatio corporis sive motus nimius aut nimis vehemens, aliique diætæ errores.

VI.

Prognosis.

Quælibet inflammatio quadruplici modo finiri potest: nam stagnatio 1. vel *resolvitur*, & pars affecta pristinae integritati hac ipsa restituitur; & hinc resolutio est omnium optimus finis, & optima ejus curatio; vel 2. si non resolvitur aut resolveri nequit, in *suppurationem* sive *abscessum* abit; quo in statu stagnans materia corrumpitur ac putrescit, una cum vasculis in quibus hæret, hisque vicinis, quæ ambo in materiam putridam plus minusve acrem aut foetidam abeunt, *quam pus appellant*;

vel

vel 3. in *Gangrenam* , quando dolor & ardor sit vehementissimus , color , si pars affecta visui exposita est , rubicundissimus , intermixtis striis livescens aut nigricantibus , & vesiculis in parte affecta , cuticula a cute recedente oriundis , sero sive ichore repletis ; quæ signa summum inflammationis , facile in corruptionem sive putredinem aut sphacelum abituræ , gradum indicant ; ita , ut *gangrena sit summus inflammationis gradus* . Quando vero , prægressis his gangrena symptomatibus , dolor & ardor in parte affecta subito remittunt , sive prius cessant , eaque pallida , livida , vel nigra , frigida , insensibilis , foetida , cadaverosa , flaccida & mollis evadit , cuticula a cute recedente , vel etiam nigra , sicca sive arida quandoque , tunc *sphacelus* appellatur , quo perfectam partis corruptionem , putredinem , sive mortem Medici intelligunt , quæ sine ablatione corrupti non curatur . Vel 4. pars inflammata , præsertim glandulosa , ut mammae , glandulae , salivales , parotides , tonsillae , axillares , inguinales &c. in *Scirrhum* sive tumorem durum & indolentem abit : qui tamen sæpe , præsertim in mammis , successu temporis malignam putredinem concipit , & morborum fere pessimum , *cancrum* sive rectius *carcinoma* producit .

VII.

Ceterum quo vehementiores initio sunt inflammationes , eo difficilius resolvuntur , & hinc eo periculosiores ; quia facile vel in suppurationem vel in gangrenam & sphacelum abeunt ; *suppurationes* vero & quidem externæ , in partibus pinguibus & carnosissimis contingentes , corpore ceteroquin sano , ac pure bono , curatu ut plurimum sunt facillimæ ; in glandulosis vero partibus , aut corporibus mali habitus , aut senibus , longe difficilius sanantur , ac longe majorem diligentiam & curam requirunt . *Inflammationes internarum partium omnes*

Con-
tinua-
tio pro-
gnosis .

omnes quidem sunt periculose ; differunt tamen secundum vehementiam inflammationis , & partis affectæ diversitatem sive nobilitatem : *renum enim fere securissima , & pulmonis quoque adhuc sæpe curantur ; reliquæ sunt periculosiores , hepatis vero periculosissima haberi solet .*

Generatim tamen sciendum , omnes inflammationes internas , nisi resolutione curentur , periculi plenissimas esse atque , ut plurimum , mortem post se trahere : nam si in suppurationem abeunt , potius commode evacuari , ulcusque recte purgari aut curari nequit , quia manibus accessus denegatur ; hinc in tabem aut hecticam sive phthisin aut consumptionem corporis desunt . Si in gangrenam & sphacelum abeunt , pars corrupta auferri nequit ; hinc putrescendo mortem brevi inducit . Si in scirrhum transmutantur , hectica aut cachexiæ & hydropes , ut plurimum insanabiles sequuntur , vel omnino in carcinoma sive cancerum abeunt .

VIII.

Curatio generalis.

In curatione omnium inflammationum , quia ab obstructione vasorum & impedito motu sanguinis oriuntur , eo præcipue annitendum est , ut resolutio sanguinis hærentis obtineatur , ejus motus restituatur , atque in ordinem rursus redigatur : quod obtinetur optime , 1. eodem regimine iisdemque remediis diluentibus , temperantibus , resolventibus , ac diaphoreticis , quæ in febrium acutarum curatione , capite tertio , N. X. ad XII. commendavimus , non neglecta in malo graviore camphora vel in pulvere , vel in potiunculis . 2. Sanguinis missione , primis præsertim diebus , in loco conveniente & præcipue in parte opposita instituta ; quæ ubi plethora vel æstus urget , subinde semel iterumque reiteranda , satisque larga semper sanguinis copia , pro virium & plethoræ ratione , educenda , ut sic sanguinis impetus & affluxus copiosior in partem affectam avocetur ,

am-

amplior congestio prohibeatur, & jam facta immi-
nuatur: quæ sanguinis missio; præsertim in vehe-
mentioribus, & internis inflammationibus, consen-
tientibus optimis Medicis, tuto aut *salva conscien-
tia omitti non potest*. In *Erysipelate* tamen minore
aliisque *levioribus inflammationibus*, iisque præser-
tim externis, ea *sæpe opus non est*.

IX.

In inflammationibus externis præter hæc, medi-
camenta quoque resolventia adhibenda sunt ex-
terna: ubi in frequentissimo mihi est usu aqua
calcis vivæ cum spiritus vini camphorati parte
quarta roborata, addito subinde pauco sale ammo-
niaco, vel lapide medicamentoso Crollii; calide
cum splenis crassis sæpe imposita; vel & spiritus
vini solus, aut sale ammoniaco & pauca campho-
ra imprægnatus; vel radic. bryon. irid. flor. sigil.
Salomon. herba absinth. scord. abrotan. sabin. ser-
pil. origan. majoran. salviæ, flor. chamomill. me-
lilot. sambuci, sem. 4. carminat. &c. vel in pul-
vere sicco; sacculo incluso, vel in quibusdam in-
flammationibus, *vino vel aqua salsa decocta*, rur-
susque expressa, vel & cum splenis parti affectæ
calide sæpe imponenda, quæ potentissime omnis
quoque generis inflammationes resolvunt. Plura
externa in Institut. chirurgic. meis, cui lubet,
videri possunt. In nonnullis externis inflammatio-
nibus, præsertim in *furunculis*, *bubonibus*, in-
flammationibus *consillarum & mammarum*, &c. Em-
plastr. de sperm. ceti, diachylum simplex de me-
lilot, itemque diaphoreticum Myns. addita præ-
sertim camphora, egregie quoque resolvunt. Spe-
ciatim vero in *erysipelate* farina quædam calida,
vel per se, vel cum cerussa, creta, pulvere liqui-
ritiæ paucaque camphora remixta, externeque
calide applicata, valde profunt, vel pulvis con-
tra erysipelas Mynsichti, eodem modo usurpatus,
aut & ipsa aqua calcis vivæ cum spiritus vini cam-
pho-

Exter-
narum
resolu-
tio.

phorati parte quarta remixta, ante jam laudata, licet multi omnia humida hic promiscue, sed male, rejiciant, benefacit. Alia hic convenientia medicamenta in Chirurgicis nostris Institut. Lib. de Tumoribus cap. 2. n. 14. videri possunt.

X.

Suppuratio.

Si vero resolutio tumoris inflammatorii obtineri nequit, quod cognoscitur, quando inflammatio ultra quartum diem augetur, & dolor quotidie increseit, ut plurimum suppuratio sequitur. Igitur a resolventibus abstinendum, & suppuratio contra est promovenda: id quod præstant, 1. omnis generis medicamenta emollientia, mucilaginosæ & pinguiæ. 2. Medicamenta, quæ præter particulas emollientes etiam stimulant: quibus fit, ut acri eorum stimulo impetus sanguinis ad locum affectum invitetur, vasa obstructa hoc ipso tanto citius rumpantur, & in pus convertantur: talia sunt, præter cataplasmata in chirurgia nostra his in malis commendata, (a) vel vulgarissima, attamen quam efficacissima, domestica, vulgo dicta, remedia, nimirum *cepe sub cineribus assata*, vel *mel cum farina*, in cataplasma redactum, aut *mica panis tritici similem in formam cum lacte cocta*, admixto paucis butyro & croco, si lubet, calide sæpius applicata. Interdum loco horum, præsertim in minoribus inflammationibus, emplastra commodius applicare possumus; quo scopo *emplastrum diachylum cum gummis* sane præstantissimum est. Quibus medicamentis continuandum, donec maturatio facta; quæ ex mollitie partis, roboris remissione & materia fluctuantis sub cute sensu, si digitis comprimatur, optime cognoscitur; vel etiam quandoque ex ipso pure sub cute vel cuticula jam apparente & visui sese manifestante.

Ma-

(a) Lib. de Tumoribus cap. III. n. 6.

XI.

Maturatione igitur facta *abscessus* (nisi hoc spon- *Absces-*
 te jam factum sit , ut sæpe contingit] vel scal- *-sus a-*
 pello chirurgico ; vel caustico *mature aperiendus* *perien-*
est , ne dolor justo diutius ægros vexet , aut pus *-dus* .
 partes subjectas erodat , aut corrumpat , & vel fi-
 titulam vel cariem producat .

Abscessus vero apertus melle vel unguento dige-
 rente mundandus , & postea vel hoc ipso , vel ap-
 to balsamo quodam vulnerario , ut vulnus , sensim
 consolidandus .

XII.

Quod si inflammatio neque resolvi , neque ad *Quid*
 suppurationem deduci queat , sed in *gangranam* , in gan-
 immo *sphacelum* abeat , nulla ratione hæc mala *græna*
 melius cohiberi possunt , quam si interne *cortex* facien-
peruvianus frequenter & larga satis copia , sicut *dum* .
 in febribus intermittentibus pertinacibus , continua-
 tis , simul laudatis externis , ægro exhibeatur : hunc
 enim sicuti in his febribus ; ita & in gangræna &
sphacelo sistendis , *summum esse specificum* , non
 solum Angli , qui hoc primum observarunt , sed
 & ego , præter alios præstantissimos Medicos &
 Chirurgos , aliquoties sum expertus : interea tamen
 non semper expectationi satisfacit . *Quæ* externe in
hoc statu immo & in *sphacelo* , *scalpello* & me-
 dicamentis sunt facienda , in Institut. chirurg. no-
 stris , si lubet , videri possunt . Si inflammatio in
scirrhum abeat , quomodo malum sit curandum , in-
 fra , ubi de scirrhis , proponetur .

XIII.

In inflammationibus vero internis summa ope niti *Quomo-*
 decet , ne in suppurationem , multo minus in gan- *-do in-*
 grænam abeant , quia utraque , sicuti supra jam *terne*
 dictum , ut plurimum lethifera est , sed resolutioni curan-
 tive discussioni (qua sola hi ægri rite curari pos- *-de in-*
 sunt) *unice studendum* . Quæ vero (ut jam in exter- *-flam-*
 narum curatione docuimus) optime obtinetur , i. *matio-*
 fan- nes .

sanguinis missione sufficiente, mature instituta; & ubi symptomata exigunt, non raro repetita. 2. *potu largo aquosorum*, diluentium, resolventium & refrigerantium, in curatione febrium continuarum supra Cap. III. §. X. & seq. indicatorum, itemque 3. *medicamentis temperantibus* & diaphoreticis ex absorbentibus citratis, lapid. cancror. præsertim & conchis citratis, itemque antimonio diaphoretico & nitro, in forma pulveris, potiunculae, essentiae, infusi vel decocti. 4. *temperato regimine*, ut in iisdem febribus indicatum est acutis. 5. *clysteribus emollientibus*, nitrosis, præsertim ubi atvus est obstructa.

XIV.

De Phrenitide.

Speciatim vero in *phrenitide* his addenda sunt 1. *Spe- epithemata* fronti applicanda, & quidem *primo ex ciatim repellentibus*, ut, ex aceto rosaceo, vel lavendulae in principio; deinde vero 2. *ex solventibus*, ut ex spiritu vini camphorato crocato, calido in progressu; 3. *pulveres camphorati nitrosi*, Cap. III. §. 17. Postea etiam 4. ubi malum est vehemens, hirudines ad tempora & retro aures sunt adhibendae; vel 5. *venæ sectio*, præsertim in vena jugulari est iteranda; 6. *vesicatoria* suris & brachiis applicanda, fermentum panis cum aceto forti, pulvere seminis sinapi, sale nitro aliisque acribus mixtum, plantis pedum calide impositum. Denique etiam irritatio interna narium ad hæmorrhagiam excitandam, vel ipsa *scarificatio narium* magnæ quoque interdum hic potest esse utilitatis. Vid. Stahlius de scarificatione narium Ægyptiaca.

XV.

De Ophthalmia.

OPHTHALMIA sive oculorum inflammatio di- *Oph-*
 vidi primo potest in levio^{re}m, vehementiorem & ve- *halmia*
 hementissimam [quam Chemosis vocant) eaque rursus *diff-*
 in siccam & humidam. Sicca, levior, recens, sæpe aqua *rentie,*
 simplici frigida vel aqua rosarum sola, vel collyrio *et le-*
 modice refrigerante, ex aquis opthalmicis v. gr. *violis*
 aqua rosarum, plantaginis, florum cyani, vel cal- *curatio.*
 catrippæ, cum pauxillo sacchari Saturni, vel tutiæ
 vel lapidis calaminaris, si eis sæpe lavetur, curatur.
 Sed humida curatu difficilior, immo sæpe diffi-
 cillima est, præsertim inveterata, ut & in cache-
 cticis, scorbuticis, contagio venereo, & glandulis
 induratis aut serophulis infectis, aut annosioribus,
 ubi sæpe cecitatem & speciatim maculas oculorum
 sive leucoma, pterygium, vel unguem, caliginem,
 cataractam, aut glaucoma, hypopyum, staphyloma
 aut exulcerationem vel destructionem totius oculi
 producit. Ophthalmia etiam est vel externa tantum,
 vel quoque simul interna: hæc cognoscitur, quan-
 do egri difficillime vel prorsus non lucem aspicere
 possunt, & longe periculosior est sola externa.

XVI.

In curatione vero humide revulsionis gratia ido- *Cura-*
 nea purgantia primum sunt exhibenda, & subinde *tio hu-*
 repetenda; deinde in egris calidioribus *pulveres tem-*
 perantes, resolventes, salini, nitrosi, *perante,* *humide*
 diluentia, tem- *internæ*
 perantia, & blande diaphoretica interna conducunt;
 in serosis vero sive phlegmaticis aut frigidis præ-
 cipue Ess. succin. lignor. ligni sassafr. Tinctura an-
 timonii tartarisata & similia resolventia anticatarra-
 lia, cum infusis calidis aqueis vegetabilium resollen-
 tium, præsertim herbe euphrasia & veronica cum ligno
 sassafras aut feniculo, danda sunt.

H

XVII.

Externa *Externa* conducit collyrium ex aquis ophthalmicis dictis, ut ex aqua euphrasie, fœniculi, florum cyan. plantaginis, rosarum &c. quibus parum tutie PPTæ vel lapidis calaminaris PPT. aut sacchari saturni, aut lapidis medicamentosi Crostii, aut vitrioli albi admixtum sit, quo oculi sæpe lavandi & abstergendi, atque guttula una vel altera ei subinde instillanda, immo, & splenia eis imbuta, noctu præsertim, ipsi imponenda. Vel spiritus vini camphoratus simplex aut crocatus linteis complicatis & ad ignem leniter rursus exsiccatis, oculis inflammatis calide ac prudenter impositus, egregie sæpe conducit, qui & prædictis spleniis super imponi utiliter potest. *Lac croc. largius imbutum*, si tepide sæpe oculis instillatur, præsertim infantibus, vel cum spleniis calide sæpe imponitur, quoque est egregium. Ita & *arachisc. alb. Ribas. 3℔.* in aquar. ophthalmicar. 3iv. soluti, valde profunt, si, ut de ceteris collyriis supra dictum est, usarpentur. In sanguineis, vel evacuationibus sanguinis naturalibus aut artificialibus consuetis, suppressis, etiam *vena sectio*, præsertim in malo graviore, primo in brachio vel pede, deinde in jugulari vena instituta, vel & *scarificationes*, eaque si opus, repetitæ, valde profunt.

XVIII.

*Cura
tio ve-
hemen-
tissima*

In vehementissima ophthalmia, quam *Chemosis* vocant, ubi adnata inflammata corneam suo tumore superat, aut supra corneam se elevat, sanguinis missio eaque *large*, immo *repetita* est instituenda, & denique *sectio venæ jugularis*, præsertim si aliæ sanguinis detractiones jam præcesserunt, summe necessaria & utilis est: immo & ipsa *scarificatio Hippocratica*, a *Woolhusio* in usum rursus vocata, in palpebris & ipsa adnata subinde hic prodest. (a) Ac

in

[a] De qua vid. Chirurg. nostr. Part. II. c. 52.

in ferolis aut phlegmaticis præter purgantia, vesicatoria cervici, post aures, temporibus, pedibus, inter scapulas, aut quandoque ipsi vertici adhibita, præsertim si satis magna sunt, multum sæpe præstant; vel horum loco farina synapi, vel seminis erugæ, sacculo inclusa; in vino cocta, & cervici calide applicata revellendo quandoque conducit. Coryticis peruvianis usus in his malis haud raro multum quoque præstat, præsertim si febris simul adest.

XIX.

Quandoque virus venerum causa est ophthalmia Si ophthalmia pertinacioris, id quod inde intelligimus; si vel talmia morbus veneris præcessit, vel symptomata quæ a causa venerea adhuc adsunt. Ita & si glandule colli vel testis indurata simul adsunt, (quæ ophthalmia serophu- neta-losa dici solet) interne remedia antivenerea, ut decocta lignorum & mercurialia rite sunt adhibenda, immo & externe collyrio ex aquis ophthalmicis & turtia vel lapide calaminari mercurii dulcis gr. j. vel alterum addendum, quo oculi sæpius fovendi. In iisdem casibus sequens nodulus mercurialis quoque multum valet.

R. mercur. præcip. rubr. ℥j. vel 3℞. ungu. rosat. 3j. M. & includatur linteo tenui, ac fiat nodulus, qui in aqua rosarum aliave simili in vitro, loco temperato asservatus reponatur; eoque oculi ejusmodi sæpius detergantur.

XX.

Ad præcavendum hoc malum sæpius recurrens, extra præsertim paroxysmum egregie conducunt tene sectio circa æquinoctia & scarificationes atque purgationes sæpe subinde institutæ, sæpius aut rarius, prout malum recur-vehementius aut frequentius esse solet. Nonnullis rentis valde prosunt fonticuli aut setacea. Quibus etiam ad humores corrigendos & congestiones præcavendas; anticatarrhalia, ut liq. C. C. soccinatus; Essentia suceinii, lignor. cum Tinctura antimonii tartarisata;

ex infuso vel decocto euphras. & lign. sassafras, itemque pulveres diaphoretici resolventes, immo & *mercurialia* quandoque *interponenda*. Ægri bonam servant *diastam*, vitent aspectum solis, ignis, nivis, aliorumque corporum splendentium; vitent lectionem multam, præsertim minorum characterum, maxime nocturno tempore; vitent quoque fumum, pulverem, aliasque res oculos irritantes, secundum scholę Salernitanę præceptum.

XXI.

De Angina.

*Angi-
na.*

In *Angina*, [quę N. IV. est congestio sanguinis & inflammatio sæpe vehementissima in faucibus, præsertim in pharynge & larynge, ut deglutitio & respiratio inde vehementer lædantur] *ante omnia revulsione gratia purgans*, ex potiuncula potissimum purgante, e tamarindis, senna & manna parata, exhibeatur, atque altero die clyσμα antiphlogisticum injiciatur, deinde prægressa purgatione, *largiter e vena brachii vel pedis educatur sanguis*; & si post aliquot horas malum non remittat, vel adhuc augeatur, *venę sectio* semel iterumque *repetenda*, & præsertim in *vena quoque jugulari* altera vel tertia vicē instituatur, quę hic magnę est utilitatis, atque in malo graviori, quod prioribus non cedit, tandem etiam *ranina* sub lingua incidantur: immo & *cucurbitula scarificata* parti semorum *internæ*, dorso, collique lateribus impostę, magnarum sunt virium. (a) Interea quantum fieri potest frequenter medicamenta diaphoretica temperantia & nitrosa; ut pulvis temperans vel diaphoreticus noster exhibeantur, *potusque tenuis acidu-*

(a) Has maxime etiam laudat Dekkerus in Exercit. pract. p. 244.

dulatus, & *nitrat*, largus ægris commendetur, quamdiu deglutire possunt. Quando vero non amplius aut vix deglutire possunt, *externa remedia* quam solertissime sunt adhibenda: & quidem primo quotidie semel aut bis alvus lotionibus temperantibus, nitratis est ducenda.

Gargarismata præterea, fomenta & *emplastra* collo imponenda, valde hic sunt necessaria: inter hæc *emplastrum de melioto camphoratum* est præcipuum; vel hujus loco, præsertim ubi magnus in faucibus ardor est, spiritus vini camphoratus, & præcipue crocatus, calide cum linteis sub mento laryngi applicatus, egregie prodest. *Gargarisma* vero ex decocto radic. bistortæ, tormentillæ, irid. Flor. caryophyllat. helen. & herb. hyssopi, prunell. fl. malv. rosar. papaver. aut fungis sambuci &c. fieri potest, cum syrup. dianuc. vel diamorici parum aluminis & nitri vel salis ammoniaci addatur, quod etiam, si lubet, ope syringæ in fauces injici potest. *Pediluvia* tepida, *sinapismi* & *frictiones pedum* hic quoque valde conducunt, & in summo malo, ubi *suffocationis metus*, aspera arteria est aperienda, sive *Tracheotomia* est instituenda, de qua videri possunt Institutiones nostræ chirurgicæ; non quod credamus, hujus ope anginam curari, sed ut tempus lucremur, quo diutius ægro respirationem conservemus, atque sic medicamenta resolventia continuare valeamus, donec æger liberius respiret, & a morbo liberari queat.

XXII.

De tonsillarum & uvula inflammatione.

In tonsillarum & uvulæ inflammationibus eadem est curandi methodus, nisi quod venæ sectio & in leviori malo non adeo sit necessaria; quæ tamen nihilominus ad suppurationem aliaque gra-

Tonsil-
larum
uvula
tumores.

viora mala avertenda sæpe utilis, ubi æger vel plethoricus, vel inflammatio admodum vehemens. *Aluum vero ducere*, præsertim potione purgante ex tamarindis, foliis sennæ & manna, in leviori malo præstat; quæ tamen etiam in graviore malo utiliter adhibetur. At si quarto vel quinto die prædictis remediis aliqualis imminutio mali nondum facta, & tumor persistat, tunc resolutio rarius obtinetur; hinc emollientibus gargarismatibus vel emplastris, præsertim diachylo cum gummis, collo applicatis, aut cataplasmatibus quoque emollientibus suppuratio potius promovenda, iisque continuandum, donec abscessus vel sponte rumpatur, vel scalpello aperiatur; quo facto gargarisma fiat ex infuso vel decocto herbæ cujusdam vulnerariæ, vel etiam infuso simplici Theæ, cum melle rosarum, cui parum vini addatur; quo æger calide sæpius fauces colluat, donec restitutus est. Interea tamen sciendum, me sæpius vidisse, ejusmodi tumores post plures dies sub ipso suppurantium usu adhuc resolutos fuisse, ideoque de eorum resolutione non semper mox desperandum est, licet ea quandoque lente & tarde fiat.

XXIII.

Præservatio. Quia vero molestissimum hoc malum in nonnullis sæpe ædit; *præservatio optima est*, præter horum moderatam diætam, venæ sectio circa æquinoctia, vel in brachio, vel etiam in pede instituta. Alios vero etiam *scarificationes* subinde repetitæ, alios utrumque; alios vero *fonticuli* in brachio aut pede ab his malis immunes reddunt: iis vero neglectis, facile redeunt.

XXIV.

De Pleuritide.

IN PLEURITIDE, PERIPNEUMONIA ET *Pleuritis*
 PARAPHRENITIDE, præter generalia N. VIII. *& peripneumonis.*
 commendata, lateri sive loco dolenti spiritus vini
 camphoratus. lintheis complicatis calide imponatur,
 aut vesica lacte calido, in quo flores chamomillæ
 vel sambucci cocti sunt, repleta; vel etiam saccu-
 li sicci ex vegetabilibus solventibus cum cam-
 phora, vel ex sale aut farina calida, si priora for-
 te ferre non posset, utiliter applicantur; quæ
 camphora etiam interne hic efficacissima est, præ-
 fertim in malo graviore. In pleuritide spuria sive
 notha, externas partes magis occupante, in qua
 vehemens ad tactum dolor adest, Lancisius jubet;
 prægressa venæ sectione larga in brachio, & inci-
 sa prius cute supra partem dolentem, duas cucur-
 bitulas, loco dolenti applicare, affirmatque hoc ipso,
 incantamenti instar, sæpe totum hunc morbum
 tolli, immo & in vora sive interna, modo pulmo-
 nes non simul sint affecti, egregium esse auxi-
 lium asseverat [a].

XXV.

Quando *pluritis aut peripneumonia* non resolvitur, sed in abscessum abit, & pus per asperam ar-
 teriam evacuatur, expectoratio est promovenda, *Quando in abscessum abeunt.*
 & postea ulcus glutinandum. Prius sit 1. specie-
 bus pectoralibus lubricantibus ex rad. malv. li-
 quirit. sicubus, dactylis, passulis & herbis pecto-
 ralibus compositis; quibus subinde olei amygdala-
 rum dulcium, vel lini cocti. ꝑ. vel ij. interpona-
 tur: vel linctus pectoralis ex modo laudatis oleis

H 4

cum

[a] Vid. Morgagni Advers. Anatom. V. p. 83.

cum spermate ceti & syrupo violarum paratus. His per aliquot dies continuatis, donec purulenta materia maximam partem est rejecta. 2. *Consolidatio est procuranda* infuso ex herbis traumaticis & pectoralibus parato, aliquoties in die hausto, cum quo Mixture tonice, ex spiritu CC. & Tincturæ tartari compositæ, gutt. xxx. ad xxxx. in primo haustulo sunt sumendæ; vel etiam Elixirii pectoralis Wedelii eadem quantitas, vel etiam balsami pectoralis Meibomii vel vulnerarii Locatelli apta dosis, donec ulcus rursus clausum sit. Si febris lenta aut hectica accedat, curatio hujus vid. Cap. VI.

XXVI.

Reliqua inflammationes in- In VENTRICULI, INTESTINORUM, HEPATIS, LIENIS, RENUM, VESICÆ & UTERI INFLAMMATIONIBUS, externe loco dolenti vel *vesica lacte calido repleta*, modo §. 24. laudata, inprimis si chamomilla in eo prius cocta est, imponatur; vel spiritus vini camphoratus crocatus, cum lintheis complicatis, calide sæpius applicetur; cui adhuc sacculi ex herbis resolyentibus majoris efficaciz causa superimponi possunt. Præterea & clysmata emollientia & paregorica ex chamomilla præsertim, vel veronica in lacte aut jusculo cocta, & semel, bis aut sæpius in die applicata, egregiam his in abdominis malis opem ferunt. In *nephritide*, *vesica aut uteri inflammatione* graviori, præter hætenus laudata, etiam *hirudines* ano applicatæ, egregie sæpius prosunt, præsertim si *hemorrhoides suppressæ* in culpa, vel molimina hemorrhoidalia percipiuntur, ad sanguinem inde derivandum. Interpe eadem sunt adhibenda, quæ §. VIII. generatim commendata sunt, speciatim vero in *ventriculi inflammatione* *camphora* pulveribus digerentibus admixta valentissima est.

Monita practica.

1. *Vene sectio*, uti in plerisque inflammationibus, *valde utilis est*, si in principio instituitur, ita e contrario noxia plerumque deprehenditur, si nimis tarde, aut ægro jam valde debili, administretur. Si vero æger plethoricus, vires satis adhuc constantes, magnusque æstus adsit, & malum laudatis remediis, ut sæpius vidi, non cædat, etiam paulo tardius administrata, his adhuc sæpe prodest.

2. In *levioribus inflammationibus* & subjectis non plethoricis *sanguinis* missio non semper est necessaria; in *malignis* vero plerumque noxia deprehenditur, adeoque ab ea abstinendum.

3. In quacumque inflammatione *frigida extus aut intus applicata ut plurimum nocent*: quia sanguinem spissum ac stagnantem magis coagulant & vasa obstructa fortius constringunt, atque sic inflammationem pejorem reddunt. In *ophthalmia* tamen, & præsertim ejus principio, aqua simplex vel & collyria frigida recte ac sine noxa adhibentur, nam experientia docuit, *oculis frigida plerumque magis esse amica, quam calida*; in statu vero solutus resolventes calidi vel potius tepidi, ex decocto hyssopi, veronicæ, euphrasie, fœniculi & similium ophthalmicorum aut digredientium remedium, melius usurpantur.

4. *Medicamenta spiritiosa calefacientia, & volatilia*, in inflammationibus interne nocent; quia motum sanguinis & æstum augent; externe vero spiritiosa, & cum primis spiritus vini camphoratus, egregiam vim resolvendi & refrigerandi obtinent.

5. Tumores inflammatorios externos non nimis mature aperiendos esse censeo; quia immaturi majores dolores aliaque varia sæpe symptomata concitant. Attamen etiam, ut §. XI. dictum est, non nimis tarde incidendi. Verum simulac ex aliquali tumoris mol-

mollitie aliquid puris inesse percipimus ; tuto & optime aperiri possunt , immo debent , licet totus tumor nondum mollis aut suppuratus sit : ne fistule excitentur , aut ossa a pure vitientur ; & ut eger citius a febre , anorexia & vehementibus doloribus , quos hi tumores sepe excitant , liberentur .

C A P U T VIII.

De Hemorrhagiis , sive fluxibus sanguinis .

I.

Hæmorrhagiæ dividuntur in *spontaneas* , violentas , & artificiales ; at de prioribus nobis hic potissimum sermo erit : quæ *Stahlianis actiones* videntur animæ , magna prudentia susceptæ , quibus sanguinem quantitate , & non raro quoque qualitate peccantem , ad mala illa , quæ a plethora potissimum , vel prava qualitate oriri solent , avertenda expelleret : nobis vero non ab anima , sed a causis physicis , a sanguine scilicet vel quantitate vel qualitate peccante , vasque ex rationibus mechanicis fortuito rumpente , sine animæ scientia , concursu aut directione graves ob rationes provenire videntur .

II.

Species. Harum SPECIES præcipuæ sunt hæmorrhagia nasarium , hæmoptysis , hæmorrhoides , vomitus cruentus , & speciatim in mulieribus , mensium , atque lochiorum fluxus , itemque hæmorrhagia uteri in gravidis & aliis . Quibus etiam accenseri potest fluxus varicunt , in cruribus , qui quandoque in quibusdam , sed longe rarius , observatur .

III.

III.

Ratione ætatis notandum, quod in junioribus maxime nasitur hemorrhagix; in media ætate; hæmoptysis & vomitus cruentus; et in proVectioribus, hæmorrhoides & mictus cruentus sæpius observentur: quæ si statâ tempora servant, periodicæ, sin minus, vage, vel irregulares nuncupantur.

Ætas.

IV.

SUBJECTA hemorrhagiis obnoxia sunt maxime plethorici, præsertim juniores, sanæ plerumque ceterum & floridæ constitutionis, atque ingenii ut plurimum excitati, ut sunt cholericæ sanguinej, & sanguineo melancholici; deinde & ii, qui diætâ lauta, præsertim calefaciente, aromatica & camprimis vinosa utuntur; maxime vero omnium ii, qui ad iracundiam simul sunt propensives.

Subjecta.

V.

CAUSSA hemorrhagiarum proxima ut plurimum est plethorica; quæ vero raro per se, nisi in mensibus forte & lochiis, sed tunc demum hemorrhagias excitat, quando vehementius a spiritibus, aromaticis, volatilibus, calefacientibus, æstum ac motum fortio rem sanguini inducentibus, exagitur; ut ab aere calidiore, motu corporis, aut ira vehementiore, abusu vini aliorumque inebriantium, vel & Venere nimia; quo fit, ut vasa sanguifera, ubi natura sunt debiliora, aut nimium dilatet, ut sanguinem transmittant, aut disrumpat; quod tanto facilius contingit, si sanguis simul acris, biliosus, aut scorbuticus alcalina intemperie, sive dyscrasia laborat.

Causa.

VI.

Stahliani quidem etiam rationalem hemorrhagiarum hanc, ut jam diximus, causam esse volunt, quæ, cum nimium sanguinis copiam, aut pravam qualitatem, corpori noxiam, cognoscere,

Stahliani sententia.

pru-

prudenti consilio, deliberatione, atque instituto supervacuum aut noxiam sanguinis partem, dilatato vel rupto quodam vase sanguifero, aut pluribus simul, ex corpore expelleret, illudque sic a nimia copia vel vitioso etiam sanguine noxisque inde metuendis liberaret.

VII.

In dubium vocatur & refellitur.

Sed præterquam quod anima ægri cognitionis hujus, consilii, & actionis prorsus ignara sit, si a prudentia animæ hoc dependeret negotium, evacuationes illæ sanguinis *semper, vel saltem ut plurimum, in loco tuto & securo*, ut in naribus vel intestino recto, atque in mulieribus in utero contingerent. Verum cum sæpe in pulmonibus, ventriculo, vesica vel renibus fiant, atque inde ægri haud raro brevi tempore, immo paucis horis aliquando pereant, vel saltem inde in vitæ periculum, aliunde morbum periculosissimum, ut ulcera pulmonis aut renum, ac phthisin conjiciantur, ego prius existimo, sanguinem copia vel acrimonia peccantem, & vi cordis, (quæ nobis hic natura est.) pressum, vasa valde distendere, expandere, atque tandem ob rationes mechanicas casu fortuito perrumpere vel erodere, ubi in hoc vel illo corpore forte debiliora sunt, minusque resistunt; hinc in his per nares, in illis per pulmones, in aliis per ventriculum, renes, vesicam, vel hæmorrhoidaliam vasa sanguinem effundi. Si enim hæc res ab animæ arbitrio, prudentia, atque directione dependeret, anima hominum sapientium *semper per loca securo*, & ubi sanguinis fluxus minimum vel nullum incommodum produceret, sanguinem abundantem vel noxium expelleret. Verum e contrario videmus, in hominibus etiam sapientissimis, immo in ipsis Medicis prudentibus, qui, quid noxium, satis didicerunt & intelligunt, sæpe hæmorrhagias contra animæ ipsorum voluntatem, & quidem in locis haud raro periculosissimis contin-

gere,

gere ; ubi anima ipsorum vellet , optaret ; ac consideraret , *ut per nares vel intestinum rectum sanguis excerneretur* , qui tamen reluctantæ & invita anima per pulmones , ventriculum , renes aut vesicam sæpius expellitur . Verum anima omnibus suis viribus & conatibus , quantopere etiam velit , hæmorrhagias periculosas , in loca minus periculosa dirigere aut relegare nequit ; hinc verisimilius est , eas in machina nostra corporea etiam ex causis mere physicis & mechanicis contingere , vimque cordis fortuito percurrere vasa , sicuti torrens oras vel aggeres suos debiliores , quæ in hoc vel illo homine natura sive forte fortuna debiliora sunt. CELSUS enim jam dudum dixit , & experientia quotidie illum confirmavit , *nullum esse hominem , qui non partem aliquam præ cæteris habeat debiliorem* . Stultissima enim esset anima , quæ , dum posset , sanguinem non per loca tuta expelleret , & consulto loca periculosa , immo periculosissima eligeret .

VIII.

Quæ per pulmones , ventriculum , renes aut vesicam contingunt hæmorrhagiæ , *periculosa sunt* , sicut & hæmorrhagiæ uteri gravidarum ; reliquæ vero moderate contingentes , sive per nares , hæmorrhoides vel uterum fiant , nullam noxam , sed egregium ut plurimum corpori emolumentum afferunt : morbos enim multos a plethora alias oriundos , revera præcavent , multosque jam factos minuunt ac tollunt , adeoque sub quiete , & moderato victus regimine sibi relinquendæ , & non , nisi insignis debilitas id exigit , remediis sunt cohibendæ . Immo quamvis etiam subinde largæ admodum sint , atque imperitis magnum injiciant terrorem ; tamen non mox , hoc est , ante notabilem debilitatem cohibendæ : quia haud facile vitæ periculum inde metuendum , dum paucissimi inde moriuntur , & copia satis imminuta ,
sponte

*Pro-
gnosis .*

sponte plerumque tandem constrictis densis vasibus ; rursus cessant . Contra , quando præmature sistuntur , gravissima sæpe mala , & cum primis hæmorrhagias in aliis locis , vel inflammationes , hecticam , phthisin , cachexiam , hydropes &c. inducunt . Quo magis hæmorrhagie benignæ & certis periodis redeuntes , eo minus periculi inde metuendum .

IX.

*Cura-
tio ex-
tra pa-
roxys-
mum
pro co-
pia mi-
nuenda .*

In curatione duplex tempus est respiciendum , vel extra paroxysmum , quo recrudescentes sanguinis noxios aut enormes fluxus recavere sive avertere studemus ; vel ipsius paroxysmi ; in quo præsentis sanguinis nimia vel noxia profusiones moderande & cohibende sunt . Proponemus primo curam , quam præservandi sine extra paroxysmum adhibere convenit ; ubi , quia sanguinem quantitate peccantem ut plurimum corpus gravare cognoscimus , convenienti modo imminuendus erit . Hinc huic indicationi satisfaciendum 1. per hæmorrhagias sive sanguinis detractiones artificiales , & præcipue per sanguinis missiones : extra paroxysmum , maxime circa æquinoctia ; aut ubi res in majori plethorâ , aut sæpius recurrente hæmorrhagia , ita postulat , sæpius ac larga satis quantitate institutas , & ut in plethorâ dictum est , loco conveniente admittendas ; vel in quibusdam etiam , qui venæ sectionem adeo frequentem forte averfantur , per interpositas scarificationes vel hirudines . 2. per frugalem sive parcam ac refrigerantem victus rationem : in qua non solum nimia alimentorum quantitas , sed & acrimonia & potissimum aromatica , nimis carnium usus , vini abusus , spirituosæ atque calefacientia sunt vitanda . 3. per motum corporis moderationem , sed frequentem extra paroxysmum institutum : ubi ambulatio , vectio in curra , & equitatio moderata commendanda . & 4. per lene purgans quandoque usurpatum ; ubi præcipue potiuscula ex tamarindis , fo-

liis

liis senne, rhabbaro, cremore tartari & manna
conducit; vel sal amarum purgans, in aqua vel
simplici vel minerali, apta copia sumptum.

X.

Ratione qualitatis sanguinis biliosi, acris, alcali-
ci & volatilis corrigendi, *absorbentia*, ut lapides ^{2. Pro}
cancrorum conch. ppt. mater perlarum, &c. ^{quali-}
tim succo citri imprægnata, itemque his juncta salia ^{tate}
media ac nitrosa, aut pulvis meus temperans, vel ^{corri-}
similis alius, parca dosi, sed sæpius, quando orgas-
mus sanguinis id exit, ex aquis temperantibus vel ^{genda.}
simplici exhibeantur. *Conducit & lenium acidorum*,
ut Succo citri, ribesiorum, berberum, mororum,
ceraforum acidorum, granatorum, &c. eorumque
syrupe, itemque aceti, capparum, citreorum, limo-
num, acetosæ, & similium, tam in cibis, quam
in medicamentis *modicus usus*; quæ & aquis illis
vel decoctis hordei commode immisceri possunt.

His subinde, ut jam antea diximus, *blanda lax-*
xantia §. IX. laudata *interponenda*, vitando acris,
alcalica, spirituosæ, sulphureæ, resinosa, aloetica,
myrrhata, crocata & similia; potius vero *diluens*,
aquosus, *sufficiens*, cum vel sine blando acido ad-
mixto, assumendus. Huic denique intentioni etiam
egregie inserviunt *aqua medicata*, præsertim lenio-
res, ut Seliterenses, Emsenses, Vvildungenses,
Spadaneæ, & similes, legitime usurpatæ, cum primis
sanguinis detractioe præmissa, vel etiam loco ha-
rum *feri lactis usus* bis in die ad libr. i. vel duas
aliquandiu continuatus.

XI.

In ipsius hemorrhagiæ *paroxysmo*, ea, quæ per in- ^{Cura-}
noxia loca *moderate contingunt*, nulla prorsus indi- ^{tio in}
gent curatione; sed tantum quietem & abstinen- ^{parox-}
tiam a calefacientibus & acris requirunt. Eas ^{ysmo}
vero, quæ largiores non conducit *adstringentibus* mox ^{levio-}
supprimere: quia partim vasa & glandulæ in primis ^{ris.}
viis, mesenterio, pulmone aliisque partibus ab his
con-

constringuntur, obstruuntur, atque hæctica, phthisis, cachexia, hydrops aliaque mala facile inducuntur, partim a sanguine hoc retento, cohibito aut represso omnis generis morbi facile proveniunt; verum præstat potius initio orgasmum sanguinis, fere semper hic præsentem, potu aque simplicis, vel succo citri impregnate, vel seri lactis & ante laudatis ꝑ. X. temperantibus, nitrosis, absorbentibus citratis, & cinnabarinis pulveribus, sepe pro necessitate adhibitis, compescere, & singulis vel alternis horis, aut etiam sæpius, si res exigit, ꝑi. vel ꝑss. ex aqua simplici vel aquis refrigerantibus idoneis exhibere, & haustum frigidæ superingerere.

Interponi his etiam cum fructu possunt *emul-siones* ex amygdalis, sem. 4. frigid. & papav. albi paratæ, & nisi hæmorrhagia valde urgeat, solis hisce temperantibus frequenter adhibitis continuandum, & ad fortiora adstringentia ob prædictas rationes non accedendum, nisi magna id exigat necessitas.

XII.

Quod si vero hæmorrhagia sit vehementior, & his
Vehe-non cedat, ægerque inde valde debilis evadat,
mentio-tunc demum blanda *adstringentia* & *opiata*, modi-
*ris.*ca copia, prædictis temperantibus jungenda: quæcumprimis optimum effectum edere solent, si versus noctem potissimum exhibeantur, quamvis & interdiu dari queant.

Inter *moderata vero & securiora adstringentia*, præcipua hic sunt vel Mixtura tonica, ex Tinctura tartari & spir. C. C. vel pulveres ex *coraliis rubris*, vel *lapid. hematite*, aut speciebus *de hyacinto*, quæ dimidia circiter portione modo ꝑ. XI. laudatis pulveribus temperantibus miscentur, & cuivis dosi extr. papav. rh. vel mp. de cynoglossa gr. j., vel quod perinde est, laudani opii pars grani quarta, aut in robustioribus gr. ꝑss. additur, quibus etiam Tinctura flor. papav. vel rosar. rubrar.

potui aquoso iſtillata , vel tinctura coralliorum ,
vel Tinctura terræ japonicæ , vel martis Ludovi-
ci , aut lapid. hæmatit. in graviore malo cum ve-
hiculo aquoſo data , quandoque interponenda .

Huc etiam referri meretur celebris *pulvis ſty-
pticus Heurnii* , (a) ex adſtringentibus & anody-
nis conſtans : quem multi jam magno cum ſuc-
ceſſu in omnis generis hæmorrhagiis , præſertim
hæmoptyi , *uterique nimis fluxibus* , adhibuerunt ,
qui ita ſe habet .

Rx. Sem. hyoſcyami albi , ſem. papav. albi ā ʒi.
lap. hæmatit. ppt. corall. rubr. ā ʒʒ. camphoræ ʒʒ.
M , detur ſubinde ad ʒj. vel ʒʒ. ex aqua ſimpli-
ci vel deſtillata , aut julepo acidulo .

XIII.

Si tamen ingens agri debilitas , animi defectio , *Vehe-*
& hæmorrhagiæ continuatio *fortiora* adhuc requi-*men-*
rat , tunc præter remedia externa , *potiuncula ad- tiſſi-*
ſtringens , ad celebris *Sylvii* modum parata , va-*ma* .
lentiffima eſt , ut :

Rx. Aq. burſ. paſtoris ʒ iij.

equiſet.

plantagin. ā ʒ ij.

cinam. cydon ʒ j.

aceti deſtill. ʒʒ. ad ʒ j.

corall. rubr. ppt.

lap. hæmatit. ā ʒ j.

ſyrup. granator. ʒ. j. [vel myrt.

vel corall.]

laud. opiat. gr. j. aut in fortior.

gr. ij. M.

De qua potiuncula quavis dimidia hora , donec
hæmorrhagia remittat , cochlearia duo vel tria

I .

exhi-

[a] In Comment. in Aphor. Hippocrat. Descript.

exhibeantur , continuato simul potu aquoso , acido . *Simulas vero fluxus sanguinis remittit* , ab ea aliisve adstringentibus rursus abstinendum , ne nimia adstrictio noxam inducat ; & supra laudatis temperantibus & potu aquoso frigido negotium absolvendum est .

HELVETIUS cum MYNSICHTO *usum aluminis* vel simplicis vel cum modica sanguinis draconis portione mixti , sæpius repetitum ad ℥j. vel ʒss. tanquam præstantissimum his in morbis desperatissimis specificum , una cum potu largo aquoso & cumprimis *decotti seminis lini* , in peculiari de hæmorrhagiis libello gallico , valde commendat , atque stupendos fere ejus effectus recenset . (a) Interea tamen cum hoc perquam forti adstringente interne cautissime procedendum esse judico , ne graves noxæ inde subsequantur .

XIV.

Quid cohibita hæmorrhagia facienda. Postquam hæmorrhagia fortior cohibita est , ægerque inde valde debilitatus , primo ab adstringentibus desistendum , atque iste roborantibus (vulgo cordialibus) sive analepticiis temperatis refocillandus est : ut aquis in julepis cordialibus temperatis , emulsionibus gratis , ex amygdalis , pineis , pistaceis , vel lacte cum aqua rosarum mixto ; vel jusculis carnium , præsertim pullorum aut gallinarum , succo citri vel limonum vel aurantium acidorum , imprægnatis , itemque jusculis ex avena , hordeo & oryza paratis ; ut & gelatinis ex pedibus vitulinis , C. C. aut ebore confectis ; cerevisia item tenui tepida , cum vitello ovi in ea soluto , & similibus , quæ etiam aliquo modo noxas ab adstringentibus forte inductas , & acre atque austerum ipsorum rursus corrigunt . His subinde haustulus vini , præsertim rubri , tenuioris , adstringentis , vel meri , vel aqua probe

[a) Traité des Pertes de sang.

probe diluti , interponi potest , si æger illud desideraverit .

XV.

INTER EXTERNA REMEDIA (quæ adstrin- *Medi-*
gentibus internis , præsertim fortioribus , fere præ- *camen-*
mittenda , & si sufficiunt , quia in visceribus nihil *ta ex-*
mali concitant , præferenda sunt) conducunt 1. *terna .*
ligatura paullo fortiores , carpis & malleolis ap-
plicatæ . 2. *lapis hematites* magnus aut *jaspis* ma-
nibus vel sub axillis detentus . 3. *frustram radic.*
iridis palustris vulgaris sub lingua detentum . 4. *bu-*
fo exsiccat sub axillis aliquamdiu comprehensus .
5. *pulvis sympatheticus Dighai* , cujus ʒj. vel ij.
in ʒj. vel ij. aquæ calidæ solvantur , sanguinis ægri
aliquot guttulæ immittuntur , & super leni igne ba-
cillo ligneo aliquamdiu agitantur .

XVI.

De Narium Hamorrhagia .

Speciatim vero in *Narium hamorrhagia* nimia , *In na-*
præter modo laudata egregium adhuc est remedium *rium*
spiritus vini rectificatissimus , vel *spiritus vinitam* *hemor-*
phoratus naribus fortiter attractus ; item *solutio* *rhagia.*
aluminis & vitrioli , vel seorsim vel commixti ,
in aqua , aut *pulveris sympathetici* in aqua plan-
taginis aut phlegmate vitrioli , simili modo usur-
pata , & cum turundis ex linamentis naribus im-
missa , vel & per siphonem injecta . Ita quoque
cucurbitula fortiter trahentes , eruribus & femori-
bus sæpius admotæ , brevi sæpe revellendo ; præser-
tim in sexu foeminino , sistunt has hamorrhagias ;
atque in proVectioribus *hirudines* ano appositæ ,
præsertim si ægri jam antea hamorrhoidibus labora-
runt , vel re ipsa tunc congestiones circa intesti-
num rectum sentiunt , utilissimæ sunt .

Numus major argenteus , uncialis aut similis , fri-

gide fronti alligatus, itemque *lintea*, *aqua frigida* vel *aceto* imbuta cervici, vel etiam in viris *scrotis* aliquoties *applicata*, cito quoque sæpius eas compescunt. Alii ejusmodi frigida cervici & quidem ægro inscio atque ex improvise, affundunt.

Quidam vero *stercus suillum* recens naribus aliquamdiu admotum vehementer laudant; id quod vulgo concedi potest.

XVII.

*Præservatio
hamorrhagiarum.*

Præservationis gratia, ut jam supra N. IX. generatim dictum est, *Venæ sectio circa æquinoccia*, aut sæpius in anno, præsertim in pede aut brachio, summe est necessaria. Deinde *dieta* utantur parca, & refrigerante; vitando calefacientia, vinosa, spirituosas, & quandoque bis terve in hebdomade ad fervorem sanguinis, si adest, temperandum, pulvis absorbens, citratus, nitrosus, sive temperans noster, detur, pediluvium temperatum, tepidum subinde adhibeatur, & *motus corporis* frequens, sed *moderatus*, non omittatur. Nonnullis singulis mensibus idoneum *purgans* ex temperantibus §. IX. conducit. Verno vel æstivo tempore, *usus feri lactis* vel *aquarum medicatarum temperatarum*, si per aliquot hebdomadas cum idoneo regimine continuetur, quoque est egregius, præsertim si ventriculus id commode ferre potest.

XVIII.

Hæmoptysis.

In hæmoptysi moderata sufficiunt sæpe orgasmum temperantia: ut nitrum cum absorbente quodam citrato & cinnabari, vel pulvis temperans noster, aut similis, quavis hora vel bihorio, donec cesset, exhibita, servata simul quiete & victu refrigerante. In vehementiori vero non solum sæpius hæc exhibenda, sed eis etiam *lene opiatum*, ut laudanum opiatum, vel mp. de cynoglossa, vel extractum papaver. errat. admisceatur; ubi & sem. hyoscyami albi, his cum fructu addi, vel pulvis stypticus *Heurnii* cum largo vehiculo aquo-

aquoso exhiberi potest ; vel & mr. tonica ad gut.
30. vel 40. In *vehementissima* vero potio *Sylvii ad-*
stringens , §. XIII. itemque species de hyacintho
cum laudatis modo opiatīs mixtę sepius adhiben-
dę , donec remittat ; ubi & *pulvis sympathemati-*
cus Digai , modo §. XV. descripto , externe adhi-
bitus præsentaneam subinde opem fert . Ita & *Vena*
sectio in malo graviore revellendi fine utilissima
est ; præsertim in pede ; vel hujus loco *cucurbitula*
suris , & femoribus adhibite , præsertim in sexu
feminino , aut hæmorrhoidibus obstructis laboranti-
bus . *Alvus* interea , nisi sponte sit aperta , *victu*
emolliente ex prunis , cerasis & pomis una cum
passulis coctis , vel *clysteribus emollientibus* & re-
frigerantibus , vel & lenibus laxantibus *semper a-*
perta servetur . Simulac vero hæmoptysis remit-
tat , ab adstringentibus & opiatīs quoque desisten-
dum , atque temperantibus & emulsionibus , immo
& *potu lactis puri* , aut aqua remixti , vel *aquę*
frigide syrupo acido , v. g. granatorum impregna-
tę , vel *decocti seminis lini* §. XIII. continuandum ,
donec omnino cesset . Sed *postquam omnino remisit* ,
partes læsę in pulmonibus *rursus sunt consolidan-*
dę , ne facile ulcus pulmonum sive phthisis sub-
sequatur . Quem in finem bis in die Essentia trau-
matica VVedelii , vel mr. ex spiritu C. C. & tin-
ctura tartari , una cum infusis herbarum & radicum
pectoralium ac traumaticarum , quales sunt *species*
nostrę pectorales , aut similes , interpositis tempe-
rantibus conducunt .

XIX.

Præservatio eadem hic est , quę in præcedenti *Pra-*
§. IX. & VII. proposita fuit , imprimis *sanguinis serva-*
frequens detractio est instituenda , & deinde quo-
tio hæ-
que , præsertim ubi hæmorrhoides jam adfuerunt , *mopty-*
aut molimina eorum adsunt , *hirudines* ano sub-
sis .
inde applicatę sunt utilissimę . Ita & usus *seri*
lactis , vel *lactis ebulyrati* , vel *aquar. selterensium*

cum lacte hic est egregius . *Balsamica* vero vulgo hic adhiberi solita , ut terebinthina , balsam. sulphuris , Peruvianus , Copaivæ , & ex his parata , aliive similes , & præsertim aloetica ac myrrhata , atque hinc etiam ipsæ pilulæ balsamicæ Beccheri , Stahlî , aliæque similes , hic vitanda esse censeo ; quia sanguinem commovent , cuius motus potius temperandus . *Corticem peruvianum* cum pulvere absorbente Vvedelii , partibus æqualibus remixtum , in hoc morbo , tam curandi , quam præservandi gratia , valentissimum ac certissimum suæque experientia sæpius confirmatum esse remedium , hoc ipso , quo hæc scribo , die , per litteras me certiores fecit doctiss. D. VVAGNERUS , Lubeccensis .

XX.

De Vomitu & Mictu cruento.

Vomitus & mictus cruentus.

Vomitus cruentus eandem fere curandi rationem requirit : inprimis vero MICHELOTUS (a) , omnibus frustra exhibitis , potum largum aquæ frigidæ , succo granatorum imprægnatæ , utilissimum deprehendit . Post paroxysmum vero mox tene laxans ex rhabarbaro & præsertim ejus decocto vel essentia exhibeatur , ad effusum in ventriculo sanguinem evacuandum : quod post unum alteramve diem repetendum . Deinde *herba millefolii* aut *arnica* usus hic egregius est , sive in essentia sive in infuso tenui temperato , loco theæ , sive utroque modo adhibeatur : qui tamen non sit nimis frequens aut nimis diu continuatus .

XXI.

(a) In act. Acad. Nat. Curiosor.

XXI.

De Mictu cruento .

Mictus cruentus eadem fere ratione & curatur & præservatur , sicut generatim §. IX. & seqq. docuimus ; venæ sectio vero hic semper in brachio , revulsionis gratia , est instituenda .

XXII.

De Hemorrhoidibus , Lochiis & Mensibus

nimis .

Hæmorrhoides nimie , *menes* & *lochia nimia* eodem modo tractanda , ut §. XI. XII. XIII. & XVIII. dictum : ubi & cumprimis *usus moderatus infusi millesolii* præstantissimus est . Speciatim vero in *mensibus nimis* , cucurbitula magna sub mammis applicata ab HIPPOCRATE re-

Hæmorrhoides
& *menes nimis* .

vulsionis causa haud sine ratione commendatur ; sed verecundiores hoc non facile admittunt . Si vero hæc profluvia moderate fluunt , ita ut vel non , vel solum parum debilitent , non indigent medicamentis , sed solum dicta temperata & quiete : ita a multis morbis præservant & liberant . Sed quando a Medico hic aliquid agendum requiritur , præsertim si paullo fortius fluant , præter orgasmum temperantia interdicta usurpata , versus noctem quandoque *lene opiatam* simul exhibeatur . Stahliahi dosi pilularum polychrestarum Beecheri aut Stahliahi , aliarumve similium , per aliquot dies quotidie assumendam , donec remittat , valde commendant . Quæ vero , quia expellentibus , hic valde suspectis , ut supra §. X. dictum est , consistant ; exhibere hætenus nolui , quia sistentia non pellentia satis idonea & tuta prostant , quamplu-

rima , quæ propterea , tanquam magis secura , illis præferenda esse censeo .

Monita Præctica .

1. Ubicumque hi ægri jam nimis debiles , ab opiatorum largiori usu est abstinendum , & potius roborantibus temperatis , emulsionibus , gelatinis , lacte ebutyrato , ac similibus utendum : alias debiliores fiunt , in deliria & mortem prolantur .

2. *Lintea* , quæ a nonnullis ad hæmorrhagias , præsertim narium , sistendas , aqua frigida vel aceto imbuta hepati imponuntur , summe noxia sunt deprehensa : nam quamvis ob frigus fluxus hos sæpe compescant ; tamen ob eandem causam facile hepatis inflammationem , obstructionem vel scirrhum producant , vel ipsam etiam hydropem .

3. *Hæmoptysi* vel vomitu cruento laborantibus , nisi aliud quid urgeat , emetica non sunt exhibenda .

4. *Adstringentibus* , præsertim in hæmorrhoidum , mensium & lochiorum nimio fluxu , numquam vel certe non facile abutendum : nam observatum est , etiam millefolii aliorumque mitiorum adstringentium largiorem usum facile illos fluxus , magno cum periculo ægri sæpe penitus suppressere , quos moderari tantum convenit .

5. In declinatione hæmorrhagiæ cujuscumque nimia medicamenta roborantia & lenissime adstringentia , ut Mixtura roborans ex spiritu C. C. & Tinctura tartari , vel Tinctura antimonii tartarifata , bis terve in die ad gut. XXX. ad XL. ordinanda : vel Tinctura martis cydoniata , aut Tinctura vitrioli martis Zuvoelferi , ad tonum partium debiliam rursus roborandum egregia sunt : ubi & infusa herbarum traumaticarum , ut veronica ,

nicæ , bellidis , acrimoniæ , alchimillæ , millefolii , virgæ aureæ , faniculæ , pyrolæ , pilosellæ , plantaginis , &c. ad modum Theæ modice usurpata , subinde interponenda . Deinde *postquam ægri rursus paulo robustiores facti , lene laxans* , ut potio laxans temperata ; vel pulvis rhabarbari , cum pauco nitro , vel cremore tartari ; vel decoct. rhabarbari ; vel Sal catharticum Anglic. aut Seidlitsense , apta quantitate ex aqua simplici aut sero lactis vel ex aqua medicata idonea exhibendum .

6. *Qui nimis hamorrhagiis valde debilitati sunt , a lectione multa diu abstineant , & a luce splendida sibi caveant ; quia alias visus inde vehementer læditur , & facile quoque vertigo concitatur .*

7. *Sanguinis missiones extra paroxysmum ad præcavenda sanguinis profluvia spontanea , certis temporibus institutæ , plus præstant , quam in paroxysmo , ad eas curandas , celebratæ : adeoque statotempore , bis , ter quaterve in anno , pro ægri diversitate ; præservandi sine valentissimæ sunt .*

8. *Qui hamorrhagiis obnoxii , vitent calefactionia , vinum , spiritum vini , aromata , aloen , myrrha , & ex his parata ; iram , venerem nimiam , saltationes & motus quoscumque vehementiores ; sed temperantiæ & moderationi studeant in omnibus suis actionibus , ita immunes ab his malis se reddere possunt .*



C A P U T IX.

De Hemorrhagiis sive fluxibus sanguinis suppressis.

I.

Causa **L** Icet hæmorrhagiæ multa sæpe incommoda & pericula inferant; plura tamen eaque longe graviora, immo & frequentiora inferre solent eadem suppressæ, sive suppressio hæc fiat sponte, a causa quadam interna, ut a nimia spissitudine sanguinis; sive ab adstringentium, in curatione hæmorrhagarum adhibitorum, perverso usu, sive a refrigeratione, potu frigido, victu crasso, vel obstitante, animi affectibus aliave ex causa.

II.

Sym- Inter hæmorrhagias vero, quas hic suppressas vo-
ptoma- camus, considerari merentur hæmorrhagia narium,
ta mensium, lochiorum & hæmorrhoidum suppressio: unde omnis generis gravissima symptomata ac morbi oriri solent. Et quidem speciatim ab hæmorrhagia narium suppressa, gravia mala vel in capite oriuntur, ut dolores capitis, morbi oculorum, aurium, dentium, inflammationes faucium, tonsillarum, uvula, erysipelas faciei, capitis externi, Phrenitis, &c. vel in thorace, ut palpitatio cordis, anxietates præcordiorum, respiratio difficilis, hæmoptysis, pleuritis, peripneumonia, phthisis, & febris acuta variæ. A suppressione mensium, spasmi & dolores in ventre, atque speciatim in ventriculo, intestinis, hepate, liene, item dolores capitis, spasmi, pressio & angustia præcordiorum, respiratio difficilis, nausea, vomitus simplex & cruentus; hæmoptysis, hæmorrhagia narium, gravitas artuum, lassitudo, cachexia, chlorosis, œdemata, hydrops, affectus spasmodici

modici & convulsivi, passio ita dicta hysterica, sive uterina, epilepsia uterina, animi deliquia hysterica, ulcera pedum, articulorum dolores & morbi arthritici, hæmorrhoides, mictus cruentus, morbi que alii. A lochiorum suppressione angustia præcordiorum, capitis dolores, fastidium ciborum, vigilia, febres acute præsertim purpurata aut miliares, deliria, convulsiones, inflammatio pleura, uteri, aliarumque partium. Hæmorrhoidum suppressionem sequuntur omnia ea symptomata, quæ a mensium suppressione oriri modo diximus, & speciatim quoque sæpe icterus præsertim niger, apoplexia, malum hypocondriacum, melancholia, mania, vomitus cruentus, arthritis, podagra, ischiaticum malum, nephritis, mictus cruentus, renum exulceratio, calculus, & omnium frequentissime asthma, oedema atque hydrops. Reliquæ hæmorrhagiæ suppressæ eadem fere symptomata producant.

III.

Quo diutius hæc suppressiones durarunt, eo pe- Pro-
jora plerumque inducunt symptomata, atque eo gnosis.
difficilior solet esse curatio: præsertim si aliæ san-
guinis idoneæ evacuationes, sive naturales, sive
artificiales, non substituantur. Facilius tamen fluxus
mensium suppressus, quam reliqui, restitui-
tur. Ab omnibus vero his fluxibus suppressis præ-
ter jam §. 2. indicata mala, haud raro mors subita
producitur.

IV.

In CURATIONE, pro diversitate fluxus sup- Cura-
pressi, varia ratione procedendum est: interea ta-
men in quavis suppressa hæmorrhagia respicien- tio hæ-
dum ad qualitatem, crasin sive dispositionem san- morrha-
guinis: qui, si nimis serosus, pituitosus vel frigi- gie sup-
dus, conducit per os tedium circiter aut diutius genera- pressa
quotidie alvum blande movere, vel pilulis alo- genera-
ticis, Francosurtensis, Immanuelis, Beccheria- lis.
nis, Stahljanis, aliisque similibus balsamicis, vel

VINO

vino medicato, & simul bis in die circa meridiem & circa vesp̄eram Essentia quadam attenuante ac roborante, ut gentianæ, trifolii fibrini, corticis aurantiorum, rad. pimpinellæ, lignorum, vel alexipharmaca Stahlī, aut diaphoretica nostra, aliave simili ad guttas XXXX. ad LX. uti.

V.

Si a Si suppressio a sanguine nimis spisso oriatur, *spisso* prædictis modo medicamentis infusa aquea ex her- *sangu.* bis aperientibus atque attenuantibus optimo cum fructu ad modum Theæ interponuntur: ut infusum rosmarini, salviæ, capilli veneris, melissæ, veronicæ, betonicæ, theæ, cum cortic. citri vel aurantiorum, &c. quibus jungendus motus frequens sufficiens, ipsa saltatio, vinum ad hilaritatem usque, sed non ad ebrietatem, potum, & diætā conveniens modica atque attenuans.

VI.

Si calor p. Sin vero cum suppressione adsit simul sanguinis *n. jun-* motus nimius ac calor p. n. sive orgasmus, post evacuationes alvi lenes, hic nitrosis & absorbentibus citratis sæpe laudatis est temperandus, & postea eo mitigato mixtura ex spiritu C. C. & Tinctura tartari subiungenda; atque simul diætā moderata, *etius.* temperans, cum motu frequenti, observanda.

VII.

De hæmorrhagia narium suppressa.

Externe naves herba mari Syriaci, vel millefolii ad hæmorrhagiam stimulandæ; vel in ipsis nari- bus, ad morem Aegyptiorum, scarificatione sanguis proliciendus. Atque vel eadem etiam methodus adhibenda in eis, qui quidem nunquam vel raro hæmorrhagia narium laborarunt, symptomata tamen antea recensita, quæ a narium hæmorrhagia suppressa alias proveniunt, patiuntur: oriuntur enim

hæc

hæc a congestionibus sanguinis circa caput, sive ab ita dictis moliminibus hæmorrhagiæ narium, sive ab impedita hac hæmorrhagia & plethora, quando abundans & circa caput congestus sanguis ob vasa nasi interna indurata, vel robustiora, vel quamcumque etiam aliam causam exitum invenire & vasa narium aperire aut perrumpere nequit.

VIII.

At si prædicta ratione suppressa narium hæmorrhagia revocari non potuit, & antea nominata magna non remittunt, vel saltem valde minuuntur, vel etiam illis remediis tam diu immorari nolumus, quia sæpe periculum in mora est, promptiorem plerumque opem fert sanguinis detractio per venas; quæ vero deinde ad mala inde metuenda ver-
no minimum & autumnali tempore repetenda est: immo in nonnullis valde plethoricis, quos symptomata supradicta §. 2. valde affligunt, etiam ter quaterve in anno iteranda, vel etiam scarificationes subinde interponendæ: alias vel varii graves capitis morbi supra nominati, vel & pectoris, & quidem speciatim facile hæmoptysis & phthisis vel pleuritis aliaque inde oriunda mala, sequuntur.

IX.

De Mensibus suppressis.

In mensium suppressione I. humores visceri sunt attenuandi, infusus aqua calida paratis, ex aptis vegetabilibus, ut rad. cichorii, pimpinellæ albæ, aristolochiæ rotundæ, ari. vincetox graminis. §. radicum aperientium, caryophyllatæ, herb. rosmarin. capill. veneris, marrubii albi, fumar. chamæd. meliss. veronic. heder. terrestr. hyssopi aut similium cum quibus bis in die Essentia quædam attenuans, sanguinemque ad uterum determinans, ut Essent. rosmarini, aristolochiæ rotundæ, succi-
ni,

ni, tinctura tartari, vel antimonii tartarifata, iuxta dosi exhibeatur: quibus attenuandi sine pulveres ex salibus mediis, digestivis vulgo dictis, vespere jungantur, ut ex tartaro vitriolato, arcano duplicato, nitro antimoniato, sale absinthii, &c. vel pilule balsamica Beccherianæ aut Stahlianæ, aut aliæ similes: ex gummaribus & balsamicis uterinis [qualia sunt ammoniacum, sagapenum, galbanum, gummi hederæ, myrrha, aloë, opobalsamum, balsamum Copaivæ, terebinthina] & succis inspissatis sive extractis plantarum amararum ac balsamicarum, ut gentianæ, cardui benedicti, absinthii, centauri minoris, fumariæ, cochlear. &c. paratæ: hisque aliquamdiu continuandum, donec menstruorum alias consuetum tempus fere appropinquet.

X.

Tunc II.) sex vel octo dies ante consuetum menstruorum tempus talia adhibenda sunt, quæ paullo fortius attenuant, atque excretionem menstruorum promovere: qualia sunt: 1. balnea sive infusæ, pediluvia ac frictiones pedum quotidie aut alternis tunc diebus usurpanda. 2. Vina medicata, per epicrasin purgantia, ex supra §. IX. indicatis radicibus & herbis, additis foliis sennæ, radic. rhabarb. & fibris hellebori nigri, cum sale tartari, vel tartaro vitriolato, mane usurpata: quibus humores pituitosi attenuantur, sanguisque ad uterum determinatur. 3. Emmenagoga sive specifica ita dicta menses pellentia: qualia sunt infusa ex fortioribus moventibus, ut ex pulegio, rosmarino, sabina, adhatoda; florum rosmarini, cheiri, calendulæ &c. aqua, aut in frigidioribus vel pituitosis, vino parata, semelque aut bis in die usurpata. Præterea omnia ex myrrha, aloë, borace, succino, sabina & croco confecta: ut myrrha vel succinum in pulvere, sine, vel quod valentius, cum borace, apta dosi quotidie vino, præsertim calido, vel aqua pule-

pulegii, cheiri, liliorum, convall. melissæ, aut cinamomi assumpta; troch. de myrrha, item Essent. myrrhæ, vel per se, vel cum Essentia succini, vel sabinæ, vel spiritu salis ammoniaci mixta; ita & Elixirium proprietatis vel per se, vel cum spiritu salis ammoniaci, Essent. croci, *piluleve balsamica* antea laudatæ, & ultimis diebus paullo largiori dosi exhibitæ. Nonnulli *olea distillata* pellentia, quæ vehementia immo fortissima sunt, commendant: ut oleum destillatum succini, sabinæ, ros-marini, cinamomi, &c. quia vero hæc nimis vehementer exagitant & commovent sanguinem, præsertim majori dosi exhibitæ, hæc aliaque vehementiora pellentia vel non, vel saltem cautissime, parca dosi, & non antequam venæ sectio fuerit præmissa, atque aqueis sanguis probe dilutus, exhibeantur; alias ob nimiam vehementiam, calorem, inflammationes, hæmoptysin, vomitum aut mictum cruentum aliave mala inducunt.

XI.

Si vero tempus menstruarum incertum est, tunc medicamentis prioris classis, attenuantibus scilicet & leniter pellentibus §. IX. tam diu continuandum, donec ægræ dolores in abdomine, lumbis, & circa pubis vel uteri regionem percipiant, quo tempore medicamenta posterioris classis sive fortius pellentia, §. X. adhibenda. Sed si ejusmodi tormina, uti haud raro contingit, non sentiantur, in junioribus emmenagoga versus novilunium, in annosioribus versus plenilunium danda, juxta versiculum.

*Si tem-
pus men-
struo-
rum in-
certū.*

Luna vetus vetulas purgat; nova luna puellas. Quando vero gravia symptomata, vel in capite, vel thorace, vel abdomine, & inde metuenda *pericula* urgent, atque prædictis nihil effectum est, tunc etiam ad majora mala, hæmoptysin verbi gratia, vomitum cruentum, & similia præcavenda, *Vena in pede secanda*; id quod ultimo triduo ante tempus men-

men-

menstruum consuetum, aut si hoc ignoratur, in annosioribus, luna decresciente sive post plenilunium, in junioribus vero, post novilunium, sive luna crescente commodissime fieri solet. Cavendum tamen, ne in puellis de graviditate suspectis, aliisque, ubi symptomata non valde urgent, præsertim etiam in puellis, junioribus, nimis cito aut facile administretur: quia sæpe deinde idem auxilium cum molestia earum repetere coguntur.

XII.

*Avens
sectio-
ne sæpe
inchoat.
dum.*

In valde plethoricis tamen, aut ubi gravia quædam symptomata urgent, initium curationis fieri apte potest. Venæ sectione, subjunctis postea prioris & posterioris ordinis medicamentis emmenagogis: quæ quidem methodo plerumque citius curantur, verum facile postea nova obstructio repetitionem venæ sectionis exigit. Interea tamen etiam sciendam, quod facta sanguinis missione, solis sæpe pilulis Becherianis vel Stahlianis aut similibus aloeticis ac myrrhatis scopus obtineri possit, si ultima hebdomade ante tempus menstruum vespere quotidie adhibeantur: quæ tanto certiores effectum edunt, si una cum pediluvii vel infusibus, infuso quodam emmenagogo, similique Essentia idonea ex §. IX. supra laudatis usurpantur: & si forte prima vice effectum quæsitus non præstant, subsequenibus mensibus, postquam semper per XIV. circiter dies a medicamentis abstinuerant, eodem tempore, eodemque modo repetantur, non neglecto motu corporis frequenti, pedum frictionibus, ac diæta conveniente.

XIII.

Menses Atque hac ipsa etiam methodo menses nimis par-
nimis ce fluentes, ut largius fluant, tractandi sunt, item-
parce que ea puella, in quibus iusta ætate menses nondum
fluen- fluxere, attamen omnis generis molestias aut prava
tes. inde symptomata patiuntur; quibus etiam in casibus
aqua medicata & cumprimis martiales, ut pyrmontana,

tanæ , Egranæ , Sualbacenes , Spadanæ & similes
egregium plerumque effectum præstant.

XIV.

*Quibus mulieribus menses per ætatem cessant , Mala
& incommoda inde oriuntur , quæ alias a mensi- ex men-
bus obstructis oriri solent , tunc minime pellentia sibus
eis sunt adhibenda ; sed potius detractio sanguis per æ-
nis artificiali opus est : & si tales mulieres antea tatem
valde fuerint plethoricæ , & otiosæ sint , venæ cessan-
sectio verno & autumnali tempore postea est in- tibus .
stituenda ; aut pro malorum vehementia sæpius ,
eaque deinde , ad seram usque senectutem , præ-
sertim in pede reiteranda , phlogosesque vagæ sive
ebullitiones sanguinis , quæ has mulieres ut plu-
rimum vehementer afficere solent , usu frequenti
pulverum temperantium , vel absorbentium , citra-
torum , nitri ac cinnabaris temperandæ sunt : in
quem finem pulvis temperans noster egregius est ;
itemque aquæ medicatæ , præmissa sanguinis missio-
ne , legitime usurpatæ .*

XV.

In diætâ vitentur omnia , quæ difficulter dige-
runtur , cruda , crassa , farinacea , flatulenta , le- *Victus
regi-
men .*
guminosa , arida , adstringentia , obstipantia , &
acida ; *potus sit tenuis & sufficiens , alvusque sem-*
per victu lubricante ac potu sufficiente , vel si hi
non sufficient , leni laxante , ut sale quodam ama-
ro cathartico , aperta servetur . *Motus vero corpo-*
ris frequens in curatione omnium horum morbo-
rum , à suppressione mensium ortorum , summe
utilis est atque necessarius , mœror vero , tristitia
ac terror vitandi .

XVI.

De Lochiis suppressis.

Sup-
pressio
lochio-
rum.

IN SUPPRESSIONE LOCHIORUM potissimum observandum est, utrum omnino suppressa, an solum imminuta sint. Si tantum imminuta, & febris nondum adsit, pellentia lenia, ut Effent. myrrhæ, succini, croci, scordii, vel seorsim, vel inter se mixta, & parca dosi cum infuso Theæ, vel aliis similibus aqueis calidis aliquoties in die exhibita profunt: vel loco horum Elixir. proprietatis Paracelsi; aut quæ adhuc præstantiores a plerisque habentur, pilulæ balsamicæ Beccherianæ, vel Stahlianæ, vesperi, ad grana xx, quotidie usurpatæ, *Sed si febris jam adest*, medicamenta temperantia, huic contraria, danda sunt. *Si vero lochia penitus suppressa sunt*; & quidem jam per aliquot dies, fere semper febris adest, adeoque non tuto pellentia, præsertim fortiora, adhibentur: quia febrem periculosam vel producunt, vel jam præsentem augment atque omnia deteriora reddunt, verum præstat tunc ad febrim potissimum respicere, & orgasmum sanguinis, præmissa venæ sectione in pede, præsertim in plethoricis ac junioribus, pulveribus temperantibus, absorbentibus, citratis, nitrosis, & potiunculis diaphoreticis, potiusque aqueo, ut in febribus acutis, temperare, iisque, observato regimine diaphoretico, continuare, donec ægræ melius se habeant: ubi fluxus subinde redit; subinde vero non redit, & ægræ tamen sæpius convalescunt; sed si venæ sectio in principio non est instituta, plerumque non amplius prodest. *Victus insuper puerperis hic conveniens*, sit tenuis & parvus; vitentur animi affectus, præsertim mœror, tristitia, terror, ira, temperaturumque aeris regimen probe observetur:

tur : ubi vero notandum , quod moderatus vini generosi haustus subinde datus ; præsertim in asuetis , si illud appetant , & calor non nimis vehemens sit , hic non noceat , sed sæpe multum ad fluxus hujus restitutionem faciat : qui ubi rediit , quiete , tenui victu , moderamine animi , leni pel- lente , & apto regimine conservandus .

XVII.

De Hemorrhoidibus suppressis.

HÆMORRHOIDUM SUPPRESSIO requirit *Ha-*
primo sanguinis imminutionem *per Venæ sectio- mor-*
nem in pede , soluta prius alvo , si obstructa est , *rhoidū*
vel per clysterem ex decocto veronicæ aut cha-*sup-*
momillæ in lacte , vel leni quodam laxante *pressio.*
Deinde , facta Venæ sectione sanguinis qualitas vitiosa est corrigenda : & quidem si orgasmus si-
ve æstus percipitur in agro , absorbentia citrata ,
nitrosa cum cinnabarinis mixta , inprimis pulvis
temperans noster , & lenia acidula ipsi opponan-
tur . Sin vero ob sanguinem viscidum suppressæ ,
eadem , quæ in mensibus suppressis N. IX. hujus
capitis ad sanguinem digerendum atque attenuan-
dum commendata sunt , hic quoque usurpanda .
Denique vero , *postquam humores correcti sunt* ,
opera danda , ut lenibus stimulantibus sive pel-
lentibus fluxus revocetur ; ubi primo interne o-
mnia eadem prosunt , quæ ad menses pellendos
supra §. 8. & 9. laudavimus : & speciatim omnia
medicamenta ex aloë , myrrha , croco , & helle-
bore nigro parata , ut Essentiæ eorum , Elixir. pro-
prietatis , Essentia suecini , pilulæ Francosurten-
ses , Immanuelis , Beccherianæ & Stahlianæ & si-
miles ; item succinum cum borace , & vina me-
dicata laxantia ; quibus vero , si æstus percipiatur ,
temperantia subinde , præsertim vesperi , sunt inter-
ponenda .

*Exter-
nequid
facien-
dum.*

Externe conducunt *suppositiora* ex aloe & myrrha , ut & enemata acriora , fricationes ani frequentes pannis asperis , vel foliis ficus , pediluvia & infessus sæpe adhibiti , ac denique , his omnibus irritis , aut ubi periculum in mor , *hirudines* ano applicatæ , utpote hic quam efficacissimæ .

Motus corporis , præsertim equitatio , aut vectio in currû , vinum etiam generosum paulo largius subinde assumtum , ad hunc fluxum restituendum magnæ quoque sunt virtutis . E contrario ab *abusu pellentium fortiorum internorum* , præsertim ubi obstructio ab adstringentibus orta est , sedulo cavendum , ne sanguinem nimis commovendo graviora mala excitent : quemadmodum in mensium obstructione quoque jam indicavimus .

Fluxu autem restituto , sibi que aliquamdiu relicto , exhibenda sunt lenia roborantia , ut tincturæ martiales variæ , cydoniata , scilicet pomata , Ludovici , Zvvoelferi , &c. vel Mixtura roborans ex spiritu C. C. & tinctura tartari , vel Essent. millefolii , ejusque infusum modice postea aliquamdiu usurpata egregie conducunt .

XIX.

Si hæ-
morrhoides
num-
quam
fluxe-
runt .
In illis , ubi hæmorrhoides numquam fluxerunt & tamen symptomata adsunt hæmorrhoidum metuendarum , sive molimina , ut vocant hæmorrhoidum , ut hæmorrhoides cæcæ , dolores ani & circa os sacrum , eæ , meo quidem judicio , non facile promovendæ aut excitandæ , ut multi volunt , nisi graves forte causæ id exigant : quia postea , præter morbi spurcitiem & molestiam , ab earum fortuita obstructione ; innumera facile mala oriuntur . Quapropter in leviori adhuc casu præstat ægro prius , præmissa Venæ sectione in brachio , laboriosum frequentemque corporis motum cum diæta parca , tenui , ac refrigerante , sedulo commendare : ita sæpe illa symptomata transeunt .

Vel

Vel si his uti nolit, aut ob vitæ genus non possit, aut etiam hæc non sufficere videantur, vel malum jam sit gravius, primo frequens *usus pulverum temperantium*, ac deinde *sanguinis missio* adhibenda; quæ deinceps subinde, præsertim circa æquinoctia, aut si opus est, sæpius, præsertim in brachio est iteranda; vel etiam in quibusdam *scarificationes* illarum loco substituendæ aut interponendæ sunt; ita enim, plethora atque ebullitione sanguinis imminutis, & hæmorrhoides præcaveri, & symptomata inde oriunda minori molestia ac periculo curari possunt, cum primis si moderatam & convenientem victus rationem æger simul probe observet.

Monita practica.

1. In omnibus hæmorrhagiis obstructis, præsertim mensibus ac hæmorrhoidibus, prudenti Medico, ad fortissima pellentia non facile progrediendum, & imprimis a majori ipsorum dosi abstinendum: quia ob vehementiam, quæ in insigni acrimonia & calore consistere videtur, facile nimium sanguinis motum, æstum, inflammationes, hæmoptyses, vomitum aut mictum cruentum inducunt, immo subinde ipsam apoplexiam.

2. Hinc si fluxus moderatis pellentibus restitui non possunt, præstat sæpius, præsertim in tenerioribus, a curatione abstinere, & naturam sibi aliquamdiu, præsertim si nihil urgeat, relinquere, quam intempestivo pellentium fortiorum abusu ægris noxam inferre. Observandum enim est salutare illud axioma medicum:

Si prodesse non possis, cave ne noceas.

3. Si in lochiis suppressis fortiora pellentia adhibentur, febres periculosissimas acutas, & imprimis miliarem sive purpuratam, puerperis

ris sæpe ac facile concitare solent : unde pleraque pereunt.

4. *Sanguinis tamen detractiones in hemorrhagiis quibuscumque suppressis*, præsertim pertinacioribus, aut ubi periculum inde metuendum, *præstantissima & sæpe maxime necessaria sunt remedia, fortioribusque pellentibus longe præferenda* : atque si malum non omnino tollunt, levius tamen ac tolerabilius illud ut plurimum reddunt, ut postea aliis idoneis remediis tanto facilius curari queat.

C A P U T X.

De Congestionibus, & Doloribus :

I.

Congestiones quid.

MOrbi; qui congestionibus dicuntur, sunt morbi, in quibus sanguis, vel serum in certis partibus, *vel ob earum imbecillitatem*, vel ob humorum in corpore abundantiam, vel ob ejus crassitudinem, vel propter varias has causas simul, copiosius, quam par est, sensim congeritur, sive accumulatur, dum minus refluit, quam influit : ut inde molestiæ, tensiones, spasmi, tumores vel dolores in his partibus concitentur, eique sæpe vehementissimi, qui pro varietate partium varios morbos producant. Quando vero partium tonus sive earum vis motrix nondum nimis destructus est, a congestis humoribus irritantur, ob fabricam suam elasticam artificiosissimam renitentur, spasmodice constringuntur, atque hoc mirabili artificio eos propellere vel ejicere conantur, idque vel per sanguineam vel serosam quandam excretionem. Quod ubi a natura obtinetur, malum plerumque cessat, vel saltem minuitur; sed si ob

si ob quæcumque impedimenta hæc ejiciendi molimina non succedunt , fibræ partium nervæ nimis tensæ , dolores , spasmos , ita dictos catarrhos , sæpe etiam tumores , & omnis generis affectus dolorificos , arthriticosque producant ; qui vero sæpius tandem in partium debilitates & quandoque nervorum resolutiones sive paralyticos affectus desinunt , nisi in tempore rite curentur [a] .

II.

Differunt vero congestiones vel 1. *ratione loci* : modo enim fiunt *in capite* , unde dolores & gravitates capitis , dolores & inflammationes oculorum , aurium , dentium , faucium , vertigo , morbi soporosi & apoplectici , &c. proveniunt ; modo *in thorace* , unde angustia præcordiorum , difficilis respiratio , palpitatio cordis , hæmoptysis ; modo *in collo* ; modo *in abdomine* , ut in hepate , liene , (unde congestiones , inflammationes & abscessus in his partibus , itemque malum hypocondriacum & hystericum) renibus , vasis venę portę , & præcipue vasis hæmorrhoidalibus , unde hæmorrhoides cæcæ & dolentes , dolores lumborum , malum ischiaticum , & in mulieribus malum hystericum ; modo *in artubus* , unde arthritici dolores , rheumatismi , podagra , chiroagra & gonagra , atque œdemata pedum , &c. proveniunt .

Vel 2. differunt *ratione ætatis* : in junioribus enim , experientia teste , congestiones ut plurimum contingunt *in capite* , ubi sanguis noxius ob agilitatem partiumque vigorem superiora petit , per nares exitum querere & hæmorrhagiam narium

[a] *Stahliani* hæc omnia prudenti animę directioni adscribunt ; quam vero probare nequeunt ; melius autem ex mechanicis rationibus explicari potest .

intendere videtur : unde facile in his oriuntur *cephalgia*, *coryza*, *ophthalmia*, *odontalgia*, *otalgia*, aliaque aurium vitia ; ut & faucium tumores, nisi fluxus sanguinis per nares eos ab his malis præservet . In *ætate media pectus præcipue afficiunt*, & evacuationem sanguinis in pulmonibus quærunt; qui si ob causam quamcumque exitum non invenit, *tussim*, *dyspnœam*, *asthamata*, *pleuritidem*, *vomicam*, aut *phthisin* producit in senioribus vero congestiones in *abdomine* & *articulis* maxime contingunt, ubi sanguis nimius exitum per intestinum rectum vel vias urinæ affectat, & hæmorrhoidum fluxum vel mictum cruentum molitur, unde affectus catarrhales, vulgo *catarrhi frigidi dicti in lumbis* & *coxis*, *podagra*, *arthritis*, *rheumatismus*, *lumbago*, *ischiatricum*, *hypochondriacum*, *hæmorrhoidale*, & in *feminino sexu hystericum malum*, &c. ortum sæpe ducunt.

III.

Causa Causa earum ut plurimum est *abundantia sanguinis aut feri*, sive *plethora*, hujusque causæ omnes, ut *dieta lauta*, *vita otiosa*, evacuationes naturales sanguinis suppressæ, aut artificiales neglectæ, refrigeratio & transpiratio suppressa, itemque animi affectus vehementiores, & cumprimis quoque partis læsæ debilitas.

IV.

Prognosis. Congestionibus sæpe succedunt obstructiones, perfectæ stagnationes, dolores, inflammationes, suppurationes, abscessus, œdemata, corruptionesque plurimæ, unde pro partis varietate varia & quamplurima in quavis parte mala proveniunt, & quando inveteratæ sunt, ob tonum partium a digestionem diuturna læsum, difficulter sæpe curantur, aut tamen levi de causa revertuntur . Si regimine & medicamentis calidioribus, aut opiatibus sive narcoticis, præsertim præmature, tractantur, periculosissimos sæpe morbos

bos inducunt . *Congestionibus pectoris & capitis* reliquis ut plurimum *sunt periculosiores* : quia illæ facile hæmoptysin , peripneumoniam , vomicam , phthisin , inflammationem , asthma , catarrhum suffocativum , aut suffocationem , hæc autem haud raro apoplexiam & paralyzin sensuumque morbos inferunt . Sic & eæ , quæ ætate incongrua contingunt , perquam mali quoque solent esse moris .

V.

Quod ad curationem attinet , distinguendum *Cura-*
erit *tempus paroxysmi* , sive quando ægri ipsis his *tio ge-*
morbis correpti sunt , & tempus , quo ab his mor- *nera-*
bis liberi sunt , atque de præservatione eorum *col-*
lis .
gitant , quia ob partes debilitatas facile eisdem
morbis rursus corripiuntur , atque sic sæpe inde
ægotant . Igitur in *paroxysmo* horum morborum
generatim conducunt ea , quæ congestum serum
& sanguinem partim a loco affecto abducunt &
revellunt , partim resolvunt atque in naturalem
motum redigunt : qualia sunt , 1. in plethoricis
& calidioribus sanguinis missio : quæ vero in fri-
gidioribus aut serosis in paroxysmo sæpe plus no-
cet , quam prodest . 2. quæ alvum leniter ducunt ,
quemadmodum *blanda laxantia* : sicuti sunt pilu-
læ tartaræ , pilulæ francosurtenses , balsamicæ ,
Beccheri , Stahlii , aliæve similes , vel de succino
Cratonis : quæ in robustioribus aliquot granis re-
sinæ jalapæ , diagrydii , aut extr. hellebori ni-
gri , acuti possunt ; aut potiunculæ vel pulveres
laxantes , &c. vel horum loco quandoque clyste-
res emollientes substitui possunt . 3. *pulveres dia-*
phoretici , ex absorbentibus citratis , salibus me-
diis cinnabarinis , nitrosis & antimoniatis , sæpius
per diem exhibiti ; quibus *ubi dolores sunt vehe-*
mentiores , aut pertinaciores , & prædicta non suf-
ficiunt , nocturno tempore , anodyna , moderata
dosi , ut laudanum opiatum , vel mp. de styrace
vel

vel de cynoglossò, itemque emulsiões anodynæ jungenda sunt.

4. *Essentia diaphoretica*, ut scordii, succini, pimpinellæ albæ, lignor., helen. aristoloch. rot. Mixt. simpl. tinctura bezoard. matutino præsertim tempore in lecto, cum infusis aqueis calidis, expectato deinde blando sudore, ac postea servato temperato victus regimine, interponendæ; nimis volatilia vero & calidiora fugienda.

VI.

Præfer. Extra paroxysmum præservationis gratia *Vena* sectiones circa æquinoctia, vel sæpius adhuc in valde sanguineis institutæ & postea constanter repetitæ, itemque in nonnullis *scarificationes* certis temporibus interjectæ, maximi sunt usus, quibus vero *laxantia* lenia vel præmittantur, vel subjungantur: ut sunt vina medicata, aut infusa laxantia, aut pilulæ leniores quæcumque modo §. V. & alias jam sæpius indicatæ, vel & salia amara cathartica, aut aquæ medicatæ leniter purgantes. In paroxysmo vero, ut supra jam dictum est, sanguinis missiones, nisi in valde sanguineis & calidis, aut ubi alia peculiaris ratio eas urgeat, haud facile adhibendæ.

Victus denique ratio in his morbis *magne est utilitatis*; potissimum vero opus est, ut ægri hi *parce edant*, a nimia satietate sibi caveant, impigri sint ad motum, affectus animi moderentur, & sufficienti potu tenui utantur; a crasso vero ac spirituofo & præsertim nimia ejus copia sibi caveant. Vitent quoque *medicamenta calidiora* & volatilia, regimenque nimis calidum aut valde coactum; corpus tamen contra frigus probe semper muniant; & in statu temperato conservent, ne transpiratio facile lædatur; nam frigus eis ut plurimum est noxium.

Fricationes corporis, præsertim pedum, itemque *pediluvia* temperata subinde adhibita, in his affe-

affectibus magnæ quoque sunt utilitatis. Ita vero, *tristitia*, *maior*, *intemperantia* in victu ac vivere, *desidia*, *nimiæ curæ* ac *solicitudines*, itemque *studia nimia*, præsertim *severiora*, aut *diutius protracta* fugiantur.

VII.

De Capitis dolore.

Speciatim vero jam considerabimus, quid in *Cepha-* præcipuis congestionum ac dolorum speciebus, *lalgia*. præter methodum generalem, agendum sit, incipiendo a capite, ubi *CEPHALALGIA* primum occurrit, utpote quæ sæpissime a congestione sanguinis in cerebro oritur, & sæpe cum tinnitu aurium vel gravitatis sensu, quandoque cum vertigine aliisque malis conjuncta est.

VIII.

In *curatione* ejus præ omnibus alvus, si adstricta est, conveniente evacuante, quale ex N. V. *cura-* vel VI. peti potest, solvatur: postea laudati pul- *tio*. veres, essentia & infusa diaphoretica ac resolutiva N. V., proposita ibidem methodo adhibeantur. Externe spiritus vini camphoratus; crocatus fronti calide applicatus, vel temporibus & vertici largiter illitus, hosce dolores brevi subinde, maxime si interna præmissa sunt, digerit & discutit.

IX.

In aliis, præsertim qui *calidioris sunt tempera-* menti, egregie sæpe prodest unguentum alabastrinum temporibus illitum. *Pedilavia* quoque temperata & frictiones pedum revellendi & resolventi sine hic egregia sunt. Si *menses*, vel *hamorrhoides*, *suppressi*, convenientibus remediis capite præcedenti indicatis, revocandi erunt, ubi *Vena Sectio* in pede ut plurimum valde egregia. *Par-*
ca

ea diata & frequens corporis motus magis hic profunt tam præservandi quam curandi scopo, quam ingens sæpe medicamentorum farrago. Salia volatilia, spirituosa suaveolentia sive fragrantia, & balsama cephalica sive apoplectica vulgo dicta, quæ navibus hic admoveri & a multis valde commendari solent, multis adversa sunt, caputque turbando sæpe plus nocent, quam profunt, præsertim frequentius aut immoderatus adhibita. Idem de oleis destillatis, præsertim succini & similibus intelligendum. In plethoricis aut in iis, in quibus hæmorrhagiæ consueta suppressæ, si prædicta medicamenta parum sunt, sanguis mittatur, isque in larga satis copia, ac præsertim in pede; in junioribus vero sanguinis missio rarius est necessaria, neque etiam in his nimis cito instituentur; nisi magna eam requirat necessitas. Si cephalalgia ab hæmorrhoidibus suppressis oriatur, præter modo dicta, hirudines ano applicatæ, utilissimæ sunt.

X.

De Otalgia.

Otal- Otalgia, tinnitus aurium, & auditus difficilis
gia at- eandem agnoscunt causam: [nisi forte ab exter-
que au- na læsione orta sint) hinc in Otalgia, quæ sæ-
rium af- pe inflammationem habet comitem, interne ea-
fectus. dem conveniunt evacuantia, diaphoretica resol-
 ventia, diluentia, quæ in cephalalgia N. VIII.
 laudata sunt. Externe Spiritus vini camphoratus,
 præsertim crocatus, calide ad aliquot guttas cum
 gossypio auri imponatur, & post aures etiam il-
 linatur, qui in otalgia potentissime resolvit, at-
 que sic metuendam suppurationem & ulcus auris
 sæpiissime impedit. Vel Oleum amygdalarum ama-
 rarum cum pauca camphora gossypio vel linteo-

car-

carpto eodem modo adhibitum , super imposito in usu utriusque *sacculo calido* ex herbis resolutivibus , ut rad. irid. Florent. herb. salviæ , pulgii , serpilli , origani , flor. chamomillæ , sem. carvi , fœniculi , cum camphora . In sanguineis etiam missio sanguinis ut plurimum necessaria est. Quando vero *his congestio aut inflammatio* resolvitur nequit , & ad suppurationem spectat , *cataplasma leniens & emolliens* , ex mica panis cum lacte & croco coctum , vel *cepe sub cineribus affata* , aliave similia calide sæpius admovenda , donec sponte rumpatur ; vel si *abscessus oculis patet* , scalpello aperiri queat . *Pediluvia* quoque & frictiones pedum hic etiam valde profunt . *Præservandi sine eadem* , quæ in cephalalgia aliave quacumque congestione præservanda N. VI. hujus capitis laudavimus , hic quoque conducunt .

XI.

De Tinnitu & susurro aurium .

In Tinnitu & susurro aurium revellendi scopo primo alvus ducenda , deinde pulveres temperantes diaphoretici , & Essentiæ resolventes , vulgo *anticatarrhales* dictæ , ut succini , lignor. rosmarini , diaphoretica , alexipharmaca , &c. aliquoties in die exhibeantur , eisque infusum Theæ , veronicæ vel betonicæ cum flor. rosmarini , salviæ aut lavendulæ & lign. sassafr. interponatur : & quidem ita ; ut matutino tempore & circa meridiem Essentiæ , circa vesperam vero & noctu pulveres laudati interne usurpentur .

Tinnitus aurium .

EXTERNE Essent. succin. vel sola vel cum castor. cum paucis guttis olei succini vel chamomillæ remixta , ad guttas j. vel ij. tepide cum gossypio mane & vesperi auri immittatur . Vel
ambra

ambra & *moschus* vel *castoreum* ad gr. j. vel ij. in gossypio, vel etiam solum balsamum Peruvianum; vel olea carminativa, ut anisi, fœniculi, carvi aut chamomillæ, eodem modo usurpata, multis egregie profunt: non neglectis *pediluviiis* & *fricationibus pedum* ac *capitis* frequentibus. *Vapor decocti florum lavendulæ vel rosmarini* cum vino facti, auri per infundibulum admissus, multis etiam optime hic profuit. Quo pertinacior vero aut magis inveteratus est hic affectus, eo magis ac potissimum in plethoricis V. S. præsertim in *pede*, interpositæ *scarificationes* & repetita *purgantia* ad revellendum & utilia & necessaria sunt.

XII.

De auditu difficili.

Audi- In *auditu difficili* eadem fere curandi ratio *o-*
tus dis- prima est: speciatim vero, præter modo recensita
ficilis. valde hic conducit R. Sal vol. CC. ʒj. medull.
 castor. optim. gr. vi. ol. succin. gutt. ij. M. F.
 massa, de qua lentis aut pisi magnitudo cum
 gossypio mane & vesperi auri applicetur. Vel

R. Ess. succin. ʒj.

castor. ʒj.

ol. dis. chamomill. ʒ℥.

succin. gutt. j. M. & cum gossypio
 tepide bis vel ter quotidie adhibeatur.

Si a mensium fluxu suppresso, sicuti apud mulieres aut puellas sæpe contingit, hæc mala oriantur; debitis remediis ac diætâ hic restituendus & in ordine conservandus. Si ab hæmorrhoidibus suppressis, hæc revocandæ, vel hirudines ano applicandæ; vel Venæ sectiones ac scarificationes in horum locum substituendæ. Quando ab *ostru-*

ctio-

Etione meatus auditorii, ea quæ obstruunt, idoneis instrumentis sunt auferenda (a). In *senibus*, quibus sæpe ob virium debilitatem auditus læditur, itemque in malo valde inveterato, vel connato aut hæreditario, aut ubi externa læsio, ut tympanum ruptum morbum inducit, medicamentis ut plurimum nihil efficitur; interea tamen senibus ac debilibus roborantia, cephalica & ambrata pro capite & viribus roborandis hic sæpe conveniunt. Interdum tamen post multos annos auditum amissum sponte sine medicamentis & ex improvise nonnullis rediisse aliquoties expertus sum; adeoque non mox desperandum. *Sanguinis missiones, scarificationes & purgantia* subinde usurpata; atque ordinata ac moderata diætæ, vitando abusum vini aliorumque inebriantium, cum motu frequenti; itemque *aquæ medicatæ* æstivo tempore legitime hauriæ, tam *ad præcavenda, quam ad sananda hæc aurium vitia* quam plurimum, immo sæpe plus conferunt, quam omnia quævis alia medicamenta, ut in me ipso sæpe edoctus sum, qui ultra viginti annos per intervalla his malis conflictatus fui.

XIII.

Odontalgia.

ODONTALGIA vel post dentis erosionem, *Odontalgia.*
per quam acria ex alimentis vel aer in cavum dentis irruunt, ejusque membranam internam & nervum afficiunt; vel a congestione sanguinis circa dentium etiam sanorum radices & alveolos oritur. Illa vix constanter tollitur, nisi dens erosus
sive

(a) Qua de re conf. Instit. chirurg. nostræ.

sive vitiosus manu chirurgica, si tuto id fieri possit, evellatur, vel acidis mineralibus erodatur. Sopitur tamen quoque sæpe vel applicata provide guttula una vel altera aquæ fortis aut spiritus vitrioli in cavum dentis erosi, vel olei piperis, *caryophyllorum*, aut *lini quaiaci*, vel per se ope penicilli immissi, vel cum opio & camphora in forma pilulæ denti cavo intrusi, & subinde, si dolor non cedit, repetiti. Quandoque egregie prodest Essentia succini vel ligni quaiaci, vel nitri portiuncula denti immissa, præsertim si interna mox laudanda simul adhibeantur; vel si hæc parum proficiant, tollitur sæpe *apto ferro candente*, denti cavo admo- to: & ne malum facile redeat, *cavum dentis cera, massiche, plumbo* vel *auro*, si fieri possit, *apte repleatur*, quo ingressus peregrinorum avertatur.

XIV.

Ubi vero dens non erosus, ibi ad sanguinis congestionem, tanquam causam primariam, resolven- dam & orgasmum temperandum, *pulveres tempe- rantes, diaphoretici, antispasmodici*, ex tartaro vi- triolato, nitro & cinnabari, ex aquis diaphoreticis, singula hora vel bihorio, exhibeantur, corpus ab aere & frigore præservetur, atque infusum Theæ cum ligno sassafras vel quaiaco sæpius sorbilletur, sic intra aliquot horas hos dolores sæpe superavi. Interea tamen simul *decoctum florum chamomill. cum lacte* paratum calide subinde in ore detineatur, & sacculi ex herbis resolventibus, præsertim cha- momilla; cum vel sine camphora, genis imponan- tur. In valde plethoricis, aut ubi consuetæ san- guinis evacuationes neglectæ vel suppressæ, *sanguinis missio* egregie prodest. Præter antea laudata, *sal anglicanum* vel *catarticum amarum* in ore de- tentum & sensim liquefactum congestiones has sæpe solvere & dolores hos quoque haud raro sedare solet. Nonnullos ab hoc dolore liberat; si dentes *igni frustulo, fulmine tacti*, vel e cæmiterio deprom-
pti

pii aliquamdiu fricent , & cumprimis donec gingivę aliquid sanguinis fundunt , &c. Si his non cedat , id quod tamen plerumque fieri solet , versus noctem lenia opiata prædictis pulveribus antispasmodicis admisceantur : mane vero , revulsioni gratia , idoneum purgans exhibeatur , & postea Essentia succini cum Essentia pimpinellę remixta , pulveribus illis interponatur . *Genę dolenti exterius* & *Spiritus vini camphoratus* cum fructu tepide applicatur , præsertim si deinde prædictus facculus ex floribus chamomillę , vel ex farina & camphora calide superimponatur . *Ustio antitragi auris* , sæpius , ut varii auctores testantur , pertinaciorē odontalgiam subito sustulit , id quod tamen non semper præstat ; itemque *Vesicatorium* vel ex cantharidibus vel rasura radice armoracię flexurę cubiti in latere affecto applicatum . *Alvus in hoc morbo semper aperta* , quantum fieri potest , fervetur , & non facile dens integer , ob varia inde metuenda mala , evellatur . *In declinatione* parum tincturę odontalgicę Mynsichti , VVedelii , Lacçę vel Essent. ligni quaiaci ore subinde detentum egregie prodest dissipando , gingivamque laxam roborando , ne tam facile redeat .

X V.

De Vertigine .

VERTIGO sæpe a congestione sanguinis in capite *apud plethoricos* oritur , vel *apud eos* , qui *evacuaciones sanguinis artificiales consuetas omiserunt* , vel in quibus consuetę sanguinis evacuationes spontaneę substiterunt , vel & in eis , qui *multis studiis caput valde debilitarunt* , haud raro tamen *etiam a cruditatibus* , aut pravis humoribus , præsertim biliosis , *ab ira prægressa* , aliave

L

de

de causa in ventriculo hærentibus : Si *a priori* causa , evacuantia , laxantia , Venæ sectio in pede , pediluvia , pulveresque resolventes , temperantes , cinnabarini , nitrosi , una cum infuso herbarum Thearum vel Betonicarum curationem ut plurimum absolunt . Sed si *suppressiones fluxus consueti sanguinis* in causa , hi , si fieri potest , modo in capite IX. §. 4. & seq. proposito , restituendi sunt . Sin vero hoc fieri non possit , missiones sanguinis in locum eorum substituendæ . Externe Spiritus vini camphoratus vel solus , vel cum spiritu cornu cervi mixtus , vertici & temporibus sæpe illinatur ; naribus vero aqua Reginæ Hungariæ vel Anhaltina , vel spiritus lavendulæ , aliisque similis , cum vel sine sale volatili oleoso , aut spiritu C.C. subinde admoveatur . Idem faciendum externe , si *a nimis studiis malum ortum traxit* : ubi vero simul moderatio in studiis probe observanda , cum modica diæta , & motu frequenti ; *haustulus quoque vini in pastu præsertim* , aliaque roborantia modice usurpata , optime conducunt . A nimis vero volatilibus & fragrantibus spiritibus , aut balsamis ita dictis cephalicis & apoplecticis externe adhibitis multi eruditorum magis læduntur ; hinc caute hæc tentanda .

Si vertigo a cruditatibus ventriculi ortum ducat , hæc per digestiva sive salia media præparentur ac solvantur , & deinde vel per os vomitu , vel si quid vomitum vetat , per alvum evacuentur . Postea stomachica roborantia , cephalica , usus modicus vini generosi in pastu , pro ventriculo & cerebro roborandis , motus sive exercitatio corporis , & diæta parca atque aromatica subjungantur , *Usus aquarum Pyrmontanarum* aliarumque ejusmodi martialium hic quoque egregie benefacit .

X V I.

De Phthisi.

PHTHISIS, five ulcus pulmonis cum tabe, tussi, rejectione materiæ purulentæ & non raro sanguinolentæ, febris hectica, spirandi difficultate, vel a prægressa hemoptysi, vel a congestione & suppuratione sanguinis in pulmonibus oritur, quæ, si perfecta & inveterata, vix unquam; incipiens quidem interdum, attamen raro & difficulter curatur. Indicationes primariæ hic sunt: ulcus mundare & consolidare, congestiones resolvere & avellere, tussim & febrem moderari, & vires conservare.

Igitur præmissis & subinde repetitis lenibus laxantibus, præsertim ex tamarindis, foliis sennæ & manna paratis, vel magnesia alba aut rhabarbaro pro affluxu nimio a pectore revellendo, maxime conducunt, 1. *Infusa & decocta ex radicibus & herbis pectoralibus*, temperatis expectorantibus, resolventibus atque traumaticis; ut radic. liquirit. malvæ, chinæ, cichorii, pimpinellæ, irid. Florent. helenii, herbis veronicæ, scabios. capilli veneris, hyssopi, pulmonariæ, tussilaginis, virgæ aureæ, solidaginis saracenicæ, &c. cum passulis, dactylis, jujubis & ficibus; vel spec. pectoral. dispensatorii Brandenburgici vel Augustanorum, cum herbis pectoralibus prædictis, vel species nostræ pectorales, bis aut. ter in die, ut infusum Theræ, usurpata. 2. *Salina resolventia*, abstergentia, & temperantia, ut tartarus vitriolatus, & lapides cancrorum vel conchæ succo limonum vel citri saturati &c. cum paucis nitro ex aquis pectoralibus bis in die, & potissimum vesperi assumpta. 3. *Blandissima balsamica* hic subjungantur: ut Elixir. pectorale VVedelii ad guttas xxx. vel

L 2 xl.

xl. , vel balsamum peruvianum , aut balsamum de Mecha , aut opobalsamum in forma elæosacchari , sed parcissima copia , ne febrem augeant, id quod etiam observandum in usu balsam. Locatelli vel Meimobii . Tutius vero 4. interponuntur *Gelatina* ex C. C. & ebore paratæ , itemque *emulsiones temperantes & roborantes* ex amygdalis cum pistaceis , pineis & semine papaveris albi . 5. *Contra tussis vehementiam* , si emulsio non sufficit , *lene opiatum* circa vesperam cum lapidibus cancerorum citratis , aut pulvere temperante quandoque exhibeatur , ut massa pilul. de styrace , vel de cynoglossio a gr. ij. iij. ad v. vel laudani opiati gr. j. Quidam cum STAHLIO hic valde laudant *extractum tabaci* longiori coctione paratum ad gr. iij. vel iv. mane in lecto assumtum . 6. *Pediluvia tepida* sæpe revellendi causa cum fructu adhiberi possunt . 7. Circa æquinoclia , immo in nonnullis sæpius , *larga Venæ sectio* , si vires permittunt , in pede instituitur . 8. *Usus cherosolii* in cibis sit frequens , *sallita* , vero , *spirituosa* , nimis *calescentia & acida* , præsertim ex *mineralibus* parata , nocent . 9. Ubi *phthisis in sexu muliebri a mensium suppressione* oritur , hi restituendi sunt , aut si in puellis junioribus nondum apparuerunt , eorum provenus , modo supra Cap. IX. §. VIII. proposito , promovendus , quorum beneficio fit , ut plures feminæ a phthisi & hæctica curentur quam viri . 10. *Quando agri tales post usum ejusmodi remedium melius se habent* , & ambulare rursus possunt , medicamentis continuo non sunt obruendi ; sed sufficit tunc aliquandiu , *bona ac parca diæta* & *motus frequens* , sed moderatus , ambulando , equitando , curru vehendo ; quandoque tamen infusum quoddam pectorale loco Thææ cum aliquot guttulis Elixirii vel Essentiæ cujusdam pectoralis , verb. grat. ex extracto veronicæ ,

cæ , in aqua pectorali soluto , mane apte adhiberi potest ; vesperi vero *pulveris temperantis* ʒj. vel ʒʒ. , cum vel sine china , præsertim quando forte calorem paullo auctiorem sentiant , donec forte nova mala , nova rursus remedia desiderent : sic prædicto regimine plus sæpe efficitur ; quam continua aut ingenti medicamentorum farragine . Conducit etiam egregie alvum vel victu idoneo vel lenibus remediis semper servare laxam , nisi per se respondeat .

11. *Aquæ Emsenses & Selterenses* , præmissis laxantibus , præsertim cum tertia vel quarta parte lactis quotidie mane per aliquot hebdomades calide haustæ , multis in malo recenti vel saltem non adeo vehementi , egregie profuere , præsertim si ambulare adhuc possunt ; aquæ martiales , ut *Pyrmontanæ* , *Egranæ* , *Srwalbacenses* , *Spadanæ* , &c. phthisicis huc usque quidem a plerisque funestæ habitæ fuerunt ; attamen observationes recentiores me aliosque docuerunt , quod in malo recenti aut leviori iis tuto & cum fructu etiam uti queant , si modo tepide & modice bibantur ; frigidæ vero , ob frigus pectori inimicum nocent . Cura denique ita dicta lactea , præsertim lactis affini , vel caprilli , vel feri lactis , itemque lactis ebutyrati quandoque valde etiam nonnullis conducit , si diu satis cum bona diætâ & corpore rite præparato ; continuatur . Eadem fere methodus medendi , omiſſis balsamicis optima quoque est in *hectica* , quæ sine ulcere pulmonis est , vel etiam cum ulcere renum conjuncta .

XVII.

De Vomica , & Empyemate .

In VOMICA pulmonum eodem fere modo curatio quoque est instituenda ; imprimis vero per
Vomica
& em-
pyema.

infusa vel decocta expectorantia atque traumatica cetera remedia antea laudata, ulcus abstergendum, mundandum & consolidandum interpositis subinde *lenibus alvum ducentibus*, præsertim ex *manna paratis*, vel ex *magnesia alba*, ad affluxum ad pectus avertendum. Venaque in plethoricis in pede idoneo tempore secanda. Reliquum per laudata decocta pectoralia, blanda *balsamica*, & bonam victus rationem perficitur, vel & per *aquas medicatas* §. XVI. cum lacte.

EMPHYEMA sine matura incisione sive paracentesi thoracis curari non potest; [de qua vid. Institut. nostr. chirurgic.] interne iisdem adhibitis, quæ in phthisi & vomica modo commendavimus.

XVIII.

Malum Hypochondriacum.

Malū hypochondriacum. *Malum Hypochondriacum* plerumque consistit in congestione sanguinis abundantis & spissioris in hypochondriis, sive in visceribus cum Vena portæ communicantibus: unde in eis stagnationes, distensiones, molestiæ, dolores, spasmi, flatus, obstructiones alvi, animi morositas, tristitia & ipsa sæpe melancholia, cum variis aliis miris atque inexplicabilibus subinde symptomatibus, oriuntur, ubi sanguinis abundans in vasis venæ portæ & cumprimis hæmorrhoidalibus congestus, prædicta symptomata inducit, maxime si per vasa hæmorrhoidalia exitum invenire non potest.

XIX.

Cura in paroxysmo. Quod ad *curationem* hujus morbi attinet in *paroxysmo*, nisi alvus jam sit aperta, enemate aperitur emolliente, vel leni purgante, præsertim salino,

no , ex sale amaro cathartico , anglico vel bohemico , eodemque , quoties diutius , quam par est , obstrueta est , aperta servetur . Deinde ad humores viscidos resolvendos , & symptomata minuenda salia media digerentia sive digestiva dicta , ut tartarus vitriolatus , tartarus tartarizatus , arcanum duplicatum , nitrum antimoniatum , vel sal absinthii cum cinnabari & lapidibus cancerorum acido tartari vel citri saturatis , vel pulvis temperans noster , quotidie ter quaterve ex aquis idoneis exhibeantur ; vel etiam liquor terræ foliatae tartari a guttis xl. ad lx. mane cum infuso Theæ aliove simili , propinetur , atque aliquamdiu cum parca diætâ , potu tenui , sufficiente , & exercitatione corporis continuetur . Quæ vero si non sufficiant , ad paroxysmum minuendum , *Essentia millefolii vel adianthi albi* , horumque decoctum sive infusum ad modum Theæ prudenter exhibeantur , ita brevi plerumque magnum ægri levamen percipiunt .

XX.

Extra vero paroxysmum , vel in malo graviore , *Extra* etiam in paroxysmo aut eo saltem aliquomodo remittente , 1. *Quantitas sanguinis crassi est immixtuenda per Venæ sectionem , præsertim in pede ; quæ deinde circa æquinoctia , vel in valde sanguineis , sæpius repetenda .* Vel utilissime etiam hic sanguinis quantitas , natura sæpe cum successu monstrante viam , imminuitur *per hirudines* ano applicatas , in primis quando eger jam antea forte hæmorroidibus laboravit , vel dolores circa lumbos & os sacrum percipit . 2. *Sanguis viscidus & spissus est attenuandus :* quod optime fit primo idonea diætâ , ut cibo parciore , tenui & facilis digestionis , potu diluente sufficiente , & motu frequenti , sed moderato , quæ optima sunt hypochondriacorum remedia . Quibus tamen addi possunt pulveres & infusa ex vegetabilibus ; præsertim radici-

dicibus & herbis incidentibus atque attenuantibus , ut radicibus iridis Florentinæ , cichorei , caryophyllatæ , taraxaci , pimpinell. alb. vincetoxic. apii , ari , &c. herb. fumaricæ , scolopendriæ , linguæ cervinæ , hepaticæ , capilli veneris , adianthi albi , card. bened. melissæ , flor. millefolli , cum lenibus aromaticis , ut cinomoam , cassia caryophyllata , cort. culilaban , santalo citrin. schœnant. aniso stellato , lign. sassafr. &c. Præterea cum his infusis assumi possunt tinct. tartari , tinct. antimonii tartarifata , liquor terræ foliatæ tartari , Essentia corticis aurantior. , pimpinellæ , scordii , gentian. helen. absinth. & similibus , interpositis , præsertim vesperi , antea laudatis salibus digestivis ; quibus vero subinde *lenæ laxans* vel ex infuso rhabarb. & foliis fennæ , vel ex pilulis gummosis *Sylvii* , tartareis *Bontii* vel *Quercetani* , vel *Beccheri* , polychrestis nostris , aut Sal Anglicanum , vel amarum catharticum , apta dosi , quando res sic postulat , interponendum .

XXI.

Symptomatibus gravioribus sic debellatis , tandem , ad *tonum* partium denuo *roborandum* , lenia martialia , ut tinctura vitrioli martis , tinctura martis cydoniata , vel mixtura ex spiritu C. C. & tinctura tartari , vel etiam crocus martis , vel ipsa limatura martis subtilissima a gran. v. ad vii. aut cum elæosacchar. ʒss. aut cum extractis amaris mane & circa vesperam exhibita , præ omnibus autem fere *aquæ martiales medicatæ* , ut Pyrmontanæ aliæque similes , legitime usurpatæ , hic conducunt . Immo etiam hæc martialia in malo graviori sæpe jam cum successu usurpantur , & apud

Præfer. Germanos valde celebres sunt , nomine *curationum vatio martialium* . (*Stahlcuren.*)

mali

XXII.

hypochondriaci.

Præservatio optima hujus mali consistit in parca diætâ , potu tenui sufficienti , aquoso , inprimis

mis etiam feri lactis, (a) motu frequenti, temperantia in studiis, præsertim lucubrationibus, & Venæ sectione circa æquinoctia; quæ, qui rite observat, non facile malo hypochondriaco rursus afficietur. In multis etiam *usus legitimus aquarum medicatarum*, æstivò præsertim tempore, multo cum fructu quandoque interponi, immo sæpe præsentibus etiam symptomatibus usurpari potest.

XXIII.

De Malo hysterico.

Malum hystericum sive *passio hysterica* idem fere est in mulieribus, quod in viris malum hypochondriacum, sed illas, tamquam corpora teneriora, vehementius affligit, & speciatim eis sæpe constrictionis pectoris & suffocationis sensum, (unde & *suffocatio uterina* sive *hysterica* dicitur) multos *spasmos*, motus convulsivos, (unde *epilepsia uterina*) *anxietates majores*, *nauseam*, *conatum vomendi*, *vomitum* ipsum aliaque graviora symptomata inducit.

XXIV.

Oritur quoque præcipue, ut mihi saltem videtur, a congestione sanguinis in abdomine, & speciatim in visceribus hujus cum vena portæ nexis, exitum per uterum vel vasa hæmorrhoidalialia non invenientis: hinc eadem symptomata inducit, eademque fere ac mali hypochondriaci & prognosis & curatio est. *Interdum tamen quoque observatur mensibus rite se habentibus*, & tunc forte ab humoribus acris primarum viarum, *spasmos*

[a] Hoc etiam sua experientia confirmat cel. Frid. Hoffmann. Dissert. de feri lactis virtute aliisque multis in scriptis.

spasmos illos excitantibus, ortum trahere videtur.

XXV.

Cura- tio in paro- xysmo. In *paroxysmo*, præsertim ubi sensus strangulationis vel suffocationis, vel motus convulsivi epileptici, vel animi deliquia adsunt, medicamenta foetida & volatilia, ut spiritus C. C. liquor. C. C. succinat. Essent. castorei, vel ipsum Castoreum, pennæ perdicum, vel frustum corii aut cornu accensum, ad eas excitandas naribus admoveantur, & guttæ aliquot prædictorum spirituum foetentium vel per se, vel cum liquido quodam aqueo ori infundantur: ubi & vellicationes pilorum, nasi, aurium, atque frictiones pedum ac manuum cum pannis asperis, vel excutiis e setis porcinis confectis, utiliter adhibentur, donec ad se redeant.

XXVI.

Extra paro- xysmū. Extra *paroxysmum* eodem fere modo ut in malo hypocondriaco, §. XIX. & XX. procedendum; ita tamen ut Essentiis vel pulveribus salinis & cinnabarinis semper aliquid castorei addatur, nisi ægra id forte, ut subinde fit, aversetur. Deinde opera danda, ut mensium fluxus, si adhuc sunt in congrua ætate, restituantur. Sed si non amplius sint in ea ætate, qua menses restitui queant, aut si malum vehementius, Venę sectio in pede instituatur, & postea Venę sectiones equinoctiales, & subinde adhibitæ purgationes lenes, præsertim pilulis lenibus uterinis balsamicis, vel sale amaro cathartico præservandi fine non prætermittant, observata simul legitima victus ratione.

XXVII.

Cautela. Emetica his exhibere, aut purgantia fortiora, summe periculosum esse sæpius observatum est. Calidiora quoque medicamenta, Elixiria uterina, olea distillata ejusmodi, itemque salia volatilia oleo-

oleosa valde etiam hic plerumque sunt noxia .
Absorbentia sive *terrea* ac *cretacea* medicamen-
 ta , nullam quoque his in malis utilitatem affer-
 runt : quia acidum hic vel non peccat , vel sal-
 tem caussa præcipua non existit ; sic & *martia-*
lia a quibusdam adeo decantata , forte ob vim
 stypticam & difficilem digestionem etiam hic sæ-
 pe vel nihil efficiunt vel omnino nocent , præser-
 tim si non quam cautissime usurpentur ; interea
 tamen quibusdam egregie prosunt , adeoque cau-
 te tentanda . Verum *aque minerales* , *martiales* ,
 præsertim si prius Venæ sectio in pede præmitti-
 tur , atque modice & non nimis frigide bibuntur ,
 ac motus sufficiens subjungitur , optimos sæpe
 effectus præstant ; *debilioribus* vero , præsertim si
frigide ac nimia copia , aut neglecto motu ,
 hauriantur , sæpe nocent ; sed hæc debiliores quo-
 que optimo cum successu aquis medicatis tempe-
 ratoribus , quæ salia media blanda , sine martia-
 libus & vitriolicis particulis , continent , ut sunt
 Emsenses aut Selterenses , præsertim calide hau-
 stæ , uti possunt , quia egregie sanguinem diluunt ,
 attenuant , resolvunt & fluidum reddunt . Ratio-
 ne diætæ idem ipsis quoque observandum , quod
 in malo hypochondriaco proposuimus . Deni-
 que sciendum hoc malum in quibusdam tam per-
 tinax esse , ut omnium remediorum vim fere
 eludat , & vix nisi tempore & patientia vinci
 queat .

XXVIII.

Obstructiones Hepatis & Lienis.

Obstructiones sive infarctus hepatis & lienis ean- *Obstru-*
 dem causam ac præcedentes duo morbi agno- *tionem*
 scunt , ideoque hæc mala eodem etiam fere mo- *hepatis*
 do curanda , interponendo simul sæpe modicam & *lie-*
mer- nis .

mercurii dulcis portionem, vel & *saponis veneti* usum copiosum. In mulieribus præcipue ad menses; in viris vero ad hamorrhoides obstructas respiciendum, ut earum fluxus, si fieri possit, restituatur, vel si nondum adfuerit, excitetur. Sed si hoc fieri non possit, & symptomata urgeant, Sanguis Venæ sectione, hirudinibus ano applicatis, aliisque evacuationibus artificialibus evacuetur. Externe *emplastrum diasaponis*, vel de gummi ammoniaco, de cicuta, diaphoret. Myns. vel diachylon cum mercurio roboratum, calide lateri ægro sive dolenti applicandum, & quandoque oleo capparum, vel unguento dialtheæ calide fricandum. *Venæ sectio in pede*, potus sufficiens temperatus, motus corporis frequens, & cumprimis equitatio, ac diæta moderata ac tenuis, itemque aqua medicata ac balnea temperata, præcipua horum morborum, si curationem adhuc admittunt, sunt remedia.

XXIX.

Scirrhus Hepatis & Lienis.

Scirrhus hepatis & lienis inveteratus nullam admittit medelam, hinc præstat eum intactum relinquare. Recens vero, præmisso laxante idoneo & Venæ sectione in pede, eodem regimine ac victus ratione, iisdemque remediis §. XXVIII. indicatis, subinde adhuc curatur, resolventibus nimirum radicibus, herbis, sub forma infusi, salibus, digestivis, gummatibus, &c. interne & externe adhibitis, quibus & mercurius dulcis moderata dosi resolvendi sine utiliter vel admiscetur, vel interponitur, vel & sapo venetus. Sæpius etiam aquæ medicatæ, si rite usurpantur, hic magnam quoque adhuc utilitatem afferunt, quia po-
ten-

tenter sanguinem spissum resolvunt & obstructiones aperiunt.

XXX.

De Atrophia.

Atrophia vi vocis quidem *quancumque* corporis tabem significat : attamen hodie speciatim & proprie sumi solet pro ea tabis specie, quæ ab obstructione glandularum in mesenterio oritur, atque ut plurimum a congestione sive ab infarctu glandularum ejusdem præcipue in infantibus sive pueris, provenit, ab humoribus viscidis ibi congestis ac quiescentibus; hinc eorum venter plerumque multum tumere & inflatus esse solet.

In curatione igitur requiruntur 1. Pro cruditatibus primarum viarum evacuandis, laxantia moderata, eaque in progressu curæ subinde repetita: quibus semper parum mercurii dulcis admisceatur. Infantibus junioribus pulvis jalapæ cum tartaro vitriolato vel mercurius dulcis, vel syrupus de cichor. cum rhabbarbo hunc in finem apte exhibetur; cui, si hic nimis debilis, pulveris jalapæ aliquot grana addantur. Adultioribus etiam Sal Anglicanum vel amarum catharticum Germanicum vel Bohemicum, vel pilulæ, eæque præsertim mercuriales, cum fructu dari possunt.

2. Attenuantia, digerentia sive resolventia eadem, quæ in malo hypochondriaco §. XIX. & XX. vel modo §. XXIX. laudata sunt, infusa nimirum, pulveres & essentia: ubi etiam cum primis *specificum* sive *pulvis antatrophus* Scretæ, (a) aliufve similis egregius est. Ut

R. rad.

[a] Descriptio hujus pulveris vid. in *Lentilii* Miscell. Med. pract. part. III. p. 39. *kœnig*, Select. Remed. pag. 67.

ari

tart. vitriolat.

fulig. splend.

lap. 69. ppt. a. ʒij.

sacchar. alb. ʒiʒ. M.

de quo aliquoties in die dosis idonea exhibeatur .
Si infantes adhuc sugunt , nutricibus quoque talia
remedia simul sæpe exhibenda , bonaque diæta ab
ipsis servanda .

Externe , quia abdomen eorum plerumque val-
de tumet & durum est , conducit emplastrum dia-
saponis , vel de ammoniaco toti abdomini impo-
nere , illudque subinde oleo laurino calido probe
fricare sive inungere . *Balnea* quoque aquæ dulcis
tepidæ , ex aqua pluviali aut fluviali , vel sim-
plicia , vel cum herbis aromaticis parata , multa
cum corporis & artuum fricatione , dum in bal-
neo sedent , sæpe usurpata , itemque frequens mo-
tus in curru puerili aliave idonea machina , his
ægris egregie conducunt .

XXXI.

Si atrophia hac , ut sæpe fit , simul a vermibus
oriatur , hi anthelminticis amaris , & speciatim se-
mine fantonici sive cinæ cum melle exhibito , aut
vino Hispanico infuso , vel myrrha , vel radic. fili-
cis , summitatibus absinthii , floribus tanacetii cere-
visiæ injectis , vel mercurialibus , speciatim *athio-
pe minerali* , vel , qui hoc præstat , *mercurio dulci* ,
& laxantibus sensim destruendi atque expellendi .

XXXII.

De Rhachitide .

Rhachitis [quæ atrophia est cum spinæ & arti-
culorum deformitate) cum ex eadem causâ , cui
Rha- sæpe aliquid venerei admixtum est , oriri videa-
chitis . tur ,

tur (a) iisdem etiam remediis attenuantibus, resolventibus & aperientibus, speciatim vero infusis vegetabilium laudatorum, tinct. antimonii tartarizat. tinct. vitrioli martis Ludovici, pulvere antatropho Scretæ, vel pulvere ex salibus digestivis, rad. ari & iridis Florent. sicut §. XXX. commendavi, vel & ex illis & semine anisi, fœniculi, cinamomo & croco martis sulphurato parato, interpositis subinde lenibus laxantibus mercurialibus, curanda: quibus externe spiritus aut linimenta nervina, pro spina dorsi inungenda; ex spiritu rosmarini, serpilli, matricali, aqua Anhaltina & similibus adjungantur, non omiſſis, ubi opus est, idoneis machinis pro spina dorsi & cruribus curvis emendandis. In diætâ, crassa, cruda, farinosa, legumina, & præ omnibus nimia repletio vitentur, curruque puerili, vel alia commoda ratione sæpius moveantur, non neglectis balneis frequentibus tepidis & fricationibus congruis, in atrophîa antea laudatis: quam methodum etiam recens scriptor medicus (b) peculiari scripto de *Atrophîa infantum* valde laudat: præsertim si frictiones in balneo semper fiant manû humida, farina triticea prius imbuta, pro sordibus & obstructionibus foraminulorum cutis abstergendis atque aperiendis.

De

[a] *Hunc morbum tam novum non esse, ut vulgo creditur, alias in schediaſmate docui, quo ostendi, infantes olim pro a diabolo suppositis habitos, revera nihil aliud, quam infantes rhachiticos fuisse, Anno 1725.*

(b) *Chudenius, scilicet celebris Medicus olim in Marchia veteri, nunc in Ducatu Luneburgico.*

XXXIII.

De Calculo.

CALCULUS & *renum* & *vesicæ* ut plurimum quoque ortum suum trahere videtur ex conge-
Calcu- stione & stagnatione sanguinis crassioris in reni-
lus. bus; unde tandem calculus, primo renum, dein-
 de & vesicæ emergit, atque gravissima sympto-
 mata, ut dolores, nauseam, vomitum, obstru-
 ctionem urinæ, convulsiones, inflammationes, &c.
 producit. Vesicæ tamen calculus etiam sæpe,
 præsertim in pueris, oritur in vesica, salvis re-
 nibus, quando particulæ terrestres & viscidæ sive
 glutinosæ ibidem hærent atque concresecunt.

XXXIV.

In *Curatione* primum semper respiciendum u-
*Cura-*trum paroxysmus adsit, an a paroxysmo æger
tio in liber sit, atque propterea curatio varianda. In
paro- *paroxysmo calculi*, sive renalis sive vesicæ, an-
xysmo. te omnia alvus per clysteres ex decocto florum
 chamomillæ vel veronicæ cum lacte & melle
 vel saccharo paratos solvatur, iique per aliquot
 dies, si malum non remisit, licet alvus non sit
 obstructa, spasmos leniendi causa, quotidie re-
 petantur: ita dolores plerumque egregie demul-
 centur. Nonnulli, præsertim in calculo renum;
 magnum levamen sentiunt, si mox in principio
 paroxysmi sol. fennæ ℥ss. vel cum aqua vel cum
 cerevisia tenui ℥ss. leniter & per momentum
 decoquant addito paucis saccharo vel mannæ ma-
 ne per unum, alterumve diem ebibunt. Alias
 mox post clysterem vel etiam post operationem pur-
 gationis finitam, exhibeantur *pulveres temperantes*
 aut *antispasmodici*, ex tartaro vitriolato, nitro de-
 purato, lapidibus cancrorum, acido citri saturatis;
 & cinnabari nativa, vel antimonii vel etiam ipsa
 vul-

vulgari ; parati ; de quibus singulo bihorio ʒj. vel in robustioribus ʒʒ. donec calculus expulsus , vel dolores remittant , ex aqua vel decocto convenienti , ægro porrigatur . His *diluentia* & *lubricantia* calida , ut *infusum* Theæ , virgæ aureæ , hederæ terrestris , Coffeæ , Rad. cichorii , liquiritiæ , malvæ , altheæ , pareiræ bravæ aut seminis lini interponantur (a) , ut & *emulsiones dilute* ex amygdalis dulcibus & semine papaveris albi ; quandoque lubricantia atque emollientia , ut olei amygdalarum dulcium vel olei papaveris albi vel olei lini subinde cochlear. j. ij. vel tria in robustioribus exhibeantur : item *decoctum nephriticum Foresti* , aut aliud ex vegetabilibus pectoralibus & lubricantibus paratum , quale nostrum est decoctum pectorale , egregie profunt : de quibus quandoque haustum vel cyathum unum alterumve assumant . In doloribus vehementissimis *anodyna* parva dosi , ut præter sem. papaveris albi in emulsionibus laud. opiat. aut mp. de cynoglossio laudatis pulveribus adjungantur . Vel *liquor terræ foliatæ tartari* cum quinta parte laud. liquid. Sydenhami mixtus , & ad gutt. L. vel LX. subinde datus . Vel si *extract. flor. papav. rh.* vel sem. papaver. albi ʒj. in liquore terræ foliatæ tartari ʒʒ. vel ʒj. solvatur , & eadem ratione per intervalla exhibeatur , egregie his dolores leniuntur , & tamen calculi simul blande promoventur . Hoc papaveris extractum in frequentissimo usu loco opii est supra jam sæpius laudato D. Wagnero , Medico Lubeccensi famigeratissimo , qui illud *opium Europæum* vocare , & egregios effectus in quamplurimis morbis eo præstare

M

stare

(a) *Infusum seminis lini* cum pauco saccharo ac lacte mirabiles præstare effectus in doloribus leniendis , asseverat quoque Sydenham. Cap. de Calc. & Middleton. lib. de Lithotom. pag. 5.

178 *Caput X. de congestionibus*
stare solet. *Externe, balnea aquæ dulcis*, aliave emollientia, ut *oleum lumbricorum terrestrium*, vel *scorpionum*; aut sacculi ex emollientibus herbis ac seminibus confecti, vel cepæ assatæ, regioni dolenti calide sæpius applicentur.

XXXV.

Calculorum exiguorum curatio. Si calculi exigui, tunc, his aliquamdiu præmissis, lenia pellentia subjungenda vel conjungenda: ut præter modo laudatum liquorem terræ foliatæ tartari, tinct. tartari, vel tart. vitriol. vel sal ammon. ad ℥j. vel ʒß. subinde data, vel fructus alkekengi, cythosbati, bacce juniperi, nuclei persicorum vel amygdalæ amaræ, VI. vel VIII. quotidie semel, bis aut ter comesti, vel in emulsione dati; (a) aut semen lithospermi sive milii solis & violarum, vel in pulvere vel in emulsione, una cum balneis tepidis emollientibus & regimine temperato, exhibeantur. In calculis vero magnis a pellentibus abstinendum, & solum lenientia adhibenda. Denique remittente paroxysmo, quia ventriculus in eo ut plurimum debilitatur, stomachica temperata, rursus sunt usurpanda.

XXXVI.

Extra paroxysmum. Extra paroxysmum sanguinis quantitas imminuatur per Venæ sectiones tempore æquinoctii, aut in sanguinis sæpius institutas, quæ valde hic egregiæ; & si forte hæmorrhoides suppressæ, hæc restituantur, aut hirudines ano applicentur: sin vero in mulieribus menses obstructi, hi propriis suis remediis sunt curandi. Quovis porro trimestri spatio aut pro rerum varietate sæpius, infusum laxans ex foliis senæ, rhabarb. manna ac tartaro solubili porrigatur. Quo-

[a] Ut R. nucl. persic. N. XVIII. amygdal. dulc. N. VI. aquæ fragar. ʒj. F. Emulsio; add. sacch. perlat. q. s. ad grat. sapor. D. sæpius haustus, quæ etiam egregie in urina suppressa prodest.

Quotidie pro sanguine viscido diluendo & attenuando bis utatur *potu Theæ , Coffeæ , Veronicæ , hederæ terrestris , virgæ aureæ* , vel *consolidæ saracenica* , cum quo subinde mane lig. terræ foliat. tartari gutt. l. assumantur . *Potus* reliquus sit cerevisia tenuis bene defæcata , vel *aqua* paüco vino mixta ; aut decoctum hordei cum liquirit. passulis & aniso vel fœniculo ; cui moderatus vini tenuis usus , si habetur , & æger ei assuetus est , interponatur . *Vitet* denique nimiam repletionem , & alimenta flatulenta , tenacia , cruda , viscida , farinosa , nimis calefacientia , iram , veneremque nimiam . Singulis hebdomadibus semel bis pro sanguine incidendo & temperando , circa vesperam utatur pulvere temperante , in curatione jam indicato , qui egregie præservat . Ita ¶ *usus aquarum medicatarum* legitimus vere vel æstate in calculis minoribus expellendis perquam est egregius . *Medicamenta* vero *calculus* præsertim majorem frangentia nondum certe cognita sunt , quamvis in Anglia nuper multum rumoris remedium mulieris cujusdam , cui *Stevens* nomen , pro calculo curando & frangendo concitaverit ; (a) hinc ubi calculus major in vesica hæret , medicamentis vix & non nisi sectione ; in renibus vero nulla forte ratione tolli potest , nisi natura in dorso in renum regione sponte suppurationem aut abscessum moveat , per quem educi queat , qua de re vid. Instit. nostræ chirurgicæ .

(a) Conferri tamen meretur exemplum calculi majoris in vesica fracti , quod in Act. Anglican. descripsi , & quo vim frangendi calculum in vesica non impossibilem esse cognovi ; licet ille magis sponte aut vi naturæ , quam medicamentis fuerit comminutus .

XXXVII.

De Hemorrhoidibus cæcis.

Hæmorrhoides cæcæ. *Hæmorrhoides cæcæ* sunt congestiones & stagnationes sanguinis abundantis, in vasis laxis intestini recti, hæmorrhoidalibus dictis, ubi sanguis abundans congestus varia eaque gravia sæpe symptomata, cum primis vero dolores modo minores modo majores inducit. Duplici modo se exhibent: nam vel sub figura *tuberculi* aut *vesiculæ*, sanguine atro repletæ, varicum insiar circa anum se manifestant, & sæpe non adeo vehementer dolent, immo quandoque fere indolentes sunt, interdum tamen satis insigniter dolent, & quoniam ad varicum naturam accedunt, *hæmorrhoides varicosæ* dici possunt: vel *durum inflammatorium tumorem*; ceu furunculum valde dolentem, profundius plerumque in ano sive in ipso intestino recto hærentem, constituunt, qui ægros misere sæpius & quandoque ad animi usque deliquium excruciat, atque facile in suppurationem & fistulam ani abit; hinc *hæmorrhoides inflammatoriæ cæcæ & dolentes* vocantur, a prioribus multum diversæ; cum illæ in suppurationem aut fistulam vix unquam a-beant.

XXXVIII.

Cura-tio varicosa-rum. In prioribus sive *varicosis* vesicula sive tuberculum vel digeritur vel sponte se aperit aut rumpitur, ac plus minusve sanguinis effundit, fiuntque sic ex hæmorrhoidibus cæcis fluentes; & vulnusculum vel sponte rursus glutinatur, vel curatio nisi spiritum vini balsamica eis superimposita requirit. Vel si non sponte rumpatur tuberculum, neque digeratur, sed ægro incommoda, præsertim in facibus deponendis creet, scalpello vel hirudinibus

nibus sanguis in eis stagnans educendus ; aut si in cristatam vel verrucosam , ut quandoque contingit , naturam mutantur , vel per ligaturam vel per idonea rodentia remedia , vel etiam per scalpellum aut forficem auferendæ , & per balsamica deinceps curandæ sunt . Vid. Instit. chirurg. P. II. Cap. 67.

XXXIX.

In hæmorrhoidibus inflammatis , primis quatuor *Cura-* diebus resolutio omni modo est tentanda : id quod *tio hæ-* fit 1. Venæ sectione in pede , vel etiam in bra-*morrhoi-* chio , eaque larga , præsertim , ubi manifesta ad-*idum in* est plethora aut calor ac dolor magnus . 2. Po-*flam-* tiuncula laxante ex tamarindis , foliis sennæ , cre-*mat.* more tartari & manna ; vel clystere emolliente ; purgantia vero resinosa & aloetica aliave calidiora sunt vitanda . 3. *Pulveribus temperantibus* , res-*solventibus* , nitrosis , cinnabarinis sæpius datis , ut in aliis inflammationibus . 4. *Potu diluente* , aquoso , copioso , & emulsionibus , in aliis inflammationibus usitatis & laudatis : ubi etiam *infusum* *tenue millefolii* præ ceteris hoc in casu anodynum & resolvens specificum habetur præstantissimum .

Externe spiritus vini , cum vel sine camphorâ , calide cum linteis complicatis adhibitus , aut aqua calcis vivæ cum spiritu vini camphorato eodem modo usurpata egregie resolvunt ac leniunt . Ita quoque hic conducit celebre unguentum de linaria , vel oleum amygdalarum dulcium vel lini , vel verbasci , vel ovorum sæpius illitum , vel unguentum nutritum ex Oleo solani vel rosarum cum aceto lithargyrifato paratum . *Globulus* quoque vel glans *ex butyro non salito* , tanquam suppositorium ano immissus , egregie etiam hic duras partes emollit & dolores lenit . VA-
LENTINUS his in doloribus fumum sive suffitum *murium ita dictorum marinorum* ano exceptum

valde commendat, (a). qui etiam sæpe non est contemnendus.

X L.

Si in Si vero resolutio obtineri nequeat, vel tardius
suppu- advocati simus, *suppuratio cataplasmatibus emol-*
ratio- *lientibus* lacte paratis est promovenda; quæ si-
nem ab mulac aliquo modo facta, scalpello est aperien-
eunt. da, deinde locus læsus, ut alius abscessus, mun-
 dificandus & consolidandus, cavendumquæ, quan-
 tum fieri potest, ne nimis tarde aperiatur, ne-
 pus pro fundius partes vicinas erodendo in fistu-
 lam ani mali moris degeneret, quæ tristissima sæ-
 pe symptomata, & mortem quandoque ipsam in-
 ducit: qua de re vero uberius legi potest Chirur-
 gia nostra, ubi de fistula, & abscessibus ani agi-
 tur. Part. II. Cap. 168. 169.

X L I.

Prefer- *Preservatio* sanguinis missionibus, præsertim
vatio. circa æquinoctia, scarificationibus, aut hirudinum
 ad anum applicatione, usu prudenti pulverum,
 aliorumque remediorum temperantium, ambula-
 tione frequenti & convenienti, victusque ratione
 optime obtinetur, vitando abusum vini, aliarum-
 que rerum calidiorum, itemque veneris & equi-
 tationis fortioris.

X L I I.

De Arthritide, Podagra & affinibus.

Arthri- *Arthritis, Podagra, Chiragra, & Ischiaticum ma-*
tis, Po- lum, morbi valde affines, a sanguinis quoque a-
dagra, bundantia, ejusque in certis locis congestionibus
Chira- potissimum provenire solent, quando copiosius,
gra. quam

[a] In Polychrest. Exoticis.

quam par est , in locis dolentibus accumulatur . Nam videmus homines victu copioso & lauto utentes , & non satis sese exercentes , insimul baccho & quandoque etiam venere abutentes , eosque quibus hæmorrhoides vel suppressæ , vel ubi rite succedere nolunt , præcipue hisce malis affligi . Natura enim abundantes & noxios humores per extrema & cutis spiracula expellere , seque ab onere hoc liberare velle videtur .

XLIII.

Adeoque *præservandi fine* , cui potissimum in *Præf.* his morbis studendum , simplicissima & pauca *re-atio* media , primo victus moderatus , parvus , temperans ac diluens , frequensque exercitatio , ambulationis , vectio atque equitatio sunt necessaria . Deinde , cæps subinde & præsertim circa æquinoctia sanguis est per Venas subtrahendus : id quod etiam in valde sanguineis interjecto tempore vel eadem ratione , vel si lubet , per scarificationes & cucurbitulas variis in corporis partibus adhibitas , utiliter fieri potest , præmisso præsertim medicamento idoneo alvum blande ducente . Abstineant præterea ab abusu vini , Veneris , & ira , potuque utantur tenui , vel aquoso vel ex cerevisia tenui , & in æstate utantur per duas vel tres hebdomades *aquis medicatis* .

XLIV.

Ad curandos vero arthriticos morbos & speciatim ARTHRITIDEM , facit quam maxime victus tenuis , potus aquæ , imprimis calidæ , ut Theæ , vel decocti radic. polypodii , chinæ , sarsaparillæ , liquiritiæ , aliarum radicum aut herbarum apertientium : Essent. aristolochiæ , pulveres deinde temperantes , antispasmodici , quies in lecto , corpore bene lecto , traspirationis vel blandi sudoris expectatio , & speciatim partibus dolentibus probe contra frigus munitis : vitando externe omnia frigida , pingua , unguenta , emplastra ;

præsertim glutinosa . E contrario partes dolentes tantum pulvinaribus involvantur , aut sacculis herbis resolventibus , vel farina fabarum , tritici , lupini , orobi , aliave simili repletis , calide circumdantur ; cetera enim pleraque , quantopere etiam pro specificis a thrasonibus & empyricis laudentur , plus plerumque nocent quam profunt , noxiamque materiam repellunt .

X L V.

In ac Atque hæc eadem prorsus etiam in **PODAGRA**
essione curanda sunt observanda & facienda ; ea adhuc
poda- adhibita cautela , ut quando ingruentem novum
gra impetum sive paroxysmum sentiant ægri , quod ,
quid fa ut sæpius observavi , cibi fastidium & insolita ar-
eiendū. tuum lassitudo potissimum indicare solent , mox sordes sive cruditates e primis viis idoneo *emetico* , vel si quid vomitum verat , *purgante* ejiciantur , subjuncto altero die mane & post meridiem sudorifero blando : ut essentia quadam diaphoretica & imprimis Essentia aristolochiæ , cum largo aquæ vel decocti calidi potu , ac speciatim decocti radic. chinæ , atque abstinencia a cibis , minimum solidis , aut difficulter digerendis ; vesperi vero pulveris temperantis vel antispasmodici ʒss. ex aqua diaphoretica semel vel bis utantur , ita enim haud raro morbus instans , sive paroxysmus in prima , ut ajunt , herba suffocatur , prævertitur , atque omnino extirpatur , vel salem valde minuitur .

X L V I.

In paro In *paroxysmo* vero rursus omnium optime con-
xyfmo veniunt 1. *abstinencia* aliquot dierum , vel saltem victus admodum tenuis & parvus ; 2. *potus aqueus* , largus , ac præsertim calidus , cum primis decoctum radic. chinæ sæpe jam laudatum , ac simul 3. præsertim matutino tempore , Essentia aristolochiæ vel longæ vel rotundæ , vel clematidis , pro malo per diaphoresin aut blandum sudorem

rem

rem expellendo ; interpositis 4. subinde , præsertim si febricula urget , *pulveribus* illis *diaphoreticis* ac *temperantibus* , pro febre non proptus supprimenda , sed moderanda , observato semper & cum primis matutino tempore , in lecto , regimine blando sudorifero ; vitatis 5. omnibus , *quæ materiam noxiæ repellere possunt* , ut frigore , & remediis quibuscumque externis , solis pulvinaribus & sacculis laudatis exceptis , quæ diaphoresin non impediunt , sed promovent & conservant .

XLVII.

Podagra tamen , quod probe observandum , non *Podagra* semper a sanguinis abundantia , ut multi male do-
cent , oritur , sed haud raro quoque in emaciatissimis acri debilibus & haud plethoricis , verum quorum tan-
guis acribus ac biliosis salibus scatet , observatur , *vel pe-*
qui forte sæpius vel vino aliisve potibus spirituo-
sis se obruerunt , vel cibis falsis aut acribus ni-
mis delectati , vel iræ nimis dediti fuerunt , vel *ratio.*
nimia venere vires exhauserunt , vel etiam hæ-
reditate a parentibus acrem ejusmodi ac vitiosum
sanguinem acquisiverunt ; ubi *alia longe ratione*
& *præservatio* & *curatio est instituenda* : & quidem
non per sanguinis missiones , aliæve evacuantia for-
tiora aut frequentiora , quæ humores minuunt ,
& quæ ad præcedentem podagræ speciem aver-
tendam facere solent , verum per blande demul-
centia , acrimoniam humorum temperantia , cor-
pus macilentum ac debile blande nutrientia &
vires restituentia : inter quæ præter alimenta
blanda , principem sibi locum vindicat *conveniens*
lactis usus , sive cura , ut vocatur , *lactea* , eique
usui præ ceteris & Hippocrates lib. de articulat.
& CELSUS lib. IV. Cap. 24. & GALENUS l.
Alim. 7. meth. 6. & PLINIUS lib. 28. & Fr.
HOFFMANNUS , diss. de lactis asinini usu &
diss. de Podagra præservanda , alique lac asini-
num commendant , quod ter in die a libra una ad li-
bras

186 *Caput X. de congestionib. & doloribus.*
bras duas assumunt, quamvis & a vaccino egregios
effectus in hoc malo notaverim.

XLVIII.

*Cura-
tio ma-
li is-
chiati-
ci.*

De Ischiatico malo.

Ischiaticum malum, quia a congestione sanguinis
abundantis & visceris in vasis circa annum ortum
trahit, eodem prorsus modo, ut §. XLVI. do-
cuimus, optime curatur, & cum hoc in malo
natura sanguinis circa intestinum rectum congesti
exitum per vasa hemorrhoidalia moliatur, præ-
servandi gratia, aut ejus fluxus idoneis medica-
mentis, præsertim si alias & sæpius forte jam flu-
xerint hemorrhoides, est instaurandus; vel hiru-
dines ano applicandæ; vel si id fieri non possit,
vel ob certas rationes Medico vel egro hunc flu-
xum excitare haud opportunum videatur, san-
guis abundans, vel venæ sectione vel cucurbitulis
sæpe detrahi debet, ceteraque omnia ea sunt fa-
cienda, quæ ad quoscumque morbos, a plethora
sive abundantia sanguinis oriundos, præcavendos
sæpe jam proposuimus. Conf. potissimum Cap. I.
§. VIII. ad XII.

C A P U T XI.

De Cachexia & cachecticis affectibus.

I.

*Quid
affe-
ctus ca-
checti-
ci &
qui.*

CACHEXIA sive cachectici affectus sanguinis
pravam qualitatem, eamque maxime pituito-
sam sive serosam, ac visceris, una sæpe cum ni-
mia copia indicant, eorumque præcipui sunt ca-
chexia ipsa, κατ' ἐξοχήν sive proprie ita dicta,
œdema

œdema , *chlorosis virginum* , *hydrops* , *leucophlegmatia* , *anasarca* , *ascites* , & *hydropes particulares* , *capitis* , *pectoris* , *pericardii* , *scroti* , *ovariorum* , &c. gradu & loco diversi , & se invicem vel comitantes , vel subsequentes : quibus vero cachecticis morbis jure adhuc addi possunt *icterus* , *scabies* , *scorbutus* , *morbi venerei* , & *fluor albus* in mulieribus ; quia prave sanguinis qualitati ortum debent .

II.

Obnoxii sunt his morbis cachecticis prioris ordinis proprie ita dictis , maxime phlegmatici & sanguinei , præsertim viri quibus hæmorrhoides , & mulieres quibus menses vel suppressi , vel nimis fluxerunt ; senes item præ juvenibus , itemque in quibus febres intermittentes vel neglectæ vel male curatæ , aut incongrue cohibitæ aut nimis tarde curatæ sunt ; aut etiam qui malam victus rationem in intermittentibus servarunt , ut & quibus *scabies incongruis remediis* , præsertim sulphureis , aut mercurialibus externis , corpore nondum satis purgato , curata , & sic quasi repulsa fuit .

III.

Causa proxima cachexiæ sunt humores phlegmatici , pituitosi , viscosi , abundantes , partiumque solidarum relaxatio ac debilitas , quam multæ aliæ , tanquam *causæ antecedentes & remotæ* , prægredi possunt : ut refrigeratio nimia , quies nimia , prava & crassa diæta , aut nimis refrigerans ; *potus nimis* quicumque vel aquosorum vel spirituosorum , imprimis spiritus vini , adeoque & *crapula frequens* ; hæmorrhagiæ itidem quæcumque nimix , obstructions in hepate , pulmonibus , liene , utero , aut alio viscere , hæmorrhoides & menses suppressi , phthisis , asthma , & alia .

IV.

Quo pejor causa , eo periculosior atque difficili-
 Progn-
 lior est curatio , & hinc sæpe affectus sunt valde sis .

con-

contumaces aut prorsus insanabiles . Qui tamen a causis externis , refrigeratione aut refrigerantium abusu , itemque a febribus intermittentibus , & potu in eis nimio ortum duxerunt , visceribus adhuc integris , itemque quando ægri adhuc sunt juvenes , facilius quam ceteri , curationem admittant . Quo majori in gradu sunt hæc mala & quo magis inveterata , eo difficilius curantur . Ægri quo seniores , eo morbi hi curatu difficiliore . Si post pedum oedema reliquum etiam corpus & præcipue interiora quoque afficiuntur , malum est , & ex cachexia hydropes , asthma , aliaque mala oriuntur . Ubi vero viscera adsunt corrupta , hoc est , vel scirrhus vel ulcere obfessa , eaque jam inveterata , plerumque nulla , vel saltem difficilis & rara , superest curatio .

V.

In curatione cachexiæ generatim pituitosa sive vitiosa Cura-scida sanguinis & humorum qualitas attenuanda est & corrigenda , partesque solidæ laxæ seu debiles roborandæ . Illud fit 1. per salia alcalica fixa & media , vulgo digestiva dicta , ut sunt sal absinthii , card. benedicti , &c. tartarus vitriolatus , arcanum duplicatum , tartarus tartarizatus , terra foliata tartari , nitrum antimoniatum , &c. in forma pulveris ; vel arcanum tartari , aut tinctura aperitiva Mœbii , vel liquor terræ foliatæ tartari , in forma liquida , bis , terve in die apta dosi exhibita .

2. Per certa quædam corpora gummosa , ut gumi ammoniacum , galbanum , hederæ , itemque myrrhata , aloetica , & succinata , maxime in forma pilularum : ut sunt pilule balsamicae Beccherianæ , Stahlianæ aliæque similes , noctu præsertim per aliquod tempus datæ .

3. Per herbas ac radices amaras & aromaticas , ut herb. absinthii , card. benedicti , centauri minoris , trifolii fibrini , fumariz , rosmarini , salviæ capilli veneris , itemque per herbas antiscorbuticas dictas , ut sunt cochlearia , nasturtia omnia ,

car-

cardamine , acriviola sive cardamindum , lepidium sive piperitis , draco herba sive Draconia , sedum vermiculare acre , armoracia sive raphanus marinus , ut & radices attenuantes , ut pimpinellæ albæ , helenii , vincetoxici , gentianæ , cichorii , bardanæ , aristolochiæ , rhabbarbari , ari , quinque apertientes , sub forma infusorum , decoctorum , aut vini medicati .

4. *Per ligna ita dicta antivenerea* sive exsiccantia ut lignum quaiaci , saffrafas , juniperi , santalum citrinum , juncta uni alterive e radicibus modo laudatis , sub infusi vel decocti forma .

5. *Aromatica* , ut cinnamomum , cardamomum , calamus aromaticus , caryophilli , schoenanthum , piper , zingiber , zedoaria , galanga , macis , bacc. juniper. sem. 4. carminativa , dauci cretici , corticis citr. & aurantiorum , cascarillæ , chinæ , in infusis pulveribus , trageis , item pulvis stomachal. Birkim. & cachectic. Quercetani , Tragea aromat. Augustanorum , species diacynamomi , diagalangæ , &c.

6. *Tinctura atque Essentia attenuantes & resolventes* , ut tinctura tartari , tinctura antimonii tartarifata , Elixirium proprietatis , Essentia lignorum , ligni saffrafas , succini , scordii , fumaricæ , trifolii fibrini , pimpinellæ albæ , helenii , alexipharmaca , absinthii , cardamomi , corticis aurantiorum , rhabbarbari .

7. *Omnia extracta amara , roborantia & aromatica* , ut absinth. card. bened. cascarill. millefolii , gentianæ , cent. min. trifol. fibrin. galangæ , calam. aromatici ; vel in forma electuarii , vel pilularum , præsertim cum aloe , myrrha aliisque gummatis mixta ; vel etiam in aquis idoneis stomachicis vel vino hispanico soluta , admodum Elix. visceralis celebr. Hoffmanni .

VI.

Eva-

Postquam sic horum aliquamdiu continuato usu *cuan-*
pituitosi humores attenuati sive correcti , superva- *tium*
canea *usos* .

canæ abundans & resoluta eorum pars *evacuanda* ; vel per infusa aut vina laxantia , vel per pilulas varias sæpe jam & adhuc §. V. modo laudatas . Quæ vero in robustioribus resin. jalapæ vel scammonii vel diagrydii , elaterii , trochisc. alhand. aut gummi guttæ aliquot granis pro ægrorum diversitate acui possunt , & subinde corrigentibus medicamentis interponi . Huic etiam scopo egregie haud raro satisfaciunt *emetica* , ex observatione præstantissimi Sydenhami , *VVerlhesii* , nostra aliorumque , præsertim in iis , qui facile vomunt : ubi inprimis *aqua benedicta Rulandi* ab ℥i℥. ℥℥. ad ℥iij. humores abundantes , tam sursum quam deorsum , optime expellit , maxime si alternis diebus , vel etiam pro virium ratione longioribus intervallis repetitur : cum primis si observamus malum a prioribus dosibus minui .

VII.

His (§. V. & VI.) aliquamdiu usurpatis , si æger inde melius rursus se habet , ultimo *tonus partium* debilitatus *denuo roborandus* est , & quidem interne per blanda martialia , aromatica , & amara , ut tincturam vitrioli martis Zvvelferi , tincturam martis cydoniatam , limaturam martis cum elæosaccharo vel extractis amaris , (a) crocum martis aperitivum cum salibus herbarum ; vel per Mixturam tonicam , ex spiritu C. C. cum tinctura tartari remixto , vel ex Essentia absinthii composita cum Essentia chinæ aut cascarillæ , vel & vina medicata amara & roborantia , quibus itidem cort. peruv. admiscendus , aliæque similia . Ita & *usus aquarum mineralium* , præsertim martialium aut thermarum legitimus ac circumspectus , ubi viscera adhuc integra sunt , & æger se movere valet , sæpe perquam egregius est , alias vero ubi viscera corrupta , aut æger jam nimis debi-

(a) Confer. Cap. X. §. XXI.

debilis , potius omittenda , ne ægrum , quem servare non possumus , occidisse videamur .

V I I I .

Externe fricationes pedum sæpe instituantur , iique , si indecore intumescunt , fasciis expellentibus dictis , idoneo modo involvantur , vel aptis machinis ex corio vel linteo ad modum tibialium constructis , de quibus vid. Institut. nostræ chirurgicæ , Tab. 36. Fig. 11. coerceantur .

Remedia externa & digesta .

Dieta sit parca , facilis digestionis & leniter calefaciens ; vitentur cruda , crassa , frigida , fractus horæi , acida , & refrigeratio . Conducunt vero calor moderatus , aromata , potus vini generosi in pastu vel meri , vel medicati , & motus frequens corporis .

I X .

Si *cachexia a febris intermitentibus inveteratis* , Cache-
vel male tractatis oriatur , primò ad humores noxios *xia a*
evacuandos lenia laxantia , ut pilulæ tartareæ , ex-*febri-*
tract. panchym. Crollii , pilulæ nostræ polychrestæ , *bus.*
Beccherianæ , aliæve similes dandæ , ac deinde medicamenta antifebrilia , salina & amara , quo & tandem cortic. aurantiorum , cortex peruvianus & cascarillæ pertinent , sæpius usurpata , maxime conducunt , & præsertim etiam vina medicata , quæ præter alia amara , modo laudati cortices ingredientur .

X .

Si *ab hæmorrhoidibus suppressis* , tunc præmissis *Ab hæ-*
attenuantibus & evacuantibus §. V. vel VI. specia-*mor-*
tim hæmorrhoides pellentibus supra Cap. VI. §. IX. *rhoidi-*
& XVI. indicatis , curatio est instituenda , & si hæ-*bus aut*
morrhoides ab his non revocentur , & tamen eas *mensi-*
revocare velimus , *hirudines ano applicandæ* , vel *bus*
venulæ tumentes scalpello aperiendæ , aut si hoc no-*sup-*
limus , earum loco Venæ sectio in pede est insti-*pressis.*
tuenda , quæ deinde præservationis gratia circa æqui-
noctia repetenda , subjunctis postea modo §. VII. lau-
datis remediis , idoneo victu & motu frequenti .

Cache-

Cachexia a mensibus suppressis vel inordinatis quoque requirit, ut fluxus eorum restituatur atque in ordinem redigatur: quod qua ratione fieri debeat, dictum est Cap. IX. N. VIII. & sequentibus: quibus postea modo dicta roborantia sive tonica cum eodem regimine subjungenda.

X I.

Si ab hæmorrhagiis nimis prægressis cachexia oriatur, temperata blanda analeptica, emulsiones, gelatinæ, & juscula, maxime vero moderata diætæ adhibenda, ne copiosioribus alimentis chylus crudus indigestusque nimia copia generetur: quapropter & blanda stomachica, ac roborantia, præsertim amara, itemque mixtura tonica sunt suadenda, vitando calidiora aromatica & spirituosæ, ne novus orgasmus aut ebullitio in sanguine exciteretur, quæ alias novam facile hæmorrhagiam concitaret. Vinum rubrum bonæ notæ aqua temperatam subinde modica copia roborandi fine concedi quoque potest.

X II.

Si a scabie repulsa, purgantia mercurialia & diaphoretica, sæpe jam laudata, alternatim adhibenda, speciatim vero inter diaphoretica Effluentia helenii & fumariz, itemque decocta lignorum, sive infusa eorum pugillaria calida, cum leni sudoris, matutino præsertim tempore, regimine, reliquis palmam præripiunt. His denique Mixtura tonica aliave roborantia subjungenda.

XIII.

De Chlorosi.

Chlorosis. In cachexia virginum sive CHLOROSI eodem fere modo procedendum, ut §. V. ad VIII. in cachexia generatim diximus: attenuantibus scilicet,

et , evacuantibus , roborantibus , bonaque diæta , & motu corporis . Speciatim vero si a *mensibus suppressis* oriatur , post idonea attenuantia & evacuantia , danda sunt tempore instantium mensium menses moventia cap. IX. §. VIII. & seq. adhibenda sæpe pediluvia , immo & V. S. in pede versus tempus menstruum , præsertim in plethoricis . Quandoque , cumprimis si viscera adhuc sunt sana , potus legitimus *aquarum mineralium* , præsertim *martialium* , vel etiam *thermarum* usus , immo & *curatio per limaturam martis* subtilissime tritam , cum amaris vel aromaticis instituta Cap. X. §. XXI. valde conducit ; sin vero hæc non sufficiant , aut ægræ ea adhibere nequeant , matrimonium in hoc morbo remedium est ut plurimum certissimum & probatissimum .

XIV.

De Oedemate .

Speciatim vero in OEDEMATE curatio inter- *Oede-*
na per attenuantia , amara & resolventia , ut in *ma .*
cachexia §. V. ad VIII. incipi debet , & deinde laxantia sæpius interponi ; vel etiam pro re nata mox laxantia & attenuantia conjungi possunt , vel sub forma iptusi aut vini medicati laxantis , vel pilularum balsamicarum Beccheri aut similium , pedesque *fasciis* simul involvendi , vel peculiaribus tibialibus coercendi , exque matutino semper tempore denuo firmandæ , si ægri eas sine incommodo & præsertim sine spirandi difficultate ferre possunt , atque a frigore probe defendendi . *Aquarum martialium* , vel & *thermarum* legitimus usus hic quoque perquam est egregius .

Sed si post febrem intermittentem oriatur oedema , roborantia amara & aromatica , interpolitis subinde

de laxantibus continuanda, pedes sæpe fricandi, corpusque motu frequenti probe exercendum. Quod si autem febris simul adhuc adsit, præter dicta ipso cortice peruviano, præmissis tamen præmittendis, & febris & œdema, immo & hydrops febris superveniens, sunt curanda. (a)

Oede- Si ab hæmorrhoidibus vel mensibus suppressis, hi
ma a debitis remediis, Cap. IX. §. VIII. ad XVI. propo-
fluxi- sitis, sunt restituendi, & si malum nondum in-
bus sup veteratum, Venæ sectio in pede apud plethoricos
pressis. locum quoque habere potest; sin vero jam inve-
teratum, aut egri valde jam debiles, Venæ sectio
nocet, immo quandoque sphacelum in pede, ut
ipse vidi, & mortem inducit.

Moni- Cavendum, ne œdema facile solis externis, præ-
tum de fertim frigidis aut adstringentibus, aut emplastris
exter- tractetur; quia his humores vitiosi ad nobiliores &
nis re- internas partes facile repelluntur, atque asthma,
mediis. hydrops, inflammationes internæ, polypi cordis,
catarrhus suffocativus, apoplexiæ & mors sæpe in-
ducuntur. Medicamenta vero externa maxime ido-
nea in Institutionibus chirurgicis nostris indicata
sunt Part. I. Lib. IV. Cap. XVII. p. 347.

XV.

De Hydrope.

Hydro- In HYDROPE, sive *Leucophlegmatis*, aut *Ana-*
ps ana. *sarca* sit, sive *Ascites*, curatio iisdem fere reme-
sarca diis est instituenda, quæ in curatione cachexiæ ge-
ascites. nerali §. V. ad VIII. hujus capituli indicata sunt:
nam & hic humores pituitosi & abundantes par-
tim

[a] Conf. filii mei *πύρ & αἷμα* Diff. de quartana
& hydrope cort. peruv. curatis, Anno 1740, Helm-
stadii impressa.

tim corrigendi , partim evacuandi sunt , partisque debilitatæ tandem rursus roborandæ . *Evacuatio* tamen abundantium humorum , urgente malo , sæpe præmittenda est correctioni , aut conjungenda , aut saltem per intervalla interponenda .

Maxime vero hic notandum , quod ex Sydenhamii observatione evacuatio sæpe , præsertim si ætur sub gri haud difficulter vomunt , egregie per emetica inde obtineatur , & imprimis per *aquam benedictam meti-* *Rulandi* , apta , at tamen satis larga dosi ab ℥ij. scilicet ad ℥iij. alternis diebus aliquamdiu , vel & pro virium ratione tertio quovis die mane exhibitam : interpositis deinde semper amaris , roborantibus , tonicis , ac diureticis laudatis : ita enim quotidie fere aut post singulum usum aquæ illius benedictæ tumores & ventris & pedum minui sæpe observantur . Ergo ubi hunc modum ægro prodèsse conspiciamus , (nam non semper succedit) continuandus erit .

XVI.

Sed si hic curandi modus minus arrideat , aut æger nimis difficulter vomat , aut eo uti nolit , *Alii modi .* vel etiam adhibitus nihil proficiat , pro diversa *dis-* *positione ægri vel ad sudorem vel diuresin facilem , vel ad alvum laxam* , evacuatio nunc melius per sudorem , nunc per diuretica , nunc per purgantia instituitur : atque hic imprimis valet illud dictum HIPPOCRATIS , *quo natura vergit , ducenda .* *Quam-* *Maxime vero in anasarca sudorifera vel sola , vel doque* *roborantibus combinata , egregie sæpe præfunt , sudori-* *præsertim ex decocto ligni quaiaci , vel sassafras feris .* sine vel cum radice bistortæ & cinamomo , vel cortice aurantiorum vel baccis juniperi , [quæ simul diuretica sunt] aliisve gratis aromatibus parata , cum regimine sudorifero : quorum virtus multum augetur , si simul semper cum hoc decocto Essentiæ lignorum , pimpinellæ vel alexipharmacæ apta dosi assumatur .

Cura- Si *urina* adhuc bene & facile procedit, curatio
per per *diuretica* institui potest, ac *diuretica vino rhe-*
diure- nano, in pauperibus autem cerevisiæ tenui infu-
tica sa; ut radix vincetox. levistici, asparagi, petro-
 selini, rusci, ononidis, bacce juniperi, alkeken-
 gi, &c. optime prosunt, si sæpius in die ℥ij. vel
 ℥iii. bibantur; vel *lixivia*, præsertim illud quod
 SYDENHAMUS in hydrope commendat, quo-
 que conducunt: (a) itemque *salia media diure-*
tica subinde exhibita, vel liquor terræ foliatæ tar-
 tاري, Tinctura antimonii acris, vel aperitiva Moe-
 bii, ut & succ. raphani vulgaris vel marini, qui
 armoracia dicitur, vel cum saccharo vel vino re-
 mixtus, sæpeque assumtus.

Electuaria quoque ex conservis & extractis ama-
 ris ad modum Sydenhamii parata, corrigendo hu-
 mores vitiosos, urinam movendo atque partes la-
 xas roborando sæpe sunt egregia.

Si *astus aut sitis vehemens agros affligit*, sali-
 bus illis diureticis mediis nitrum jungi & subinde
 præsertim vesperi exhiberi debet,

Cura- Quando *agri alvum habent laxam, aut alias fa-*
per cile purgantur, medicamenta alvum ducentia ea-
purgan- que paullo fortiora, ut elaterium, vel gummi
tia. guttæ, aliave resinosa purgantia, quo cumprimis
 etiam pertinent *pilula hydropica Bontii* a ℥℥. ad ℥j.
 exhibitæ, (b) sufficienti copia sæpius danda; cum-
 primis si illa commodè ferunt & levamen inde
 sentiunt, interpositis tamen & subjunctis antea
 lau-

(a) Quod ita se habet. R. Ciner. genist. ℥j.
 infunde vini Rhenani ℥. iv. frigide, stent per
 noctem; postea liquoris filtrati ℥iii. mane & ve-
 speris hora quarta vel quinta bibantur. [b] Vide
 eorum præparationem in *Junchenii lexico-Chym.*

laudatis amaris, roborantibus, diureticis, martialibus. Nonnulli hic etiam eundem in finem infusum *radicis bryonia* valde commendant, Alii succum *radicis iridis palustris luteæ*, (a) alii vero pulverem *gratiola* ad ʒi℞. vel ʒij. mane ex vino. Lenibus vero purgantibus plerumque nihil boni his in morbis effici solet. Conf. *Sydenham.* de Hydrope, qui aut fortiter aut nunquam hic purgandum esse statuit.

XIX.

Si *hydrops a febre intermittente ortus est*, vel *Cara-febris* intermittens simul adhuc continuat, tinctio *hy-utramque*, gravissimum quamvis malum, *divinidropis corticis peruviani legitimo usu* sæpe simul tolli a febre. potest, non neglecto tamen & aliorum roborantium idoneorum recto usu. Qua de re vid. filii *dissert.* de quartana & Hydrope per corticem *peruvianum* curatis, An. 1740. edita.

XX.

Dieta servanda bona, motus corporis, quantum Diæa fieri potest, præsertim quando se movere adhuc Hydro- possunt, frequenter instituitur; alimenta *aromatipico-* bus sint condita, *vinum generosum*, cum primis *rhe-rum*. nanum, modice usurpetur, præsertim herb. *absinth.* bacc. *junip.* & cortic. *aurant.* immo & cortice *paruviano* ac *cascaillæ imprægnatum*; ubi vero in pauperibus loco vini, *cerevisia diuretica* bonæ notæ sumi potest. *Cerevisia* vero recens & feculenta omnisque potus refrigerans & nimius itemque spiritus vini vitetur. Si vero his non cedit, in *ascite* mature ad *paracentesin*, est confugiendum, de qua vid. *Chirurgia nostra*, non neglectis tamen interea & post eam remediis idoneis & apta victus ratione, ut modo præcepimus.

N 3

XXI.

(a) Commodam ejus præparationem & usum cel. *Verlhofius* observ. de febr. pag. 60. docuit.

Hydro- *Hydopes particulares, ut hydrocephalus, hydrops*
pes par. pectoris, hydrocele, &c. interne eodem modo tra-
ticula. Etandi ac cachexia vel hydrops universalis. Re-
res. liqua vero, & præsertim externa, si interna illa
parum proficiunt, ex Chirurgiæ nostris institut.
peti possunt.

XXII.

De Tympanite.

Tympanitis. In TYMPANITE, quia humores pituitosi, re-
 laxatio toni viscerum & flatus in causa sunt,
 qui intestina flaccida & ventrem adeo distendunt,
 roborantia sive tonica & carminativa, resolventi-
 bus, amaris & salinis in hydropse laudatis miscen-
 da vel interponenda, ut Essent. cortic. aurant. flor.
 chamomill. Essent. & spiritus carminat. &c. item
 limatura martis cum extractis amaris, ad modum
 Sydenhamii pro tono partium roborando, vel in
 forma pilularum vel Electuarii valde hic condu-
 cit. Singulo triduo vel quatruiduo laxans vel e pi-
 lulis lenioribus, utpote balsamicis aliisve simili-
 bus, vel pulvere e jalapa & mercurio dulci, vel
 sale amaro cathartico exhibeatur: hisque per duas
 tresve hebdomades aut diutius prout necessitas exi-
 get, continetur; postea vero prælaudata tonica
 sive roborantia, servato eodem regimine ac dicta
 ut in cachexia & hydropse, subjungantur. Abdo-
 mini, olea destillata & balsama carminativa ca-
 lide sæpe illini debent; vel emplastrum de cumi-
 no aut de baccis lauri, vel diasaponis imponi
 potest. Si alvus obstructa negotium facit, vel
 indicato purgante vel clystere carminativo, quo-
 ties opus est, solvatur.

XXIII.

De Ictero.

ICTERUS est cachexiæ species, in qua biliosæ *Icte-*
 particulæ copiosius quam par est, per sanguinem *rus.*
 totumque corpus, ac speciatim faciem & oculos
 diffunduntur, vel ob viarum biliarium in hepate
 obstructionem, vel hepatis spasmodicam constri-
 ctionem, unde transitus bilis ex vena portæ in
 ductus biliarios impeditur, eaque hinc per venam
 cavam ex hepate ad cor abire cogitur, unde per
 totum corpus diffunditur, cutemque, oculos &
 urinam potissimum colore flavo tingit.

XXIV.

In *curatione* bilis & sanguis tenax ac viscidus *Ejus*
 iisdem remediis, ut in cachexia, §. V. ad VIII. *cura-*
 dictum est, attenuandus ac resolvendus, maxime *tio.*
 salibus digestivis, Essentiis amaris, & infusis ra-
 dicum & herbarum attenuantium aquosis, ad mo-
 dum Theæ usurpatis, quibus ipsis etiam constri-
 ctio hepatis moderatur, & icterus plerumque opti-
 me tollitur. Speciatim vero præter modo indica-
 ta, hic egregie profunt radic. rhei, curcumæ,
 chelidon. majoris, dulcamaræ, (a) pimpinellæ al-
 bæ, herb. marrubb. alb. hepaticæ nobilis, linguæ
 cervinæ, capilli veneris, cardui benedicti, *Ani-*
ma seu *Essentia rhabarbar*, aqua poratæ cochlea-
 tim usurpata, & denique *millepedes* vel in pul-
 vere, vel electuario, vel succus eorum expres-
 sus, cum regimine diaphoretico, ita enim parti-
 culæ sanguinis & bilis viscidæ ac stagnantes re-
 solvuntur, atque per ductus biliarios & cutim

N 4

sen-

(a) Hæc radix valde commendata est a *Pekker*o in
 Exercit. pract.

sensim expelluntur. Idem etiam obtineri potest legitimo usu aquarum medicatarum, quæ hic quoque valde egregiæ. Sapo tandem bene præparatus & purus, ac præsertim venetus aut hispanicus a 3℥. ad 3j. bis terve in die exhibitus, non omissis infusis aqueis laudatis, tam in ictero, quam aliis cachexiis atque obstructionibus, ob vim ejus attenuantem, resolventem ac diureticam, valde hic prodest. Ita etiam cortex peruvianus cum salibus neutris sive mediis, tanquam insigne specificum in hoc morbo a quibusdam valde laudatur. Vid. *Camerarii* de hoc argumento peculiaris dissertatio.

XXV.

Si alvus hoc in morbo, ut plerumque fit, non rite succedit, dum feces alba, dura & sicca, ut in canibus plerumque esse solet, rhabarbarum vel in pulvere vel in Essentia aquosa, vel in decocto sive potiuncula, sine vel cum foliis sennæ, datum optime prodest: id quod etiam reliquis remediis, præsertim si morbus ab ira ortus est, sæpius interponendum.

Quando icterum astus & sitis febrilis comitatur, salibus digestivis, nitrum & antimonium diaphoreticum, addenda, potusque sufficiens aqueus temperatus commendandus.

Vomitoria purgantia fortiora, sudorque, tam per medicamenta calidiora, quam per regimen coactus, plerumque nocent; lenis vero sudor seu transpiratio paullo auctior, mane, præsertim in lecto, aqueis præsertim calidis producta confert.

Dieta tenuis ac parca, quæ in aliis cachexiis convenit, cum potu sufficienti tenui, itemque motus corporis frequens hic valde sunt necessaria, ira vero ac tristitia, ut & quies nimia, sunt fugienda.

XXVI.

De Scabie.

SCABIEM quoque, [quæ cachexiæ species est Scabium acrimonia] interne eadem fere remedia faciunt, quæ contra cachexiam in universum §. ra.

V. ad VIII. proposita sunt: imprimis vero Essentia, pulveres & decocta vel infusa diaphoretica, ac speciatim Essentia fumaris, helenii, scordii, alexipharmaca, succini, lignorum, ligni sassafras, Tinctura antimonii tartarifata, lapides cancrorum, antimonium diaphoreticum, antimonium crudum, & flores sulphuris parca dosi remixti, decocta radicum & lignorum, speciatim radice lapathi acuti, cum regimine diaphoretico, non sudatorio, præmissis atque interpositis purgantibus ad materiam vitiosam evacuandam, quæ semper *mercurius dulcis* ingredi debet, egregie hic conducunt: hisque aliquamdiu, observata simul bona diæta, continuatis, levior scabies, sine externis etiam adhibitis remediis, sæpe cedit.

XXVII.

Quod si vero hoc non fiat, sed scabies pertinacior sit, atque prædicta remedia per dies circiter quatuordecim adhibita fuerint, externe vel unguento ex sulphure & axungia porcina, vel quod fere melius adhuc est, unguento mercuriali partes affectæ, imprimis articuli, quotidie semel vel bis calide inungi, & mane rursus vel sapone, vel fursuribus ex amygdalis, præsertim amaris, vel decocto avenæ, vel aqua calcis vivæ, vel lixivio antimonii diaphoretici, aut lixivio sulphuris aqua calcis vivæ parato, aut decocto radice lapathi acuti, vel enulæ, vel herba saponariæ aut scabiosæ, admixto paucis nitro antimoniato, tepide ablu

lui possunt, continuatis interea prædictis purificantibus medicamentis internis, donec malum omnino cedat.

XXVIII.

Ferina cura- tio. In *scabie maligna*, inveterata *sive ferina* interne etiam, præter dicta, medicamenta mercurialia, alterandi sine, ut mercurius dulcis, parca dosi, mane & vesperi, vel solus vel cum sulphure antimonii remixtus, cum fructu dantur; vel si ægri sint habitus *scorbutici*, succi recentes herbarum antiscorbuticarum, ut cochleariæ, nasturtii, acetosellæ, numulariæ, &c. cum jusculis carniū vel sero lactis mane dati & aliquandiu continuati, valde hic sæpe profunt; quibus Essentia fumaricæ cum spiritu cochleariæ parata, ante meridiem & circa vesperum optime jungitur.

XXIX.

Cura- tio sca- bie ve- nereæ. In *venerea scabie* frequens & moderatus usus mercurii dulcis mane scilicet & vesperi, cum vel sine sulphure antimonii, purgationes mercuriales sæpe repetitæ, decocta lignorum ac radicum haudata, cum regimine diaphoretico paullo fortiori, præsertim mane in lecto, prædictæ essentiæ & unguentum aliquod mercuriale plerumque sufficiunt. Si vero malum gravius, aliaque adhuc morbi venerici symptomata adsint, curatio ut in ipsa lue venerea adhibenda.

XXX.

Vitan- da in scabie. In *omni scabie vitandum* est frigus, cibi falsi, aromatici, acres; caro suilla, aliaque sale vel fumo indurata, & nimia repletio, caveantque ægri, ne malum, partes prurientes sæpius aut vehementius scalpendo, exacerbent.

XXXI.

Retro- pulsa tracta- tio. Quando a *scabie intempestive retropulsa* symptomata oriuntur, ut capitis dolores, difficilis respiratio, angustię præcordiorum, febres, epilepsia, asthma, &c. frigus vitandum; calor moderatus exter-
nus

nus & remedia diaphoretica cum decoctis lignorum in lecto sunt adhibenda, ut essentia quædam diaphoretica; & pulvis ex lapidibus cancrorum, antimonio diaphoretico, arcan. duplicat. cum parca copia mercurii dulcis & floribus sulphuris. Quod si vero ægrum calor simul febrilis scabie repulsa invasit, loco sulphuris pulveribus prædictis parum nitri admiscendum. *Numquam igitur curatio affectuum scabiosorum externis, præsertim mercurialibus aut sulphuratis incipienda, quia scabiem repellunt, & varia periculosa symptomata, immo ipsam mortem sæpe, præsertim in infantibus & debilioribus producant.*

Sanguineis & succulentis præsertim, scarificationibus alias jam assuetis, *scarificationes* quoque in scabie valde profunt, quæ malum jam ad cutem propulsum melius educunt, quam Venæ sectio.

XXXII.

De Scorbuto.

SCORBUTUS est cachexiæ species, in qua sanguis spissus, quasi coagulatus sive grumosus & ad motum ineptus videtur, atque singularem corruptionem, & quasi putredinem, cum acrimonia, *modo alcalica* sive calida, *modo acida* sive frigida, *modo falsa*, concipit: unde dolores, maculæ rubræ aut lividæ in artubus, ulcera mali moris, foetida, cruentationes & erosiones gingivarum ac dentium, os foetidum, debilitas & lassitudo totius corporis, anxietates circa præcordia, aliæque symptomata proveniunt.

XXXIII.

Dividi mea quidem sententia, optime potest *Ejus* in *alcalicum* sive calidum; *acidum* sive frigidum, *divi-* & *falsum*, ubi ægris sapor falsus semper in ore *sio* & adest *caussa*.

adest. *Causa scorbuti calidi sive alcalini* est nimia copia salium alcalinorum in sanguine, eoque calidioris temperamenti homines corripuntur, itemque illi, qui in calidiores, remotiores regiones iter per mare faciunt: ubi salia sanguinis per calorem nimium in alcalica transmutantur, quæ deinde effectus scorbuti producant. E contrario *scorbutus frigidus sive acidus* in frigidioribus potissimum regionibus dominatur, & non solum harum incolas, ac præsertim qui circa maritima loca habitant, invadit, verum etiam qui navibus longinqua itinera per mare in boreales regiones faciunt; ubi tamen præcipue illos affligit, qui otio indulgent & corpus non satis motu aut laboribus exercent: quibus causis cibi crassiores & potus assumti in ipsis quasi acescunt, atque sic acrimoniam acidam, una cum viscido, in sanguine producant. *Scorbuti falsi* causa videntur quam maxime cibi falsi, & cumprimis frequens ac nimius usus salis, itemque carnum & piscium sale marino conditorum, qui sensim efficiunt, ut sal falsum sive muriaticum in corpore ac humoribus prædominium adipiscatur.

XXXIV.

Dia- Præter signa generalia in §. 32. indicata, *alcali-*
gnosis *cus* ex calore p. n. rubore faciei, oris & labrorum;
& pro- *frigidus sive acidus* ex sapore, sudore & ructibus
gnosis. acidis, labris & oris parte interna pallida, alba vel cœruleo-pallida, pallore & frigore corporis cognoscuntur. In *falso* vero scorbuto sapor falsus fere semper in ore adest. Quo leviora vero vel graviora symptomata adsunt, eo facilius vel difficilius curatur.

XXXV.

Cura- In *curatione*, generatim viscidum & acre corripi-
tio ge- gendum, atque impurum per sudorem & urinam
neralis. expellendum. Quem in finem generatim prosunt decocta & infusa aquosa, diaphoretica, in scabie laudata, & imprimis decoctum radicis cichorii, lapathi,

thi, bardanæ, scorzonæræ, sassaparillæ, chinæ & ligni sassafras, si modo corpus contra frigus probe muniatur, in perpetua transpiratione conserve-
tur, ac frequenti motu exerceatur. Cibus vero parvus ac potus tenuis, aquosus sive temperatus sufficienti quantitate assumatur, præsertim in scorbuto calido & falso. *Aquarum tandem vel medicatarum vel & simplicium purissimarum usus legitimus*, per plures dies aut hebdomades continuatus in quocumque scorbuto *præstantissimus* est: quia optime diluunt viscidum atque omnem acrimoniam egregie corrigunt, temperant atque eluunt, ita tamen, ut in sanguineis, calidioribus & robustis, prægressa Venæ sectione, magis acidularum, Pyrmontensium nimirum, Sualbacensium, Egrænarum, Spadanarum; &c. in frigidioribus vero ac debilioribus aquarum temperatorum, ut Sel-
senensium; vel Thermarum, ut Emsensium, vel VVisbadensium, Carolinarum, Aquisgranensium, usus, & quidem in his calidus, in illis frigidiusculus fere præferendus videatur.

XXXVI.

Speciatim vero in iis, qui calidioris sunt temperamenti, sive scorbuto calido laborant, utpote in quibus acrimonia alcalica peccat; præter remedia temperantia & diluentia generalia, conducunt quoque & alia moderata *medicamenta acidula*, ut acetosa, acetosella, succus citri, aurantiorum, pomorum sinensium, cerasa, fraga, rubi, ribesia aliique fructus horæi, maturi, grate acidi. Præterea *vinctura acidula*, ut rosarum florum bellidis, aquilegiæ; papaveris rhead. itemque condimenta & embammata acidula, ac denique nitrum & nitrum antimoniatum, cum pulveribus temperantibus, succo citri aut limonum, vel aceto saturatis subinde data; vitando omnis generis calefacientia & spirituosas, atque imprimis antiscorbutica calidiora, ut cochleariam, nasturtium, raphanum rusticum.

sticanum sive armoratiam, sinapi, aromata, & inde parata. Prodest his etiam egregie *potus feri lactis*, lactis ebutyrati, præsertim verno tempore, mane quotidie ad libram unam vel alteram hausti; vel & *aqua medicata* aliæve puræ frigida, legitime usurpata.

XXXVII.

Scorbutifrigidi. In *frigidioribus* vero, sive qui *frigido scorbuto* laborant, qui septentrionalibus valde familiaris est, populis, & in quo *acidum* ac *viscidum* præcipue peccare videntur, stricte sic dicta *antiscorbutica acriora*, sive *alcalica*, ut cochlearia, nasturtium, lepidium, beccabunga, chelidonium minus, sedum acre vermiculare, raphani quicumque & præsertim rusticanus dictus, sinapi, cepæ & alium in substantia, jusculis medicatis & in cibo conveniunt. Ex præparatis vero imprimis hic conducit vel spiritus cochleariæ, vel Essentia fumariz cum spiritu cochleariæ parata, aliquoties in die usurpata, itemque amara quæcumque & præparata ex eis, vel in forma infusi, aquosi vel vinosi, essentiæ vel extracti: ut fumariz, trifolium fibrinum, cardus benedictus, chærefolium, radic. cichorii, lappathi acuti, chinæ, sassaparillæ, vel etiam in forma decocti, interpositis subinde lenibus laxantibus. Præterea etiam ex *prædictis herbis antiscorbuticis*, *acribus*, *succus recens expressus*, ad cochlearia duo vel tria conducit, vel si cum jusculo carnis tenuioris prius coquantur, juscula medicata sunt efficacissima, si quotidie per aliquod tempus, subjuncto motu, matutino tempore, usurpantur. Speciatim vero & *cochlearia* & *nasturtium* vel in succo, ut modo dictum est, vel tenuiter tantum dissecta, cum vel sine pauco saccharo, utilissime sæpe ab his comedi possunt: quibus omnibus vero aliquamdiu cum debite regimine & diætâ continuandum. Essentiæ lignorum, ligni *sassafras* & tinctura antimonii tartarifata hic quoque, ut in ple-

plerisque sanguinis impuritatibus, valde egregie sunt.

XXXVIII.

In ea denique *scorbuti specie*, quæ *salsa* dici so- *Scorbu-*
let, ubi *agri continuo salsum saporem in ore per-* *ti salsi.*
cipiunt, præter aquas medicatas modo laudatas,
aut simplices alias purissimas, rite præparatæ a-
qua calcis vivæ legitimus usus internus ac diu-
turnus, a libra una ad duas eam quotidie mane
immo & circa vespèram bibendo, pro summo spe-
cifico merito habetur, vitando simul absum sal-
lis, carnesque & pisces salitos.

XXXIX.

Contra *stomacacem sive gingivarum erosionem ac Stoma-*
cruentationem, una cum laudatis internis medica- *caces.*
mentis, externe utiliter adhibetur Tinctura gum-
mi laccæ, qua gingivæ mane & vespèri leniter
fricantur; vel Essentia myrrhæ aut succini; vel
mel rosarum spiritu salis vel succo citri leniter a-
cidulatum, vel *sal culinare* leviter contritum,
quo dentes eadem ratione bis vel ter in hebdo-
made blande fricantur, quod ultimum etiam den-
tium sordes ac putredinem egregie expurgat. Ita
& *myrrha* sæpius manducata & aliquandiu in ore
detenta, immo & si dentes ea fricantur, contra
hæc oris vitia perquam utilis est; vel electuario
ex myrrha, sanguine draconis, radice bistortæ,
nuce moschata & paucò alumine crudo vel usto,
cum melle rosato parato, gingivæ subinde gravi-
ter detergantur. *Salvia* etiam ejusque infusum
aqua vel vino, præsertim rubro utiliter pro ab-
stergendis sæpe gingivis putridis cum fructu ad-
hibentur. Si *myrrha* & *terra japonica*, vel *ros-*
marinum & *muscus pruni sylvestris* in vino ru-
bro decoquantur, eisque gingivæ sæpius eluun-
tur, egregie quoque eas mundant ac gingivas fir-
mant.

Ad maculas scorbuticas abigendas, interne laudata diaphoretica, infusa nimirum calida radicum, herbarum & lignorum, Essentia alexipharmaca, li-
gnorum, M. S. pulveres diaphoretici cum evitatio-
tica- ne frigoris, lenique subinde sudose mane in lecto
rum. excitatio, adhibenda, & si forte post horum usum aliquandiu continuatum non evanescant, externe aqua calcis vivæ, calide quotidie pauco spiritu vini camphorato acuata, ablui possunt; vel etiam unguento ex mag. marcasitæ, mercurio præcipitato albo & unguento rosato, vel etiam ex duobus ultimis solis paratum his maculis vesperi inungi,

X L I.

Dieta In *Dieta*, scorbutici calidi, omnia calefacientia, scorbu-
acria, falsa, aromatica, & spirituosâ; *frigidi con-*
tra, acida refrigerantia, utrique vero crassa & quæ
tum. difficulter concoquuntur, nimiamque alimentorum copiam vitare debent: & quoniam sæpe plethora concurrit, præsertim in calido, Venæ sectio vere & autumno & præservandi & curandi scopo utiliter adhibetur. *Frigidi etiam vitent*, quantum fieri potest, *aerem frigidum* & humidum, quærantque contra calidum & siccum, atque aromatibus & antiscorbuticis in cibis, ut zingibere, sinapi, cinnamomo, cardamomo, caryophyllis, mace, nuce moscata, pipere, armoracia, nasturtio, cochlearia, aliisque moderate calidis modice utantur; *calidiores* vero contrarium observent.

X L I I.

Scorbutus Denique vitanda est scorbuti & luis venereæ con-
tritus & fusio: hæc enim, licet varia signa ac symptomata
L. V. cum scorbuto habeat communia, tamen antiscor-
non con- buticis plerisque, præsertim acrioribus, non cura-
funden- tur, sed potius exacerbatur; ille vero, & cum-
da. primis alcalicus sive calidus, plerumque per mercurialia, præsertim fortiora, itemque per purgantia ac sudorifera valentiora redditur deterior. Ubi

vero complicata sunt lues venerea & scorbutus, ut sæpe fieri solet, illa suis medicamentis prius aggredienda atque expurganda, & postea quoque scorbutus, nisi jam simul, ut sæpe fit, illius remediis sublatus sit. Tandem adhuc indicare volui, quod *bona diæta* §. 41. indicata, *motus frequens corporis*, & *potus sufficiens temperatus*, præsertim aquosus, præcipua sint scorbuticorum tam ad præservandum quam curandum remedia atque asyla.

XLIII.

De Morbis Venereis.

MORBI VENEREI præcipui sunt *Gonorrhœa*, *Morbi* & ita dicta *Lues venerea* cum suis symptomati-venerei bus, ad quas ceteri omnes referri possunt. GO- & 1. NORRHŒA vero est vel *benigna* vel *maligna* Gonorrheæ sive *virulenta*. *Benigna* dicitur fluxio femoralis rhea. materiæ ex urethra, quæ sine dolore & inflammatione; sed potius a laxitate, debilitate, sive *atonia glandula prostrata*, *vesicularum seminalium*, aut *ductulorum in urethra* MORGAGNI, vel ab exulceratione post gonorrhœam virulentam relicta provenit; oriturque vel sine contagio impuro venereo, a nimio coitu, nimis pollutionibus, aut aliis nimis feminis profusionibus quibuscumque; vel post gonorrhœam virulentam vel frequentiore, vel diuturniore, non satis curatam, veneno licet venereo destructo aut sublato. *Virulenta* contra, sive *maligna* inflammationem, dolorem & exulcerationem in urethra, a contagio venereo sive coitu cum impura sive lue venerea affecta contractam, pro causa habet, dolores hinc acerbos creat, cum ardore vehementi in urethra, præsertim quando ægri urinam emittunt, atque materia excreta purulenta, virescens &

O

quam-

quandoque sanguinolenta existit. Superveniunt sæpe inflammatio & tumor præputii, tumores testiculorum dolorifici, bubones in inguinibus, [poulains Gallis] ulcera in præputio, aut glande penis, chancres vulgo dicta, priapismus, phimosis, paraphimosis aliaque mala, immo. haud raro ipsa lues venerea, præsertim si vel negligitur, vel non rite curatur. Atque ex his diagnoscitur & differentias utriusque gonorrhœæ, una cum parte prognoseos patere existimo, & hoc solum hic adhuc addimus, quod gonorrhœa benigna inveterata ut plurimum difficilius quam maligna & recens curationem admittat, ob partes læsas nimium quantum relaxatas ac debilitatas, adeoque & ab hac curationem nostram auspicabimur, atque de benigna deinceps acturi sumus.

XLIV.

Curatio In curatione igitur virulentæ ad expurgandum virus venereum incipiendum a potu frequenti ptisifera tenuioris, temperantis, sirupo dialtheæ parum edulcoratæ, atque idoneis purgantibus, iisque aliquoties repetitis, vel ex pulv. jalappæ idonea copia, vel extract. panchym. Croll. vel ex pulpa Cassiæ, (quibus semper mercurius dulcis, tanquam præstantissimum gonorrhœæ antidotum, apta portione, admiscendus] contantibus. Deinde ulterius pro corrigenda ac destruenda materia virulenta bis in die vel sæpius decoctum ex radicibus antivene-
reis, sed absque regimine sudorifero, assumant, ac simul cum hoc præsertim in frigidioribus, Essentia & Tinctura, quæ in scabie & scorbuto laudatæ sunt, propinentur. Inprimis verò hic valent Tinctura antimonii tartarifata, Essentia lignorum, pimpinellæ albæ & Succini. In calidioribus vero ac sanguineis pro dolore, priapismo molestissimo, & ardore mitigando sanguis mittendus, & pulvis temperans ex lapidibus cancrorum citratis, conchis aceto præparatis, nitro & campho-

ra compositus sæpius exhibendus, eisque interposito subinde, quovis, verbi gratia, triduo conveniente purgante, per duas circiter hebdomadas vel diutius, pro symptomatum gravitate continuandum, donec fluxus seminalis vel purulentus, dolor aliaque symptomata valde remittant, vel omnino cessent.

X L V.

Quod si vero, ardore & dolore cessante, fluxus tamen materiæ albæ blandæ adhuc continuat, id quod virus subactum & destructum indicat, tunc *specificæ fluxum hunc sistentia*, præsertim os *sepiæ* sæpius parca dosi exhibeatur, & vel cum *Essentia balsamica* vel balsamo copaivæ aliquandiu continuetur, donec omnino cesset. Servanda vero simul diæta tenuis, vitanda venus, vinum, spiritus vini, metus vehementior & omnis excessus. Pro *ordinario potu* inservit vel ptisana, vel simplex decoctum hordei aut avenæ, præsertim sirupo dialtheæ modice edulcatum.

X L V I.

Quod si malum contumacius, cuivis dosi pulveris ossis sepiæ, sacchari saturni, gr. i. ij. vel in robustioribus tria admiscantur, aut *pilula Blancardi* contra gonorrhœam, ex gumm. elemi, mastichis ā. Zij. & terra catechu ℥j. constantes, a 3℥. ad ℥j. vesperi quotidie vel alternis diebus cum fructu usurpantur, immo & prædicto pulveri adjungantur *Injectiones in urethram* principio lenientes, ex lacte vel decocto hordei aut avenæ cum melle rosarum; circa finem vero adstringentes & roborantes, ex aqua plantaginis & calcis vivæ cum saccharo saturni, vel lapide medicamento Crollii, aut pauco spiritu vini camphorato remixta cum fructu adhibentur.

X L V I I.

Bubones & ulcera venerea, præputii & testium tumores, aliaque hujus morbi symptomata, interne eo-
tumores, aliaque hujus morbi symptomata, interne eo-

eadem, ut gonorrhœa recens, modo tractanda; externa vero curatio ex Chirurgia nostra prolixius peti potest: interea tamen præcipua hic trademus. Igitur si *inflammatio vel tumor præputii*, quæ sæpe vel *phimosin* vel *paraphimosin* constituere solent, adest levior, egregie discutitur, si spiritus vini vel simplex vel maxime camphoratus, tepide sæpius illinitur, cavendo, ne partes forte erosæ eo tangantur, eoque ipso dolores vehementiores moveantur; aut fomentum cum splenio sæpius applicetur ex aqua calcis vivæ, paucō spiritu vini camphorato roborata, addita cerussæ præparatæ, vel lithargyrii portione. Sin vero jam vehementior, aut prædicta parum sunt, unguentum album camphoratum, admixto paucō mercurio vivo, aut præcipitato albo, sæpius illinatur, & subinde decocto calido ex emollientibus & resolventibus cum lacte parato aliquamdiu foveatur, vel eidem tepidæ penis per aliquod tempus immittatur, donec tumor dispareat.

XLVIII.

*Ulcera
penis.*

In glandis aut præputii erosionē sive ulcere (*chancre*) aqua calcis vivæ paucō mercurio dulci vel præcipitato albo roborata, subinde abstergetur, & deinde oleum ovorum & philosophorum, partibus æqualibus mixtum, applicetur, quod oleum philosophorum etiam fungosas horum ulcerum excrescentias, consolidationem impediētes, quia lenissimum septicum est, tollit. Ita & unguentum ex mercurio vivo, terebinthina, quantum sufficit, subactō, & unguento rosato paratum, aliave unguenta ex mercurio confecta egregie hic conducunt.

XLIX.

Bubones.

Si ex gonorrhœa nimis cito per adstringentia suppressa, bubones aut testiculorum tumores orti, illa purgationibus sæpe repetitis ope mercurii dulcis, decoct. lignorum, & Essentia succini, alexipharm. vel pimpinell. alb. revocanda, & postea, ut §. XLIV.

pro-

propositum est, curanda. *Externæ* vero bubones sæpe fricandi unguento mercuriali gryseo, atque Emplastr. diachyl. cum mercurio vivo roboratum superaddendum. *Si vero jam in abscessum vergunt*, emplastro diachylo cum gummis, vel de meliloto suppurandi, atque ut in Chirurgia docuimus, aperiendi ac perfanandi.

L.

Testiculis vero tumidis vel aqua calcis vivæ *Testi-* cum spiritu vini camphorato & cerussa, splenii be- *culo-* neficio calide imponenda, vel cataplasma ex mi- *rum* -ca panis cum lacte & croco cocta paratum; vel *tumo-* decoctum oryzae spissum cum lacte, aliudve simi- *res.* -le supra dandum; & si tumor valde rursus immi- nutus est, reliquum emplastro de ranis cum mer- curio vel diaphoretico *Myns.* vel de cumino, o- ptime resolvitur; usurpatis simul internis modo §. præcedenti laudatis.

LI.

In GONORRHOEA BENIGNA, quæ diffi- *Gonor-* cilius plerumque, ut dictum est, sanatur, quam *rhœ &* maligna, ad diffundendum serum superfluum partes *beni-* que laxas roborandas, conducunt frequens motus *gnæ cu-* corporis, decocta lignorum cum radice tormentil- *ratio.* -læ vel bistortæ ac pimpinellæ albæ parata, & Ef- sentia lignorum, pimpinellæ albæ, succini, alexipharmaca, aliquoties in die hausta, interpositis subinde laxantibus mercurialibus & speciatim pilulis nostris polychrestis, aliisque similibus. Quibus post aliquod tempus, si prædicta non sufficiant, fortiora roborantia & moderate adstringentia ad- jungenda ac subjungenda: ut pulvis ex osse sepia & croco martis, vel pilulæ Blancardi contra gonorrhœam supra §. XLIV. laudatæ, itemque Tincturæ martiales aut Mixtura tonica, ex Tinctura tartari cum spiritu C. C. remixta; vel & infusum vinosum ex roborantibus, ut radic. bistortæ, tormentillæ, pimpinellæ cum cortic. aurantiorum,

ac præsertim etiam cascarillæ confectum. *Externe* injectio roborans ex aqua calcis vivæ cum paucis sacchari saturni in urethram, vel ex aqua calcis vivæ, vel plantaginis cum paucis spiritu vini camphorato supra jam laudata, valde etiam hic conducit. *Dieta* simul sit parca, siccans & roborans; bibant subinde vinum *Pontac* dictum, vel aliud simile modice adstringens; vel etiam illud cum aqua mixtum divitibus pro potu ordinario concedi aut suaderi apte potest. Denique etiam opus est, ut ægri illo tempore a venere abstineant, donec curati sint, atque etiam postea frequentiore venere diu evitent.

LII.

De Lue venerea.

Lues venerea. **LUES VENEREA** est cachexiæ species, in qua serum sanguinis singularem crassitudinem & acrimoniam, ut plurimum, a contagio per impurum congressum suscepit: unde stagnationes, dolores capitis & artuum præsertim noctu ingravescentes, artuum lassitudines, maculæ rubræ & crustæ sive & scabies in variis partibus, præsertim in facie, fronte, & capite, tumores, erosiones & ulcera partium mollium æque ac durarum, imprimis in partibus genitalibus, labris, palato, faucibus, & naribus, eveniunt, ita tamen, ut horum symptomatum modo minor, modo major copia adsit. *Sæpius sequitur gonorrhæam*, vel in mulieribus *post fluxum album virulentum*, intempestive suppressum aut neglectum; vel quod frequentius, *bubones* aut *ulcera venerea* (*chancres*) in partibus genitalibus neglecta aut male tractata; unde fermentum sive virus venereum totam massam sanguineam ipsasque partes solidas inficit ac lædit.

LIII.

LIII.

Dividi apte potest hæc Lues in levio^{rem} & ve-^{Ejus} hementiorem. LEVIOREM vocamus gradum, si ^{divi-} malum tantummodo in humoribus adhuc exillit, ^{sio} & lassitudine, torpore, doloribus capitis & artuum, nocte ingravescentibus tetro faciei colore, maculis lividis, scabie capitis aut frontis, vel etiam bubonibus, aut levioribus ulculculis in partibus genitalibus vel faucibus, &c. se manifestat. *Sin vero partes solidas*, ut fauces, uvam, palatum, nasum, penem & præcipue ossa palati, nasi aut cranii jam invasit, & quidem jam vehementius, ita ut vel uva exesa, vel septum nasi aut palatum erosum, vel omnino jam perforatum, tumoresque hinc inde sive nodi venerei, & graviores aliæ exulcerationes oriuntur, *gradus hujus morbi est vehementior*, periculosior, curatuque longe difficilior: immo quo plura & pejora adsunt symptomata & læsiones, quo diutius jam duravit, quo corpus magis extenuatum ad consumtum, & quo magis jam vires destructæ, eo difficilius curatur, aut quandoque, præsertim ob virium defectum, prorsus est insanabile. Qui a juventute sive a matre, sive a nutrice impura jam infecti sunt, omnium difficillime, aut prorsus non curantur.

LIV.

In curatione igitur Lues venereæ virus vene-^{Cura-} reum est expellendum, destituendum, & cachexia ^{tio gra-} illa peculiaris corrigenda, in quod in leviori, vel ^{us le-} saltem non adeo vehementi gradu, *sine salivario-* vioris. ne & solum attenuantibus, sudoriferis, maxime decoctis lignorum, ut ligni sassafras, quajaci, juniperi, radicis sarsaparillæ, chinæ, bardanæ, pimpinellæ albæ, ut & herba saponariæ, mane & circa vesperam, vel sæpius larga satis copia datis, præmissis & interpositis sæpe purgantibus mercurialibus, hand raro obtineri potest; cum

quibus tamen decoctis Tincturæ antimonii tartarifatæ, Essentiæ lignorum vel pimpinellæ, &c. majoris efficaciz causa apta dosis semper exhibeatur, adjuncto regimine diaphoretico aut blande sudorifero, mane vel in lectulo, vel quod nonnullis magis placet, in stuphis aut arculis sudatoriis. Certius tamen & melius succedet curatio, si simul singulis vel alternis diebus parva dosis mercurii dulcis vel panaceæ mercurialis exhibetur; vel & quotidie unguento mercuriali tarsi ac malleoli pedum, itemque flexuræ cubiti probe fricantur, iisque prudenter continuatur, (vitando salivationem) donec symptomata sublata sint. *Frigidioribus*, plegmaticis & succulentis temperamentis pro decoctis illis magis ligna; *calidioribus* vero & macilentioribus, radices & herbas laudatas, tanquam temperatiores, præscribere soleo, & pro potu ordinario decoctum secundarium harum radicum, vel & ptisanam.

LV.

Gradus In graviore aut inveterato malo, maxime ubi parviores genitales, fauces, palatum, nasus, frons, immo ossa jam erosa, tumores duri & dolores osteocopi fixiores, &c. adsunt, *sudorifera hac cura sepe non sufficit*, sed vel fortior usus mercurialium, verum absque salivatione, attamen ad instantem usque salivationem, vel ipsa salivatio mercurialis requiritur, quæ medicamentis vel internis vel externis solis, vel ambo combinatis, eaque vel leniori vel fortiori modo, excitari potest. *Utrique præmittenda* una aut altera lenis purgatio mercurialis, usque aliquot dierum decocti lignorum ac radicum primarii & secundarii, modo laudatorum, largus, itemque diætâ moderata tenuis, atque in plethoricis quoque sanguinis missio.

LVI.

Quomodo salivatio instituenda.

Sique deinde internis salivationem excitare lubet, mercurii dulcis (qui inter mercurialia securissimus mihi

mihi videtur,) gran. V. VI. VIII. vel X. pro sub-
jectorum diversitate , bis terve in die , sub boli,
pilularum , vel pulveris forma ægris exhibeantur ,
donec tumor faucium & gingivarum , anima sceti-
da , exspuitio crebrior , aliqualis erosio linguæ , la-
brorum , genarum , & gingivarum , dentiumque va-
cillatio , tanquam lenis salivationis signa appareant;
quæ si incidunt , ab usu mercurii desistendum , &
interea decocta & ptisana apta continuandum , do-
nec fluxus salivæ sufficiens sensim sequatur ; & si
postea quotidie libræ duo vel libræ tres circiter in-
tra horas XXIV. exspuantur , sufficit : atque sic
per hebdomades tres , quatuor , quinque vel sex ,
donec symptomata , maxime dolores , tumores &
ulcera , valde sint imminuta , aut prorsus evanue-
rint , continuetur , exhibendo subinde , si minui sa-
livatio videtur , circa vesperam , aliquot grana mer-
curii dulcis vel panaceæ mercurialis : atque hoc
modo salivatio per sat longum tempus continuanda :
nam brevi tempore in graviore malo curatio
plerumque absolvi recte nequit , sed malum si non
satis diu continuatur facile post hanc curationem
recrudescit .

LVII.

In nonnullis laudata *mercurialia salivationem*
haud producunt , sed parum sunt , præsertim in ro-
bustioribus ; quibus in casibus , si aliquamdiu fru-
stra adhibita fuerunt , singulæ dosi mercurii dul-
cis aut panaceæ , *turpethi mineralis* gran. ij. vel iij.
admisceo , sic plerumque brevi ande succedit ; sed
his deinde in casibus iisdem remediis etiam saliva-
tio , si minui incipit , est continuanda , quamdiu
malum eam exigit .

LVIII.

Postquam sic symptomata maxima ex parte vel in sali-
totum evanuerunt , decocta sudorifera aliquamdiu *vari-*
cum regimine diaphoretico sunt continuanda , ad nem a-
malum radicitus extirpandum , interponendo si *gen-*
dum .

Quid
post

mul dum .

mul subinde vesperi pauca grana mercurii dulcis ,
ad lenē salivationis vestigium adhuc aliquamdiu
conservandum, donec omnia mala sublata sint.

LIX.

Quomo. Si vero externis salivationem instituire placet
do per medicamentis , unguentum mercuriale , ex mercu-
externa rio crudo & axungia porcina paratum , inungitur
excite- primo quotidie bis aut ter calide tarsis pedum ,
tur . malleolis & furis , singula vice fabæ aut phaseo-
li magnitudine : & quidem melius ab ægro ipso
quam ab alio , ad ignem vel fornacem , linteo
postea involvendis , & si post alterum tertiumve
diem nulla adhuc salivationis signa adfunt , etiam
flexuris cubiti , immo & parotidibus sub auribus ,
æger mercurium inungat , partes unguento illo
probe ac calide fricando , donec salivatio sequatur
sufficiens ; ubi ab inunctione abstinendum , quam-
diu saliva satis fluit : quæ vero fricatio cum un-
guento mercuriali , quoties salivatio minuitur ,
vesperi iteranda , involutis semper partibus inun-
ctis per lintea & fascia , atque sic circumspicte
continuandum , ut antea dictum , donec malum
sublatum est .

LX.

Quomo. Quando internis & externis remediis simul sa-
do utra- livationem producere volumus , quotidie semel vel
que ra- bis parva dosis mercurii dulcis exhibetur , & simul
ione . semel vel bis fricatio pedum & crurum vel & cu-
bitorum , si lubet , instituitur ; eisque continua-
tis , donec salivatio sequatur . Nonnulli etiam spi-
nam dorsi unguento mercuriali fricant ; verum quia
hoc facile varia damna producere potest , & an-
tea §. 59. descripta satis efficax est , ab hoc ab-

Quid stinendum esse censeo .

duran-

LXI.

re sali- Interea dum hæc sunt , atque durante etiam
vatione salivatione , os sæpe aqua calida aut gargarismate
facien- emolliente eluatur , potus assumatur sufficiens ,
um . aquo-

aquosus, diluens, ut mane & a meridie decoctum aliquod radicum & lignorum huic morbo contrarium, reliquo diei tempore vel decoctum hujus secundarium, vel ptisana aut decoctum hordei cum passulis, vel cum liquiritia & semine anisi aut foeniculi paratum, immo & cerevisia tenuis bonæ notæ, quandoque, si eam anxie desiderant, concedi potest, itemque Thea & Coffe: sed si æger forte, ut sæpe contingit, temporis tractu fiat debilis, interponi subinde potest mixtura ex aquis cordialibus, vel emulsio similis, itemque gelatinæ roborantes: sique æger a lacte non abhorret, decoctis prædictis semper aliquid lactis calidi admisceri, immo lac cum pane triticeo calide pro cœna, immo & pro prandio cum fructu dari apte potest, præsertim macilentis & debilibus.

LXII.

Dieta sit parca & tenuis, ex solis fere jusculis, ac, si plus appetant, cibis mollioribus sive facilis digestionis constans; vitentur vero aromata, salsa, acida, cruda & crassiora, caro suilla, lardum, legumina, olea duriora, repletio nimia, ac frigus, corpusque semper in aere temperato ac leni diaphoresi conservetur, quamdiu salivatio durat, corpusque & mens sint tranquilla.

LXIII.

1. Si salivatio oriatur nimia, & fauces nimis quantum intumescunt, ita ut periculum suffocationis inde immineat, mox vel clyσμα forte, vel purgans aliquod paulo vehementius, sed sine mercurio, ad affluxum ad fauces nimium revellegendum, exhibeatur; idque, si opus, repetatur, donec rursus detumuerint, Cautela.

2. Quando una salivatio morbum non omnino sustulit, aut ob ægri impatientiam vel debilitatem satis diu continuata non est, post aliquod tempus, vel etiam redeuntibus venereis symptomatibus,

tibus, repeti potest; præsertim si æger robustus, & salivatio prior facile successit.

LXIV.

De usu Denique notandum, salivationem non solum con-
saliva. tra morbos venereos prodesse, verum etiam in mul-
tionis tis aliis morbis pertinacibus & gravibus, ut amau-
in aliis rosi, cataracta, ulceribus rebellibus, scabie pertina-
morbis. ci, tumoribus, &c. sanandis adhiberi posse.

LXV.

Sym- Scirrhi, Tophi sive nodi venerei sub usu laudato-
ptoma- rum medicamentorum antivenereorum & cum pri-
ta mor- mis salivationis; plerumque digeruntur ac dissipantur,
bi ve- tur, præsertim si nondum inveterati, & si sub ea
neri. simul empl. vigon. cum duplo vel triplo mercurii,
vel diachylum cum mercurio superimponitur, &
unguento mercuriali tractantur. Sin vero dissipatio,
ut quandoque contingit, obtineri non possit,
tophi scalpello aperiendi, mercurio præcipitato rubro,
unguentis admixto, mundandi, ac postea, ut
ulcus, consolidandi. Scirrhi vero quando resolvi
nequeunt, si tuto id fieri potest, & ægri ab iis
liberi esse volunt, excindendi.

Ulcera venerea externa curatione generali sæpe
simul sanantur, sine peculiari sæpe ad ea attentio-
ne. Interea tamen melius agimus, si ea simul
mundantur mercurio præcipitato rubro, unguento
basilico vel digestivo modice intermixto, vel aqua
phagedenica, & dein vel unguento mercuriali, vel
essentia lignor. vel succini, myrrhæ aliave simili
sanantur.

Ulcera faucium venerea, præter curationem in-
ternam, sæpius abstergenda decocto lignorum, Es-
sentia succini & myrrhæ imprægnato; vel decocto
herbæ cujusdam vulnerariæ, melle rosarum & spi-
ritu vitrioli imprægnato, vel etiam hoc melle &
spiritu subinde solo. Si vero malum ossa palati ar-
rosit, oleum caryophyllorum, cum oleo ovorum
temperatum, sæpe adhibendum.

Ulceræ nasi venerea requirunt, ut turundæ, aqua calcis vivæ, mercurio dulci impregnatæ, sæpius imbuantur, & in nares immittantur; vel ut unguento mercuriali subinde quoque illinantur, curatione simul interna laudata rite adhibita, utpote sub qua ut plurimum glutinari solent.

Verruca & excreſcentia venerea circa partes genitales ſpiritu vitrioli vel ſalis, pulvere herb. ſabinæ, cum mercurio præcipitato rubro vel lapide infernali, ſi prædicta curatio accedat interna, auferuntur, ſine hac vero perfecte vix curantur.

LXVI.

De Fluore albo.

FLUOR ALBUS mulierum quoque cachexiæ *Fluor* ſpecies eſt, & quaſi *coryza uteri*, ſive *gonorrhœa albus mulierum*, atque hinc quoque in *benignum & malignum* & *ma-* *ejusque* *lignum* ſive *venereum*, aut virulentum dividi ſolet. *diviſio.*

In *benigno*, ſeroſa magis aut mucoſa & plus minus rodens eſt materia effluens; ſed ſine aliis indiciiſus luis venereæ; in *maligno* vero ſive *venereo*, purulenta, virideſcens, flavescens, verſicolor, magis foetida, & magis erodens effluit, aliisque luis venereæ sæpius comitatur ſymptomatibus, temporeque menſium fluere non intermitit; quæ vero in *benigno* tunc intermittere ſolet.

LXVII.

Ratione curationis *fluor albus benignus*, præſertim qui jam diu duravit, ob partes nimium quantum relaxatas curatu difficillimus eſt, attamen ad terna eum tollendum in plethoricis revulſionis gratiæ *beni-* *Venæ* ſectio inſtituatur in brachio; quæ vero *gna*. in pituitofiſis nocet, adeoque intermittenda. In utroque autem caſu *ad ſeri ſupervacui*, quod hic peccat, *evacuationem & revulſionem* curatio ido-

idoneis purgantibus , admixtis serum corrigentibus vasaque simul roborantibus , est inchoanda , *inprimis vero vino quodam medicato* , quotidie apta copia per aliquod tempus , ex herbis & radicibus uterinis balsamicis & aromaticis parato , ut herba melissæ , rosmarini , marrubii , abrotani , radic. aristolochiæ , cichorii , caryophyllatæ , helenii , pimpinellæ albæ , levistici , rhabarbari , hellebori nigri , & foliis. senhæ parato ; vel pilulis balsamicis Beccherianis , aliisve similibus , per plures dies apta dosi usurpatis . Postea autem pro cachexia viscida & lymphæ corrigenda tonoque partium relaxatarum rursus roborando , diuturnus usus Essentiæ succini , cui parum Essentiæ myrrhæ additum sit , præstantissimus est , si quotidie bis vel ter assumatur ex infuso aqueo herbæ melissæ , vel rosmarini , vel millefolii , &c. vel his & similibus combinatis . His utrumque ob scopum interponantur adhuc sæpius pilulæ balsamicæ Beccherianæ , aut aliæ similes . Denique quando multum hic fluxus imminutus est , & prædictis omnino tolli nequeat , id quod tamen haud raro contingit , interne loco præcedentium , paulo fortiora roborantia & quidem martialia præstantiora ac probatiora , ut Tinctura vitrioli martis Zvœlff. Tinctura martis aperitiva Ludovici , Tinctura martis cydoniata , aut crocus martis aperitivus loco priorum usurpanda .

LXVIII.

Cura- Externe vero ex herbis nervinis , uterinis & *tio ex-* subadstringentibus balnea sive *inseffus* , immo in *terna* . malo rebelliori , *injectiones* quoque cum vino rubro ex similibus paratæ , in vaginam uteri aliquoties in die fieri possunt : ut ex roremarino , hormino , matricaria , mentha , melissa , pulegio , salvia , millefolio , cum radicibus bistortæ , tormentillæ & paucò alumine , vel & ex aqua calcis vivæ ; ita & *aquæ medicatæ martiales* , vel *therma* externe & interne per satis longum tempus & rite *usur-*

usurpatæ , hoc in malo cum fructu ut plurimum si venerea labes abest , adhibentur .

LXIX.

Dieta , sicut in cachexia generatim dictum est , *Dieta* . & hic probe observetur : in primis vero vitentur lac , acida , fructus horæi , farinacea , pinguia & omnia quæ pituitam generare possunt , itemque potus nimius Theæ , Coffeæ , cerevisiæ , ut & venus nimia , &c. alias omnia medicamenta in pertiaci aut rebelli hoc malo frustranea sunt .

LXX.

FLUOR ALBUS MALIGNUS sive *venerens* , *Fluoris albi mali- gni cura- tio* . ut gonorrhœa virulenta in viris , quia eandem causam agnoscit , curandus ; aut si ipsam luem veneream comitetur , ut hæc quoque tractandus : ubi vero simul *injectio ex aqua calcis viva* cum mercur. dulci in vaginam uteri aliquoties in die immissa , egregie hic mundat , roborat & sanat . Si tamen , destructo veneno venereo , ob partes affectas sive patientes a morbo valde relaxatas ac debilitatas , fluxus aliquis , sicut post gonorrhœam virulentam sæpe quoque fieri solet , remaneat , quia hic tunc , ut benignus considerandus , etiam eadem , quo modo hunc curare præcepimus , ratione , N. LXVII. est sanandus .

CAPUT XII.

De Obstructionibus.

I.

SI transitus rerum fluidarum aliarumque quæcunque in corpore humano contentarum , *Quid obstru- tio.* quæ moveri , fluere , propelli aut expelli debent , quocunque modo in vasis , canalibus , ductibus , intestinis , vesica aliisque viis ac partibus corporis ha-

humani impeditur, *Obstructio* appellatur unde, ut omnis generis morbi proveniant, necesse est; sicuti ex fluxibus sanguinis, præsertim mensium aut hæmorrhoidum suppressis, obstructis, aliisque supra jam Cap. IX. p. 138. expositis, intelligi potest. *Nunc vero alias adhuc obstructions*, quæ in corpore humano contingunt *considerabimus*: ubi sciendum est, liberum in corpore motum sive transitum, ut quis sanus sit, desiderare sanguinem aliosque humores utiles & excrementitios, itemque spiritus, bilem, genituram, salivam, lac, aerem, flatum, fæces, urinam, foetum & secundinas in partu, &c. Hoc vero ut rite fiat, partes, quæ transitum concedere, & res, quæ transire debent, recte sint constitutæ, necesse est, atque ut causa sive vis propellens & expellens sit satis valida. Quando igitur liber itus aut reditus rerum propellendarum impeditur, obstructio aut saltem motus vel transitus remora & varia inde pendentia symptomata proveniunt: causaque erit vel in movente, vel in viis, vel in re transmittenda, vel in variis his simul.

II.

Earum Vasa & via, dum ad transitum ineptæ sunt, causæ, vel angustantur, collabuntur, obstruuntur, comprimuntur, vel concresecunt, & sic, quod transmittere debent, transmittere non possunt.

via vasorum. Angustantur autem a rebus variis: nimirum vel a tartarea vel gypsea substantia, intus parietibus vasorum adnata, verbi causa, viæ bilis in hepate; vel a glutinosa aut viscida materia, sive a pituita, intus obducuntur certæ partes, ut nares, bronchia & aspera arteria, sicut in coryza, tussis, dyspnœa & asthma; vel a spasmodicis prædictæ partes respirationi inservientes contrahuntur, unde eadem mala; vel angustantur a tumoribus & inflammationibus, ut fauces a tonsillis intumescens; itemque subinde in urethra a cavernosa
ejus

ejus substantia turgescente , [a] qua urinæ libera excretio sæpe impeditur ; vel a rebus p. n. excre-
scentibus , sive tuberculis & carunculis : ut a po-
lypo narium , caruncula urethræ , vagina uteri ,
intestini recti , &c.

III.

Vel collabuntur vasa a sanguinis aut humorum de- 2. Co-
fectu , post hæmorrhagias largas , fluxus alvi lon- lapsus.
gos , inediatm diuturnam , &c. unde tabes vel atro-
phia ; vel a spirituum defectu nervi concidunt , in
deliquiis animi , affectibus soporosis , comate , caro,
lethargo , apoplexia , paralyfi , marasmo senili , &c.

IV.

Obstruuntur vero vasa sanguifera sapissime a re- 3. Ob-
bus transmittendis ; ut a sanguine viscido tenaci , structio
aliave materia spissa , ut in tumoribus varii gene-
ris . in glandulis induratis quibuscumque , earum-
que schirris & scropulis ; vel canales & meatus
a corporibus solidis , ut ductus biliarii a calculis ;
vel terrea sive gypsea substantia ; meatus audito-
rius , a cerumine duro , a pisib. vel calculis illapsis
aut intrusis ; ureteres & urethra , itidem a calculis
vel sanguine crasso , in vel post mictum cruentum ;
nares a polypo ; bronchia , aspera arteria , ab illapsis
rebus solidis quibuscumque ; œsophagus , a degluti-
tis ossibus , spinis piscium , vel nucleis , v. gr. pru-
norum ibidem subsistentibus : vel corporibus excre-
scentibus aliisque rebus , sinus cerebri & vasa majora
còrdis , immo ipsum cor a polyposis concretionibus ;
mamme a sanguine vel lacte nimis spisso , testiculi
a liquido genitali vitioso ; alvus plerumque a faci-
bus durioribus , quandoque etiam a calculo , (b) nu-
cleis ceraforum copiose cum cerasis comestis : in qui-
bus

P

bus

(a) Vid. Instit. chirurg. nostr. Cap. 138. p. 880.

(b) Novi exemplum , ubi nobili in vicinia ma-
gnus calculus , anum pertinaciter obstruens , ope
ferramentorum feliciter extractus est .

bus omnibus, quo major est obstructio, eo major inde oritur noxa. Huc etiam pertinet *fœtus nimis magnus* vel monstruosus, uterum tempore partus ita, occludens, ut expelli nequeat; id quod etiam de *secundis nimis magnis* post partum, intelligendum.

4 Com
pressio
vel coa
litus,

V.

Comprimuntur vasa a ligaturis fortioribus, ut in fracturis, luxationibus, vulneribus, ut humores ea transire nequeant, atque inde tumores, inflammationes, gangræna, scirrhi, &c. oriuntur; vel *ab humoribus extra vasa sua p. n. effusis*, ut in cerebro & thorace: unde apoplexiæ dispncea, suffocatio, /syncopè, &c. & sæpe mors proveniunt. Quandoque *certaine partes* magna ex parte vel omnino p. n. coalescunt, aut in utero materno jam sunt coalitæ; ut *partes genitales* & obsecræ in ita dictis *atretis*, de quibus in Instit. chirurg. ita ut id, quod transmittere debent, transmittere nequeant, *vel etiam a læsionibus externis* quædam partes subinde vel integræ, vel ex parte concrescunt: ut oculi & nares a variolis, vel ambustione; vel vagina uteri post partum difficilem, facta inde gravi quadam laceratione, vel *vulnere aut ulcere harum partium male curatis*; id quod & *in ano* quandoque ab ejusmodi læsione factum esse recordamur.

VI.

5. A *In partium moventium aut spirituum culpa* respiciere quoque potest causa variarum obstructionum, si *fibræ partium nimis sunt flaccidæ*, & defectu *sanguis aut spiritus vel deficiunt*, vel narcoticis rebus oppressi; sicut observatur in morbis soporosis, comate; caro, apoplexia, paralyti, ischuria senili, virium languore quocumque, in senibus aliisque debilibus, & imprimis quoque in *parturientibus* in partu longo ac difficili; quo etiam pertinet *fumus carbonum* in cubilibus locisve clausis quibuscumque.

VII.

VII.

In curatione igitur obstructionum generatim illud, quod hæret, siue stat & quietum est, in motum est concitandum, & causa siue remora vias stru- angustans vel obstruens, aut motus impediens, ætio- investiganda ac tollenda; id quod pro causarum num diversitate diverso modo fieri debet. Si enim va- gene- sa colapsa, distendenda; si contracta aut compressa, relaxanda; si obstructa, aperienda; si p. n. concerta, incidenda; &c.

VIII.

De Dyspnœa & Asthmate pituitoso.

In spirandi difficultate siue dyspnœa vel asthma- te ab humoribus viscidis, quod asthma pituitosum vocant, & ex rejecta multa pituita dignoscitur, infusa aut decocta cum aqua ex resolventibus herbis & radicibus pectoralibus composita, ut ex herba veronicæ, hyssopi, radic. fœniculi, ari, enulæ, semine anisi, fœniculi, &c. mane & circa vesperam assumpta, egregie conducunt; itemque infusa ex iisdem radicibus & herbis cum vino parata, & vel in pastu vel circa pastum usurpata, ut & Essent. helenii, pimpinellæ, succini, Elixir. pectorale VVedelii. spirit. salis ammoniaci anisat. blasam. sulphuris anisat. cum prædictis infusis data; ita & species diatreos, vel pulvis pectoralis dictus, ex lapid. cancrorum cum sperm. ceti & sacchar. cand. compositus, adjectis aliquot guttulis olei anisi, egregie resolvit, si sæpius a ℥j. ad 3℥. exhibetur. Aut gummi ammoniacum, vel in pilulis, vel in potiuncula, aqua hyssopi vel veronicæ ac vino rhenano solutum & sæpius ad ℥j vel 3℥. exhibitum, vel in celebri potiuncula asthmatica

Bruneri datum. [a] Quandoque Looch ad asthma usitatum bene prodest; quibus vero omnibus subinde purgantia idonea sunt interponenda, vel quandoque etiam emeticum ad humores noxios per superiora ejiciendos, immo & vesicatoria in suris ant cruribus adhibita in hoc malo sæpe sunt valentissima, itemque pediluvia, atque si fieri potest, frequens motus corporis simul instituatur. Multis etiam aquarum medicatarum usus his in malis egregie prodest, præsertim si calide vel saltem tepide bibantur. Nonnulli pulverem radicis squillæ hic valde commendant & mira inde prædicunt, qui etiam sæpe egregius est, Vid. de hac cumpri- mis sæpius jam laudati VVAGNERI observ. clinica. Quod si forte paullo vehementior paroxysmus asthmaticus ægrum aggregiatur, quavis hora etiam oxymellis squillitici ℥ss. vel cochlear. j. cum fructu exhibetur, donec ℥jss. vel ℥ij. nisi citius remittat, assumptæ sint. Præservandi gratia valde conducunt, fonticuli in pedibus, purgantia idonea per intervalla exhibita, sanguinis missiones in plethoricis, & aquæ medicatæ cum motu & exercitatione frequenti.

IX.

De Asthmate sanguineo, flatulento, spasmodico & scirrhuso.

Asthma san- Si asthma est sanguineum, quod a nimis sangui-
guineum nis ac præsertim spissâ copia, in vasis pulmonum hæ-

*& flatu-
 tulento-
 rum.*

(a) Qui ita se habet. R. gumm. ammoniaci purissimi ℥jss. ʒi. solv. in aqua hystopi ℥iv. & vin. rhenan. ℥ij. M. dentur sæpius cochlearia tria, donec respirandi difficultas remittat.

hærente, oriri videtur, missio sanguinis utilissima ac summe necessaria est, præmissis & subjunctis laudatis modo §. VIII. infusis aut decoctis pectoralibus, guttis, pulveribus, potiunculis & ceteris. Quando a flatibus, ventriculū & intestina valde distendentibus, atque diaphragma & pulmones ita prementibus, ut libere ac recte respirationem perficere nequeant, quod *Asthma flatulentum* appellare solent, servata primo moderata victus ratione, flatu discutientia sive *carminativa*, ut aqua carminativa officinar. aqua anisi vel carvi vel cortic. aurant. spirituosa, ad cochlear. j. ij. vel iij. Essent. carminativa VVedelii, Cortic. aurant. spiritus nitri dulcis, vel carminativus aut anticolicus de tribus, a gutt. 30. ad 50. per intervalla exhibita, egregie profunt. Ita & *pulvis flaved. cort. aurant.* a ʒ℥. ad ʒi. cum vini ʒj. vel ʒij. calefactus aut leviter coctus, addito pauillo sacchari ad gratiam, vel iidem cortices vino vel cerevisia infusi valentissime etiam flatu expellunt, & viscera simul roborant; immo & *clysteres* ex carminantibus adhibiti magnum quoque sæpius, præsertim si alvus obstructa, his ægris levamen afferunt.

X.

Si a *asthma a bronchiis spasmō constrictis*, sive angustatis, quod *asthma spasmodicum* appellatur, provenit, antispasmodica, temperantia, cinnabarina, nitrosa ac succinnata, & imprimis etiam liquor. C. C. succinatus, pulvis antispasmodicus, pulvis Marchionis, cum spec. cephal. Michaelis, immo & cum his pediluvia, & vesicatoria pedibus sunt adhibenda.

Si a *scirrhis* in pulmonibus, quod *asthma scirrhusum* dici potest, resolventia, ac diluentia, §. XII. laudata, itemque aquæ medicatæ, immo & *mercurialia* lenia, diu usurpata egregie profunt, atque in sanguineis venæ sectio quoque subinde est adhibenda.

De Ictero, quia sæpius ab obstructione vasorum

rum sive ductuum biliarium ortum trahit, hinc quoque jam agi posset; verum quia jam Cap. XI. de cachexia §. 23. de eo actum est; nolumus idem hic repetere.

XI.

Fauces angustæ. Si viæ angustantur ab inflammationibus aut tumoribus, ut fauces, in tonsillarum & pharyngis inflammatione inflammationes hæ, sicut supra Cap. VII. §. XX. & XXI. docuimus, sunt resolvendæ. Si a corporibus excrecentibus, tumoribus duris, aut schirris, quæ medicamentis in Institut. chirurg. nostris, locis debitis, indicatis, tolli aut resolvi nequeunt, manu chirurgica, si tuto id fieri licet, auferendi.

XII.

De Alvo obstructa.

In alvi obstructione sive segnitie, flatulentia & *Alvi colica*, a virium defectu, conducunt roborantia, ut vinum generosum, aquæ spiritus & *obstru-* essentia roborantes; carminativæ & blande aromaticæ, spiritus nitri dulcis, spiritus carminativ. de tribus, sive *anticolicus*; & *clysmata* aut *co-* *suppositoria*. In hac alvi segnitie præter dicta, spiritus etiam torpidos & *fibras languidas* intestinorum excitant *purgantia* leniora; ut aqua amara cathartica Seidlensis, Carlsbadensis, VVisbadensis aliave similis; vel *sal* quoddam *amarum catharticum*, ut bohemicum vel anglicanum, aut mirabile Glauberi, aqua calida vel simplici vel minerali quadam solutum & haustum, vel *potiuncula quadam laxans* ex tamarindis, foliis sennæ & manna; ut *Managette*, vel *Sydenhamii* aliave similis, itemque Electuar. de tamarindis, cum fol. sennæ paratum, iusta quantitate datum.

Si

¶ *Speciatim de alvo obst. ¶ ileo . 231*

Si *alvus a facibus durioribus obstructa*, victu humectante ac lubricante ex prunis, cerasis aut pomis coctis, cum vel sine passulis aliisque similibus, potu copiosiori, præsertim etiam Coffeæ, cum vel sine pauxillo lactis admixto, lotionibus alvi sive clysmatibus, emollientibus, itemque modo laudatis blande alvum moventibus aquosis aut salinis.

Si *nuclei cerasorum* copiosius comesti alvum pertinaciter obstruunt, ut quandoque observatum est; vel *calculus* major in intestinis natus, ut aliquando contingere supra §. IV. jam indicavi, uncinulis in chirurg. nostr. Tab. 27. fig. 10. aut Tab. 33. fig. 17. itemque forcipibus calculariis Tab. 28. aliisque idoneis instrumentis ejiciendi.

XIII.

De Ileo.

In ILEO; (quod pertinacissima est alvi obstructio cum vomitu vehementi, nausea, atque acerbissimis ventris doloribus) quod vel a facibus induratis, vel ab inflammatione intestinorum, vel, quod frequentissimum est, ab hernia umbilici aut inguinum aut scroti *incaerata*, ut vocant, producit, pro causæ varietate etiam curatio est varianda. Adeoque si a facibus induratis oriatur, lenia laxantia exhibenda, & præsertim *sal catharticum Anglican.* vel Bohem. cum aqua fellerensi aliave medicata datum; vel *decoctum ex foliis sennæ*, tamarindis & manna, paratum ac partitis vicibus exhibitum, egregie sæpius prodest, præsertim, quando sequenti ratione præparatur & usurpatur.

R. Tamarindor. ʒj. fol. sennæ elect. ʒvj. crem. tartari, ʒj. ebull. in f. q. aquæ simplicis per mo-

mentum horæ, Colaturæ ℥vj. add. mannæ calab. vel sirup. rosar. solutivi ℥j. de quo æger primo capiat ℥ijj. & postea, si alvus inde post bihorium non movetur, quovis bihorio rursus ℥j. donec alvus solvatur. Sed simul *clysteres* emollientes ac paullo acriores, ex lacte & sapone veneto parati, injiciantur, aut præmittantur; aut si hi parum, *fumus Nicotiana* peculiari fistula, quæ *clyster tabacalis* appellari solet, in anum impulsus, valde hic sæpe conducit.

Quando ab *inflammatione intestinorum* iliaca passio oritur, id quod ex febre & ardore in intestinis cognoscitur, interne potus tenuis, aqueus; pulveresque ac mixturæ temperantes & antispasmodici nitrosi & camphorati, sicut in aliis inflammationibus, sunt exhibendi. *Externæ*, eadem sunt faciendæ, quæ in inflammatione intestinorum commendavimus, & cum primis, *spiritus vini camphoratus* cum linteis complicatis, vel *vesica* aqua vel lacte calido, in quo flores chamomillæ cocti, repleta, ventri imponenda; non neglecta in sanguineis maturatione Venæ sectione. Quando vero ab *hernia incarcerata* ileus oriatur, *sanguinis missio* quoque utilissima est, & deinceps intestina prolapsa, ubicumque hoc vitium sit, una cum loco prolapsus, spasmodice constricto, externis medicamentis emollientibus, præsertim unguentis & cataplasmatibus, vel vesica lacte aut aqua calida repleta, itemque clysteribus similibus, sunt emollienda atque intestina deinde, manibus, si fieri potest, blande reponenda; aut si his reponi nequeant, *fumus Nicotiana* fortioris, prædicta fistula, largiter per anum immittendus, donec æger ad desiderandum stimulum sentiat, quo ipso intestina intus ita stimulantur, ut se contrahant & angustiora fiant, atque sic in ventrem sæpe retrahantur. Sed si & hoc parum esset, ad *ferrum confugiendum*, & post maturam incisionem tegumentorum com-

munium & loci prolapsus, qui est vel annulus musculorum abdominis, vel arcus arteriæ cruralis, nimis contracti, vel in hernia umbilicali, ipse umbilicus antequam intestina sphacelo corripiantur, sunt restituenda; de qua uberius vid. Chirurgia nostra cap. de bubonocèle & hernia scroti incarcerata; quo facto prædicta symptomata plerumque mox cessare solent, quo tamen in statu blandum laxans ad intestina a saburra collecta liberanda commode subjungitur.

XIV.

De Dysuria & Ischuria,

S I V E

Urina ex parte aut omnino suppressa.

Dysuria & Ischuria sunt morbi affines iique *Causæ* valde molesti ac dolorifici, atque a causis quamplurimis oriri possunt: hinc quoties quis hoc malum prima vice sentit, in veram causam Medicus quam curiosissime inquirere, eaque perspecta, remedia cuius speciei propria adhibere rite debet. Si vero jam sæpius ea laboravit, causa plerumque jam magis cognita esse solet. Oriuntur vero sæpissime vel a calculo, vel ab inflammatione renum, vel cervicis vesicæ, in sanguineis, itemque in iis, quibus hæmorrhoides aut menses vel suppressi, vel qui moliminibus hæmorrhoidum urgentur; vel ab urethræ spongiosa sive cavernosa substantia, a sanguine abundante idem congesto, nimis distenta & quasi inflata, ita ut urinam vel difficulter, vel omnino non transmittat. In aliis urina a spasmo cervicis vesicæ, vel ab acri urina vel a sanguine ob quamcunque causam ibidem congesto, concita-

to retinetur; in aliis vero ob *vesicæ* ipsius *resolutionem* sive paralylin, quando urinam expellere nequit, supprimitur; vel a *caruncula*, quam vocant *urethræ*; vel a tumore, *abscessu* aut ulcere, in *glandula prostatica*; vel ab eadem hac *prostatica* *jussu* *magiore* atque indurata, sicut & MOR' AGNUS, [a] & ego quoque jam aliquoties observavimus. Ita & a *mictu cruento* urina haud raro vel supprimitur, vel difficulter saltem & non nisi magno nixu ac dolore expellitur, quando scilicet *sanguis concretus urinae iter occludit*.

XV.

*Signa
diver-
sarum
specie-
rum.*

Ut vero hæ causæ atque inde natæ *diversæ species* horum malorum suis signis probe a se invicem distinguantur, summa ope Medicum niti decet. Quando enim *ab inflammatione renum*, dolor potissimum & ardor in eorum regione cum febre urgent; si a *calculi renum*, dolori renum vomitus accedere solet: quæ duo indicia jam a *Baglivio* pro signis pathognomonicis calculi renum haud male habiti sunt; sin vero a *calculi vesicæ*, dolor vehemens est in vesica, & per urethram ad extremam usque glandem se extendit; mucus aut pus cum urina pallida excernitur, digitoque in anum immisso sæpe sentitur; certissimum vero signum catheter in vesicam immissus & in corpus lapideum impingens præbet. Quoties a *calculi* in *urethra* hæ noxæ oriuntur, hic vel tactu per digitos, vel specillum aut catheterem quoque detegitur. Si *ab inflammatione cervicis vesicæ*, tumor & dolor in perinæo percipiuntur, quando locus hic tangitur: & adhuc melius eam cognoscimus, si digito in anum immisso eoque versus vesicam furtim reflexo, tumor ibidem a Medico, ab ægro autem dolor ardens & premens percipiuntur, atque

atque catheter in urethram immisus circa collum vesicæ impedimentum deprehendit, ut ulterius progredi nequeat. His signis in graviore malo sæpe accedit tenesmus, ani constrictio, anxietas præcordiorum, frigus extremorum, vomitus & pulsus febrilis. Quod *urethræ cavernosa substantia sanguine nimis sit inflata*, inde intelligimus, quando urina suppressa, fistulam argenteam in urethram vix vel non nisi difficillime immittere possumus, præsertim si ægrum multo sanguine abundare cognoscimus. Quod *spasmus in collo vesicæ* adsit, ex eo dijudicamus, quando prædictæ causæ desunt, attamen spasmodica constrictio circa collum vesicæ ab ægro percipitur, & catheter commode ad cervicem vesicæ usque, sed non ulterius, ad vesicam scilicet, dimitti potest, nullo præsentē calculo vel in urethra vel in vesica. Si *urina acris* hunc spasmum inducit, dijudicamus hoc ex urina valde foetente, præsertim si ægri vel senes sunt, vel scorbutici, & in urina multæ particulæ salinæ, & quasi gypseæ se manifestant. An autem *caruncula* in vesicæ collo urinæ iter obstruat, præsertim cum multi ex recentioribus eam prorsus negent, sicut prolixius hac de re in Chirurg. nostris Institut. Part. II. Cap. 138. p. 885. disputavi, quam difficillime certo scire possumus. *Abcessum vero in glandula prostata* loco carunculæ sæpius urinæ fluxum impedire ex Benevoli observationibus (a) eodem in libro asseveravimus. Quod vero *scirrhus glandula prostata* sit causa urinæ suppressæ, durus, at vel indolens tumor in perinæo, vel saltem non multum dolens indicat.

XVI.

.(a) In libell. de caruncula urethræ.

Cura- Si canales uriniferi obstruuntur a corporibus soli-
zio dy- *dis, ut pelvis renum, ureteres, vesica cervix, aut*
suria *urethra a calculo, eoque nuper orto, aut recens sal-*
& is- *tem e renibus in ureteres aut vesicam delapso, ita*
churia *ut urina vel difficulter exeat; vel omnino suppressa*
a cal- *sit, isque adhuc parvus, propellitur & expellitur*
culis. *sæpe diureticis variis; supra pag. 176. & seqq. ubi*
de calculo egimus, indicatis; quibus hic adhuc ad-
dam decoctum rad. eryngii, itemque pulverem præ-
stantissimum ex pulv. antispasmod. ʒj. & lap. can-
ceror. ppt. ʒss. compositum; vel & ejus loco sal
cathart. Anglic. aut Bohemic. ad ʒj., vel cum eryn-
gii radice decocto, vel cum aquæ felferensis haustu
sæpius assumtum. Sed si dysuriæ aut ischuriæ caus-
sa calculus major est vel in vesica vel urethra hæ-
rens, quam ut per hanc expelli, aut medicamen-
tis solvi possit, pellentia, præsertim fortiora hic
summa noxia, adeoque vitanda, isque potius heroi-
ca sectione excidendus est, sicut in Institut. Chi-
rurgic. Part. II. Cap. 139. & seqq. prolixè satis do-
cuiamus. Quod si vero æger sit vel nimis debilis,
vel nimis senex, ut difficilem & periculi plenam
hanc curationem per scalpellum sustinere commo-
de nequeat, aut etiam illam ob quamcunque ra-
tionem admittere nolit, palliativa tantum sic dicta
cura tunc locum habet; quæ consistit primo in eo,
ut quoties calculus major urinæ iter occludat, hic
cathetere repellatur, ut urina exire queat; deinde
ut dolores agris leniamus: id quod fit interne, anti-
spasmodicis modo laudatis, & simul medicamentis
lenientibus, lubricantibus, oleosis & blandis ano-
dynis; externe vero clysteribus laudatis, unguen-
tis, linimentis ac balneis emollientibus ac lenienti-
bus, de quibus supra jam pag. 177. proposuimus
His in doloribus vehementioribus addi possunt inje-
ctiones lenientes in vesicam ex ol. olivarum, lini,
papav. albi vel amygdal. dulc. vel & ex decocto sem.

lini,

lini, aut rad. malvæ in lacte, addito paxillo butyri recentis.

XVII.

Si urinæ difficulter fluentis aut omnino suppressæ Cura-
 caussa est *inflammatio renum vel vesicæ, diuretica, tio si*
 præsertim *calidiora*, summe quoque sunt *perniciosa ab in-*
sa; immo vel ipsæ etiam *aquæ minerales* egregie *flam-*
 alias diureticæ, haud satistuto tunc adhibentur. *Ve-*
 rum potius hoc in malo danda sæpe sunt *remedia ne aut*
refrigerantia, nitrosa, salia media, lapid. canc. vel *plethora.*
 conchæ acido citri vel tartari saturatæ, addito singu-
 læ dosi *camphoræ* gr. j. vel altero, quæ efficacissima
 hic sunt cum diluentibus aqueis refrigerantibus, ut
decocto vel infuso radic. petroselini, eryngii, herbæ
 theæ, hederæ terrestris, fragar. aliarumque simi-
 lium, vel & *aquis distillatis* petroselini, fraga-
 riæ, alkekengi, exhibita; itemque *Emulsiones* ex
 sem. 4. frig. cum lap. cancror. antimon. diaph. &
 nitro vel ex semine violariæ (quæ & alvum & uri-
 nam simul utiliter movet): quibus adjungendæ *fo-*
mentationes, & præcipue *vesica lacte* vel aqua cali-
 da repleta, aut *cataplasmata* emollientia & resol-
 ventia, renum vel vesicæ, immo & perinæi regio-
 ni, si inflammatio in hoc loco, itemque *balnea*
 ipsa; præ omnibus vero *sanguinis missio* hic est in-
 stituenda, quæ cæteris fere omnibus palmam hic
 præripit, præsertim in ægris plethoricis & calidio-
 ribus: quæ & *omnibus eis in casibus* est adhibenda,
ubi sanguis abundat, & cum primis etiam in *hamor-*
rhoidibus aut *mensibus obstructis*, hæc mala indu-
 centibus; quando nimirum sanguis hic retentus
 circa vesicam congeritur, & urinæ excretionem
 sæpe molestissimam & crebro redeuntem concitat,
 quæ in senibus raro prorsus tolli possunt. Interea
 tamen studendum ut suppressæ hæc sanguinis
 evacuationes suis remediis, ex Cap. IX, restituan-
 tur; vel si hoc fieri nequeat, sanguinis missiones
 earum loco sæpius iterandæ substituantur, & ape-
 rien-

rientia ac resolventia simul adhibeantur, ut pulveres ex lap. canceror. citr. arcan. duplic. tartaro vitriolato & nitro, ut & lig. ter foliar. tartari vel *aqua medicata*, interpositis subinde salibus amaris catharticis, vel & *pilulis balsamicis Becheri* aliisque similibus, praesertim in sexu foeminino.

XVIII.

Aburethra nimis tumente. Ita etiam si urina ob *urethrae substantiam spongiosam*, a sanguine in ea largius congesto, nimis tumens & quasi inflatam, reddi nequeat, *Vena sectio* quoque larga primum rursus hic est remedium, quia sanguinem huc inde revocat & educit, immixtis deinde per aliquod tempus *candelis aptis cereis* aut *stylis plumbeis*, certe tenuioris amplitudinem habentibus, ad urethram nimis angustatam rursus diducendam & ampliandam. Quando urina hoc in casu valde urget *catheteres* etiam, qualis ille est, qui in Institut. chirurg. nostr. Tab. XXVII. fig. 7. sistitur, tunc adhiberi apte possunt; ordinarii vero & consueti illi, qui eadem tabula fig. 3. 4. & 5. exhibentur, & circa extremum utrinque foraminibus oblongis praediti sunt: quia haec inflata urethrae substantia in haec foramina se ingerit, atque motu ejus inde male afficitur, aut omnino laceratur, noxi hoc in casu deprehenduntur.

XIX.

Aspasmus. Quando *spasmus cervicis vesicae* difficultatis reddendi urinam causa est, pulveres temperantes & antispasmodici, ex aquis vel infusis diureticis, supra §. 17. commendatis, interpositis *emulsionibus* aut *oleis lenientibus*, v. gr. amygdal. dulc. olivarum, rec. papav. albi vel lini, ut & externe *cataplasmatibus*, *unguentis*, *clysteribus* atque *balneis emollientibus* ac demulcentibus, ibidem laudatis, immo & lenia *opiata*, si vis mali ea exigat, hic maxime profunt.

Aburina acris. Si *spasmus ab acris urina* proveniat, serum acre scorbuticum partim blandis purgantibus, partim idoneis

neis diaphoreticis eſt evacuandum atque divertendum; reliquum vero corrigendum 1. *abſorbentibus* ſive *terreis*; ut lap. cancror. matre perlar. creta præpar. antimon. diaphor. ſuccino præparato; 2. *decoctis* lenientibus rad. chinæ, ſaſaparillæ, malvæ, althææ; 4. *emulſionibus* & *oleis demulcentibus* modo laudatis, quo & *ſirup. dialthææ* referri recte poteſt; 4. in doloribus vehementioribus, iſſis moderatis *opiatis*: non omiſſis unguentis, cataplaſmatibus, clyſteribus & balneis prædictis lenientibus.

XX.

Sed ſi hoc vitium a *paralyſi* aut reſolutione iſſius corporis veſicæ ortum trahit, ſicut in *ſenibus* præfertim id haud raro incidit; (quæ ſpecies leviores, immo ſubinde nullos movet dolores), primo *fricationes* & *fomentationes* ventris ac perinæ remediis roborantibus, nervinis, ſpirituofis diligenter ſunt adhibendæ, *cataplaſmata* quoque ex cæpis aliſve roborantibus ac ſtimulantibus veſicæ ſuperimponenda; *clyſteres* ex herbis ejuſdem naturæ ac nervinis in inteſtinum rectum injiciendi, non neglectis remediis antiparalyticis ac roborantibus internis, ipſoque vino generoſo rhenano aut moſellano. Interea tamen, *quando urina forte nimis urget*, ne veſica nimium inde diſtendatur atque reſolvatur, mature hæc *fiſtula idonea argentea*, quam *catheterem* vulgo vocant, prudenter per urethram in veſicam immiſſa, educenda, hocque negotium, ſi urina poſtea ex arbitrio reddi nequit, bis vel ter in die, prout res id exigit, iterandum, continuatiſſe laudatis internis atque externis: donec ſucceſſu temporis veſica eam rurfus virtutem recuperet, ut ſponte urinam pro lubitu rurfus expellere valeat; id quod sæpe poſt aliquot demum hebdomades contingere memini, ita ut hi ægri poſthac hoc modo perfecte fuerint reſtituti.

XXI.

Quod ſi in miſclu cruento ſanguinis pars in veſica,

Si a
para-
lyſi.

A mi-
ſtu cru-
ento.

ut quandoque fit, concreſcat, atque cervicem ejus, aut viam urinæ obſtruat, ſanguis hic ſpiſſus & concretus eſt reſolvendus & expellendus; id quod faciunt 1. *infuſa calida herbarum digerentium* ac ſimul urinam pellentium cum aqua, ad modum Theæ parata, & cum primis herbæ hederæ terreſtris, arnicæ, chærefolii aut veronicæ, &c. 2. *Tinctura tartari* vel liq. terræ fol. tartari, cum infuſis his apta doſi aſſumpta. 3. *pulveres digerentes*, ex lap. cancror. ſucc. citri aut limonum ſaturatis, ſprem. ceti; tartaro vitriolato, nitro & cinnabari parati, atque ex aqua chærefolii aut petroſèlini ſubinde dati. 4. *cepe aſſate* regioni pubis & perinæ calide ſuperimponentur, vel *cataplaſma* ex farina tritici in lacte cocta, addito butyro & pauxillo croci, aliudve, ex rad. lilior. alb. herb. malvæ, altheæ & flor. chamomillæ paratum, ad ſpaſmum colli veſicæ relaxandum; vel etiam *veſica lacte calido*, in quo flores chamomillæ aut meliloti cocti fuerunt. 5. *clyſteres emollientes & reſolventes*, ex floribus chamomillæ in lacte coctis, addito oleo vel butyro recenti. 6. Si forte hæc omnia parum eſſent, & urina nimis ægrum torqueret, *cathetere* hic ſanguis in veſicæ collo hærens repellendus vel perrumpendus, & per eum urina ejicienda.

XXII.

*Abul-
cere
veſicæ
aut u-
rethrae.*

Ulcus in veſica etiam haud raro ſuppreſſæ urinæ cauſſa eſt? id quod *ex urina purulenta ac ſæ-
tida*, doloreque veſicæ ſæpe vehementiſſimo, haud aliter, ac ſi calculo veſicæ ægri laborent, cognoscitur. *Hoc ulcus in ſenibus*, ſicut Hippocrates jam notavit, vix unquam; in junioribus vero non niſi *difficillime curatur*, præſertim ſi inveteratum, & veſica jam nimis inde exeſa atque corrupta eſt. Interea tamen, vitatis primo omnibus acribus & ſtimulantibus, *infuſa radicum & herbarum vulne-
rariarum*, abſorbentia §. 19. oleoſa & mucilaginoſa, blanda baſſamica, cum primis *baſſamum de Mec-*

cha

cha in elæosaccharo , & moderatus usus mercurii , præsertim ubi venerea subest causa , sæpe quamplurimum hic præstant . Immo & post hæc *aqua minerales* , tam simplices , quam cum lacte tepide ac per plures hebdomades potæ , itemque ipsæ *thermæ* , ut Emsenses , Carolinæ aliæve similes hæc ulcera quandoque una cum dysuria adhuc persanant . Quibus omnibus vero & *injectiones* ex decocto herbarum traumaticarum , ut agrimonie , hyperici , plantaginis aut millefolii , mille rosarum temperato præparatæ & per fistulam æneam vel argenteam in vesicam immissæ , subinde interponantur , vel horum loco *lac cum sirupo dialtheæ* aut butyro recenti , vel & oleum hyperici injici possunt . Si *dysuria* ab *ulcere urethræ in gonorrhœa* , hoc ita curandum , ut in gonorrhœa docuimus .

XXIII.

Si *urina in gravidis* , ultimis præsertim mensibus , *difficulter succedat* , *vitanda diuretica* , quia foetum præmature expellere facile possent ; verum quia hoc vitium tunc plerumque a collo vesicæ , ob uterum valde turgidum , compresso , oriri solet , remedium ipsis sæpe est , sola ventris gravidæ utraque vel alterutra manu in altum elevatio , vel si hæc parum est , *catheteris* provida in vesicam immissio , atque per hunc urinæ facta emissio . Ita si *puerpera in partu* , præsertim diuturno ac difficili , urinam mittere non possunt , atque vesica distenta partum adhuc difficiliorem reddat , catheter quoque hic & ad urinam & ad partum promovendum , summe necessarium & optimum est auxilium .

XXIV.

Denique si a *glandula prostata nimis tumida* A pro- atque indurata , vel ab ipso *scirrho hujus glandulae* urinæ liber exitus prohibeatur , ea , quæ ad ejusmodi tumores & scirrhos digerendos infra §. da . 29. & seq. tam interne , quam externe commendavimus , quam solertissime adhibenda sunt .

Q

Quod

taplafmatis, aut ol. scorpionum, juniper. succini in forma linimenti pubis & perinæi regioni, excitandi & stimulandi fine, applicanda. In *ischuria senum plethoricorum* & laute viventium, vel hæmorrhoidibus suppressis laborantium, præter dicta, *missio sanguinis*, sicut in aliis plethoricis, sæpe urinam egregie solvit; dum sanguinem in collo vesicæ congestum revellit. Sed si hæc non sufficiant, & symptomata urgeant, cathetere vel ipsa *punctura vesicæ*, si nimirum urina in vesica hæret, educenda; *sin vero causa* urinæ suppressæ *in renibus*, hæ operationes chirurgicæ non sunt adhibendæ, quia eis urina e renibus educi nequit. Sed præter laudata interna, *regio renum sæpe oleo scorpionum, juniperi & succini illini* & cataplasma emolliens deinde imponi possunt: ubi & *clysteres* emollientes ac balnea egregiam sæpe opem præstare solent. In malo autem inveterato, vix ulla superest curatio. Vid. Hipp. aphor. 31. Sect. VI.

XXVI.

De Morbis sive Obstructionibus vasorum a viscido generatim:

Si obstructions vasorum ab humoribus lentis, viscidis, spissis, grumosis, coagulatis, ut in tumoribus glandularum, scrophulis, dyspnæa & asthmate a vasis pulmonum obstructis, polypo cordis, &c. illi sunt attenuandi, resolvendi & fluxiles reddendi: id quod iis maxime remediis fit, quæ supra in cachexia curanda Cap. XI. laudavimus; præcipue vero infusis, decoctis, & essentiis herbarum, lignorum & radicum, diaphoreticis; omnis generis medicamentis amaris; salibus alcalicis, mediis, digerentibus sive digestivis vulgo dictis: & maxime quoque aquis medicatis, non omisis pur-

*Obstru-
ctiones
ab hu-
mori-
bus vi-
scidis.*

gantibus & sanguinis missione. Præterea etiam notandum, quod in morbis a viscido, obstructionibus variis vasorum & nervorum atque cachecticis affectibus, ab humoribus tenacissimis, oriundis, mercurialia quoque prudenter adhibita, absque, vel & quandoque cum excitata salivatione, sæpe egregie conducant; immo sæpius summe sint utilia ac necessaria: ut in cephalæa & hemierania pertinaci, amaurosi ab obstructione nervorum opticorum, in cataracte initio, vel saltem non inveterata; epilepsia, affectibus catarrhalibus diuturnioribus, aut sæpe recurrentibus, præsertim ophthalmiis ejusmodi, affectibus paralyticis, scorbuto viscido & frigido contumaci, lue venerea, scabie inveterata, quartana rebeli, ulceribus cacoethicis, cariosis, spina ventosa, plica polonica, obesitate nimia, & fluore albo pertinaci, aliisque in affectibus rebellibus; qua de re prolixius videri potest STAHLLII dissertat. de salivatione mercuriali aliis præter lucem veneream morbis rebellibus extirpandis pari, & dissertat. nostr. de Amaurosi salivatione curata.

XXVII.

De Glandulis induratis, Scirrho & Cancro.

Clan- Speciatim vero ad obstructiones ab humoribus
dula- viscidis etiam merito referuntur glandularum tu-
rum tu mores, scirrhi & tandem carcinomata live cancro-
mores, si affectus, qui omnes ab obstructione vasorum &
scirrhi præsertim in glandulis, ab humoribus crassis, vi-
& can- scidis, tanquam causa propinqua, suam originem
cri. ducunt; quibus vero in *cancrosis affectibus pecu-*
liaris & quasi venenata acrimonia rodens, cujus
natura hætenus perspicere & curari nondum potuit,

ac-

accedit, qua dolores rodentes sæpe vehementissimi & partium læsarum ac vicinarum erosiones sive ulcera concitantur.

XXVIII.

Cognoscantur hæc mala ex tumoribus duris plerumque mobilibus & initio indolentibus; quo in statu *glandula indurata* dicuntur; sed quando hæc non brevi digeruntur, aut suppurantur, sed potius negliguntur & magis adhuc indurescunt, *glandula scirrhusæ* sive *scirrhæ* appellantur, & si hi, præsertim in mammis, rodere ac dolere incipiunt, *carcinomata* sive *cancri incipientes* vel *occulti* sed si jam diu durarunt, *cancri occulti inveterati*; si vero cutis & vicina tandem inde eroduntur atque exulcerantur, *carcinomata* & *cancri aperti* sive *exulcerati* dici solent; quorum priores tumores medicamentis raro ac difficulter digeruntur & curantur; posteriores verò vix unquam & rarissime. Immo secundum præceptum Hippocratis [a] melius est *cancros occultos intactos relinquere*, quia medicamentis commoti plerumque deteriores fiunt, & ægros citius interficiunt.

*Dia-
gnosis
& pro-
gnosis.*

Glandula colli indurata, quia in pueris a voracitate & prava victus ratione oriuntur, hac emendata atque correctis humoribus corruptis, motu fortiori, ipsa ætate ac tempore, naturæ vi, plerumque rursus digeruntur. Interea tamen hoc sæpe non fit, verum e contrario glandulæ hæc induratae haud raro successu temporis augentur vel multiplicantur, præsertim circa collum, atque auctæ *scrophularum* (Gallis, *Ecrovelles*), immo si adhuc majores fiunt, *strumarum* nomen adipiscuntur, licet hæc haud raro glandulæ induratae non sint, sed tumores potius tunicati sive *saccati*, varios humores praves continentes, qui mirum sæpe in

Q 3

mo

[a] Aphor. 38. Sect. VI.

modum excrescunt, atque varia gravia mala ægris inducunt.

Denique hic adhuc observandum, quod plerique homines solis externis remediis duos hosce tumores digerere ac curare velint; verum cum hæc sola vix internam humorum vitiosam intemperiem corrigere valeant, hac ratione curati in pejorem plerumque statum abeunt: adeoque ab internis potius remediis auxilium & petendum & sperandum esse existimo.

XXIX.

*Cura-
tioglan-
dula-
rum
dura-
rum 1.
deco-
ctis.*

Remedia vero, quæ glandulis induratis emolliendis ac dissolvendis maxime opportuna esse censemus, sunt:

1. *Infusa & decocta* ex radicibus, lignis & herbis resolventibus parata, bis terve in die usurpata: ut ex rad. sarsaparillæ cum ligno quajaco; vel ex rad. sarsaparillæ chinæ & ligno sassafras; vel ex rad. *scrophulariæ* aut *vincetoxici*, quæ in Ephem. Nat. Cur. Dec. I. An. 1. Obs. 57. valde laudantur. Ita decoct. ligni quajaci cum rad. liquirit. vel infusum aut decoctum herbe *rosmarini* cum saccharo, ad glandulas colli tumescentes digerendas recte commendantur a D. Kuchlero, Medico Lipsiensi, (a) quod cumprimis etiam valet in puellis mox adultis, quibus menstrua adhuc deficiunt; cum quibus vero omnibus subinde apta dosis tinct. antimon. vel essent. lignorum aut succini data negotium hoc tanto melius expedit.

XXX.

*2. Pul-
veribus
viscidis
digeren-
tibus.*

Præter hæc quoque 2. *pulveres* sanguinem hunc viscidum attenuantes, exhibendi: inter quos celeberrimus est *pulvis ad strumas August.* cui vero cinn-

(a) In dissert. de glandulis colli puerorum tumefactis, Lipsiæ in 4.

nabaris vel mercurii dulcis gr. j. vel alterum in quovis præbio apte addi potest. Ita & *antimonii crudi pulvis* huic pulveri ad strumas commodè substituitur, præsertim si ipsi in quavis dosi gr. j. vel alterum mercurii dulcis adjungitur, quiegre-
gie glandulas puerorum in collo & minores ac re-
centiores *scrophulas dissolvere solet*. *Pulvis mille-*
pedum a ℞ss. ad ℞j. cum gr. j. vel altero mercurii
dulcis *probatissimi quoque est usus*, cum in *exter-*
narum glandularum tumoribus, tum & in viscerum
tumoribus duris, præsertim si quovis triduo vel
quatrinduo interjecto idoneum purgans mercuriale
interponitur. Ita & *pulvis radie. ari* cum mercurio
dulci datus, valentissimus est in *tumoribus indura-*
tis internis & externis dissolvendis, a quibusdam
etiam *æthiops mineralis* valde commendatur,
quamvis a *Boerhavio* in chemia sua tamquam cor-
pus iners rejiciatur; quæ vero remedia omnia diu
sunt continuanda, præsertim in malis jam invete-
ratis, vitata molesta salivatione; alias brevi tem-
pore parum vel nihil efficere solent.

XXXI.

Conveniens simul his in malis *victus ratio est*. *Victus*
observanda, vitando omnia *alimenta austera*, *cru-* *ratio.*
da, crassa, flatulenta, difficulter digerenda, olera
hyberna, legumina ac similia; itemque voracita-
tem ac nimiam etiam alimentorum teneriorum
aut leviorum copiam; *aerem frigidum & insalu-*
brem, mærorem, tristitiam, nimium, otium, &c.
sed contra corpus sæpe exerceant.

XXXII.

EXTERNE pro scopo glandulas & scirrhus re- *Remo-*
centes dissolvente hic conducit *foetus spiritus vini dia ex-*
calidi simplicis, cum splenis sæpe super imposi- *terna.*
tus; vel *spiritus vini camphoratus & crocatus*, ali-
quoties in die renovatus. Ita & *emplastra resol-*
ventia, ut sunt empl. de ranis Vig. cum mercurio,
de meliloto, diaphoret. Myns. diachylum,

aliaque in Institut. chirurg. nostr. p. 337. commendata, calide his tumoribus imponi & prædictus focus, si lubet, vel & *sacculi digerentes* calide superaddi apte possunt, vel ex herbis & floribus fragrantibus, vel ex cineribus calidis, vel ex sale & arena compositi; hinc & *Deidier* in mammis scirrhis valde commendat *arenam maris calidam* (a); cui vero forte arena vulgaris cum sale æquipollet. *Vapores acidi* a quibusdam etiam vehementer laudantur, de quibus quoque uberius Institut. chirurg. nostr. videri possunt.

XXXIII.

In quibusdam ad glandulas & tumores scirrhotos discutiendos egregium quoque est *oleum philosophorum* & *balsamum sulphuris* *Ruland.* si aliquoties in die his calide ac probe fricentur, supradato postea *emplastro*, *fortu* vel *sacculo* ex modo commendatis. Illorum loco etiam valde efficax est *Linimentum* ex oleo destillato, saponis, potroleo albo, axungia humana & unguento martiali August. paratum, cui postea *emplastr.* ex gummi ammoniaco, vel de sapone vel de meliloto, vel de sperm. ceti, aut de ran. Vigon. cum mercurio superimponendum, factaque his emolliitione *emplastr.* *oxycroceum* cum *diaphor.* *Myns.* sufficere asseverat *Mittermayer* (b), si modo interna supra laudata simul diligenter assumantur.

Si a labe venerea, ut sæpe fit, istiusmodi tumores oriuntur, *unguenta mercurialia* utilissima & valentissima sunt, si eis sæpius calide & diu probe fricentur: quæ vero & in aliis prosunt, si interna non negliguntur.

Si vero omnia hæc, ut hæud raro contigit, parum essent, *scalpello* sæpe excindi possunt, quando locus ac mali conditio extirpationem admittunt;

(a) Lib. de tumor. p. 127. (b) In dissert. de strumibus Bungenium.

tunt; qua vero de re conf. Institut. nostræ chirurg.
P. I. lib. IV. Cap. 16. item P. II. Cap. 98.

XXXIV.

Cancrī curatio.

Quod si vero scirrhus extirpari nequeat, aut ægri extirpationem ejus admittere nolint, istamen dolere incipiat, inæqualiter tumeat, augeatur, renæ circa illum, ut sæpe fit, intumescant, & sic malum carcinomatis, quod vulgo cancrum & quidem occultum appellare solent, (a) indolem assumat, studendum est, ut hi dolores, quia tolli prorsus vix possunt, quantum fieri potest, ægris leniantur ac tolerabiles reddantur; id quod tamen difficillime ac raro, præsertim in mammarum cancro, utpote frequentissimo, obtineri potest, sicut jam dudum expertissimus Hildanus monuit, (b) optandumque est, ut meliora aut valentiora his in malis cognita essent remedia, quæ huic scopo satisfacerent, quam quæ hucusque ad nostram cognitionem pervenerunt: cum e contrario a quamplurimis potius remediis, ut §. 28. jam diximus, exacerbentur, atque incrementa sumant. Interea tamen interne*, præter temperantiam & aptam victus rationem, decocta lignorum, vel horum loco decoct. cortic. ulmi, & foliorum saniculæ, (c) pulveres antispasmodici & nervini, primo sine anodynis aut opiatis, sed si illi non sufficiunt, cum extractis papaveris aliquot granis, vel horum loco emulsionem papave-

Cancrī
curatio
inter-
na.

(a) Plura hac de re in Institut. chirurg. n. p. 242. legi possunt. (b) Lib. de Gangræna, Cap. VII. (c) Quod Harris in dissertat. chirurg. sua X. valde commedat.

verinæ, aut Essentia croci vino malvatico parata, & vesperi ad gutt. 30. & plures sensim data; vel hujus loco laud. liquid. Sydenhami a gutt. 15. ad plures sensim ascendendo, egregie benefaciunt; vel denique & massa pilul. de cynoglossio, cum pulveribus antispasmodicis, a gr. j. ad plura ascendendo; aut denique ipsum, si prædicta parum sunt, *laudanum opiatum*, quia natura sensum huic vel illi assuescit, ita ut mutatione remediorum subinde opus sit, si aliquid levaminis ægris præstare velimus. His *lenia purgantia* & *cumprimis extract. hellebor. nigr. cum mercurio dulci* a RIVERO etiam feliciter usurpatum (a), interponenda & in plethoricis, vel ubi consuetæ sanguinis evacuationes suppressæ, *sanguinis detractio* subinde instituenda, pro ægrorum & rerum, quæ circumstant, diversitate.

XXXV.

Extrinfecus super scirrhum dolentem aut cancerum incipientem, vel saltem adhuc *clausum*, *lamina ex-plumbea*, mercurio imprægnata imponatur, qua subterna inde in nonnullis dolores per aliquod tempus *cancri* egregie leniuntur; vel loco hujus varia *emplastra occulti.* & *unguenta saturnina* commendantur, quæ vero, quia jam Institut. chirurg. nostr. p. 340. nominata vel descripta sunt, ne actum hic agere videar, lectorem ad illas remitto. Matura vero *Carcinomatis extirpatio* præcipuum hic est remedium; quamvis hoc malum etiam post hanc sæpe redeat, ut sæpius expertus sum, & nemo certam curationem spondere possit.

XXXVI.

Si cancer ex-ulceratus. In cancro *exulcerato*, qui ut plurimum vehementissime dolet & foetet, præter ea, quæ in Institut. Chirurg. nostr. ad hoc malum leniendum com-

(a) Obs. 97. Cent. I. & *Sculter. in Armam. Chir.* Obs. 55.

commendavimus, *Harrisius* adhuc laudat *terebinthinam* splenio illitam; quæ etiam subinde revera aliquid præstat. Ita & *pulvere ligni sancti*, *sarsaparille* & *sanctali citrini* mammam cancrosam se curasse scribit, loco antea citato, parte solum a frigore defensa; qui vero pulvis forte quædam, certe non adeo multas liberabit; partem læsam etiam tenui lamina plumbea & splenio spiritu vini imbuta, obtegi suadet. Alii succum tabacci recens expressum, tam mundandi, quam consolidandi sine laudant. Alii succum *bella donna*, alii folia & decoctum ejus & externe & interne magnificiunt (a), verum sine fructu hæc adhibita fuisse novi. In quibusdam aqua calcis cærulea aliquid levaminis præstitit; in quibusdam unguent. nutritum; ex aceto lythargyr. cum oleo rosarum, vel solani paratum; in alii spirit. vini simplex linamentis impositus. Si vero hæc omnia parum sunt, ferrum sæpe, præsertim si mature adhibeatur, sanat. Verum ab omnibus his certam curationem non esse expectandam, usu didici. Si emplastro tegendus & ea ægra ferre potest, optima sunt *saturnina*, & imprimis illud de minio camphora roboratum.

XXXVII.

Ubi obstructions & inflammationes a ligaturis fortioribus, ut in fracturis, vulneribus, hæ sunt solvendæ & moderatius adstringendæ, adhibito simul fomento digerente ex spiritu vini calido vel aqua calcis cum spiritu vini camphorata. Quando ab effusis humoribus in capite, sive calvaria, & hi res solventibus medicamentis, in Chirurgia nostra, cap. de capitis vulneribus, laudatis, tolli non

Obstru-
ctiones
a vasis
com-
pressis.

po-

(a) Quæ de re videri potest differt. de *Bella donna* Halz edita.

potuerunt, perforatione live trepanatione, ut vulgo vocant, cranii; sed si qui in thorace effusi, & præsertim pus in empyemate, aut sanguis in vulneribus pectoris, paracentesi sunt educendi, de quibus operationibus vid. Institut. nostræ chirurgicæ.

XXXVIII.

Obstru- Extranea aures vel nares obstruuntia, ut pisa, fabæ, lapilli, vossellis nacinulisve eximenda, id quod etiam in calculo urethræ fieri debet. Polypi in naribus, hærentia in œsophago, prolapsa solida in asperam arteriam, tubercula live tumores e vagina uteri aut intestino recto excrecentes & vias naturales obstruentes, itemque ita dicta caruncula in urethra, manu quoque chirurgica sunt auferenda.

Si *via naturales*, ut palpebræ, aures, nares, anus, vagina uteri, urethra p. n. sunt coalita, ut in ita dictis atretis, scalpello sectione provida sunt aperiendæ. Omnium denique obstructionum, ut brevis sim, quæ manum chirurgicam requirunt, curationes ex Institut. Chirurgic. nostris peti possunt, quæ in ejusmodi malis evolvendæ.

XXXIX.

Partus difficilis est quoque species obstructionis, dum fœtus in partibus genitalibus hæret, eas obstruit, & transire nequit; verum de hoc quoque ample satis in Instit. Chir. egimus & nonnulla adhuc infra, ubi de morbis mulierum Cap. XVI. acturi sumus, proponemus.

*De Fluxibus sive Fluxionibus , iisque
maxime serosis.*

I.

Fluxus p. n. opponuntur obstructionibus , atque per eos intelligimus. *quascunque profusiones aut affusiones p. n. sanguinis aliorumve humorum sive utilium , sive excrementitiorum , corpore humano : unde debilitas virium aliaque symptomata , immo , nisi in tempore rite succurratur , sæpe mors , sequuntur . Quoniam vero de fluxibus sanguinis plerisque supra Cap. V. jam actum est , reliquos hoc in capite proponemus .*

*Quid
fluxus.*

II.

Contingere solent tales fluxus in capite , thorace , abdomine , partibusque genitalibus utriusque sexus , ut & in tota peripheria corporis . *In capite contingunt fluxus lacrymarum nimius sive lachryma involuntaria , oculus lacrymans quoque dictus & epiphora , atque deinde rhyas , coryza , pryalismus sive sputatio , aut salivatio nimia , &c. In thorace , tussis humida , rheuma , sive catarrhus pectoris , cum vel sine difficili respiratione , vel rauedine . In abdomine , diarrhoea , dysenteria , eaque vel cruenta vel biliosa , vel purulenta ; lienteria , coeliaca passio , cholera , vomitus , fluxus hepaticus , diabetes , urinæ incontinentia , pollutio nocturna nimia , gonorrhoea & fluor albus : sed de his duobus ultimis quoque jam Cap. VIII. ubi de cachecticis affectibus egimus , dictum est . In corporis peripheria , sudor nimius & ulcera serosa occurrunt .*

*Con-
tingunt
varie
in par-
tibus .*

III.

CAUSSA horum fluxuum generatim vel in hu- *Caussa
mo-*

moribus hæret, vel in *partibus solidis*; in humoribus, quando vel quantitate, vel prava quadam qualitate, aut motu turbato peccant. A *quantitate excedente* oriuntur sæpe diarrhœæ serosæ ac biliosæ, dysenterix, vomitus, cholera, sudor nimius, omnis generis catharri, tussis, coryza, præsertim si transpiratio ob quamcunque causam fuit suppressa, vel crapula præcessit.

A *quantitate humorum*, maxime spirituum, *deficiente*, proveniunt debilitates, animi deliquia, urinæ & sæcum incontinentia, ut & sudor *frigidus* debiliū atque morientium, vel & *calidus* quandoque nimius, sive colliquativus, ut in hæticis & phthisicis.

A *debilitate spirituum*. & inde pendente *partium debilitate*, observantur etiam, præter modo dicta mala, lacrymæ involuntariæ, diarrhœa, lienteria, cœliaca passio, diabetes, gonorrhœa benigna in viris, fluor albus diuturnus & rebellis in quibusdam mulieribus.

Prava qualitas & quidem *acrimonia humorum*, præsertim biliosa, sæpe excitat vomitum, diarrhœam, dysenteriam, choleram; *acrimonia serosa*, partim eadem, partim tussim, *raucedinem*, *coryzam*; unde & *ulcera ichorosa*, scorbutica ortum suum trahunt. Ab *acrimonia venerea*, gonorrhœa, fluor albus virulentus, ulcera venerea, fistulæ, caries, spina ventosa aliaque mala producuntur.

A *motu turbato spirituum atque humorum*, ut a terrore, metu, ira, oriuntur subinde, præter varias hæmorrhagias, diarrhœa, vomitus, cholera, alvi & urinæ fluxus, uteri hæmorrhagiæ, immo abortus ipse in gravidis. Quo gravioribus vero comitati sunt symptomatibus, eo majus adest periculum.

Cura-
tio ge-
neralis.

I V.

In curatione harum fluxionum generatim ad diversas causas semper probe est respiciendum: ut
si

si vasa & spiritus debiles , roborantia , tam ex diæta , quam pharmatica , sunt adhibenda ; si humores acres aut biliosi , hi per contraria sunt corrigendi , alterandi , atque etiam evacuandi ; si quantitate excedunt , purgantibus , diaphoreticis , diureticis , vel & pro re nata vomitoriis , sicut sæpe in diarrhœa & dysenteria opus , sunt expellendi . Si a motu turbato spirituum , hic quiete , nervinis & anodynis in ordinem est redigendus .

V.

De Coryza .

Speciatim in CORYZA , si fortior , (nam levior , si modo conveniens victus ratio servatur , Speciatim coryza .) primo purgantia & postea diaphoretica , anticatarrhalia sunt exhibenda , & imprimis Essentia quædam diaphoretica mane , & vesperi pulvis quidam diaphoreticus . His præmissis , externe omnia ex majorana confecta naribus modice attracta vel inuncta dissipant & roborant ; vel semen nigella cum pauca camphora remixtum & naribus subinde admotum , itemque balsama cephalica , aut salia volatilia urinosa eadem ratione adhibita ; sed cavendum , ne solis externis & quidem nimis cito , eam aggrediamur : quia abundans & noxium , quod expellendum , his ipsis repellitur , vel sistitur ; unde dolores capitis , vertigo , aliaque graviora mala inde oriri solent . Dieta sit parca & temperata , vitandusque aer humidus & frigidus ; quamvis iter sæpe aut motus fortior in quibusdam , ut sæpe expertum sum , hunc morbum solvat .

VI.

De Oculo lacrymante.

Oculus lacrymans. OCULUS LACRYMANS, si a debilitate glandulæ lacrymalis oriatur, conveniunt primo roborantia externa, ut spiritus vini, vel aqua Regi-næ Hungariæ, aqua simplici, vel aqua scœnicu-li, valerianæ aliave simili temperata, & supe-rioribus palpebris aliquoties in die illita. Interne, serum abundans purgantibus est evacuandum & revellendum, acrius vero balsamicis & anticatar-rhalibus est alterandum & corrigendum, ut Essent. succini & lignorum, ut & decoctis lignorum, at-que simul revellendum, *vesicatoriis*, vel & pro-re nata, *fonticulis*. Sed si duciùs nasalis est obstru-ctus, aut causa hujus mali sit *fistula lacrymalis*, vel aliud chirurgicum vitium lacrymantem ocu-lum faciat, ex Chirurgia auxilium petendum. Vid. Chirurg. nostr. Cap. de oculo lacryman-te. Si *caruncula lacrymalis* vel rodentibus medi-camentis *erosa*, vel sectione improvida ablata, vel aliam ob causam deficit, quod vitium *rhyas* ap-pellari solet, malum est immedicabile; sicut & si a *senectute* oriatur.

VII.

De Sputo nimio.

Ptyalismus. In *ptyalismo*, sputo aut salivatione nimia, præ-sertim cum faucium magno tumore, humores re-vellendi & per alias vias, maxime autem per alvum, sunt evacuandi, atque vasa salivalia ni-mis laxa in ore roboranda: quapropter hic pur-gantia, sed sine mercurio, & postea sudorife-ra; anodyna atque gargarismata adstringentia re-quiruntur.

De

VIII.

De Tussi humida, & raucedine .

TUSSI humida & raucedini, purgantia, & præsertim potiuncula purgans ex senna, manna, aliisque, si lubet, parata, ac deinceps diaphoretica & pectoralia medentur: quæ tamen pro ratione causæ sive materiæ peccantis varianda. *Quod si enim materia rejecta sit acris ac tenuis, incrassantia, oleosa & mucilaginosa danda: ut saccharum candum, vel saccharum hordeatum, vel succus Glycyrrhizæ vel massa pectoralis ex cremore hordei, saccharo, gummi arabico aut tragacanthæ in formam morsulorum redacta, de qua sæpius frustulum in ore dissolvitur, ac sensim deglutitur; vel rotulæ diatragacanthæ, aut trochisci becch. albi, vel ol. amygdalarum dulc. solum aut cum sirup. flor. papav. vel violar. temperatum; juscula mucilaginosa ex hordeo, avena, oryza, fagopyro aut similibus parata; infusa pectoralia, ex radic. liquirit. ficibus, dactylis, passulis & herb. pectoral. composita, ut sunt spec. pectorales nostræ, Dispensatorii Brandeb. aliæve similes, atque si tussis vehementior, anodyna, ut massa pilularum de styrace vel de cynoglossa, vel laud. opiat. parca copia; vel Rotulæ becchicæ opiatæ disp. Brandeb. vel emulsiones ex sem. papav. albi, vesperi exhibita.*

IX.

Sin materia tussis est viscida, & tenax, resolutiva, attenuantia, abstergentia, lenibus dulcibus remixta, optime conducunt; ut radices & herbæ pectorales attenuantes: rad. scilicet helenii, pimpinellæ, irid. florent. ari, herb. veronicæ hyssopi, scabiosæ, tussilaginis, cum sem. scenic. anisi & anisi stellati, in forma infusi, vel decocti, atque

R

præ-

Tussis
& rau-
cedo ab
acri.

Tussis
a caus-
sa vi-
scida.

præter hæc inprimis etiam *sperma ceti*, in jusculo calido, vel decocto Coffeæ aut pectorali solutum, vel cum lapid. cancr. & saccharo in pulverem redactum, atque aliquoties in die apta dosi adhibitum: cui etiam aliquot guttulæ olei anisi instillari commode possunt. Ita & spec. diarr. vel in pulvere vel in rotulis, Elix. pectorale VVedel. Essent. helenii, pimpinellæ albæ, spirit. salis ammoniaci anisati, sirup. de erysim. Lobellii, egregie hic profunt, præmissis & interpositis, pro re nata, idoneis *purgantibus*; ad pituitam abundantem a pulmonibus revocandam atque evacuandam, In sexu feminino, quia mensium sæpe obstructio & redundans ad pectus sanguis tusses producit ac fovet, horum fluxus, ut supra Cap. IX. docuimus, est restituendus; interea tamen hic *pediluviis* revellendi sine profunt, sed inprimis *Vene sectio in pede* quoque multum confert, & diurnam tussim inde ortam, aliis frustra adhibitis, sæpe sanat. Confer. Histor. Morbor. Uratislavien-sium.

X.

De Diarrhœa sive Alvi fluxu.

Diarrhœa. DIARRHOEA, quia sæpe est fluxio sive excretio naturæ salutaris materiæ alicujus abundantis aut vitiatæ, præsertim si æger inde non debilitatur, & cibi fastidium deest, *principio non est sistenda*; sed vel abstinentia curanda; vel *potius evacuatio* supervacui aut noxii *juvanda*, potu scil. calido diluentium temperantium, ut aquæ calidæ aut tepidæ, Theæ, Coffeæ jusculi tenuis e carne quacumque, decocti hordei vel avenæ, immo subinde leni laxante ex rhabarbari pulvere aut decocto, vel ejus essentia, vel potu aquarum mineralium temperantium, ut Selseren-sium, aut pur-

purgantium, ut Egrensum, Pyramontanarum, &c. ad libras ij. vel. iij. tepide haustiarum. Postea vero *stomachica* roborantia specifica, ex mentha, cydoniis & cinamomo parata, ut aqua menthæ cum vel sine vino, aqua cinamomi simplex & cydoniata vel vinosæ, itemque theriacalia, ut theriaca vel diascordium a 3[℥]. ad 3j. per intervalla data, optime opem ferunt, observata simul quiete corporis & calore temperato. Si in forma guttarum remedia desiderentur, omnis generis Essentiæ stomachicæ & cumprimis Ess. Nucis Mosch. cinamomi, terræ japonicæ, theriacæ vel diascordii hic conducunt, *Diarrhæa* tamen etiam *motu corporis*, *vectione cumprimis in curru*, aut *equitatione*, immo & *sudore provocato* haud raro egregie compescitur, nam una excretionē aucta, altera imminuitur: quam ob causam & *vomitorium*, atque inprimis *hypocacoanna* sæpe fluxus ventris pertinaciores, ut HIPPOCRATES (a), & CELSUS jam dudum notarunt, atque recentiorum observationes quamplurimæ confirmarunt, compescere haud raro solet. *Externe* balsama stomachicæ ex ol. N. M. express. & oleis destillat. stomachicis, ut menthæ, absinthii, chamomillæ, mastichis carvi, fœniculi & balsamo peruviano; vel ex theriaca & oleo Nuc. mosch. parata, ventriculo sæpius illinantur, superimposito etiam in malo graviore Empl. vel. ex theriaca, vel de crusta panis, vel de racamahæa, aut sacculis stomachicis, ex herb. Menth. chamomil. rad. Zedoar. Galangæ, sem. carv. aneth. fœniculi supradatis, aut crusta panis tosti, cum spiritu vini calido vel vino hispanico imprægnata, ac nuce moschata aliisque aromatibus conspersa; vel cataplasmate

R 2

ex

[a] Aphor. 15. Sect. VI.

ex pane mellito, aromatibus roborato, & vino hispanico ebrio; vel & cataplasmate ex frumento faracenico, quod *Mayz* vulgo appellari solet, in formam pultis redacto. Quæ ipsa etiam medicamenta & interna & externa roborantia in *hypercatharsi* adhibita, optime conducunt.

XI.

De Vomitu, & Hyperemesi.

Vomit- Vomitus, quia sæpius etiam est naturæ excre-
tus. tio salutaris humorum noxiorum præsertim in
ventriculo hærentium, cavendum quoque ne mox
adstringentibus aut opiatis cohibeatur; verum stu-
dendum potius, ut ejectio eorum *potu aque tepi-*
da, aut jusculi tenuis frequenti promoveatur;
vel ipso etiam, si res id exigit, leni emetico &
cumprimis radice *hypecaeoannæ*, nam hic sæpe
verum est dictum *vetus vomitus vomitu curatur*.
Postea vero eadem roborantia interna & externa
sunt adhibenda, quæ modo in diarrhœa §. X.
commendavimus. Atque eodem etiam modo *Hy-*
peremesis sive *nimius vomitus*, a medicamento
purgante vel emetico fortiori ortus, est curandus.

XII.

De Cholera.

Chole- In cholera, in qua vomitus & diarrhœa simul
ra. affligunt, & morbus ex his duobus quasi compo-
situs est, quia causa fere eadem, saltem paullo
vehementior: eodem fere modo procedendum: ab
initio nimirum hæ excretiones adstringentibus aut
opiatibus non mox cohibendæ, sed potius largo po-
tu aquæ calidæ, ut *Celsus* jam docuit; vel juscu-
li carnis tenuis calidi, quod *Sydenhamus* tantopere
com-

commendavit , vel decocti avenæ , materia irritans acris , quæ plerumque hic biliosa , est diluenda , corrigenda atque evacuanda ; postea vero , cessante cholera , quiescendum , ac ventriculus rursus internis externisque roborantibus ac stomachicis , modo in diarrhœa §. X. laudatis , vino item generoso simplici vel aromatibus , præsertim cinamomo aut mace imprægnato , aliisque idoneis , aquis , essentiiis & elixiriis stomachicis roborandus ac restituendus , servata simul diætâ modica .

XIII.

De Lienteria , & Cœliaca passione .

In LIENTERIA , ubi assumpta nondum digesta per alvi fluxum excernuntur , id quod ventricul-
Lien-
teria
& cœ-
liaca
passio .
 lum debilem & valde læsam ciborum concoctionem indicat , præmissa & interjecta evacuatione per *rhabarbarina* , ventriculi coctio stomachicis roborantibus , vino generoso , simplici & aromatibus roborato §. XII. aqua cinamomi , cortic. aurantiorum , stomachali quacumque , carminativa , vitæ Matthioli , pulveribus & trageis stomachalibus , essentia absinth. compos. Zedoar. galangæ , aliisque idoneis externis internisque , quæ §. X. sub diarrhœa laudata sunt , est promovenda ac restituenda ; servata semper parca diætâ , adjunctoque motu corporis frequenti , ambulatione , equitatione , victione . In COELIACA PASSIONE , ubi chylosa materia sæpe per alvum rejicitur , id quod vasa lactea in intestinis obstructa denotat , eadem conducunt , sed salia media his interponenda , ad vasa lactea obstructa rursus aperienda .

XIV.

De Dysenteria.

Dysenteria. In DYSENTERIA, quæ vel *cruenta* vel *alba* sive biliosa, & in qua aliquid acre, quod intestina erodit, inflammat & corrumpit, (quodque propterea evacuandum & corrigendum] ad hanc materiam acrem irritantem temperandam, corrigendam & ex intestinis evacuandam, exhibendum 1. vel *lene evacuans per inferiora*, ex pulv. rhabarb. cum pauxillo nitri, imprimis ubi æstus adest, vel ex anima rhabarbari, ad cochlear. j. vel ʒʒ. exhibita, vel ex infuso vel decocto rhabarb. cum fol. senn. & tamarindis; vel etiam mox in principio *emeticum*, præsertim si per nauseam, pressionis sensum, & anxietatem circa præcordia, vel vomendi conatum indicatur, ex rad. hypecacoannæ, quæ hic securissima ad grana XX. XXV. ʒʒ. vel ʒij. (a), vel & *potus aqueus calidus copiosus* assumtus: de quo infra pluribus.

2. Post 6. vel 8. circiter horas ab assumpto primo purgante vel emetico, *pulveres acrimoniam & æstum*, si quis adest, *temperantes*, ut pulvis ex lap. cancr. vel conch. citratis, cristallo montana præp. & nitro, singulo bihorio vel trihorio ex aqua quadam diaphoretica, cum pauxillo aq. cinamomi cydon. roborata, vel potu conveniente sunt porrigendi; vel horum loco magno cum fructu, præsertim si nullus adest calor p. n., pulvis *gummi arabici* aut tra-

(a) *Infantibus* & pueris pro ratione ætatis tantum aliquot grana exhibentur, eaque subinde totus morbus tollitur, vel saltem minui solet.

tragacanthæ ad ʒj. sæpe eodem modo exhiberi potest ; quæ gummata ob vim temperantem & demulcentem in multis hic valde sunt egregia .

XV.

Si vera dolores vehementes intestinorum sive tormenta valde urgeant , optime profunt , præter modo laudata gummata 3. *oleosa* , ut ol. amygd. dulc. vel olivarum , vel sem. lini aut papaveris , vel per se quodlibet , vel saccharo remixtum , sed larga dosi , singula scilicet vice ad ʒj. ʒij℥. vel ʒij. & quidem aliquoties in die data , quia parca dosis parum proficit ; quæ olea simul acrimoniam rodentem egregie temperant , partesque erosas demulcent ac rursus sanant , ita ut multi e vulgo solis hisce oleis & saccharo ab hoc gravi morbo se liberent . Ita etiam pulveribus illis temperantibus *lene anodynum* , præsertim vesperi , contra illos dolores , apte admisceri potest .

*Quo-
modo
dolores
miti-
gandi.*

Præterea 4. *Clysteres* vel ex decocto seminis lini , vel ex lacte & oleo ac theriaca , vel sero lactis & theriaca , vel ex solo oleo olivarum aut lini , in malo vehementiori , sunt injiciendi , & quidem , si dolores urgent , aliquoties in die , quæ & *tenesmo* , symptomati hic sæpe molestissimo , egregie medentur . Ventri denique vel eadem applicari possunt , quæ §. X. in diarrhœa laudavimus ; vel *sacculus* imponatur e semin. carvi , anethi , & flor. chamomillæ ; vel , ubi inflammationis in intestinis signa adsunt , *spiritus vini camphor.* calidus cum theriaca ope linteorum complicatorum .

XVI.

Loco potus ordinarii, cerevisia haud bibenda , præsertim frigida , aut sæcuenta , quia hac ipsa omnia idoredduntur pejora ; sed potius his ægris suasi , ut u-
tantur *decocto* , C. C. vel hordei succo citri imprægnato , vel avenæ , vel ichtyocollæ vel sero lactis , vel *aqua selserenfi* , addito semper paucò lacte , quando ægri ab hoc non abhorrent , & quidem pri-

*Potus
neus .*

mis diebus larga copia & sæpius bibant, ad acria temperanda, eluenda & demulcenda. Sic *juscula* etiam *vitulina*, *gallinacea*, *vervecina*, præsertim incocto semine carvi, si æger *juscula* non averfatur, haud raro egregie hic profunt; sed de his §. XXIV. plura.

XVII.

Qui alvus deponenda. - *Quoties alvum deponere cogitur æger*, patina aut vas aliud huic usui idoneum in lecto ei subiciatur, ne surgere cogatur, ob frigus his ægris summe noxium evitandum; præsertim quando in loco non satis temperato decumbit. Sed si hoc præsto non sit, aut æger surgere malit, extra cubiculum haud prodeat, verum perforatæ sellæ semper infideat, cui caloris causa vas supponatur aqua calida (in qua *verbenas* decoqui suadet CELSUS) impletum, lateresque calidi pedibus subiciantur, ne frigore lædantur, corpusque in perpetuo blando calore, vestibus probe defensum, ad transpirationem, quæ hoc in morbo plerumque imminuta, restituendam, conservetur; omne enim

frigus, quia transpirationem lædit, hic valde nocet & tormina auget: hinc & *potus semper sit calidus*, aut saltem tepidus, viteturque frigidus qualiscumque quam solertissime.

XVIII.

Degneri morandi dysenteriam hypocacoana. DEGNERUS, Medicus clarissimus Neomagensis, qui in vehementi dysenteria epidemica haud pridem vixit, atque utilissimum librum cum multis egregiis observationibus hoc de morbo nuper edidit, initio, ubi signa *vomitum* indicantia aderant, radicem *hypecacoana* optimo semper, ut asseverat, cum successu exhibuit; verum non solum in principio, sed etiam quovis morbi tempore, ubi indicia, noxiam quandam in ventriculo adhuc hæere materiam, se exhibebant, nisi forte virium defectus aut aliud quid id vetabat, eam a ʒss. ad ʒij. dedit, & si hæc materiam flavam aut viridem sursum vel

deor-

deorsum evacuabat ; alvi fluxus ut plurimum inde minuebatur & ægri plerumque intra paucos dies reconvalecebant .

XIX.

Sed si adhibita *hypercacoanna* alvi fluxus cum ceteris malis continuabat , ad materiam vitiatam acrem , tanquam illorum causam , uberius & evacuandam & corrigendam , horis XII. elapsis , *essentia rhei aqueæ sive animæ rhabarbari cochleare* dimidium vel integrum , pro ægrorum diversitate , ipsis dedit , idque singulis IV. vel VI. horis repetiit , donec malum imminutum fuit ; atque de hac præterea affirmat , materiam noxiam non solum omnem hac ipsa blande evacuari , verum etiam intestina debilitata egregie roborari ; immo simul , quando dolores ægros vehementer dive-
xant , eam quoque præstantissimum illis esse anodynum .

XX.

Non in omnibus autem curationis initium ab *hypercacoanna* fecit ; sed ubi vel non indicabatur , vel morbus jam invaluerat , initium quocumque morbi tempore cum modo laudata *rhabarb. essentia* fecit , atque præstantissimos inde fere semper vidit effectus ; ægri quoque , ut asseverat hoc remedio evacuante non debilitantur , sed fluxus potius sub usu ejus continuato sensim , una cum ventris doloribus , imminuebatur , & sæpe sine aliis remediis adhibitis plane cessabat , ægrique optime inde , nisi jam , quando accederet , prorsus desperati essent , sanati sunt .

XXI.

Sed præter evacuantia hæc , si malum his omnino tolli non potuit , remedia quoque corrigentia manu-
¶ & roborantia in usum vocavit , inter quæ præ ceteris novum specificum , nimirum *decoct. corticis exotici* , *simarubæ* dicti , quod celebris JUSSIEUS jam antea in Acad. Reg. Par. 1729. valde commenda-
ve-

verat , extollit , cujus ℥ij. in libris circiter ij. aquæ , ad residuum ℥viii. , pro tribus cyathis , coquantur , quæ ordinaria dosis est , quæ fluxum hunc sistit . Si tamen hi tres cyathi hoc prima vice haud præstent , iterandum est illud decoctum , ita plerumque post sextum haustum fluxus cessat , ægrique ut plurimum jam ab altero cyatho multum levaminis sentiunt . Attamen illud nunquam adhibendum esse præcipit , nisi evacuatis & liberatis prius primis viis a materia acri rodente , tanquam causa hujus morbi , per prædicta evacuantia . Vel etiam omni bihorio vel trihorio ℥j. vel ℥ji. hujus decocti ægris bibendas dedit , ad plenam usque curationem , per aliquot dies . *Effectus ejus blandos & lenes esse docet , sine aliqua evacuatione , & dysenteriam , præsertim cruentam , sub ejus usu fere semper sensim decrevisse . Immo si cohibitus hic fluxus , ut fieri quandoque solet , aliquando redierit , repetito ejus usu intra triduum denuo ipsum curatum fuisse . Lenit (inquit) corrigit & roborat , ob amaritiem blandam , quam possidet . Si quibus sapor ejus est adversus , addito sirupo quodam verb. grat. papaveris , &c. emendari commodè potest ; in substantia vero ventriculo molestus est . Si decoctum hoc desideratum effectum non præstabat , forte ob materiam non satis evacuatam , tincturam rhei laudatam bono cum successu ei admiscebat .*

XXII.

Denique notat DEGNERUS , agros fuisse , attamen paucos , ubi prædicta omnia desideratam operam non præstabant , & præsertim ubi tonus intestinorum nimis quantum debilitatus erat , atque tunc se ad fortiora adstringentia , corticem scilicet cascarille , ipsum progressum esse : ubi autem primo non cascarilla pulverem , sed plerumque ejus tincturam sive essentiam cum simarubæ decocto mixtam , propinavit . Non raro etiam hanc tincturam cum

cum tinct. rhei , partibus æqualibus sine decocto simarubæ dedit , atque bonum inde effectum vidit . Notat autem simul decoctum simarubæ majores vires in fluxu cruento , quam bilioso , mucoso aut purulento , (quem vulgo dysenteriam albam vocant) exeruisse ; quo vero in casu huic decocto cascarillam utiliter admiscuit . Verum & hac nihil proficiente , tandem ad terram japonicam dictam , sive ad succum catechu , tanquam fortius adstringens , progressus est , eumque in pulvere vel in tinctura reliquis adstringentibus admixtum tutissimum apprehendit .

XXIII.

Quoniam vero in doloribus oleosa a multis ob nauseam peculiarem sumi nequeunt , loco oleorum supra §. XV. laudatorum , Degnerus contra vehementes dolores aliud specificum , radicem scil. *salab.* *Radix salab.* , quæ orchidibus persicæ species esse dicitur , & naturæ mucilaginosæ est , valde laudat : cujus ℥j. subtilissime pulverizata in aquæ ℥viij. infunditur , & leni calore extrahitur ; postea per linteum expressa quiete in gelatinam abit pulcherrimam , de qua contra dolores singulis duabus vel tribus horis cochleare dimidium vel integrum , prout dolorum vehementia est , sumitur , qua egregie eos leniri , & intestina ulcerata sanari prædicat . [a]

XXIV.

DIÆTA. ex Degneri consilio , acrimonia alcalica sit contraria , adeoque fere ut in febribus ardentibus moderata acida tantum abest ut noceant , ut potius tuto moderata copia omni cibo addi possit . *Vitus & regimen.*

(a) Inquirendum an non idem effectus vel a nostris orchidibus , quæ quæque mucilaginosæ sunt , vel etiam a mucilagine radices *symphyti* coctæ , vel *malvæ* vel *althææ* vel seminis *lini* aut *cydoniorum* vel *ichthyocolæ* , aliisve similibus obtineri queat .

possint, & imprimis succus citri sive limonum, aut ipsum etiam acetum. Pro potu optime adhibetur decoctum bordei vel CC. cum succo citri, vel decoctum album Sydenhamii, vel ichthyocolla item Thea, Coffea, aut horum loco decoctum sem. Carvi, quod egregium hic est anodynum, cum & sine lacte; vel etiam illorum loco & variationis causa lac ebutyratum & serum lactis; (a) quibus roborandi gratia subinde haustulus boni vini rhenani vel mosellani, praesertim si aeger illud appetat, interponi potest. Sed haec omnia moderatis haustibus & non frigide sunt bibenda. Absint cerevisiae, praesertim saeculentae & frigidae; nam haec saepe aetate, ex mea sententia, dysenteriae causae sunt, eamque magis & saepius, quam fructus horaei, ut saepius vidi, producant. Vina dulcia quaecumque, canariensis, hispanica & gallica, immo & rubra, & speciatim illud quod Pontac vocatur, aliave similia adstringentia his aegris nocere DEGNERUS quoque notavit, praesertim initio morbi, sicut omnia alia adstringentia. Quies servanda & calor moderatus, ut §. XVII. jam docuimus, cubiculo temperato, vestibis tegumentisque procurandus; motus vero ac frigus at praesertim potus frigidus, aut incessus per pavimenta lapidea aliaque frigida, nudis praesertim pedibus, summe sunt noxia.

XXV.

Quid morbo superato facient-dum. Morbo multum imminuto aut omnino superato, conducunt roborantia, & tonum intestinorum restituentia; ut spec. de hyacintho, corall. rubr. terra japonica, terra sigillata, cort. cascarillae, crocus martis adstringens; essent. absinth. cort. aurant. cascarillae, millefolii, ova ad duritiem cocta, cum pauco aceto in pastu, vinum rubrum aliudve generosum,

(a) Quod Baglivius & Degnerus quoque valde laudant.

sum , & si intestina valde erosa fuerunt , oleum lini vel amygdalar. dulc. vel olivarum ad cochlear. j. vel gummi arabici 5℥. subinde interponendum, factaque curatione , exacta & moderata victus ratio per aliquot adhuc hebdomades requiritur , vitando noxium cibum atque potum, & cumprimis etiam frigus ; alias facile morbus cum periculo redit , ægrosque perimit .

XXVI.

Præservationis gratia bona est servanda diætâ ; *Præservatio* & deinde quotidie mane , ex *Degneri* consilio , *tinctura* *rhei* cochl. j. assumendum . Ita & essentia *dysenteria* millefol. cum essent. scordii, vel essent. pimpinellæ aut alexipharmaca egregie conducunt , si quotidie bis , matutinò scilicet & vespertino tempore, apta earum dosi utamur ; *corpus a frigore* , ubi opus , probe defendamus , cerevisiam fæculentam aut non probe coctam , fructusque horæos , præsertim magnam eorum copiam vitemus , & moderatam diætâ servemus . *Haustus vini rhenani generosi* in partu etiam ad malum hoc avertendum egregie prodest , & apud ægros *saliva non est deglutienda* , neque etiam *edendum* aut *bibendum* . Quibus nullum est negotium apud ægròs , eos vitent , quia dysenteria sæpe valde contagiosa .

XXVII.

Monita adhuc quedam medica circa dysenteriam .

1. *Nulla dysenteria periculo vacat* ; adeoque numquam floccifacienda ; qua in re multi peccant , malum , initio præsertim , nimis leve existimando , illudque sic negligendo , vel adhuc magis inepto vitæ regimine augendo . *Monita præctica .*

2. *Haud facile sponte cedit* , & *natura sola in ejus curatione ut plurimum stat post principia* , & pa-

& parum valet; artis vero præstantia & Medici dominium supra naturam hic egregie eminet; quia evacuando & corrigendo in tempore materiam noxiam & æcrem, tanquam causam mali, morbum plerumque feliciter sanat.

3. Omnes, qui hoc morbo pereunt, ex sphacelo intestinorum moriuntur; quare hic omni modo præcavendus.

4. *Alstringentia* in principio & speciatim terrea, ut terra sigillata, japonica, corallia, C.C.ustum, crystallus montana, croci martis, tincturæ martiales, immo & vinum, Pontac dictum, aliaque ejusmodi, nocent, adeoque vitanda; quia retinendo vitiatos intestinorum humores eorum inflammationes, dolores, exulcerationes, itemque febres, aphthas aliaque mala, immo ipsam mortem inducunt, in fine tamen, sicut §. XXV. dictum est, roborandi causa adhiberi apte possunt; ubi ex DEGNERI sententia observatione *simarubæ*, *cascarilla* & *terra catechu* reliquis roborantibus palmam hic præripiunt, & securissima sunt.

5. E contrario *diluentia*, potus aqueus, copiosus, calidus, initio largiter haustus, ut cum primis hydrogalæ, feri lactis, lactis ebutyrati, lacti ipsius, aquæ selserensis cum lacte, decocti hordei vel citrati, vel ad modum coffeæ parum tosti, vel ichtyocolle, cum vel sine gummi arabico, aliive similes, tam egregie sæpe profunt, ut multi fere solis his, mox in principio largiter adhibitis, servato simul apto victus regimine, restituti sint.

6. Ita & *salia omnia*, intestinis erosis, nocent: neque mineralia quæcunque hic magni sunt usus; sed vegetabilia & nonnulla ex animali regno hic prævalent.

7. Omnia *drastica purgantia*, immo & *aloetica*, ac speciatim quoque *Beccherianæ pilulæ*, sive simplices sive correctæ, ex DEGNERI & mea experientia, nihil boni præstant: quamvis hæ ultimæ a nonnullis in hoc malo valde commendentur.

8. Neque *gummata resinosa*, & nominatim mastiche, olibanum, aut *balsamica*, aut balsamus peruvianus, terebinthina, &c. a multis olim hunc fluxum sistendi sine proposita, neque *sudorifera*, præsertim calidiora, magnam virtutem hic exerunt.

9. *Rhabbarbarum tostum*, a non paucis hic adeo laudatum, minus valet in hoc morbo, quam simplex pulvis & essentia ejus; quia torrendo vires ejus potius minuuntur quam augentur.

10. *Opiata* & inter hæc etiam *iberiaca*, ac *diascordium* in dysenteria Neomagensi nocuerunt; aliis vero in locis, evacuata prius & correctæ probe materia noxia, aliis admixta, sæpe profuerunt. Hinc caute observandum, ubi ea vel profint vel noceant.

XXVIII.

De Diabete.

In *Diabete*, cum scilicet urina eaque plerumque cruda super potionis modum, cum ægri languore excernitur, id quod plerumque ob *renes debiles* & nimis quantum laxos contingere solet, præsertim in iis, qui potu quocunque, annis præcedentibus se nimium & sæpius repleverunt, roborantia, blande adstringentia, inprimis species de hyacintho cum croco martis, & anodynis maritata, vel terra japonica aut ejus essentia, tinctura martis cydon. vel tinctura vitrioli martis, & vinum rubrum, aqua temperatum, modica quantitate profunt; potus vero sit parvus, & nimius quicunque vitandus. *Exercitatio* quoque & frictio corporis frequens egregie hic conducunt: quia partes roborant, & transpirationem augendo se- rum a renibus divertunt.

Diabetes.

XXIX.

Urina incontinentia.

Urina vesica debilem recens , quia *Sphincterem* *Urina* *vesica debilem* pro causa agnoscit , roborantibus
incon- & nervinis externis atque internis , martialibus ,
tinen- aromaticis ac spirituosis , balneis martialibus &
tia. nervinis , vino rubro vel alio generoso modice
 usurpato , curanda ; atque externa præcipue regio-
 ni pubis & perinæi imponenda . Vel si hæc pa-
 rum sint , & , ut haud raro fit , nihil efficiant ,
 congruis instrumentis [de quibus in chirurgia no-
 stra] cohibenda .

XXX.

De Pollutione nocturna.

Pollu- In *pollutione nocturna nimia* , si a *sanguine*
tiones abundante acri ac fervido originem ducit , præ-
nimia ter venæ sectionem & diætā tenuem , refri-
 gerantem aut temperantem , ac potum aquæ ,
 blanda acida , ut cremor tartari , hepaticum
 rubr. Dreldenſe , temperantia citrata , nitro-
 ſa , cum pauco ſaccharo ſaturni & campho-
 ra proſunt , vitandusque , quantum fieri poteſt ,
 in ſomno decubitus ſupinus . Si vero *debili-
 tas jam inſignis adſit* , & *pollutiones tamen* ,
 ut ſæpius obſervavi , *continuent* , curatio ſæ-
 pe eſt perquam difficilis ; quia refrigerantia &
 tenuis diætā adhuc magis debilitant , pleraque
 vero roborantia pollutiones provocant & au-
 gent , atque hinc rursus debilitant ; unde novi
 quosdam in ſummam corporis maciem , debili-
 tatem cerebri ac memoriæ incidiffe . His ve-
 ro ,

ro, quia acrimonia stimulans mali causa fuit, præmissis modo dictis, cura lactea per aliquot hebdomades adhibita egregie profuit: postea suavi alimenta roborantia ex bonis iusculis & lacte, sed sine aromatibus aliisque acris, itemque emulsiones ex amygdalis & seminibus frigidis, quibus malum tandem sublatum est. Quibus vero pollutiones a seminis nimia copia oriuntur, matrimonium est optimum remedium.

XXXI.

De Fluxibus a motu turbato.

Si a motu turbato spirituum, fluxiones oriuntur, Fluxus a ut fluxus alvi post terrorem, tristitiam & metum, *Fluxus a* spiritus, robotantia, infusa aquea calida, motus corporis, immo in sanguineis ipsa sæpe venæ turba-
sectio conveniunt; post iram vero fluxus ventris aut *Fluxus a* vomitus, quia salutare sunt biliosæ acris materie evacuationes, non mox sunt sistendi, neque spirituum motus calefacientibus excitandus; sed potius placandus temperantibus, absorbentibus, nitrosis & cinnabarinis: ut pulvere temperante, vel pulvere marchionis ac specifico cephalico Michael: ex aqua temperata assumptis, & denique quiete. *Fluxus a* Vitanda contra sunt mox post iram evacuationes fortiores, præsertim emetica aut purgantia fortiora, quia turbatum nimisque exagitatum motum sanguinis & spirituum adhuc magis, ideoque nimis turbant; itaque eandem ob causam vitandus cibis, aut potus, maxime spirituosus. Lene tamen evacuans ex rhabarbaro præsertim, aliore simili, aliquamdiu post assumptum non nocet: & quando post aliquod temporis ab ira intervallum, amarities in ore; dolor ac pondus circa ventriculum, nausea, conatus vomendi, aut ipsa jam febris percipiuntur, lenè emeticum, ad majora mala a bile vitia-

vitiata in primis viis hærente præcavenda, utilissimum esse cognovi: quamvis nonnulli id pro veneno proclamant. Vjd. F. HOFFMANNI dissert. de emetico aut purgante post iram veneno.

XXXII.

De Sudore nimio.

Sudor nimius raro per se morbus est, verum *Sudor* plerumque non nisi aliorum morborum effectus vel *copiosus* symptoma est: quandoque tamen *sudor copiosus* *salutaris* est *excretio* sive crisis, qua natura a multis noxiis humoribus, aut saltem a supervacaneis sese liberat; sicut in catarrhalibus, febrilibus, aliisque nonnullis malis fieri solet; ubi ægri hoc ipso vel a malis liberantur, vel saltem insigni levamen sentiunt; *quantumque autem symptoma est*, quo ægri incredibiliter debilitantur atque exsiccantur, quemadmodum hoc in Mectiois, phthisicis, febribus quibusdam malignis, aliisque quibusdam morbis observare licet, quibus in casibus etiam colligativi dici solent.

XXXIII.

*Cura-
tio, si
ab hu-
morum
copia.* Quando forte nimia humorum abundantia oritur, nullo modo est impediendus: novi enim sic plures, qui quotidie fere mane in lecto fortissime, sine omni incommodo aut noxa sudarunt, qui ceterum sani vixerunt, leves & agiles inde fuerunt, atque ad magnam ætatem hujus beneficio pervenerunt, & qui male se semper habuerunt, quando ille sudor consuetus matutinus non rite succederet, aut ob quamcumque causam impediretur aut interromperetur. Igitur ejusmodi sudor neque stragulorum reiectione, neque refrigeratione, neque medicamentis quibuscumque adstringentibus aut opiatís est cohibendus, si tamen ille hominibus istis molestus esset, & inprimis illi noxius

noxius esse posset , quibus noctu sæpe aut summo mane , antequam hic sudor finitus , surgendum & in aerem frigidum exeundum esset , sicuti verbi divini Ministris , Medicis , &c. iis præter parcior-rem diætam in cibo & potu , suaderem sæpius re-
purgantia , ut sic humores illi abundantes per aliam viam e corpore eliminentur ; aucta enim una evacuatione , imminuitur altera , adeoque & hanc ob causam *diuretica* his posunt .

XXXIV.

Sudor nimius hecticorum & phthisicorum sive ta-
bidorum noctu quoque potissimum eos affligens num-
quam levamen eis affert ; sed potius mirifice illos
debilitat , adeoque symptomaticus est , atque non
nisi curato morbo , cujus symptoma est , curari po-
test , de quorum curatione supra Cap. VI. & Cap.
X. §. XVI. egimus . Interea tamen aliquo modo
ipsum minuunt & calorem temperant , primo *te-
gumenta leviora* , deinceps *pulveres temperantes* , ex
conchis vel lapidibus cancrorum citratis & nitro
parati atque circa vesperam semel bisve exhibiti ;
vel spec. de hyacinth. cum pauxillo nitri , adjecto
uno alterove grano mass. pil. de cynoglos. & in-
terjecto potu sufficiente seri lactis vel simplicis vel
cum herb. bellid. & acetosæ aut acetosellæ parati ,
aut lactis ebutyrati ; vel & *emulsionis tenuioris* ; qui-
bus si non cedit , atque fluxus alvi adhuc superve-
nit , res conclamata esse solet .

*Si in
hectica
aut ta-
be .*

XXXV.

*Sudores largi in fine paroxysmorum febrium inter-
mittentium* , itemque in crisi-
bus febrium acutarum
boni moris , non sunt impediendi ; sed quia critici
& salutare tranquillo decubitu , potu temperato
sufficiente , & potiunculis diaphoreticis ac tempe-
rantibus promovendi .

*Si in
& post
febres .*

Quando autem ægri *post superatas febres inter-
mittentes multum sudant* , ut sæpe fieri memini ,

interdiu bis vel ter eff. quædam amara cum quarta parte essent. cortic. cascarillæ, noctu vero dosis spec. de hyacinth. cum mass. pil. de cynogloss. gr. j. vel ij. data egregie sudores hosce moderantur & tandem compefcunt.

Sudores copiosi, iique præsertim *frigidi*, febribus acutis & præsertim malignis, itemque inflammationibus viscerum partiumque internarum, ut & gangrænæ, & sphacelo supervenientes, ut plurimum certam brevique secuturam mortem indicant, nullisque remediis cedunt.

XXXVI.

De Ulceribus.

Ulcerata serosa. In *ulceribus serosis*, serum abundans & acrius, purgantibus, cumprimis mercurialibus & balsamicis, itemque diureticis & diaphoreticis, ac nominatim essentiis & decoctis lignorum aut herbarum traumaticarum, est evacuandum ac divertendum; lymphæque corruptio & acrimonia similibus, itemque succinatis, myrrhatis, pilulis Beccherianis, aliisque ejusmodi balsamicis corrigenda; immo quandoque ipsa salivatione per hydrargyrum, servando simul aptam victus rationem, & vitando acria, falsa, potumque nimium, ulcera hæc optime curantur. De externis medicamentis, conf. Chirurgia nostra P. I. L. V. C. III.

C A P U T XIV.

De precipuis sensuum morbis .

I.

Sensuum organa objectorum motus nervis recipiunt , atque ope horum , si rite sunt con-
stituta , ad cerebrum & animam transferunt ; quan-
do vero vel in mechanica organorum fabrica sive
in partibus ipsorum solidis aliqua læsio contin-
git , vel in humoribus , aut in spiritibus aliquod
vitium oritur , sensus unus aut plures vel prorsus
abolentur , vel solum imminuuntur , vel depra-
vantur , prout læsio illa & impedimentum actio-
nis majus vel minus est : quandoque enim non
tantum organum in una vel pluribus partibus si-
mul læditur , sed vitium adhuc vel humorum vel
spirituum accedit.

II.

Quo minor est spirituum copia & in organa
sensuum influxus , eo minor est sensatio ; hinc in
animi deliquiis & apoplexia a virium defectu ,
vel omnes vel plerique pereunt sensus . Ita &
quo humores magis vel minus circa organa vel
nervos sensuum accumulatur & quiescunt , eo
magis vel minus læduntur sensus . Ita & a læ-
sione organi sensorii , verbi gratia , vulnere ocu-
li , vel ruptura aut læsione membranz tympani ,
visus vel auditus vel omnino destruitur , vel mi-
nuitur.

III.

Speciatim vero cæcitas oculo inducitur vario mo-
do : nam visus tollitur in AMAUROSIS sive gutta
serena [ubi nullum fere vitium in oculo apparet &
æger tamen haud videt] quando spiritibus a ce-
rebro per nervum opticum ad tunicam oculi re-
tinam

tinam transitus ob quamcumque causam denegatur: quo casu oculus ipse quidem sæpe sanus &, ut jam diximus, fere sine labe apparet, attamen æger cæcus est.

SUFFUSIO sive **CATARACTA** plerumque ab humore crystallino opaco, ut in scriptis meis de cataracta evici, ut plurimum albicante sive gryseo aut margaritis simili inducitur; rarissime vero a corpore membranaceo in humore aqueo genito, ut olim putarunt, oritur.

GLAUCOMA ex mea sententia a vitreo humore opaco originem ducit, quæ proinde opacitas, glauca, ut veteres docuerunt, profunde in oculo apparet; cum in suffusione corpus opacum pupillæ sive uveæ parti posteriori sit proximum.

Amblyopia sive visus debilis, generatim, vel a spirituum defectu atque non sufficienti per nervum in retinam influxu, ut in senibus aliisque, vel a studiis nimis vel ab aliis causis valde debilitatis, vel ab humoribus, aut tunica cornea non satis pelucidis, provenit; sive hoc fiat in senibus ob senectutem, sive in junioribus a causis externis sive internis, quibuscumque; ab utroque vero caligo senum originem ducit.

Strabismus, vel a musculorum oculi inæquali tractione sive hæc a spasmo, aut epilepsia, sive a paralyti musculi cujusdam ortum trahat; vel a puncto axis visoriæ in tunica retina læso.

OPHTHALMIA in inflammatione atque rubedine tunicarum oculi & cum primis tunicæ albuginæ consistit.

UNGUI, *pannus* & *pterygium* in membrana p. n. exterius corneæ adnata eamque obtegente, consistit.

LEUCOMA sive *albugo* ut plurimum a spissiori materia intra lamellas corneæ vel in superficie ejus hærente, vel & a cicatrice in cornea proveniunt.

NYCTALOPIA ut plurimum a pupilla nimia dilatatione, ut in die satis constringi nequeat, ortum trahit, quo fit ut organum visus a nimia radiorum copia obruatur, ut sicuti nocturne, interdum videre nequeat.

Contrarium contingit in **HEMERALOPIA**, ubi vespere vel in loco obscuro pupilla nimis constricta satis dilatari adeoque recte videre nequit.

MYOPIA vel a cornea, vel ab humore crystallino nimis convexis, vel ab oculis, consuetis aut usitatis iusto majoribus, ut leges opticae docent, oriri potest. **PRESBYTODIA** vero a contraria causa provenit; ad utraque verò vitia etiam totius oculi singularis conformatio, ut v. gr. nimis brevis aut nimis longa, &c. plurimum facere potest. Plura oculi vitia in Chirurgia nostra videri possunt.

IV.

Quod ad *auditus* attinet, tollitur hic vel nervo auditorio omnino obstructo, vel destructo, vel membrana tympani lassa, pertusa vel lacera-
ta ex vulnere vel ulcere, aut ossiculorum auditus & labyrinthi corruptionibus variis, abscessibus, ulceribus, obstructionibus, unde surditas provenit, licet causæ ejus sæpe ob situm absconditum perspicere nequeunt.

DIFFICULTAS vero **AUDITUS** oritur vel a spirituum paucitate, vel a partium auris internarum ac præsertim membranæ tympani vel relaxatione, vel induratione, aut in partium labyrinthi obstructione, ut in senibus, literatis, aliisque debilibus; vel ab humorum decubitu aut congestione, ut in plethoricis, nervum auditorium, aliasque organi auditus partes lædente; vel a meatus auditorii obstructione a cerumine aliisque corporibus peregrinis: unde pro diversitate læsionis levioris aut gravioris auditus magis etiam minusve lædi solet.

*Specia-
tim tin-
nitus.*

Speciatim vero *tininitus*, *sibilus* & *susurrus* *aurium* oriri videntur vel ab obstructionibus quorundam vasculorum in membranis tympani, cavi tympani, vel labyrinthi; vel a motu p. n. aeris in cavo tympani contenti; unde & quandoque *fragores* illos, qui a quibusdam & præsertim surdastris in auribus sæpe, quasi sclopetus exploderetur, percipiuntur, provenire verisimile est.

VI.

*Gustus
& ol-
factus
læsus.*

Gustus læsiones, atque *sapores inusitati* *salivæ* *salibus peregrinis*, vel particulis biliosis immixtis debentur; vel si omnino *gustus tollitur*, aut *salivæ* nimis viscidæ, aut *linguæ nervis obstructis* vel alia quadam ratione læsis, vitium erit adscribendum.

Ita & *olfactus sublatus* nervorum olfactoriorum obstructionem vel læsionem pro causa agnoscit.

VII.

*Fætor
corpo-
ris aut
oris.*

FOETOR *corporis* a sero corrupto & præsertim ejus particulis oleosis aut sulphureis corruptis & quasi putrefactis, dependet: nominatim vero *fætor narium* exulcerationi in narium membrana interna, sed maxime in ossibus nasi spongiosis, ut in *ozæna*, vel *cancro* ipso debetur; *fætor oris* vero a putrilagine gingivarum aut dentium, ulcere pulmonum, cruditatibus nidorosis in ventriculo hærentibus, vel a vermibus ventriculi, vel a mercurialium medicamentorum usu & actione ortum trahit, qui *fætor peculiaris* in ipsa salivatione ægrorum maxime percipitur.

VIII.

Stupor.

STUPOR partium & *tactus abolitus* ab obstructione & *paralyti* nervorum cutaneorum, aut ab ipsorum corruptione alia qualicumque provenit; dum sic spiritus eos transire nequeunt, adeoque nec sensus tactus fieri potest.

IX.

Sensus quoque interni varias patiuntur læsiones , & quidem primo vel omnino abolentur , ut in perfecta *apoplexia* , *epilepsia* , & *lipothymia* graviori ; vel minuuntur , ut in hoc morbo levius affligente , vel in *memoria imminuta* aut prorsus abolita ; vel depravantur , ut in iudicio læso ac deliriis . Considerabimus hic primo **MEMORIE DEBILITATEM** sive *oblivionem* , quæ a spiritibus vel immutis aut debilitatis , in senibus nempe , aut post febrem acutam , aut a venere nimia , aut a studiis nimis , aliave causa simili quacumque oriri solet ; vel ab impedito aut confuso eorum motu in cerebro , vel a læsione quadam ipsius cerebri , ut animæ suæ functiones in eo perficere recte nequeat .

X.

Deinde notanda **DELIRIA** , quæ *sensus interni* & speciatim *iudicii gravissima sunt læsiones* , & inordinatum spirituum motum in cerebro indicant , eumque vel nimis auctum , vel nimis imminutum . Nam in *febris* & *mania* vehementius commoti & efferati nimis aut furentes quasi sunt ; in *melancholia* vero non satis mobiles , sed quasi nimis fixi & depressi , vel ob humores nimis viscidos , vel propter obstructions in cerebro , aliasve causas . Ita & *deliria* oriuntur in plerisque ægris a morbo vehemente , aut longo , *vigiliis* præsertim nimis valde debilitatis , utpote , quæ pessimi moris esse *Hippocrates* indicat .

Sed **CATALEPSIS** à summa eorum fixitate vel motu ad certum tempus impedito dependere videtur , dum ægri hi in eadem per aliquod tempus manent positura , in qua , dum morbo hocprehenduntur , fuerunt .

XI.

VIGILIÆ NIMIÆ motum sive exagitationem nimiam spirituum in cerebro , adeoque organorum sensuum quietem læsam , a quacumque causa , sive

a ca-

Memo-
ria la-
sa .Deli-
ria .Vigi-
lia .

a calore nimio, sive exagitatione & tenuitate humorum, sive ab animi affectibus vehementioribus sive a doloribus inductum consequuntur, dum in somno spiritus quiescunt, Curæ & meditationes severæ ob eandem rationem vigilias concitant; sed *nimia ventriculi repletio* vigilias quoque aut saltem somnum turbulentum & valde interruptum producit.

XII.

Morbi
soporosi.
si.

SOPOR contra nimius sive affectus SOPOROSI, quo & *apoplexia* pertinet, ab impedito libero motu liquidi nervosi sive spirituum per cerebrum & nervos ad organa sensuum proveniunt, sive hoc impedimentum a *sulphure narcotico* in sanguine existente, sicut in opiatīs, aliisque narcoticis continetur, oriatur; sive a *debilitate spirituum* & inde pendente vasculorum cerebri collapsu; sive a *plethora* in corticali cerebri substantia medullarem ejus partem comprimentem; sive a *sero* & sanguine *nimis viscido*, idem efficiente, vel medullarem cerebri substantiam intrare non potente; sive ab *effusione sanguinis* vel *seri* intra cranium, a causis externis & internis, casu ab alto, fractura cranii, sive a tumoribus intra cranium obortis dependeat.

SOMNIA sive *insomnia turbulenta* a motu turbato spirituum ob causas quasunque provenire existimo; quando vero ideæ in somno profundo fortius adhuc agitantur, *INCUBUS*, immo *somnambulatio* sive *noctambulatio* inde oriri solent.

XIII.

Cura-
tio ge-
neralis

In *curatione* horum morborum generatim ad causas serio semper est attendendum, operaque danda, ut in spirituum defectu hi augeantur, in motu peccantes in ordinem redigantur, & ut in organa sensuum spiritus libere fluere & agere possint, atque impedimenta actionis horum, quacunque illa sint, quantum fieri potest, removeantur, organaque

que læsa corrigantur , aut debilitata rursus roborantur .

XIV.

Visus debilis & Amaurosis .

Generatim vero in *visus læsionibus* ac speciatim in VISU DEBILI , aut GUTTA SERENA *debilis* sive AMAUROSIS incipiente aut saltem adhuc recenti , a *spirituum debilitate* , aut *paucitate* , vel *mauro- ab humoribus viscidis* aut eorum *decubitu* sive *congestionem* in vel juxta nervos opticos provenientibus , *medicamenta* ; quæ *spiritus augent* , *viscidosque humores* partim attenuant , partim revellunt , evacuant atque dissipant , interne sunt adhibenda : uti sunt , [*premissis & interjectis idoneis purgantibus* , immo & *subinde si vomitus indicantiæ adsunt emeticis*] omnis generis *cephalica* (a) *aromatica* ; *carminativa* , *attenuantia* , & imprimis herb. *euphrasie* ; *veronica* ; *hyssopi* , flores *rosmarini* , *salvia* ; *cyani* , sem. *anisi* ; *fœniculi* , radix *valerianæ* , *fœniculi* , lignum *sassafras* , *cinnamomum* , *millepedes* , in forma infusi & pulveris usurpata , ubi & *succus millepedum recens expressus* , peculiari per aliquot hebdomades ratione , quotidie scilicet in numero eorum ascendendo , assumtus egregie sæpe proficit , immo & *mercurialia* , & ipsa *subinde salivatio* , consideratis probe rebus circumstantibus , causis & subjectis , caute adhibita , sicut aliquoties vidi , valde profunt , obser-

(a) Galenus scite dixit : Qui oculos curare vult , curet prius caput sive cerebrum , & qui hoc vult curare , curet prius corpus reliquum .

observato simul apto victus regimine (a). Si hæc vitia ab hæmorrhagiis consuetis suppressis, præsertim hæmorrhoidibus aut mensibus, vel evacuationibus sanguinis usitatis neglectis, efficiendum ut illæ in ordinem rursus redigantur; vel si hoc fieri facile non possit, missiones sanguinis artificiales eis substituantur. Sed si a neglecta vena sectione vel scarificatione, hæc denuo instituantur.

XV.

Externe profunt revellendi sine fonticuli variis in locis excitati, vesicatoria, setacea, præsertim in phlegmaticis, vel cucurbitula, & venæ sectio in plethoricis; speciatim etiam hic sæpe conducunt cauteria vel fonticuli in futura coronali aut in cervice; vel setacea in auribus facta, itemque pediluvia tepida frequenter adhibita. Oculis ipsis applicanda roborantia, ut aqua fœniculi, flor. cyani, valerianæ, euphrasie, rosarum, spiritus vini, aqua Reginæ Hungariæ, sal volatile oleosum Sylvii, vel decoctum aut infusum rad. fœniculi in vino: quæ omnia vel per se vel etiam cum sacculis ex herbis roborantibus & semine fœniculi paratis oculis sæpius vel illinenda vel super imponenda. Conducunt etiam ad humores noxios ab oculis abducendos errhina naribus attracta, & cum primis pulvis rad. iridis Flor. vel castan. equinæ, itemque spiritus C. C. aut sal volatile oleosum naribus subinde admotum aut bregmati instillatum. Inveterata autem amaurosis ut plurimum insanabilis.

XVI.

(a) Vid. dissert. nostr. de Amaurosi salivatione curata.

XVI.

Suffusio sive Cataracta.

Atque hæc omnia etiam profunt in SUFFUSIO-
NE sive CATARACTA incipiente aut recenti , *Cata-*
quæ ab humoribus crassis , spissis sive viscidis , in *racta*
humore crystallino hærentibus , oriri solet ; quia *sive*
eos attenuant , resolvunt , fluxiles rursus reddunt *suffu-*
ac spiritus augment , ita ut hac ratione quandoque *sio.*
pellucidus rursus reddatur , visusque restituatur ;
quod si vero hoc obtineri nequeat , vel *cataracta*
jam sit *inveterata* aut *matura* sive perfecta , ma-
nu chirurgica per acum est supprimenda . Sed de
his omnibus prolixius legi potest curatio cataractæ
& amauroseos in tractatione nostra de cataracta
prolixe tradita , & speciatim etiam de curatione
suffusionis per acum Institutiones nostræ chirur-
gicæ .

XVII.

De Maculis volantibus.

MACULÆ sive IMAGINES ante oculos VO-
LANTES , quæ ab obstructis nervi optici aut re- *Imagi-*
tinæ fibrillis vel a venulis ibidem p. n. nimis *nes ocu-*
dilatatis mihi oriri videntur , difficillime tolluntur *lorum*
præsertim si jam sunt inveteratæ , & haud raro vel *volan-*
amauroseos vel cataractæ sunt prodromi ; interea *tes .*
tamen in principio pleraque ea ad obstructions
illas referendas optime hic profunt quæ §. XIV.
& XV. modo proposuimus & commendavimus ,
easque tunc sæpe vel tollunt , vel minuunt , vel
saltem pejora mala præcavent , præsertim si con-
veniens vitæ regimen instituitur .

XVIII.

De maculis in Cornea.

Macula in cornea. Maculae in cornea, UNGUIS, *pterygium*, *leucoma*, *strabismus*, sive *visus luscus*, alique morbi manuum opem requirentes, qui in oculo occurrunt, quomodo tractandi, ex chirurgia nostra ubi prolixè de his actum est, videri potest.

XIX.

Myopia, & Presbytopia.

Myopia & Presbytopia. MYOPIA non nisi vitris concavis emendatur, vix autem omnino nisi ætate majore subinde curatur. Sed in PRESBYTOPIA, quæ quoque vix sanari potest, perspicilla convexa, una cum medicamentis cephalicis & roborantibus, trageis, essentiis, infusis aquosis & vinosis, decoctis, ut & collyriis confortantibus §. XIV. indicatis, adhibenda sunt, ut visus tanto diutius conservetur.

Auditus debilis. *Auditus lesiones*, & cum primis tinnitus aurium atque auditus difficilis, quomodo curandi. vid. Cap. X. N. XI. & XII.

XX.

Gustus, & Olfactus laesus.

Gustus & olfactus laesus. Gustus & olfactus plane aboliti, præsertim ubi causa non patet, vix aut difficillime ut plurimum restituuntur; interea tamen §. XII. modo laudata remedia evacuantia, resolventia, roborantia, cephalica & antiepileptica sæpe haud sine successu adhibentur, quia obstructa vasa & nervos egregie aperiant. Ubi vero gustus solus depravatus, & causa

caussa non adeo obscura, maxime in morbis cognitis, ut febribus, occurrat, sublato morbo præcipuo tollitur & hoc symptoma. Ita *sapor amarus* in febribus & extra febres, qui bilis copiam in ventriculo indicat, tollitur *febrifugis*, *emetiis*, *purgantibus*, *acidis*: *sapor nidosus*, qui ab humoribus putridis oritur, succo citri, aliisque acidis, addito subinde evacuante: *sapor salus*, aqueis, & præsertim aquis mineralibus, atque aqua calcis vivæ: *acidus* absorbentibus, terreis salibus alcalicis, *magnesia*, pulvere absorbente VVedelii, &c. imminuitur.

XXI.

In *factore corporis*, qui ab humoribus corruptis ortum debet, *putrilago humorum* est emendanda, balsamicis, antiscorbuticis, purgantibus, sudoriferis, & speciatim decoctis radicum & lignorum, horumque essentiis. Speciatim in *factore* & *putrilagine gingivarum*, tinctura lacc. Myns. cum tinctura flor. aquileg. maritata, est egregia, si gingivæ eis sæpius fricentur, itemque myrrha & alumenustum reliquis pulveribus dentifriciis additum: Ita & *sal vulgare* hic egregie prodest, si dentes & gingivæ eo subinde fricentur.

In *Narium factore* ab *ozæna*, ulcus est curandum, eaque si a lue venerea orta, vel eam comitetur, vix nisi mercurialibus aut ipsa salivatione mercuriali tolli potest. Externe hic profunt aqua viridis Hartmanni, aqua mercurialis, aliaque quæ in nostra Chirurgia Cap. de *ozæna* videri possunt.

XXII.

In *stupore artuum*, qui ab obstructis nervis cutaneis oriri videtur, præmissis purgantibus, revellentibus, præsertim mercurialibus, nervina ac spiritibus tuosa

tuosa externe & interne, atque imprimis interne spiritus C. C. liq. C. C. succin. sal volatile oleosum, externe spiritus formicarum, lumbricorum, salis ammoniaci, matricalis, itemque fricationes frequentes partium læsarum; sinapismi, armoraciæ rase aut cantharidum applicatio, fustigationes cum urticis recentibus & balnea ex nervinis vel thermis naturalibus, sicut in paralyfi conveniunt.

XXIII.

De Delirio acutarum.

In deliriis febrium acutarum quid sit faciendum
Delirium febrile. videri potest supra pag. 60. & 61.

XXIV.

Mania IN MANIA, quæ delirium est cum furore & audacia, spiritus efferati mitigandi, venæ sectione larga, eaque subinde repetita; emeticis & purgantibus præsertim ex helleboro paratis, decoctis aqueis refrigerantibus & temperantibus, præsertim herbæ anagallidis, quod hic ut specificum valde laudatur; vel aqua simplice pura succo citri vel nitro largiter imprægnata, emulsionibus papaverinis cum camphora roboratis, vel & aliis blandis opiatibus cum humectantibus sive decoctis datis; præterea balneis & pediluviiis, immo etiam subinde in nonnullis fustigationibus, quæ ipsa quoque in amore infano & furore uterino haud raro conducunt: quo autem ultimo in malo matrimonium cum juvene vegeto ut plurimum optime prodest.

XXV.

De Melancholia .

In MELANCHOLIA spiritus segnes vel depressi (præmissis tamen alvum evacuantibus , & *Melan* in sanguineis Venæ sectione) sunt excitandi , *cholia.* humores crassi ac difficulter mobiles incidendi & resolvendi : id quod fit moderato usu vini generosi , motu corporis frequenti , infusis herbarum attenuantium , solventium , aromaticarum aut cephalicarum , ut betonicæ , salviæ , melissæ , rosmarini , additis cort. citri , vel cinamomi , aliisque similibus , loco Theæ usurpatis , salibus volatil. oleosis , spir. C. C. lig. C. C. succinato , essent. cinamomi , cort. citr. cort. aurant. herbæ & flor. rosmarini , aromatica , spiritu salis ammoniaci vinoso , præsertim oleis gratiis cephalicis imprægnato , & inde sic parato balsamo vitæ , ad modum Scæderi vel Hoffmanni ; specieb. lætific. diamargarit. calid. cinnabari , blandis martialibus , aliisque anticachecticis ; quibus grata spectacula & colloquia , musica , ambulationes in hortis amœnis , peregrinationes , aeris & regionis mutationes jucundæ aliæque mentis recreationes sunt addenda . Nominatim vero in *melancholia hypochondriaca* , primæ viæ & imprimis sanguinis congestiones in vasis venæ portæ sunt respiciendæ : hinc sanguinis missiones , moderata diætæ , infusa calida plantarum landatarum aliarumque similium attenuantium , pulveres & essentia resolvers atque antispasmodici , hic sunt egregii , vel & aquæ minerales exque martiales legitime usurpatæ , & præsertim varias ob causas ad fontes ipsos , si fieri potest , addito & motu corporis frequenti , sed moderato , ad humores & spiritus attenuandos ;

T

cor-

290 *Caput XIV. de præcipuis*
corrigendos atque excitandos, sæpe sunt præstan-
tissimæ.

XXVI.

*De Incubo, Noctambulis, &
Catalepsi.*

No-
ctam-
bula-
tio &
catalep-
sis. Qui somniis turbulentis & incubo laborant, item-
que Noctambuli sunt, aut catalepsi correpti, quia
ab eadem fere causa oriuntur, eodem etiam fere
modo, præmissis pro rerum circumstantium varie-
tate evacuantibus & sanguinis missione, observata
probe parca victus ratione, curandi.

XXVII.

De Rabi Canina sive morfu Canis rabidi
atque Hydrophobie,

Mor-
fus ca-
nis ra-
biofi
& ra-
bies ca-
nina. In rabiosi canis morfu, (qui hydrophobiam sæpe
cum aliis gravissimis symptomatibus, brevique tunc
ut plurimum mortem inducere solet) prægressa
immersione in aquam frigidam, si fieri potest,
interne diaphoretica, præsertim theriaca cum ace-
to aut vino, vel essentia scordii cum spiritu vi-
trioli simplici aut dulci parum acnata apta dosi,
subjuncto frequenti potu aqueo calido, cum pri-
mis infuso salviæ vel scordii, & regimine sudori-
fero mature sunt exhibenda, sæpius iteranda,
dique continuanda: quibus etiam *scarabeus ma-*
jalis contritus subinde interponi potest, qui ut
summum specificum contra hoc malum a multis
laudatur. Externe præ omnibus vulnus scalpello
mox incidatur atque dilatetur, & vel oleo, ad
modum Psyllorum apud veteres, exsugatur vel
eucurbitulæ ad sanguinem infectum atque vene-
num rabiosi canis in morfu cum vulnere com-

muni-

municatum , extrahendum , applicentur , vel theriacæ & aceto calido , vel aqua salsa aut forti muria , probe eluatur ; aut , quod præstantissimum a multis habetur , ferro candente aduratur , ac denique ulterius tractetur , sicut in Chirurgia nostra capite de vulneribus venenatis , docuimus . Ubi *Hydrophobia* , sive aquæ aut potus metus jam adest , raro malum curationem admittit . Interea laudata sunt adhibenda .

XXVIII.

De Vigilis nimis .

In *Vigiliis* involuntariis *nimis* (§. XI.) quæ in *Vigilia* multis morbis ægros afficiunt , vel & sine aliis *nimis* . morbis multos misere affligunt , causa nota , si fieri potest , omni modo removenda , & spiritus nimium excitari atque exagitati placandi ac demulcendi , *emulsionibus* , præsertim papaveraceis , aut essentia croci cum vino malvat. parata a gutt. XX. sensim ad plures ascendendo ; vel parca dosi laudani liquidi *Sydenhami* , vel theriacæ , vel pilula una aut altera de cynoglossa , vel extracto flor. aut semin. papaveris , non neglectis morbis concomitantibus . *Extra morbos* vero *cura* & *meditationes severæ* , præsertim vesperi , sunt vitandæ , motus frequens corporis instituendus , nimiaque ventriculi repletio nocturna fugienda . Ubi *dolores in causa* sunt , hi antispasmodicis , temperantibus ac diaphoreticis sunt leniendi , atque causa eorum auferenda , & si hæc non sufficiunt , blanda *opiata* his adjungenda . In *senum vero vigiliis* potissimum curæ & sollicitudines nimis ablegandæ : e contrario tranquillitas animi , roborantia & spirituosæ , & cum primis modicus usus vini generosi , præsertim vesperi plerisque conveniunt ; immo & medicamenta *ambrata* , ut spec.

diamb. diamoschi, confect. alkerm. completa, the-
riaca, præsertim cum vino, & similia. Potus vero
aquei calidi, quicumque, & imprimis Coffeæ,
a meridie & circa vesperam, omnibus iis, qui
dormire nequeunt, atque vigiliis involuntariis ex-
cruciantur, maxime sunt vitandi.

• XXIX.

De Memoria debili, & Oblivione.

Memoria debilitati prospici solet victu modico
& roborante, medicamentis roborantibus, carmi-
nativis, aromaticis, cephalicis, Tragea aromatica
Aug. speciebus diacinamom pulv. stomach. Birckm.
de- bilis aliisque similibus, item spiritu magnanimitatis,
curatione sive formicarum compos. Laurenbergii, spir. la-
vendulæ, rosmarini, balsamo vitæ Schroed. & Hoffm.
sale volatili oleoso, &c. interne & externe
usurpatis. Præterea & præsertim in senibus, con-
fect. alkerm. completa vel anacardina, &c. elæo-
sacchar. cinamomi cum cinnabari nativa, vel an-
timonii; sive pulvis aureus Zellenis, &c. his in
regionibus usitatissimus: cavendum tamen, ne in
usu horum, præsertim ab hominibus calidiori-
bus, copia excedatur, alias hi ægri in febres
vel maniam, stultitiam aut fatuitatem haud raro
incidunt.

In senibus hoc in morbo aliisque capitis debili-
tatibus, medicamentis plerisque *ambra*, si eam fer-
re possunt, utiliter plerumque admiscetur, adeo-
que & *species diambra* & *diamoschi* tunc condu-
cunt: ut pulvis, & essentia ambre cum fluidis ro-
borantibus aliis. Externe vero aqua apoplect. Regin.
Hung. spirit. lavend. balsama cephalica, salia volati-
lia sicca vel fluida & cucuphæ roborantes adhi-
benda, vitando simul causas, ut potionem aut
venerem nimiam, vigiliis voluntarias, meditatio-
nes

nes nimias, & quæ alia forte huic malo occasio-
nem dederunt.

XXX.

De Apoplexia.

Ad sensuum læsiones etiam quam maxime per-
tinet *Apoplexia*, adeoque hic de gravissimo & xia
periculosissimo hoc morbo adhuc acturi sumus. quid
Est vero *Apoplexia* generatim morbus in quo & quo
ægrî sensibus & motu nunc subito, nunc sentim
privanda. Dividenda igitur est *apoplexia* 1. in
levem, quando prægressa vertigine, aut dolore vel
gravitate ac debilitate capitis, vel etiam sine his,
quidam sensus & motus, vel in totum vel ex
parte, reliquis adhuc integris, pereunt: quo in ca-
su etiam sæpe motus linguæ & loquela læduntur.
Quando autem in alterutra tantum corporis parte
môtus vel solus, vel simul sensus & motus læ-
duntur, *hemiplegia* vocari solet: 2. In *vehemen-
torem* sive *fortiorem*; quando correpti vel præ-
gressis modo dictis malis, vel etiam sine his,
sensibus & motu amissis, superstitæ tamen respi-
ratione & pulsu, ut plurimum cum stertore sub-
sequente, prosternuntur; & denique 3. in *vehe-
mentissimam*, quæ est, quando subito & uno quasi
momento ægrî, sine sensu & motu superstitæ, mor-
tui, quasi securi percussi, aut fulmine tacti, pro-
cidunt. Ex quibus signis & diagnosi ac differentia
sunt petenda. Quamvis vero *apoplexiâ* haud
raro *vertigo* præcedat, tamen inde non mox con-
cludendum aut pertimescendum, ut multi faciunt,
quasi ex quavis vertigine *apoplexia* sequeretur:
qui multi hac diu laborarunt, ubi tamen nulla
apoplexia secuta est; & vice versa multi *apoplexia*
sunt correpti, quam nulla *vertigo* præcessit.

*Causse
apople-
xix.*

Causse antecedentes apoplexiæ sunt varix; proxima vero *sapissime est ruptura cujusdam vasis* vel sanguiferi vel serosi aut lymphatici in cerebro, unde humores in calvariam effunduntur, qui cerebrum & nervos comprimunt, eorumque functiones vel lædunt vel omnino tollunt: quemadmodum hoc in dissectis cadaveribus quamplurimis observatum est (a). Vel *caussa proxima quoque esse potest obstructio vasorum in cerebro* & præsertim corticali ejus substantia, vel a sanguine nimis crasso & viscido sicut præsertim in plethoricis sæpe contingit, ubi facies & oculi ægrorum rubicundi & sanguine quasi distenti esse solent; sive ab humoribus pituitosis sive serosis viscidis, prout in ægris plegmaticis sive frigidis præsertim senibus, qui ejusmodi humorum abundantia, cum in primis viis ex parva dicta, vel læsa ventriculi concoctione, tum in vasis sanguiferis & toto corpore laborant; ex qua diversitate & fundamento Apoplexia ratione causæ in sanguineam & phlegmaticam vulgo & haud inepte dividi solet, quæ divisio etiam in curatione suam habet utilitatem. Denique hic morbus etiam a spirituum & virium defectu & inde orto vasorum cerebri ac nervorum collapsu, oriri potest, id quod præcipue in senibus, deinde vero etiam in iis accidere existimo, qui vel studiis nimis vel etiam venere nimia, aliisve de causis spiritus nimis absumserunt. Priori causæ proximæ, apoplexiæ scilicet sanguineæ, occasionem sive causam procatareticam sæpe præbet *crapula* sive potus vini nimius, aut spiritus vini aliorumve inebriantium; hinc multos novi, qui inter vel brevi post convivia

(a) Qua de re videri potest *Vvepseri* liber de Apoplexia & *Lancisi* aliorumque de Mortibus subitaneis.

via apoplexia correpti & mortui sunt; vel ira aut motus quidam vehementior, &c. quæ omnia ad vasa in cerebro petruenda satis idonea sunt. *Apoplexia vero phlegmatica* sive pituitosæ causa antecedens sive occasio esse potest voracitas sive nimia ventriculi, præsertim cibis viscidis ac tenacibus repletio, corporis & imprimis capitis refrigeratio; aer frigidus & humidus, & quæcumque humores serosos viscidos adhuc magis cogere possunt.

XXXII.

Ex prædictis jam satis patere potest *Morbum hunc omnium acutissimum & periculosissimum esse*, & quidem quo vehementior, eo maius vitæ est periculum; adeoque promptissimum exigit auxilium, quod vero, pro causæ diversitate, varium esse debet. In gradu tertio sive vehementissimo nulla est curatio, sed in primo vel altero, præ omnibus, ad ægros hos excitandos conducit omnis generis remedia volatilia, spirituosæ & roborantia naribus diligenter admoveere, qualia sunt spir. salis ammon. simplex vel vinosus, spiritus C. C. vel liquor C. C. succin., vel etiam spiritus lavendulæ, rosmarini aut similes; *salia præterea volatilia simplicia & oleosa*, sive ea sint fluida sive sicca, vel aquæ spirituosæ, ut aqua Reginæ Hungariæ, analitina, apoplectica, &c. exhibitis simul interne aquis cephalicis spirituosis, & spiritu salis ammon. C. C. liquor. C. C. succin. Balf. vitæ Schræderi aut Hoffmanni ac similibus; quibus addendæ sunt fricationes capitis, pedum, manuum, immo in malo graviore, totius corporis commotio & agitatio, præsertim si æger a duobus aut pluribus personis robustis hinc inde per cubiculum diu multumque trahitur atque retrahitur; quo ipso nonnullos rursus restitutos esse & ego vidi & alii scriptores testantur. Inter hæc vero in plethorica apoplexia, quam primum fieri potest, *largiter sanguis*, modo ex brachio,

*Pro-
gnosis
& cu-
ra.*

modo ex pede, modo ex jugulo, immo etiam ex ipsa arteria temporum educatur.

Quando his nondum excitantur, *scarificationes* cum cucurbitulis etiam in sincipite & occipite, itemque post aures instituantur, quibus ipsis ægri sapius in altero gradu excitati & a mortis periculo liberati sunt: quæ omnia vero mature & in principio adhibeantur, quia si tarde hoc fiat, nihil plerumque efficiunt.

Clysteres etiam *acriores* in intestina excitandi & revellendi causa, injiciantur, itemque *vesicatoria* fortia ex cantharidibus vertici, cervici, dorso ac satis eundem in finem superimponantur, iisque quam solertissime donec excitentur, continuetur, In leviori etiam leniora ex his remedia sunt adhibenda.

XXXIII.

In *apoplexia phlegmatica*, *frigida* sive *pituuitosa* aut *serosa*, præsertim si convivium, crapula aut repletio præcessit, atque æger adhuc deglutire potest, *emeticum* valens est exhibendum, ceteraque omnia hæcenus dicta, sola forte sanguis detractioe ommissa, nisi plethora aut evacuatio sanguinis consultata suppressa sit, tamen externe quam interne sunt facienda. *Urtio plantarum* pedis aut bregmatis a quibusdam etiam valde hic commendatur, adeoque si illa brevi nihil efficiunt, etiam hanc tam in hac quam sanguinea adhibere consultum est. Vid. Chirurg. nostr. Tab. XII. Fig. 11.

XXXIV.

Si *Apoplexia* a solo virium defectu oriatur; (quæ interdum etiam magis pro syncope, lipothymia aut animi defectione est habenda) tunc neque missiones sanguinis, neque emetica prosunt, sed sola excitantia & roborantia §. XXXII. optime conducunt.

XXXV.

Æger excitatus roborantibus, postea donec vires pristinas, quantum fieri potest, recuperet, curandus, qua

Quid
post pa
roxys-
mum.

qua de re vero uberius, ubi de paralyfi acturi sumus, proponemus.

XXXVI.

Quia vero ii, qui semel apoplexia laborarunt, *Præ-*
facile denuo ea rursus corripiuntur, in plethoricis *serva-*
optimum præservans est sanguinis missio, quovis *tio.*
trimestri spatio instituta; præterea modica & temperans victus ratio, medicamenta temperantia & blande roborantia, abstinencia a studiis, curis & meditationibus gravioribus, fonticulus aut setaceum, & usus aquarum medicatarum legitimus, remedia sunt præstantissima.

XXXVII.

De Paralyfi.

Paralyfis, quia plerumque apoplexiæ seboles est, *Paralyfis*
eiusque quasi reliquæ, eam hic mox subjungemus. *quid*
Est vero Paralyfis morbus, in quo una alterave *& quo*
pars corporis humani & haud raro dimidia ejus *tuplex.*
pars omni motu & subinde etiam sensu tactus privatur. Quando igitur integrum latus paralyfi laborat, apoplexia plerumque prægressa est; quando vero certum quoddam tantum membrum & nominatim brachium vel pes, dolores & catarrhi ut plurimum præcesserunt, partesque paralyticæ ut plurimum molles, laxæ & flaccidæ tactu percipiuntur. Linguam etiam, musculos penis erectores, & sphincteres haud raro quoque paralyticos fieri sæpius observatur; quo primo casu homines vel difficillime loquuntur, vel prorsus loqui non possunt; in posterioribus vero vel penem non erigere, vel urinam aut excrementa retinere nequeunt. *Præ-*
mor & stupor partium paralyseos levioris species mihi esse videntur. *Causæ*
& pro-
gnosis.

XXXVIII.

Ortam omnia hæc mala, me quidem iudice, vel a per-

a nervis partium læsarum obstructis vel nimis quantum relaxatis tanquam causis proximis obtinent. Quod ad *prognosin* attinet, curatu sane semper est perquam difficilis, & præsertim in senibus, aut quando malum jam inveteratum est; interea tamen quando adhuc recens est, & æger vel puer vel juvenis curationem sæpe adhuc admittit; quamvis aliquando adhuc senes sexagenarios, immo septuagenarios, ceterum robustos ac vegetos post insultus apoplecticos non adeo graves a paralyfi pedis & brachii rursus curatos viderim.

XXXIX.

*Cura-
tio ca-
que I.
inter-
na.*

Igitur quando post apoplexiam primi aut secundi gradus ægri ad se redierunt, verum paralyfis vel alterius lateris vel certarum solum partium, pedis, aut brachii, aut linguæ, sicut ut plurimum fieri solet, inde relinquitur, ad nervos læsarum partium adhuc obstructos, aut nimium relaxatos, aperiendos & roborandos, *interne aperiencia*, *roborantia* & *nervina* sunt suadenda: ut infusum *herbæ salviæ* ad modum theæ, aliquoties in die haustum, quod admodum egregium hic est, vel herbæ betonicæ, rosmarini, chamædryos aut chamæpytyos aliarumve herbarum cephalicarum vel per se vel cum herba basilici, flor. rosmarini, salviæ, lavendulæ, vel & cinamomo mixtæ, præsertim ægris frigidioribus & phlegmaticis, ubi humores pituitosi & visceri peccant; cum quibus infusis etiam *balsam. vitæ Schræderi* vel *Hoffmanni*, vel bonum quoddam *sal. vol. oleum Sylvii*, aut aliud simile, vel essentia aut tinctura quædam aromaticæ, item ligni aloes & ambræ, apta quantitate iis commode exhibentur. Horum loco, præsertim in ægris *calidioribus*, spiritus C. C. vel liq. C. C. suocin. vel mixtura roborans aut tonica, ex spir. C. C. & tinct. tarr. parata recte dantur. *Aqua salviæ*, tam simplex, quam inprimis cum vino distillata, etiam hic valde salutaris est,

si subinde vel sola ad cochl. j. vel ij. extingitur, aut remedia laudata cum hac aqua loco vehiculi porriguntur. *Elaosaccharum cinamomi* vel *caryophyllorum* per se, aut cum cinabari, margaritis, & ambra in pulverem redactum, atque roborandi causa, ad \mathfrak{B} . vel ultra senibus & frigidioribus aliquoties in die datum, egregie prodest; quam ob causam *pulvis cephalicus*, *Zellenfis* dictus, qui pro arcano ibidem venditur, atque ex his consistere videtur, etiam in Saxonia nostra valde celebris & frequenti in usu inter Magnates est. *Specificum* quoque *cephalicum* Mich. & *pulvis March.* tanquam diu usitata ac laudata nervina sæpe egregie profunt, iisque etiam si ægri ambra ferre possunt, aliquot grana ambra, immo olei quoque cinamomi & caryophyllorum, prout res exigit, cum fructu addi possunt. Ita etiam *species de cinam.* optime roborant & obstructions a viscido ortas resolvunt atque aperiunt. In quibus vero ægri calor p. n. percipitur, iis pulveres temperantes cinnabarini, vel antispasmodici & temperandi & resolvendi sine profunt. In nonnullis *causis mercurialium usus* ad obstructions has pertinaciores tollendas efficacissimus est; immo & *aquarum medicatarum* vel tepidus vel calidus usus contra hæc mala multis egregie jam profuit. Quibus omnibus vero, prout res exigit, subinde evacuatio per alvum & in plethoricis Venæ sectio aut cucurbitulæ sicca & cruentæ interponendæ.

XL.

Externe *litus* & *fricationes spirituosi* ac nervini adhibendi ex spirit. lumbric. formicar. C.C. serpilli; rosmarini & lavendulæ, aut ex aqua Regin. Hung. & Anhaltina, vel pro pauperibus spirit. vin. aut simplex aut rectificat. aut & juniperin. in quibus frustum saponis veneti vel hispanici alijsve boni dissolutum est. Vel partes læsæ fricari apte possunt *unguento nerv.* oleis destill.

2. externa.

ner-

nervin. & aromat. imprægnato, ut ol. destil. succini, salv. rosmarin. lavendul. organ. majoran. & similibus: *Balnea* denique tepida ex ejusmodi herbis parata, eaque *formicis* injectis roborata, ad nervos obstrictos referandos eosque nimis laxos roborandos valentissima quoque sunt, sicut & *balnea ex thermis* naturalibus, vel aquis medicatis martialibus tepelactis & per sat longum tempus usurpatis, quibus postea fricationes modo laudatæ adhuc superaddi possunt. *Verberationes* membrorum læsorum cum *urticis* recentibus ad stimulantium atque alliciendum spirituum ad partes læsas influxum in quibusdam etiam valde conducunt; itemque *cucurbitula* sicca & cruentæ, immo & *vesicatoria* & rubefacientia iisdem partibus adhibita.

XLI.

Paralysis linguae Speciatim in *paralysi linguae*, præter commentata generalia, elæosach. cinam. vel caryophyllorum in lingua detinendum & liquefactum sensim deglutendum. *Aqua salvia cum vino* destillata & sæpius in ore detenta linguas has egregie roborat. *Masticatio* frequens cinamomi, caryophyllor. cubebæ. aut rad. pyrethri. ac similium valde quoque hic prodest, & basis linguæ extus sub mento spiritibus & unguentis illis nervinis §. XL. sæpius in die probe fricanda.

In *paralysi musculorum penis* indeque nata coeundi & generandi impotentia, quia erigi nequit, itemque in *paralysi sphincteris vesicæ* aut lani, latera radice penis, regio pubis & perinæ, non neglectis internis, iisdem externis sæpius inungenda; quibus in casibus etiam *balnea* modo laudata tam artificialia, quam naturalia, valde proficua sunt.

XLII.

XLII.

*De Syncope, Lipothymia, & Animi defectione
sive deliquio.*

Sub his nominibus omnibus illud malum intelligitur, quando homo vel ex virium defectu, præsertim ex hæmorrhagiis, vel ex subitaneo & vehementi terrore, horrore aut metu, immo & visu alicujus rei sibi adversæ, ut v. gr. aspectu sanguinis humani, vulneris, venæ sectionis, aliæve actionis chirurgicæ vel læsionis paulo gravioris, sensibus & motu, vel ex parte vel in totum privatur, cum faciei summo pallore instar mortui, pulsu vel summe debili, vel nullo; (a) ubi vero vel vellicationibus & commotionibus, vel medicamentis volatilibus aut spirituosiss aliisve rebus similibus ut plurimum excitantur, & rursus ad se redeunt, quo ipso hæc mala ab Apoplexia potissimum distinguuntur.

*Quid
sint
hæc
mala.*

XLIII.

Duplex ejus gradus commode statui potest; nimirum vel *levior* vel *gravior*. *Levior* mihi dicitur, quando cum pallorē faciei, visu turbato, vel & aurium tinnitu, immo & quandoque vertigine, vires ita vacillant, ut ægri sensibus magnam partem privati, procidant, nisi vel mature decumbant, vel ab adstantibus sustententur, vel mox roborante remedio velori & naribus, vel ambabus simul admotis aut ingestis reficiantur. *Gravior* vero, quando per aliquod tempus sine omni sæpe sensu, immo & sæpe sine omni motu decumbunt,

*Diver-
sitas
sive
gra-
dus.*

re-

[a] Quidam Stahliani mira de animæ habitu in his morbis sibi fingunt, numquam probanda.

respiratione etiam & pulsu valde debilibus, ubi tamen remediis spirituosius naribus admotis facilius quam in apoplexia, perceptionis sensum manifestant.

XLIV.

Causæ pleræque jam §. 42. indicatæ sunt: quibus adhuc addi possunt morbi hysterici; dum fœminæ multæ hoc morbo laborantes sæpissime animo, sine alia causa manifesta, linquuntur; id quod a spasmis provenire videtur. Nonnullæ vero tantum vel plerumque tunc, quando verum fragrantium suaveolentium odores naribus hauriunt, ut rosarum, liliorum, tuberosarum, florum aurantiorum, ambre, muschi, ziberthi, benzoës accensæ, vel styracis, aliorumque similium, atque hæc *lipothymia hysterica* vocari solent. Nonnulli vel nimis studiis vel nimia venere delassati, vel inedia quoque exhausti hiscè malis corripiuntur.

XLV.

Diagnosis ex §. XLII. & seqq. peti potest. Quod vero ad *prognosin* attinet, ut plurimum ea plus terroris quam periculi habent, nisi forte ex nimis sanguinis profusionibus; præsertim vulnerum, aut viribus jam ab alio morbo prorsus consumptis, aut vehementissimo terrore ortum ducant; dum plerique ægri circa instantem mortis horam, si forte ad lectum emendandum, vel aliam ob causam elevantur & in sellam collocantur, animo linquuntur, ubi sæpe mortem instantem indicant. Reliquæ & præsertim leviores animi defectiones minus foveant periculi, & solo plerumque remedio quodam roborante, ore assumpto, vel naribus quoque tantum admoto, resuscitantur.

XLVI.

Cura Itaque si cui lipothymia incidit, quando vena ipsi inciditur, aut ab aspectu sanguinis, vulneris, ulceris, fracturæ, aliufve morbi cujuscumque, vel in conspectu operationis chirurgicæ, præsertim gravio-

viōris & horrificæ, ut amputationis mammæ, brachii, femoris, calculi sectionis, &c. quæ species lipothymia ab horrore & metu, immo sola imaginatione haud raro provenire solent, dum nonnulli venæ sectionem sine lipothymia aspicere nequeunt; sæpe sola & matura mutatio cubiculi vel loci clausi cum aere libero, dum quis lipothymiam accedere sentit, remedio est. Illi vero qui jam gravius affecti, ut ambulare adeoque & locum mutare non amplius possint, solo odore aquæ Reginae Hungar. aliūve similis aquæ vel spiritus; vel & vini aut aceti fortioris, immo & sola conspersione aquæ frigidæ in faciem, vel & haustulo vini generosi plerumque reficiuntur; vel & aquæ cinamomi vel cedronellæ (a) cum vino paratæ, aliūve cardiacæ similis; quarum plurimæ sunt in officinis; & præservari, si ante venæ sectionem aliquid assumunt, & curari ab ejusmodi malis horrificis ut plurimum possunt; præsertim si homo, cui vena secanda, antequam sectio instituat, super lectulum deponitur, vel mox, si ex pallore insuſitato faciei & sudore faciei animi defectionem instare intelligimus, super lectulum vel scamnum, aliūve locum aptum promovetur.

XLVII.

In gravioribus animi deliquiis, ubi modo laudata leniora cardiacæ sæpe parum sunt, valentiora adhibere convenit; ut sunt spiritus salis ammoniaci aquosus vel vinosus, qui naribus, temporibus & pulsibus extus & cum fricatione sunt admovendi; vel sal volat. oleos. Sylvii eadem ratione usurpatum; immo & intus hæc remedia ad gutt. XL. vel L. per intervalla exhibenda, ut spiritus iis excitentur, augeantur, ac roborentur. Jungenda his sunt

Cura-
tio gra-
vioris.

(a) Multi hanc herbam *melissam Turcicam*, alii *Moldavicam* appellant, unde aqua cardiacæ fragrantissima & efficacissima parari potest.

sunt aquæ spirituosæ, ut cinamomi aut flor. aurant. aut cedronellæ; aut cheiri cum vino, vel & haustulus vini generosi, itemque vellicationes & fricationes extremorum, nasi, aurium, capitis, pillorum, &c. donec exsuscitentur & ad se redeant. Spiritus quoque C. C. & liquor. C. C. succinat. eadem, ut modò de aliis spiritibus diximus, ratione, cum fructu adhiberi possunt; immo & elæosaccharum cinamomi, vel inde cum cinnabari paratus pulvis cardiacus cellensis ori ingestus, cum vel sine vehiculo spirituofo, multos ab animi deliquiis resuscitat & vires reddit; id quod & *Bals. vitæ Schræderi* vel *Hoffmanni* aliaque similia præstare solent.

XLVIII.

Cura- Si foeminae & præsertim ea, quæ alias jam hy-
tio hy- stericis passionibus obnoxia fuerunt, lipathymiis
stercæ corripuntur, quæ tunc *hystericæ* vel *uterinæ* dici
lipathy solent, vitanda omnia suaveolentia, & potius omnis generis foetida naribus sunt admovenda, & cumprimis castoreum, assa foetida, pennæ perditum accensæ, corium, cornu vel pecten accensum, vel & spirituosæ foetida, præsertim in malo graviore, ut spir. C. C. liq. C. C. succin. spir. castor. comp. pharmacop. Londinensis; Essentia Castorei vel assæ foetidæ, quæ ultima etiam gutt. XXX. ad L. vel LX. intus in his malis danda, non omissis vellicationibus & fricationibus partium prædictarum, §. XLVII., qua de re etiam jam actum supra p. 185.

IL.

Si a sanguinis fluxibus nimis, sive vulnerum
Si a sive aliarum partium, hi ex chirurgia sunt com-
sanguis flu. nis flu. xibus. pascendi, ægrisque talia exhibenda, quæ cito ad vasa nimis evacuata transire eaque mature rursus replere possunt: ut iuscula, lac, emulsiones, gelatinæ, quibus aquæ spirituosæ & haustulus vini generosi ad spiritus augendos subinde interpo-

po-

ponenda , donec hæc mala præterierunt . Quæ remedia etiam optima sunt , quando animi deliquia in morbis quibuscumque , ubi vires valde detritæ , a spirituum & humorum bonorum defectu ortum trahunt .

L.

De Epilepsia .

EPILEPSIA , Romanis *morbus comicialis* , est *Epilepsia* sensuum externorum internorumque subitanea ple-
rumque abolitio , cum prostratione corporis & mo-
tibus musculorum , partiumque his nexarum , to-
tius fere corporis , violentis & invitis , alterna *quid et ejus sym-*
tim facta contractione & remissione , a causa qua *ptoma-*
dam cerebrum aliasve partes nervosas vehementer *ta* .
pungente vel irritante . Accedunt his malis , dum ægri corripuntur , ut plurimum pollicum intra manum & digitos contractio arctissima , terribilis sæpe vociferatio sive clamor inconditus , spuma , immo quandoque simul sanguis ex ore prorumpit , oculi & artus mirifice quandoque convertuntur aut inflectuntur , caput & brachia sæpe terræ vehementer allidunt , pedibus calcitrant , ventrem & pectus arcus in modum vel alia sæpe ratione , more quasi gesticulorum , convertunt , linguam sæpe mordendo perrumpunt & anxie atque profunde respirant ; quæ mala tamen omnia in quibusdam , immo in eodem ægro , sæpe nunc sunt leniora nunc graviora , atque etiam in aliis , pro causæ sive irritationis forte natura aut vehementia , fortiora aut leviora . Neque etiam semper adsunt , sed per accessiones , post incerta temporis intervalla , nunc breviora , nunc longiora , affligunt ac redeunt : immo ipsæ illæ accessiones quoque nunc breviores , nunc longiores sunt . In pueris quoque ut plur. omnia sunt mitiora , quam

in adultis . Quando ejusmodi paroxysmus remittit , ægri iis fere sunt similes , qui ex profundo somno , post gravem præsertim crapulam , evigilant , caput ipsis dolet , quasi somnolentum , grave ac turbulentum est , ita ut reminisci , recte cogitare aut judicare mox nequeant , & vix aut difficulter sciunt , ubi sint , aut quid factum sit ; totum corpus summe delassatum plerumque ita est , ut mox post paroxysmum surgere & ambulare haud valeant , quia motibus illis violentis quasi contracti , & vires consumptæ sunt . Quidam horum ægrorum brevi ante accessionem novum venturum paroxysmum præsentunt , atque tunc , si sapiunt , vel super lectum , vel alium locum securum caute se demittunt , ne a lapsu improvise se lædant , & speciatim caput durius ad lapides allidant , vel omnino lapsu per præcipitia se interficiant ; plerique autem subito & sine ejusmodi perceptione , ubicumque sunt , prosternuntur , atque vehementer sæpe caput sibi lædunt , vel lapsu prorsus enecantur : atque ex his etiam hujus morbi *diagnos*is haud obscura erit .

L I.

*Difference-
ntia
epilepsie
&
causæ.*

Epilepsia varias habet differentias , est enim vel *idiopathica* , vel *sympathica* ; *recens* vel *inveterata* ; a causa vel externa vel interna producta ; modo in *infantibus* , modo in *adultis* ; modo ex vitio *cerebri* . , modo *dentium* , modo *ventriculi* aut *intestinatorum* , modo *uteri* . Causa *proxima* , ut mihi videtur , est semper *causa quadam irritans* , pungens , vellicans , sicut id vel sola festuca ossis acuta *cerebrum* pungens , evincit , vel *infantibus* dens *gingivas* urgens ; vel in *intestinis* aut *ventriculo* *vermes nervos* vellicantes . *Stahliani* quidem ad *animam confugere* , ejusque prudenti actioni & directioni truculentissimos omnes illos effectus (§. L.) adscribere volunt ; verum præterquam quod illi motus omnes , nescia immo & invita anima ,
con-

contingunt, (nam omnes illi motus sunt involuntarii) stultissima esset illa anima , quæ motus adeo horrendos, enormes , perniciosos & sæpe funestos institueret, dum leniori sæpius modo se expedire posset.

Idiopathica sive essentialis rarior est sympathica , & vel ab humoribus vitiosis aut a scabie retropulsa , aut ab ulceribus intempestive clausis ad cerebrum delatis atque in certa quadam ejus parte hærentibus ac pungentibus ; vel ab officulis aliisve partibus p. n. intra cranium excrescentibus, vel & quandoque ab animi quibusdam affectibus, ira scilicet vehementi, aut terrore , quibus in cerebro gravis aliqua læsio concitari & ejusmodi mala produci possunt . *Sympathica* , vel cum aliis morbis complicata , quæ & *symptomatica* dicitur, ab irritatione quoque , sed alia in parte , quam capite hærente , provenit ; adeoque ad causam illam irritantem removendam in curatione est cogitandum .

L I I.

Idiopathica , morbus plerumque est diuturnus, & *Pro-*
difficilius plerumque curatur ; sympathica quia il- *gnosis.*
lius causas speciales in cranio hærentes , tam facile perspicere & eruere, quam hujus, immo sæpe prorsus detegere non possumus . Et si forte etiam quandoque causam sciremus veram , ut v. g. officula aut alia corpora p. n. in cerebro pronata . tamen ea tollere non valemus ; quo fit , ut epilepsia sæpe nullis cedat remediis, licet nonnulla pro certissimis *specificis* decantentur , sed *prorsus insanabilis* sit, immo nullum tale dari existimo , nisi ad causam simul respiciatur . Ita *quo magis est inveterata* , eo difficilius curationem admittit ; quo vero , *recentior* , eo major adhuc spes est .

L I I I.

In curatione igitur *idiopathica* & præsertim *re-*
centioris ; respiciendum ad causam prægressam : *idioti-*
quæ *thica.*

quæ si forte *abundantia sanguinis*, ut in juvenibus, vel *consuetâ sanguinis hæmorrhagia suppressa*, sanguinis *missio*, immo & *purgatio sæpe* conducit, & postea ille consuetus sanguinis fluxus suis remediis est restituendus, interpositis & subjunctis pulveribus & spiritibus illis cephalicis ac nervinis, mox indicandis. Sed si *epilepsia ab ulcere* quodam intempestive clauso, vel *a scabie* præsertim capitis aut faciei, aliisve impuris humoribus retropulsis, ortum traxerit, hi a capite rursus sunt revellendi; per concurbitulas, vesicatoria, fonticulos, purgantia, præsertim ea, quibus mercur. dulc. admixtus, diaphoretica & sudorifera sunt avellendi, & per alia loca evacuandi, eisque epilepsia sæpe curatur. Si *a febre* intermittente *intempestive suppressa*, eadem revellentia & evacuantia ad materiam vitiosam a capite avocandam, conveniunt; quibus postea si febris redit, ea, quæ feбри rite curandæ supra proposuimus, aliaque roborantia cephalica sunt subjungenda. Si *ab ira* producta est, sanguinis detractio, & quæ vehementiorem ejus motum bilisque acrimoniam temperant, ut salia temperata media, nitrum & cinnabaris, pulvis antispasmodicus celebris, specif. cephal. Michael. cum nitro, pulvis epilept. Marchion. vel solus vel cum prædictis mixtus, aliaque nervina, observata simul animi tranquillitate, conducunt. *Spiritus vitrioli philosophicus*, spiritus nitri vel vitrioli dulcis itemque liq. anodyn. Hoffmanni, hic quoque egregie profunt. Denique & tam in hac specie, quam etiam in aliis, ubi humores biliosi aliive noxii in ventriculo hærent, *Vomitorium* sæpe est admodum salutare. Si *a terrore* ortum duxit, quo humores condensari & ad stasim disponi solent, præter venæ sectionem, blande dissolventia, ut sunt pulveres antispasmodici, spir. C. C. liq. C. C. succinat. cum infuso theæ aut aliarum herbarum cephalicarum, vel

vel aquis diaphoreticis, ut fl. tiliæ, sambuci, acaciar. ceras. nigr. cinamomi, hirundinum præsertim cum castoreo præparata, &c. danda. Quando a *festuca*, *spina*, aliave re externa pungente oritur, extractio harum primarium est remedium.

LIV.

Si hæc omnia parum sunt, omnis generis *pro De* *specificis* habita medicamenta, in quibus nihil no- *speci-*
xii deprehendimus (quia semper cavendum, ne, *ficis*.
quando prodesse non possumus, ægro noceamus) *empirica* etiam dicta, quorum quam plurima laudantur, adhiberi possunt: ad quæ referuntur lumbrici terrestres, ungulæ alcis, radix pæoniæ, cranium humanum, violenta præsertim morte peremptum, cor & cerebrum hirundinum, cor talpæ, hepar lupi, ossa in ventriculo vel intestinis lupi reperta. Essentia dulcis Hallensium, *specificum Stahliani*, oleum animale *Dippelii* & alia, quamvis & hæc & alia sæpius frustra adhibita esse sciam. Sunt quædam epilepsiæ, a leviori forte causa ortæ, verb. grat. terrore vel ira leviori, vel scabie modica productæ, aut quæ a dentitione aut variolis concitantur, quæ sæpe, ut subito & facile ortæ sunt, ita etiam facile rursus cessant, & natura vi subiguntur; si jam contra ejusmodi epilepsiam unum ex similibus specificis dictis fuit exhibitum, & epilepsia postea cessat, huic causa sublata epilepsiæ a nimis credulis & imperitis adscribi solet, quæ sponte cessavit, vel sola natura sublata est. *Fonticulus siccus coronali* inustus a quibusdam etiam huc refertur, de quo Chirurg. nostra videri potest. Quidam *stercus pavonis* aliaque *stercora* contra hunc morbum etiam commendant; ego vero hæc cum tota pharmaco- *Cura-*
pœia, *stercorea* auctoribus suis relinquo. *tio*

LV.

In sympathicis & symptomaticis. major plerumque pathi-
que ce.

que ac promptior curandi spes est: nam quæ *initio variolarum* oritur, exhibitis remediis temperantibus, cessare solet; quæ remedia, non omissa cinnabari, etiam in *epilepsia febrium aliarum* acutarum curanda optime profunt. Quæ a vermibus, medicamentis mercurialibus, & quæ ceterum vermibus sunt contraria, plerumque superatur. Erat viri cujusdam honorati filia novem annos nata, diu vermibus & simul epilepsia misere conficta, quam, (multis remediis antea a quamplurimis frustra adhibitis) pulveris chin. ʒj. & merc. viv. ʒss. cum conserva & sirupo in electuarium redactis, ac per stata tempora, ut in febre exhibitis, ita ut numquam redierit, feliciter profligavi. Quando *epilepsia a dentitione* provenit, & remedia, quæ ad hanc promovendam alias maxime idonea, frustra adhibita sunt, immo & spir. C. C. dosis gutt. IV. vel V. aliquoties data, nihil proficiat, vel *vena sectio in brachio* ex Sydenhami observatione, vel *incisio transversa* super dentibus exitum molientibus instituta morbum hunc sæpe tollit.

Si a lacte in ventriculo corrupto & acido facto in infantibus lactantibus oritur epilepsia, hoc partim purgantibus idoneis est evacuandum, partim terreis absorbentibus est destruendum: quo factum esse existimo, ut dum terrea in hoc casu sæpius contingente, egregie proficiunt, postea tam multa ex terreorum familia etiam in aliis speciebus, ab aliis scilicet causis ortis, pro specificis declarata sint, quando forte aliquoties ejusmodi infantes ab epilepsia liberarunt; id quod tamen in aliis plerumque non faciunt.

Quoties epilepsia a mensibus suppressis, hi sunt restituendi, aut si cum hysterica passione complicata, hac curata, etiam ejus epilepsia symptomatica iisdem antihystericis, vel & haud raro matrimonio tolli solet.

In *paroxysmo* & speciatim hystericæ epilepsiæ, *Quid in pa-*
 spiritus volatiles cephalici ac nervini & cumprimis spir. C. C. vel liq. C. C. succin. naribus ad-
 moveri, immo & præsertim in infantibus, verti-
 ci instillari ac temporibus & pulsibus illini, vel
 & cum spleniolis imponi possunt, donec ad se re-
 deant. Multi manus & pollices ægrorum fortiter
 constrictos vi diducendos esse volunt ac jubent;
 meo autem iudicio præstat hoc intermittere, eos-
 que ita relinquere, donec paroxysmus præteriit,
 ne natura in hoc actu turberetur: quia alias nova
 accessio citius plerumque & sæpe adhuc vehe-
 mentius, quam antea, redire solet. Superato pa-
 roxysmo, æger quiescat, donec vires sibi satis re-
 stitutas sentiat.

De ceteris morbis, *convulsivis* dictis, in sequen-
 ti capite plura proponentur.

C A P U T XV.

De Motus lesionibus.

I.

Motus in corpore humano diversimode lædi *Motus*
 possunt: modo enim *aucti* sunt, modo *im-*
minuti, modo prorsus aboliti, vel *depravati* aut *in-*
viti, vitiumque sive causa vel in humoribus sive *plures*.
 fluidis, id est, in sanguine & spiritibus, vel in
 partibus solidis, sive movendis hærebit.

II.

Causa motus præter naturam aucti, ut convulsio- *Causa*
 nis, epilepsiæ, &c. non a prudenti animæ directio- *motus*
 ne proveniunt, ut *Stahliani* volunt, dum anima, *aucti*.
 quod hoc faciat, ignorat, immo dum non facit,
 etiam, quod faciat, scire nequit; verum sunt res
 irritantes quæcumque materiales, ut *sanguis* & *hu-*
mores

mores quantitate vel qualitate noxia peccantes, *fallia peregrina diversa*, *vermes*, *dentes prurum-pentes*, *festucæ ossium pungentes*, &c. a quibus omnibus, si fibræ aut partes nervæ corporis humani rudius afficiuntur & irritantur, spiritus quoque vehementius exagitantur, partesque solidæ inde inordinate moventur: qui tamen motus inordinati, pro partis & causæ diversitate, valde variant, & inde modo leniores sunt, modo vehementiores. Ita *spiritus cum impetu* ob quamcumque causam in musculosas partes lati, *spasmos*, *convulsiones*, *epilepsiam*, *vomitum*, *diarrhœam*, *priapismum*, sive *satyriasmum*, &c. inducunt.

III.

A quantitate vero sanguinis nimia, vel ab ejus spissitudine oritur sæpe *palpitatio cordis*, *syncope*, *difficilis respiratio*, *suffocatio*, & præsertim etiam *suffocatio uterina*, alique ita dicti affectus hysterici. Ab *irritatione* & *cumprimis per acria*, pro partium diversitate; ubi irritatio fit, sequuntur *sternutatio*, *tussis*, *singultus*, *ructus*, *vomitus*, *nausea*, *spasmus*, *convulsio*, *epilepsia*, *fames immodica*, sive *canina*, alique mala.

IV.

Caus-
sa mo-
tus
immi-
nuti.

Causa motus imminuti vel deficientis sunt & humorum & spirituum vel defectus, vel paucitas, vel turbatio, vel obstructions nervorum, ut in *virium defectu*, *animi deliquiis*, *apoplexia*, *paralyfi*, *universali* & *particulari*, *tremore*, *impotentia virili*, *aphonia*, *linguæ paralyfi*; vel *læsiones organorum*, ut in *fracturis*, *luxationibus*, *vulneribus* & *dilectionibus musculorum*, *tendinum*, *nervorum*. Ita & *anorexia* a motu ventriculi imminuto, quando cibos vel prorsus non, vel non satis exagitare, comminuere, atterere, digerere, vel expellere potest, ortum sæpe trahit. A *turbato* sive depravato motu spirituum, *vertigo*, *vomitus*, *spasmi*, *convulsiones*, *epilepsia* & *deliria* proveniunt.

V.

V.

In CURATIONE horum morborum generatim attendendum ad cauſſas & partem læſam, ne neglecto foco ad ſymptomata tantum reſpiciamus: idcirco ſtudendum, ut prius cauſſa rite iuueſtigetur ac tollatur, & poſtea ſimul ad ſymptomata, præſertim ſi urgeant, reſpiciendum. De variis motus læſionibus, præſertim ubi ſenſus ſimul læſi, ut apoplexia, epilepſia, animi defectionibus, &c. jam capite XIV. egimus; nunc vero de aliis adhuc motuum læſionibus, quæ ſuperſunt, & ubi ſenſus plerumque integri perſiſtunt, exponemus. Ut primo.

Cura-
tio ge-
nera-
lis.

VI.

De Spasmiſ & Convulſionibus.

Inter hos primo conſiderabimus motus ſpaſmodicos, qui ſpaſmi, nervorum diſtentiones, ſive convulſiones etiam appellantur. Spasmi dici ſolent, quando pars quædam corporis humani, vi muſculorum præter voluntatem contractorum, vel conſtringitur, vel extenditur & plerumque cum dolore riget, vel & ſingulari eaque mirabili ſæpius ratione intorquetur. Huius ſpecies ſunt Græcis vocabulis inſignitæ, Emproſthotonus, Opithotonus & Tetanus; quibus ſpaſmus cynicus ſive Riſus Sardonicus, immo & Priapiſmus ſive Satyriſis, tamquam ſpaſmi particulares, addi poſſunt. Convulſio vero proprie vocatur, quando partes, ut in epilepſia, alternatim contra animæ voluntatem eaque prorfus invita, modo contrahuntur, modo extenduntur.

Quid
ſint &
ejus
ſpecies.

VII.

In cauſſis ſpaſmorum & convulſionum assignandis Stahliaſi rurfus ad animam, tanquam ad commune ipſorum aſylum; confugiunt; eique omnes illos motus, ſæpe horrendos ac periculoſos, ſicuti in epilepſia, tanquam cauſſæ adſcribunt, quæ magna

Cauſſæ
horum.

magna deliberatione corpori suo tantas & sæpe valde ridiculas, nunc vero perhorrificendas deformitates, in bonum ac salutarem ejus finem concitaret. Verum hoc a vero æque alienum in epilepsia mihi esse videtur, sicut id; ubi de hac supra Cap. XIV. multisque aliis occasionibus jam innuimus; sed potius certos humores vel quantitate vel qualitate peccantes, vel etiam sæpe res solidas peregrinas, vel p. n. in iis genitas, motus hosce anomalos & perniciosos plerumque producere existimamus: qui, si *vehementes*, tantum abest, ut commoda, sed potius gravissima sæpe mala ac damna, immo & ipsam haud raro mortem corpori inducant.

VIII.

Cura- Si *spasmi aut convulsiones leves*, & vel in digitis vel suris tantum, ut sæpius fit, incidunt, sæpe *spasmi* vel solis & simplicibus frictionibus hærens forte *levioris*. viscidum aut acre morbosum, quodcumque illud sit, in parte illa, rursus promovetur ac propellitur, atque sic simul spasmus curatur. Alias sæpe juvat, si saliva, præsertim hominis jejuni, vel spiritu vini, vel lavendulæ, vel aqua Reginæ Hungariæ aliave simili pars affecta probe fricatur.

IX.

Gra- Quando autem *spasmi* sunt vehementiores atque *rioris*. his haud cedunt, inquirendum, *an non nimia sanguinis abundantia* in culpa, aut *menses, hamorrhoides, narium hamorrhagia* aliæve consuetæ sanguinis vel naturales vel artificiales evacuationes sint *suppressa*, aut neglectæ. His enim perspectis, vel *sanguinis detractiones artificiales*, convenienti loco & tempore, sunt instituendæ, atque *menses* vel *hamorrhoides obstruati* in ordinem, sicut Cap. IX. docuimus, redigendi, ita sæpe his restitutis, omnes *spasmi & convulsiones* abiguntur.

Sed si his *vinci nequeunt*, verum *vehementiores adhuc*, & *pertinaciores* sunt, ad remedia nervina & epile-

epileptica valentiora, quæ capite præcedenti §. 53. ad 56. ad epilepsiam, secundum cauſſarum diverſiſſitatem, curandam commendata ſunt, confugiendum, cum epilepiæ atque ſpaſmorum ob cauſſarum ſimilitudinem eadem fere ſit curatio. *Externe* adhibentur sæpe feliciter ſpiritus nervini, ut formicarum, lumbricorum, C. C. aqua Reginæ Hungariæ, Anhaltina, cum & ſine ſapone veneto, ſi cervici, ſpinæ dorſi, naribus, partibus affectis fricando sæpius adhibeantur. *Si partes nimis rigide ſunt*, fricationes per emollientia ſubinde melius proſunt: ut unguentum nervinum, dialtheæ, martiatum, vel pinguedo caponum, leporina, humana, taxi, caſtorei, pedum bubulorum, vel per ſe, vel oleis penetrantibus naturalibus aut deſtillatis nervinis, qualia ſunt petroleum, oleum deſtillatum ſuccini, rutæ, roſmarini, ſalviæ, vel ſimilia alia, imprægnata, quibus partes læſæ diligenter fricandæ. *Aquarum ſalutarium uſus legitimus*, una cum balneis temperatis, obſervato ſimul convenienti victus regimine, vitatiſque affectibus animi gravioribus, ira præſertim, mœrore ac triſtitia, in morbis ſpaſmodicis longe quoque valentiſſimus eſt; ſicut de horum genuino uſu mox infra uberius proponemus. Quid in ſpaſmis vulnerum ſit faciendum, e Chirurgia noſtra p. 85. peti poteſt.

X.

De Maxilla ſpaſmo.

In ſpaſmis particularibus, ſpecialia quædam adhuc ſpaſi ſunt obſervanda. Ut, ſi ſpaſmus eſt in maxilla inferiori, ut ægri os aperire adeoque & cibos manducare nequeant, ſicuti sæpe in vulneratis, ubi periculis grina in vulneribus, aut ubi nervi læſi ſunt, aut in maxilla ubi acria, ut vitriolum, aliave ſimilia ad ſanguinem

nem cohibendum vulneri immissa fuerunt, contingit, pro caussarum diversitate diverso modo ad eas auferendas est procedendum; qua vero de re, quia jam in chirurg. nostris operat. Cap. LXXVII. præcepimus, ne eadem hic nobis sint repetenda, L. B. ad hunc locum ablegamus. *Quod si sponte, sive a caussa interna hic maxilla spasmus in infantibus*, ut sæpe vidi, contingit, ut plurimum moriuntur, & vix ullum servatum vidi, licet laudatissima remedia nervina, & antispasmodica interne atque externe quam solertissime adhibita fuerint.

XI.

De Spasmo cynico.

Spasmi cynici. In *spasmo cynico*, qui & *Risus sardonius* dicitur, si forte, ut sæpe fit, a venenis assumptis, præsertim cicutæ, aut cœnanthes venenata specie proveniat, hæc quamprimum fieri potest, emetico e corpore expellantur, & postea ad reliquias in ventriculo destruendas, atque ventriculum vi sua summe refrigerante inde læsum roborandum, vinum generosum, ex veterum jam observatione, idque cum primis calidum vel per se, vel cum pipere vel Zingibere subinde potum, remedio est. *Si ab aliis spasmodorum caussis*, alia antispasmodica & nervina, tam interna quam externa Cap. præced. §. 53. ad 56. laudata, sunt adhibenda; & inprimis etiam emplastrum ex empl. de betonic. & bacc. lauri cum oleo succini paratum, circa aures & tempora applicatum, egregie etiam hic prodest.

XII.

De Sternutatione nimia.

In *sternutatione nimia*, quæ ab acribus in naribus hærentibus & membranam harum nerveam vellicantibus, oritur, ea *lacte calido*, naribus sæpius hausto, eluenda, temperanda atque demulcenda, donec remittat & denique omnino cesset. Si forte lac deficiat, aqua tepida ei substitui ejusque etiam vapor ad nares cum emolumento admitti potest.

Sternutationis.

XIII.

De Tussi convulsiva.

In *Tussi convulsiva*, præter infusa & decocta ex speciebus pectoralibus ac nervinis parata, & ad modum Theæ aliquoties in die hausta, liq. C. C. succin. pulveresque ex nervinis & cinnabari compositi, ut specif. cephalic. Michael., pulvis epilept. Marchionis, & pulvis antispasmodicus, cum lenibus anodynis, ac præcipue massæ pilular. de styrace vel cynoglossa gr. j. vel altero, egregie conducunt, haud neglecta sanguinis missione & alvi expurgatione, si causæ prægressæ aut mala præsentia ea indicent.

Tussis convulsiva.

XIV.

De Cordis palpitatione.

Hoc malum, quia etiam in motu cordis aucto, attamen invito, & spasmodice quasi vehementius

Quid sit, ejus-

con-

ventiæ.

contracto consistit , de eo hoc in loco quoque acturus sum . Motus hic sæpe tam vehemens est , ut *e longinquo audiri* , & ab abstantibus quoque aspectu thoracis sæpe videri queat . Quandoque hoc vitium a motu corporis paullo fortiori , præsertim quando homines loca acclivia ascendunt , & potissimum in *plethoricis* & *hypochondriacis* oritur ; quandoque a terrore , quo sanguis a partibus externis subito versus cor repellitur , ita ut hoc , sanguine quasi obrutum , per multiplicatos ictus & constrictiones illud nimium sanguinis , quod ei molestum , ipsumque irritat , rursus a se remove cogatur , quo sensim in ordinem redacto , palpitatio plerumque cessare rursus solet .

(a) Quando autem vel motu vel terrore vehementiori , vel causis his ob quamcumque rationem sæpius redeuntibus , præsertim in *plethoricis* vel etiam ab aliis occasionibus pars sanguinis in cordis ventriculis vel vasis ejus majoribus , in *speciem polypi* coit , immo cum cordis ventriculis conglutinatur vel concrescit , sicuti quam sæpissime in horum cadaverum sectione inventum est , qui vivi palpitatione cordis diu conflictati fuerunt , *palpitatio inde oritur fere continua* , eaque vel levior vel vehementior , prout polypus ille minor vel major est , adeoque vel minus vel majus sanguini transeunti obstaculum facit . Quandoque & mala cordis aut huic vicinorum vasorum majorum conformatio , ut v. gr. *aneurysma arteriæ aortæ* , vel *ossæ aut lapideæ quedam partes* , aliæve res p. n. in corde aut vasis vicinis natæ , palpitacionis sive motus hujus læsi causæ sunt ; quibus vero in casibus morbus hic , quia causas ha-

ce

(a) *Stæbliani* hunc morbum etiam anime directioni adscribunt ; verum quia consistit in motu , qui anima fit invita , ab hac , ut causa efficiente ac dirigente provenire nequit .

ce tollere haud valemus, ut plurimum insana-
bilis existit. Interea tamen etiam *sape a sola tere*
nimia sanguinis copia ortum trahit; id quod in-
de evinci potest, quia in nonnullis sola sanguinis
per venas detractio morbus hic, ut sæpius ob-
servavi, tolli solet.

XV.

Igitur initium curationis, præsertim in plethori-
cis, aut iis, ubi consuetæ sanguinis excretiones,
ut menses, hæmorrhagia narium vel hæmorrhoi-
des suppressæ, aut usitatæ sanguinis detractioes
neglectæ sunt, faciendum a vena sectione; quæ
vero, quo in loco vel parte corporis instituenda,
ex eis intelligi potest, quæ Cap. I. de Plethora
morbis, itemque Cap. IX. de hæmorrhagiis sup-
pressis restituendis hac de re proposuimus; quæ
etiam, si malum forte redeat, præservandi causa
vere & autumno, immo & haud raro sæpius in
anno repetenda; & ubi fluxus mensium vel hæ-
morrhoidum obstructus, hi idoneis suis remediis,
ex eodem capite petendis, sunt restituendi.

XVI.

Præter hanc remedia temperantia salina nitrosa
& cinnabarina, ac speciatim pulveres temperan-
tes atque antispasmodici, dum motum nimium
cordis temperant, atque sanguinem crassum ac spif-
sum incidunt fluidioremque reddunt, egregie hic
proficiunt, præsertim quando hi ægri etiam calo-
re p. n. urgentur: atque hanc ob rationem VVe-
delius quoque pulverem suum absorbentem sæpius
in hoc malo exhibitum, multis in locis & præ-
sertim in Opiologia magnopere prædicat. Infusa
aquea herba thea, melissa, veronica, flor. primula
veris, vel pomorum citri; dum humores spissos &
justo fervidiores diluunt ac temperant, multum
quoque hic profunt, præsertim si essentia scordii,
cardui benedicti, cort. citri vel aurant., cum pau-
xillo spiritus nitri dulcis, vel & liq. terræ folia-

Cura-
tio 1.
per
san-
guinis
missio-
nem.

2. Per
alia
reme-
dia.

tæ tartari , apta copia , mane & circa vesperam eundem in finem simul assumantur. *Pediluvia* denique temperata , *motus corporis* moderatus , sed frequens , *vestitio* , *equitatio* , *victus modicus* , *potus tenuis* & sufficiens , cura feri lactis , immo & *aquæ medicatæ* , præsertim *martiales* , curandi & præservandi scopo , cum primis hypochondriacis , quam utilissima sunt .

Atque hæc ipsa etiam in *polypo recenti* vel dissolvendo & curando aut metuendo avertendo , si quid hic Medicina valet , primaria esse remedia existimo .

XVII.

De Singultu .

Sin- *Singultus* est affectus spasmodicus *ventriculi* , & *gultus* simul septi transversi , a re quadam irritante in *caussa*. eo hærente tunicamque ejus nervosam vellicante , ortus , qui vero quandoque *levem tantum in victu errorem* pro causa agnoscit , adeoque vel sponte sua brevi sæpissime desinit , vel assumpto potus haustu , ad materiam acrem temperandam & diluendam , cessat . *Interdum vero est longe gravior* , & causam habet vel gravio rem quandam *ventriculi læsionem* , vel *venenum* assumptum , vel *vulnus* aut *inflammationem* ventriculi , intestinorum , vesicæ , septi transversi aut alius cujusdam visceris in abdomine ; immo ex inflammationibus etiam externis & inde nata *gangræna* ac *sphacelo pedis* *singultum* quoque aliquoties *vidi gravissimum* , qui plerumque tunc mortem instantem , vel saltem appropinquantem indicare , quin & in febribus acutis , & præsertim malignis , frequens *singultus* , sed sæpissime *funestus* esse solet .

XVIII.

XVIII.

Pro caussarum igitur diversitate vario etiam modo instituenda est curatio: ut si senes, vel alii debiliores post pastum largiorem, præsertim quando diætæ durioribus aut flatulentis cibis usi sunt, vel cibos erroridius deglutiverunt, singultu corripuntur, hantibus. stulus vini generosi, vel spiritus vini; vel aqua spirituose, anisi, sceniculi, menthæ, vel cort. aurant. aliarumve stomachicarum, eum ut plurimum sanat. Ita & pulvis stomachicus BircK. & Tragea aromatica Augustan., aliive ejusmodi pulveres stomachales, admixto cortice peruviano, cum vino generoso sumpti, egregie hic profunt. Eadem remedia, si singultus a refrigeratione quacumque corporis, vel potu aut cibo nimis frigidò, incessu per pavimenta lapidea nudis pedibus, ortum ducit, benefaciunt; ubi simul olea stomachica destillata ventriculo illini, & sacculus ex stomachicis herbis, vel emplastrum aut cataplasma stomachicum ei superimponi apte possunt.

XIX.

Quando ab aliis caussis & speciatim ab acidis Si ab humoribus in ventriculo hospitantibus provenit, aliis medicamenta acidum absorbentia, terrea, itemque caussis. oleum tartari per deliquium dare convenit. Si febris acuta, vel inflammationi ventriculi aut alterius cujusdam visceris supervenit, malum est periculosissimum. Interea tamen pulveres nitrosi, camphorati, itemque spiritus nitri dulcis, cum essentia quadam alexipharmaca sæpe dati, quandoque juvant; ubi tamen etiam diascordii ℥j. ad ℥ij. circa vesperam cum fructu exhibetur. Si a gangrena & sphacelo provenit, plerumque, ut §. 17. jam dictum, insanabilis est; interea tamen præter ea, quæ sphacelo speciatim contraria sunt, ut cumprimis est cort. peruvianus, & quæ modo contra inflammationes internas commendavimus, primaria remedia mihi esse videntur. Idem &

judicandum & faciendum est, si singultus vuln-
ribus partium internarum, vel & calculi aut her-
nia sectioni incidat; licet plerumque mors brevi
sequatur. Quando a venenis assumptis oritur,
acrimonia veneni aqueis multis & lacte est elu-
enda ac temperanda, oleosis demulcenda, & ce-
teroquin ita procedendum, sicuti capite de venenis
infra docuimus.

XX.

De Priapismo.

Pria- In priapismo sive satyriasi, (qui etiam in for-
pismi, tiori spasmodica musculorum erectorum penis
contractione, ab acri, præsertim venereo, ut
plurimum inducta provenire solet, idque ut plu-
rimum in juvenibus robustis, vegetis, sanguineis)
conveniunt contra hoc malum large sanguinis
missiones, & præsertim etiam ex ipsa vena pe-
nis, purgationes fortiores ex non calefacientibus
nec resinosis paratæ; pulveres temperantes nitro-
si, cum camphora & tantillo sacchari saturni,
sæpius ex aqua simplici vel lactucæ aut menthæ
dati. Potus sit aqueus, acidulus, refrigerans, ser-
vata simul diætâ tenui, refrigerante, vitandoque
omnia calefacientia, stimulantia & bene nutrien-
tia.

Si infectio venerea concurrat, specificis huic
malo oppositis, cum primis mercurialibus, hæc
expugnanda.

XXI.

De Tremore.

Quid Tremor est motus tremulus sive depravatus & in-
vritus, manuum potissimum & capitis, interdum
etiam

etiam pedum, immo & quandoque linguæ atque ipsius cordis. Malum est, quod *ſenibus* frequentius accidit, quam pueris & juvenibus; atque in illis potissimum a defectu spirituum provenire videtur. Interdum tamen & in his observatur, cum primis *ex terrore*, atque hinc nato inæquali aut *non ſufficienti* in musculos spirituum influxu, & interdum etiam *ex plethora*. Potus etiam nimius *Coffea* ad tremorem inducendum in multis perquam idoneus observatur; in quibusdam a potu nimio & frequenti *crapula*, in aliis a *nimia venere*, in nonnullis ab his simul ortus est; a quacumque vero harum cauſarum proveniat, curatu sæpe perquam difficilis, immo si jam inveteratus, ut plurimum impossibilis est.

XXII.

Interea tamen qui a tremore liberari, vel saltem levius inde affligi desiderant, *largiorem potum* *Cura- tio.* *Coffea*, *crapulam* & *venerem nimiam* vitare debent. E contrario ad nervos debilitatos roborandos utantur quotidie *herba melissa* aut *ſalvia*, loco infusi theæ, vel & eadem cum china in cerevisia aut vino infundantur, & in pastu, vel circa illum bibantur. Cum infuso illo *melissæ* aut *ſalviæ* aſſumere etiam possunt *essentiam roſmarini*, & cort. *peruviani*, vel liquorem C. C. *succinatum*, bis vel ter in die, & vespere pulvis quoque antispasmodicus usurpandus, præsertim ab iis, qui calorem p. n. sentiunt, aut vino multo usi sunt.

Externe cervix & spina dorsi sequenti vel simili linimento roborante fricandæ.

℞. spir. formicar.

lumbriçor. ā ʒij.

salis ammon.

Cornu Cervi ā ʒʒ.

vel ℞. Aqu. Anhaltin. ʒvj.

sapon. venet. ʒj. M.

pro eodem scopo.

In plethoricis sæpe Vena sectio prodest, in senibus haustus vini vel simplicis generosi vel roborantibus illis exaltati in pastu; & in mulieribus ad mensium negotium est respiciendum. Pediluvia frequentia, itemque thermæ & aquæ aliæ medicatæ rite usurpatæ, cum sobria victus ratione contra hoc malum etiam valde sunt proficua.

XXIII.

De Motibus imminutis aut abolitis generatim.

Motus imminuti vel aboliti. Motus imminuuntur vel omnino abolentur sæpe vel in toto fere corpore, vel in certis tantum ejus partibus. In toto corpore eos aboleri in *apoplexia* & *animi deliquiis*; jam præcedenti capite diximus, & quæ remedia tunc profunt, proposuimus; igitur jam de quibusdam aliis adhuc morbis tractabimus, ubi motus corporis imminuti vel depravati sunt, & speciatim de *languore*, *marasmo* ac *vertigine senili*, *paralyse*, *linguæ*, *aphonia*, sive *loquendi difficultate* & *impotentia virili*.

XXIV.

De Languore & Marasmo itemque Vertigine senili.

Languor, marasmus & vertigo senilis. Cum hic *languor* & motus impedimentum a spirituum ac virium decremento ortum ducant, hi omni modo sunt augendi atque excitandi, analeptics, stomachicis, cardiacis, cephalicis, nervinis, & quidem interne, *vino mero generoso* in pastu, hoc enim propterea *lac senum* appellari solet; eoque vel simplici, vel gratis *aromatibus* imprægnato;

gnato , vel aquis spirituosiss , ut aqua cinamomi vinosa , cort. aurant. vel citri ; vel aqua melissæ , florum cheiri , vel lilior. convall. vinosa , aut naphæ , cum vel sine confectioe alkermes , eaque in viris , qui ambram terre possunt , completa ; item succolada , emulsionibus cum aquis cardiacis paratis , gelatinis analepticis , ovis forbilibus , vel vitellis ovorum in jusculis aut cerevisia calida solutis ; præterea speciebus , pulveribus & trageis , ut tragea aromat. August. speciebus diacinamomi , diagalangæ , diambrae & diamoschi , immo & ipsa china chinæ ; præterea essentiis aromaticis , cinamomi , caryophyll. cardamomi , cubebæ . cort. aurant. ligni aloes , ambræ , balsamo vitæ Hofsmanni , elæosacch. cinamomi ambrato , vel pulvere cephalico Zellenfi , cum margaritis & ambra roborato .

Externe naribus , cordi & pulsibus adhiberi apte sæpius possunt aquæ spirituosæ , ut aqua Regin. Hung. Anhaltina , vel apoplectica , aut spiritus lavendulæ , aut spir. salis ammon. vinosus , uno alterove oleo distillato suavi cephalico , pro lubitu imprægnatus , vel & sal volatile oleosum Sylvii aliudve simile . Nonnullos balsama cephalica quoque roborare solent , ut apoplecticus vel cephalicus usitatus , bals. cinamomi , caryophyll. ligni rhodii , lavendulæ , succini , majoranæ aliave similia . Atque hæc omnia etiam in vertigine senum , a defectu spirituum dependente , benefaciunt , sed non in sanguinea , vitando simul curas , meditationes ac studia severiora , animusque ad tranquillitatem sic dispositus .

XXV.

De Lingua paralyfi, Loquela lafione
& Aphonia.Cura-
tio.

Quia hæc mala plerumque ab apoplexia oriun-
tur, præmiſſa jam ut plurimum ſunt ea, quæ in
illa utilia aut neceſſaria eſſe ſolent, & inprimis
excitantia volatilia interna & externa, itemque
ſanguinis detractiões. Quod ſi vero hæc non-
dum inſtituta, aut hæc vitia ſine prægreſſa apo-
plexia orta ſint, *vena ſectio*, præfertim in ple-
thoricis, in brachio, pede, vel & in ipſa vena
jugulari, aut raninis recte inſtituitur. Deinde
vero ad ſpiritus ad linguam alliciendos atque ad-
vocandos prodeſt maſticatio omnis generis acrium
aut aromaticorum, ut cardamomi, cubearum,
amomi, piperis, rad. pyrethri, nicotianæ, vel
ſeminis ſtaphidis agriæ; vel elæoſaccharum cina-
momi, caryophyllorum aut cardamomi, vel pul-
vis aureus Zellenſis, aliave iſtiusmodi ſtimulan-
tia linguæ applicata, ore diu detenta, atque tan-
dem deglutita. Cort. peruv. & ſuccus naſturt. a-
quat. etiam hiç profunt. Pro potu ad modum
herbæ theæ egregie quoque confert *infuſum her-
bæ ſalviæ* vel roſmarini, bis terve in die cum
liq. C. C. ſuccinat. ſufficienti copia ſumptum.
Aqua ſalviæ cum vino deſtillata in faucibus sæpe
detenta, & loco gargarismatis ſimul uſurpata,
valde etiam linguam debilem roborat. *Acetum
ſcilliticum*, ſi ut gargarisma hic adhibetur, &
externe etiam ſub mento radix linguæ eo aliquo-
ties in die probe fricatur, valens quoque contra
hoc malum eſt remedium: ubi tamen etiam ſpi-
ritus nervini in paralyſi commendati adhiberi cum
fructu poſſunt.

XXVI.

XXVI.

De Impotentia virili .

Impotentia virilis est vel perfecta vel imperfecta, atque denotat generandi potentiam vel magis vel minus læſam, conſiſtens præcipue & ut plurimum in *deſtructa penem erigendi facultate*, ſive *flacciditate* aut *paralyſi muſculorum penis erectorum*, quæ plerumque nimium & cumprimis præmaturum veneris abuſum pro cauſſa agnoſcit, quo ſpiritus ac vires juventutis nimis conſumuntur, atque muſculi prædicti ſic nimis debilitantur. Interea tamen *etiam ab aliis cauſſis impotentia* induci poteſt: ut ſi cui vel *ab ictu* aut *conquæſſatione* externa *teſticuli deſtruuntur*, vel ab inflammatione, præſertim venerea, in *ſcirrhum* *corrumpuntur*, vel *abſceſſu* aut *tabe* diſſolvuntur, vel in *celotomia* exciduntur, vel *ictu ſclopeti* per glandes plumbeas aliove vulnere *teſticuli* aut *penis* omnino auferuntur, vel etiam ſi qui *mentulam* non in *glande apertam* habent; quo fit ut ſemen cum debito vigore ad uterum & ovula mulierum projici nequeat. Denique qui nimis *phlegmaticum* ſive *frigidum* habent ſanguinem, vel *tritiſtic* & *mærori*, vel *ſtudiis*, curis atque ſollicitudinibus nimis indulgent, vi generandi ſæpe vel omnino, vel ſaltem magna ex parte privantur, præſertim ſi jam per ſe debilis & frigida ſint intemperiei, unde & hi impotentes jam a veteribus *frigidi* appellati ſunt.

XXVII.

In curatione, ubi partes ad generationem neceſſaria deperditæ ſunt, quia hæ reſtitui nequeunt, nulla quoque eſt curatio; interea tamen, qui adhuc ſano teſticulo inſtructi ſunt, atque erectio & genitura iis non deficit, ceterumque ſani ac

vegeti sunt, sæpe, ut aliquot novi exempla, æque fecundi ac proliferi existunt, quam qui vel maxime duobus instruuntur. Ita e contrario illi, quibus testiculi abscessu vel scirrhis indissolubilibus corrupti sunt, ut plurimum quoque sunt insanabiles.

XXVIII.

Quædam vero Quibus vero erectio deficit; & malam nondum inveteratum est, idque vel mærore diuturno vel studiis, curis & sollicitudinibus nimis, victu nimis refrigerante, vel & huiusmodi medicamentis, aut venis excessu, vel aliis in victus regimine erroribus, immo vel & morbis longis, quibus vires nimis detritæ sunt, inductum est, requiritur primo, ut illa causa, mæror scilicet, tristitia, studia & curæ nimis vitentur, morbi quibus inducta est, tollantur, atque ab erroribus illis abstinenceatur, alias omnia medicamenta sunt frustranea.

XXIX.

Cura- tio in emacia Deinde in nimis emaciatis, & iis, qui vires per nimia studia, mærorem, nimiam venerem aliasve causas exhausserunt, conducunt bona nutrientia, ut omnis generis juscula roborantia præsertim cum vitello ovi, ova mollia, gelatinæ, frequens usus lactis, cum pauxillo aquæ cinamomi, vel ipso cinamomo imprægnati, ipsa cura ac dieta lactea, potus succulada bonæ & leniter aromaticæ, ut & nutriat, & simul musculos languidos blande stimulet vimque erectionis restituat, ex quo fundamento etiam hic laudantur radices orchidis sive satyrii, & electuaria inde cum aliis roborantibus composita, ac præsertim zingibere, rad. pimpinellæ, nuce moschata conditis aliisque similibus cum conf. alkerm. completa; vel & electuarium diasatyrii, quod jam dudum hunc in finem a veteribus commendatum fuit, aliis adhuc idoneis remediis pro lubitu roborandum. Vel & aqua medicata cum lacte haustæ. Ubi etiam in pastu & aliis

aliis horis medicis haustus vini generosi vel simplicis vel gratis aromatibus ac roborantibus exaltati, inter quæ & cortex *cascarilla* atque *peruvianus* merito pertinent, egregie conducit.

XXX.

Qui vero non emaciati sunt, sed contra *pin-* In ca-
gues, *cachectici* aut *frigidi* temperamentis, & po- checti-
 tissimum si nimia *laxitas* in toto corpore ac spe-
 ciatim in musculis erectoribus peccat, stimulusque
 ad *erectionem* deficit, his stimulantia spirituosæ,
 acria & aromatica ad spiritus ac vires suscitandos
 maxime conveniunt, quæ specifico nomine *aphro-*
disiaca vulgo appellari solent; ad quæ præ cete-
 ris pertinet vinum generosum, piper, sinapi, nux
 moschata condita, zingiber & rad. pimpinellæ al-
 bæ condita. Borax & stincus marinus, sub varia
 forma assumpta; inprimis vero *sinapi* vel *piperis*
 crasso modo contusi ʒʒ. aut ʒj. cum haustu vini
 generosi, hora ante decubitus tempus sumpta,
 egregie stimulant. Profunt his præterea *essentia*
aphrosidiaca Wedelii, vel *essentia aromatica bo-*
na, *essentia ambræ*, immo & *essentia canthari-*
dum exaltata; vel *spiritus* ita dictus *magnanimi-*
tatis, vel solus, vel cum modo laudatis essentiis
 mixtus; quin & cautus usus ipsius *pulveris can-*
tharidum in frigidis, ubi *erectio*, vel nulla, vel
 valde languida, in pulveribus vel electuariis ro-
 borantibus, ad gr. ij. iij. & tandem plura, non est
 omnino rejiciendus. *Vinum generosum martiale*
 cum aromaticis corticeque *peruviano* compositum &
 bis vel ter in die ad aliquot uncias haustum,
 magnæ quoque hic est virtutis.

XXXI.

Externe muscoli penis, scrotum & perineum *Exter-*
spiritu formicarum, lumbricorum, lavendulæ, *na* &
 rosmarini, aqua anhaltina, sale volatili oleoso *dicta*.
 Sylvii roboratis; vel & *unguentis* nervinis oleis
 destillatis nervinis imprægnatis, aliquoties in die
 pro-

probe sunt fricandi . Immo & balnea atque infusus ex herbis aromaticis parata ; vel & ipsæ thermæ aut aquæ medicatæ martiales hoc modo usurpatæ multum hic profunt . Dieta in macilentis aut hecticis sit nutriens , facile digerenda , lactea , ubi & ostrearum & limacum frequens esus valde commendatur . In frigidis cachecticis & obesibus vero sit magis aromatica & salsa , quibus & ostrea cum pipere aliisve gratis aromatibus sæpe comestæ optime conveniunt . Motus frequens corporis & præsertim vectio & equitatio his ægris quoque egregie conducit .

XXXII.

De Articulorum rigore .

Rigoris causa . Quoties junctura ossium alias mobilis riget sive motum amisit , quod vitium Græci *Anchylosin* vocant , motus hic , si fieri adhuc potest , est restituendus . Oritur vero hoc vitium sæpe a fractis , contusis vel vulneratis ossibus , præsertim circa extrema , ubi ad ea rursus glutinanda quiete diuturna articulorum opus est , sub qua vel a liquore articulorum naturali sensim spissescente ac tandem inspissato , motus articuli imminuitur , vel prorsus aboletur ; vel a succo osseo , ex ossibus diffractis in juncturam se insinuante extrema ossium plane confervent .

XXXIII.

Cura . Si motus difficultas solum ex longiori quiete & humore articulorum , ob motus defectum sensim aliquatenus concreto oritur , emollientibus ac resolventibus fomentis , unguentis , oleis , & axungis animalium calidis junctura rigida ac dura frequenter est fricanda , & a medico vel ministro flectendo hinc inde probe commovenda , donec motus sensim sensimque restituatur . Quod si hæc pa-

parum sunt, balnea quoque, tam artificialia ex emollientibus & digerentibus, quam naturalia, sive *therma*, inter quæ *Wisbadenses*, *Aquisgranenses* & *Carolina* fere eminent, satis diu sunt adhibenda, ita sæpe inspissatus in articulo humor rursus dissolvitur & mobilitas ejus naturalis, si non in totum ac perfecte, tamen magna ex parte restituitur. Sed si ex ossium diffraكتورum succo, in articulum sensim effuso ibidemque firmiter concreto ossium extrema conferbuerint, vel rigor nimis vehemens, aut malum, a quacumque etiam causa ortum, jam valde sit inveteratum, vel & ex *podagra nodosa* productum, ut plurimum insanabile est, vel saltem perquam difficulter & non nisi iisdem modo commendatis remediis curatur, aut solum aliqua tantum ratione emendatur.

XXXIV.

Si denique *motus læsio a vulneribus, fracturis, laxationibus, tumoribus, inflammationibus*, aliisve similibus morbis ortum traxit, hæc mala omnia, ut in chirurgia nostra docuimus, rite sunt curanda; ita his, tanquam causis motus læsi restitutis, motus etiam plerumque redit.

Motus læsus a vulnerere, fractura.

C A P U T XVI.

De ventriculi & intestinorum morbis.

I.

DE variis quidem ventriculi & intestinorum morbis jam hinc inde in antecedentibus egimus; ut de *ventriculi inflammatione* p. 120. de *vomitu simplici* Cap. XIII. §. XI. & *cruento* pag. 134. de *singultu* Cap. XV. §. 17. &c. verum cum quidam adhuc haud levioris momenti, de quibus ha-

hactenus nondum egimus, super sint, atque ab actione integra vel læsa ventriculi magna pars & sanitatis & morborum dependeat, operæ pretium erit, ut de præcipuis reliquis, hoc in capite etiam adhuc agamus, & quidem primo.

II.

De Anorexia sive cibi desiderio ablato.

Anorexia Anorexia est ille morbus, quando homines cibos non appetunt, vel nullo ejus desiderio affliguntur; hinc a latinis *cibi desiderium imminutum* aut *ablatum* vel *appetentia cibi læsa*, vulgo *appetitus prostratus*, *imminutus* vel *destructus* appellari solet.

Anorexia essentialis. Est vero ea morbus vel *per se existens* sive *essentialis*, a ventriculi actione læsa aut ablata proveniens, & sine aliis morbis ortus, vel cum aliis morbis, iisque quamplurimis, ut symptoma, combinatus. Quando anorexia *per se* morbus est, ut plurimum a *prava diæta*, *nimia voracitate*, & inde natis crudis atque indigestis humoribus in ventriculo hærentibus, coctionemque ciborum impediens provenit; qui se sæpe vel ponderis ac pressionis sensu in ventriculo prodant, vel flatibus multis, vel ructibus copiosis, nidorosis, aut amaris, vel pituitosis & acidis, vel nausea & conatu vomendi vel variis horum malis simul, immo vomitu sæpe ipso spontaneo se manifestant. Ita etiam in *senibus*, qui languorem in toto fere corpore persentiscunt, cibi appetentia; vel ob spirituum defectum, vel ob humores effretos, vel ob vim contractilem & motum ventriculi nimis debilitatum, aut prorsus destructum, sæpe ita decrescit, ut nihil quicquam appetant; unde sensim sensimque vires ita minuuntur, ut fere sine alio morbo pereant, præsertim si *vigilia involun-*

luntariæ accedunt, id quod mori sine morbo appellari potest.

III.

Longe vero sæpius, ut symptoma, in quamplurimis morbis incidit, & nominatim in febribus acutis, inflammationibus gravioribus, asthmate, hydropsi, hypochondriacis, & melancholicis morbis, arthritide, podagra, vomitu, dysenteria, aliisque quamplurimis; ubi vel humores ita corrupti, vel spiritus ita suppressi, sicut in malignis, ut ad cibi desiderium excitandum vel ad ciborum concoctionem perficiendam prorsus inepti sint; vel natura forte alibi in morbo aliquo gravi superando & expellendo ita occupata est, ut omnes suas vires illuc dirigat, easque interea ventriculo, donec hostem superavit, subtrahat. Hæc anorexia symptomatica ut plurimum non curatur, nisi morbo primario prius subacto ac superato; attamen hoc vieto, cibi desiderium sponte plerumque redire solet. Igitur de anorexia idiopathica sive essentiali curanda præcipue hic acturus sum.

IV.

Quando igitur ventriculus cruditatibus repletur, atque materia turget, sive conatus vomendi adest, non raro unico medicamento vomitorio hic morbus tollitur; vel solum aliquod remedium stomachicum ad malum penitus profligandum illi subjungendum. Si vero ejusmodi conatus abest, primo ad humores illos crudos incidendos & dirigendos salia amara, ut vel salia plantarum amararum, tartarus vitriolatus, arcanum duplicatum, sal digestivum Sylvii, aut similia in forma pulveris per unum alterumve diem aliquoties in die a ℥j. ad ʒss. exhibenda; vel sub forma fluida, liq. terræ foliatæ tartari, ad guttas. LX. & plures; hisque postea idoneum purgans vel ex pilulis amaris, vel ex sale amaro anglicano aut bohémico aliove simili superaddendum.

Cura-
tio I.
per eva-
cuan-
tia.

V.

2. per Ventriculo atque intestinis expurgatis, *essentie roboran* vel *elixiria amara & aromatica stomachica*, ad *tia.* tonum ventriculi roborandum ejusque vim contractilem restituendam, aliquoties in die ad guttas 50. 60. & plures ægro exhiberi, hisque pulveres stomachici, ut tragea aromatica, August. pulv. stomach. Birckmanni, spec. pro morsulis Imperat. vel species diagalangæ, diacynamomi, vel de tribus piperibus ad ʒi. pro dosi, vel per se, vel cum vehiculo vinoso interponi debent. *Calamus aromaticus* conditus, itemque *Zingiber* conditum, *essentia piperis*, itemque *essentia piperis hispanici* live capfici, vel & *elixirium vitrioli* Mynsichi, aliave similia, præsertim ubi alcali vel biliosum peccat, ad cibi desiderium excitandum; ut & *infusa radicum & herbarum amararum & aromaticarum cum vino*, sub specie vini absinthitis parata, egregie quoque hic valent, præsertim si iustus vini generosi usus in pastu accedat, vel & post pastum haustulus cujusdam *aquæ spirituosæ stomachicæ*, quæ vulgo *aquæ vitæ* vocari solent, subjungatur.

3. Ubi *acidum* *peccat.* Ubi *cruditates acidæ* in ventriculo peccant, medicamenta *acidum absorbentia*, ut conchæ præparatæ, lapides cancerorum, mater perlarum aut corallia præparata per aliquot dies sunt exhibenda, & postea *idoneo purgante*, vel ex pilulis aloeticis aut amaris aliis, vel ex rhabbarbaro, vel ex sale amaro cathartico e corpore eliminantur. Utrique scopo & *acidum* absorbendi & evacuandi, *magnesia* etiam valde apta est, si per aliquot dies mane iusta copia usurpatur; *Cruditatibus* evacuatis, ad *tonum relaxatum instaurandum* remedia amara & aromatica, præcedenti numero V. commendata, prodesse apte possunt; verum remedia quoque *martialia* & cumprimis tinctura vitrioli martis

tis Ludovici, vel tinctura martis cydoniata, aliquoties in die usurpata, vel & croci martis cumprimis aperitivus Stahlî, aut limatura martis subtilissime trita, cum elæosaccharo cinamom. data egregie etiam hic benefaciunt. Usus legitimus aquarum medicatarum martialium utrique scopo & evacuandi & roborandi sæpe quam optime etiam satisfacit, præsertim si motus frequens corporis accedat: quibus plerumque ciborum desiderium quam valentissime excitari videmus, non neglecto haustu vini generosi in pastu, vel aqua vitæ cujusdam ante vel post pastum. Vitandus hic est fumus tabaci præsertim copiosus, usus spiritus vini nimis frequens & copiosus, præsertim matutinus, diæta itidem inordinata, alimenta dura ac difficulter digerenda, pingua, flatulenta, studia, & lucubrationes nimix quoque vitanda.

VII.

De Nausea.

Nausea est ille morbus, quo ægris non solum nullum est desiderium cibi, sed potius fastidium ejus: quare idem fere est morbus ac præcedens, atque ex iisdem etiam causis oriri videtur, attramen gradu illum superat. Est quoque morbus vel per se, vel symptoma multorum aliorum morborum, atque in curatione quoque parum a præcedenti differt.

VIII.

Quando per se morbum constituit, studendum, ut vitiosi humores e ventriculo ejiciantur, id quod, præsertim si conatus vomendi simul adest, vomitu excitato, si nihil vetat, optime ac brevissima via fieri solet. Sed si quid vomitum impedit, similia purgantia adhibenda, qualia §. IV. & VI. commendata sunt. His eadem subjungenda stomachum rebo-

Nau-
sea
quid?
Cura-
tio es-
sentia-
lis.

roborantia, cum vino generoso, quæ §. V. & VI. proposuimus. *Externe* ventriculo applicata, & inprimis *balsama stomachica* ex oleo Nucis moschatae & oleis destillatis parata; vel *emplastra*, ut de crusta panis, de racamahaca, vel stomach. Galeni sæpe etiam aliquid boni hic præstant.

IX.

*Sym-
ptoma-
tica.*

Si in febris acutis, præsertim malignis, epidemicis petechialibus, vel petechizantibus, nausea eaque cumprimis cum vomendi conatu adest, saluberrimo consilio atque optimo cum successu vomitoria & cumprimis ex radice *hypercicoannæ* exhiberi; supra jam Cap. V. de Febris stomachicis acutis prolixè ostendimus. Ita etiam in principio multorum aliorum morborum & speciatim ab ira prægressa ortorum, ubi nausea cum conatu vomendi adest, itemque in dysenteria, præsertim epidemica & castrensi, vomitoria & utilia ac necessaria esse, multis in locis hætenus asseveravimus, subjunctis postea illis remediis, quæ natura illorum morborum eorumque symptomata, resque circumstantes aliæ indicabunt, servata simul diæta tenui.

X.

De Bulimo sive Fame canina.

*Bulimus
quid?*

Bulimus est morbus mox præcedentibus contrarius, quo ægri fame fere insatiabili & perpetua vorandi cupiditate afficiuntur, atque nisi cibis potiri possint, sæpe animi deliquiis corripiuntur. Vocatur etiam *orexis* sive *fames canina*, *lupina* vel *bubula*.

*Ejus
causæ.*

Oriri solet vel a vi contractili musculoſa tunica ventriculi nimis elastica sive aucta, qua cibi iusto celerius expelluntur, atque sic tunice nervæ

pa-

parietum ventriculi fortius inter se atteruntur , unde sensus famis excitatur , vel oritur *ab humoribus nimis acris* in ventriculo hærentibus , quibus eadem tunica iusto vehementius stimuletur , atque perpetuè fere famis sensus inducitur . In quibusdam ejusmodi ægrorum *os dextrum ventriculi* post mortem *nimis amplum* repertum est , quo factum , ut cibi iusto celerius expulsi , vel & sponte quasi elapsi sint .

XI.

Si hic morbus *a fibræ ventriculi nimium elasticis* sive motu ejus contractili nimis aucto oritur , illæ relaxandæ ac debilitandæ : id quod fieri potest *usu pinguium & oleosorum* copioso , ut carniū pinguium , lardi , pinguedinis porcinae , oleosorum , pane calido , butyro , pinguedine porcina vel oleo largiter imprægnato & sæpius comesto ; præterea usu lactis & lacticianiorum , præsertim pultium ex farina & lacte , oryza , milio , hordeo , fagopyro ; fabis , pisib , lentibus , amygdalis aliisque similibus farinosis & oleosis cum jusculis pinguib , vel lacte paratis . Ita & *succolada* cum lacte confectæ potus frequens , additis farinosis & saccharatis , ut pane triticeo cum saccharo cocto , hic multum valet .

His denique , si parum sint , *opiata* addenda & speciatim theriacæ ℥j. vel altera singulo vesperi assumpta , egregie etiam huic malo mederi solent .

XII.

Quando *ab humoribus acris* oritur , præter pinguiam , oleosam & opiata , speciatim hic prodest *largus usus absorbentium* , terreorum , & sigillatim , si *acidum* peccat , egregium remedium hic est *oleum tartari* per deliquium , a guttis XXX. ad LX. aliquoties in die vehiculo aqueo aut jusculo assumptum , *tinctura tartari* aliave similia alcalica , & præsertim etiam *limatura martis* larga satis copia sæpius assumpta . In nonnullis *spiritus vini potus* , cum primis matutinus , famem nimiam egregie

Si ab humoribus acris.

temperat , ita ut sæpe jam multis anorexiam induxerit . *Fumus tabaci* frequens ad famem imminuendam multum quoque facit . Ubi vero *os dextrum ventriculi nimis amplum* , ut cibos retinere nequeat , malum ut plurimum est insanabile .

XIII.

De Siti nimia.

*Sitis
nimia
causæ.*

Fami nimix mox subjungemus *sitim nimiam* , quæ quandoque etiam per se morbum constituit , nunc & plerumque est comes aliorum morborum. Quando est morbus per se , vel ab *acribus alcalicis* , vel *salsis* , aut *biliosis* cruditatibus in primis viis , aut ab iisdem in saliva & sanguine existentibus , oritur , qui status *intemperies biliosa sive calida* appellari solet , atque ægri calorem , & siccitatem p. n. sentire solent ; vel & *ab humoribus nimis spissis* iisque forte simul *salsis* , ut in ore & œsophago pro his humectandis satis secerni nequeant , provenit .

XIV.

*Cura-
tio .*

Sive autem ab humoribus alcalicis & salsis tenuibus , sive simul viscidis sitis nimia oriatur , conducit primo *potus sufficiens aqueus* , nitro præsertim , vel succo citri vel tinctura florum bellidis , aliisque similis , aut spiritu quodam acido imprægnatus & sufficienti copia sacchari gratior redditus , ex quibus variæ potus species facile parari possunt . Ita & ex aquæ ℞. ij. aceti vini vel destillati ℞j. vel ij. cum saccharo ad gratiam addito aptus potus fieri potest , itemque si loco aceti , cremor tartari vel nitrum sumitur , & pro sitis ratione satis bibitur . Aliquando virginem nobilem usu feri lactis copiosi , mane & vespere , cum cremore tartari , herbæ acetosæ & acetosellæ parati , a molestissima siti , ardore & siccitate faucium inve-

inveterata liberavi. Si a febris acutis, aut inflammatoriis, vel & tertianis vehemens sitis ægrum affligat, potus modo laudati aciduli & nitroli larga satis copia sæpiusque hausti, itemque gelatinæ & julepi aciduli optime profunt; qui fere etiam in aliis morbis quibuscunque huic scopo optime conveniunt.

XV.

De Apepsia, & Dyspepsia.

Apepsia & Dyspepsia sunt morbi ubi quidem ciborum desiderium non deficit, verum cibi vix, *Quid sint earumque causa.* vel parum, vel difficulter admodum in ventriculo digeruntur; unde doloris & ponderis sensus cum ructibus & flatibus copiosis, ut inde necessario cruditates & humores corrupti in ventriculo generentur, qui aliorum quamplurium morborum ac symptomatum causa fieri possunt. Oriri solent hæc mala ut plurimum a *prava diætâ*, atque speciatim nimia ciborum, præsertim pinguium & oleosorum *ingluvie*, cum primis si vita sedentaria aut otium nimium accedant; quibus non solum liquor gastricus corrumpitur, ac nimis viscidus redditur, verum & vis elastica ac motus tonicus fibrarum ventriculi vehementer relaxantur ac debilitantur, ita ut hac ratione ventriculus quamplurimorum morborum fœcunda fiat mater, præsertim ubi studia severa continua & lucubrationes multæ accedant.

XVI.

Ad hos vero morbos curandos, primo *corrupti hi humores*, (præmissis præsertim, si opus, per aliquot dies salibus digerentibus) vel vomitu sunt expellendi, vel si quid vomitum prohibeat, purgantibus §. VI. indicatis. Postea, *servato moderato victus regimine*, vitatisque alimentis difficulter digerendis, omnis generis *stomachica*

*Cura-
tio.*

& *roborantia* (§. V.) ad anorexiam commendata & hic diligenter adhibenda . *Motus* quoque instituitur *frequens* , ambulando , vehendo & equitando , abstinendumque a nimia quiete nimisque studiis & cumprimis lucubrationibus , aut mox ante vel post pastum institutis . *Usus aquarum medicatarum martialium* legitimus cum apta victus ratione in his malis quoque quam efficacissimus est .

XVII.

De Ventriculi ardore .

Quid, *Ardor ventriculi* , quem barbari *sodam* quoque & *ejus* appellant , est molesta ardoris cujusdam circa cordis scrobiculum , sive sinistrum ventriculi os perceptio , qui ardor inde per œsophagum ad os usque se extendere solet , cum pressionis aut spasmodicæ constrictionis sensu , modo per brevius , modo longius temporis spatium durans , & per intervalla plerumque , modo breviora modo longiora rediens . *Caussas* huic malo in nonnullis præbent *cibi pingues* , præsertim vervecinæ , ac speciatim , si mox aut brevi saltem post , potus frigidus & cumprimis cerevisia superingeritur ; in aliis ab *assumptis acidis* , vel saltem acescentibus producitur . In quibusdam ab *aromaticis* aut spirituosius , in aliis denique ab *humoribus biliosis* , ac sigillatim in hominibus cholericis concitatur . Malum hoc in multis admodum leve est , atque plerumque brevi tempore sponte transit , ita ut vix Medicina egeat ; in alijs vero longe pertinacius est , & tam sæpe redit ; ut ægris fiat quam molestissimum , itaque propterea auxilium a Medicis efflagitare cogantur .

XVIII.

XVIII.

Adeoque in curatione *ad causam semper probe respiciendum*, & si ab acido ipsum induci intelligimus, *absorbentia* & nominatim lap. Cancror. Cura-
tio.
 præp. mater perlarum aut conchæ præparatæ, C. C. præp. Crystall. montan. præp. aliave similia, admixta quarta vel quinta quasi parte pulveris nucis moschatæ, ad 3℞. pro dosi vel per se assumpta, vel ex aquis destillatis, vel theæ aut coffeæ aliove calido vehiculo data, egregie profunt. Vulgus etiam *creta* vel sola, vel cum nuce moschata mixta, contra hoc malum cum fructu utitur: sed cavendus usus ejus nimius, quia ob vim stypticam ventriculo & intestinis aversatur, interea tamen *species diacreta Mynsichti* magnum nomen, ob promptum auxilium, quod hic sæpe præstant, adeptæ sunt. *Oleum tartari per deliquium* ad guttas. XX. vel XXV. ex thea, coffea vel jusculo aut cerevisia calida sumptum in momento etiam plerumque ardorem illum extinguit, id quod & tinctura tartari & spiritus C. C. vel utraque commixta ut plurimum egregie præstant. *Sin a biliosis humoribus* ortum ducat, spirit. nitri dulcis a guttis XXX. ad L. ardorem & dolorem tollit, si cum aqua, præsertim vero, si cum thea vel coffea assumitur. Quando *a cibis pinguibus* & haustu frigido superingesto provenit, *hastulus spiritus vini boni*, vel aquæ stomachicæ vinosæ eum ut plurimum compescit. *Vitanda simul sunt causa*, quæ eum in quolibet producere solent, & *purgantia* subinde interposita ad humores vitiosos e ventriculo educendos hic quoque multum, cum præservandi tum curandi scopo, profunt. In *sanguineis*, quia congestio sanguinis circa ventriculum sæpe ad ardorem hunc excitandum facit, *missio sanguinis* circa æquinoctia cum moderata victus ratione multum ad eum avertendum facit.

XIX.

De Cardialgia.

Cardialgia est dolor minus vel magis vehemens circa scrobiculum cordis, cum anxietate, nausea & sæpe conatu vomendi, immo vomitu ipso combinatus. *Causæ* ejus sunt vel *humores vitiosi* in ventriculo hærentes, ventriculum sic sigillatim os ejus sinistrum, quod *cardia* appellari solet, vellitantes ac rodentes, tam extra febres intermittentes, quam & sæpe in eis, quibus ventriculus ad eos ejiciendos, seque ab illis liberandum ad spasmodicas contractiones, plus minus violentas, adigitur, unde non solum hic dolores, verum & nausea atque haud raro vomitus valde molestus atque anxius concitantur; sæpius tamen *cardialgia* quoque est sine vomitu. Vel oritur etiam *cardialgia* quandoque a *flatibus* atque humoribus noxiis ab alimentis non satis concoctis oriundis; vel subinde quoque a *vermibus* in ventriculo provenit: vidique sceminam, quæ ex hac *cardialgia*, quæ vehementissima & cum convulsionibus stipata erat, brevi periit, in cujus ventriculo magnum lumbricorum acervum & *cardiam* valde intus arrosam inveni. Frequenter etiam a *congestionibus sanguinis circa ventriculum*, in ramis venæ portæ apud sangulneos, & speciatim hypochondriacos atque hystericas, producitur; ubi subinde vomitum cruentum eumque haud raro periculosum post se trahit. Quandoque & in *febris acutis* & præsertim malignis ac *stomachicis* nobis dictis (vid. supra cap. V.) incidit ejusmodi *cardialgia*, & quidem sæpius cum vomitu aut saltem conatu vomendi molestissimo, quo natura a perniciosis humoribus in ventriculo hærentibus se liberare studet.

Curatio igitur pro causarum diversitate varia est, & modo facilior, modo difficilior, immo quandoque difficillima: aut prorsus impossibilis. Curatio.

Si a ciborum reliquiis paullo acrioribus, aut non satis bene digestis, indeque oriundis flatibus, oritur, horis præsertim matutinis, & jejuno adhuc ventriculo, sæpe potui calido theæ vel coffeæ solo, vel decocto flor. chamomillæ, aut guttulis aliquot essentia: corticis aurantium vel alius cujusdam stomachicæ simul assumptis cedit; vel etiam si aqua cujusdam stomachicæ spirituosæ, ut anisi, fœniculi, corticis aurantium, cinamomi, carminativæ aut vitæ Matthioli cochlear unum vel alterum assumitur. Ita & pulvis corticis aurantium ʒj. vel florum chamomillæ, cum pauco croco in vini ʒj. vel ʒij. calefacti & adjecto pauxillo sacchari assumptus hic valde prodest. (a)

Quando vero nimiam ventriculi repletionem & cum primis alimentis difficulter digerendis, aut pinguibus factam pro causa habet; vel ubi iræpastum vel præcessit, vel mox secuta est, ad hæc e ventriculo per viam brevissimam ejicienda, lenè emeticum dari debet, præsertim ubi jam nausea & conatus vomendi adsunt; cui post temporis aliquod intervallum potus frequens ac largus aqua tepida subjungendus, ut acria hæcce noxia non solum hac temperentur, verum & viscida ac tenacia, fluida atque mobilia reddantur, ventriculus melius ea eluatur, atque vomitus hoc ipso commodius promoveatur. Quando autem æger jam vomit, vomitorium, ne nimius vomitus, qui hyperemesis vocatur, hic inducatur omitto,

Y 4

& solum

(a) In ejusmodi cardialgia utilissimam sæpe apprehendi seq. potiunculam. R. aq. card. ben. vel melissæ iij. aq. vitæ Matthioli ʒj. elæos. macis vel cort. aurant. ʒj. D. cochl. j. vel ij. aliquoties, donec cesset.

& solum frequentem ac largum potum aquæ tepidæ, ad ventriculum eorum melius purgandum vomitumque ægris facilitandum, assumendum impetro; qui adhuc magis promovetur, si *folia* quædam *cardui benedicti* in illa aqua tepida per breve tempus macerantur, vel drachma dimidia salis cujusdam *digestivi*, amaricantis, ut tart. vitriolati arcan. duplic. salis absinthii, aliufve similis, in vomitu præsertim inani, ubi materia vitiosa ob tenacitatem a ventriculo avelli adeoque expelli nequit, semel iterumve exhibetur. His postea *ventriculum roborantia*, quæ §. V. & VI. laudavimus, una cum motu frequenti & modica diætâ subjungenda.

XXI.

Cura- Si vero cardialgia a congestionibus sanguinis &
tio ve- inde natis spasticis ac valde dolorificis ventriculi
bemen- constrictionibus, sicut haud raro in hypochondriacis
tioris. ac hysteriis hominibus fieri solet, ortum habet,
Vomitoria, quia sæpe nihil quicquam mali in ventriculo hæret, non conducunt; sed iis potius hispasmii ac dolores in ventriculo, jam per se atrocissimi, ita interdum exacerbantur, ut simul motus convulsivos ac tremores horrendos per totum corpus concitent, atque sic cardialgiam omnium vehementissimam, qua ægri haud raro interficiuntur, inducant. Hinc præstat primo *ad sanguinem hic congestum* revocandum & abducendum *largam* satis *eius copiam per venas extrahere*, mox vero simul ægro *medicamenta antispasmodica* & cumprimis pulveres antispasmodicos, resolventes ac temperantes, ex tart. vitriol. nitro, cinnabari, lapid. cancrorum citratis aut similibus, vel cum potu aqueo calido, vel cum aqua scniculi, melissæ, menthæ sæpius porrigere, quibus etiam spir. C. C. cum tinctura tartari remixta, ad gattas L. LX. & ultra subinde aptissime interponitur. His si *enema emolliens* & *anodynum* intestinis injectum & *vesi-*

ea lacte vel aqua calida, (in quibus florum chamomillæ manipuli duo incocti sunt) repleta ventriculo calide imposita adjunguntur , sæpissime hæc cardialgiæ species optime. mirigatur ac tandem tollitur , relicta tamen ut plurimum ingenti virium debilitate , a qua sæpe non nisi longo temporis spatio liberari possunt . *Equitatio* tamen multum hic prodest .

XXII.

In cardialgia , quæ in *febris* acutis *stomachi- Cura-*
cis , Capitis quinti , affligit , cumprimis , si eam *tio si in*
nausea comitetur , vel lene *evacuans ex rhabar- febr-*
baro , aliove blande laxante dandum , vel & ipsa *bus vel*
rad. hypocacoanna modica dosi exhibenda , hisque *a ver-*
deinde remedia temperantia , febribus acutis apta , *mibus* ,
sunt subjungenda . Quando *cardialgia a vermibus*
in ventriculo inducitur , difficulter quidem ea co-
gnoscitur ; attamen si vermes hic adesse per signa
quædam cognovimus , curatio contra hos potissi-
mum erit instituenda , sicut suo loco mox doce-
bimus .

XXIII.

De Flatuum & Ructuum molestiis .

Flatuum & ructuum copia multis tam molesta *Fla-*
est, ut medicam opem implorare cogantur . Ut plu- *tuum*
rimum pro causa agnoscunt *debilem ventriculum non caus-*
bene concoquentem , & *cibos crudos* , ac *flatulentos* , 1.
nominatis fabas , pisa , lentes , brassicam , rapas , ra-
phanos , carnes duras aut pingues , atque in univer-
sum *nimiam ventriculi* cibis quibuscumque *repletio-*
nem , quos ventriculus digerere satis nequit , hinc
hi in cruditates ac pituitam , hæ vero in flatu-
degenerant , præsertim dum tonus ventriculi &
intestinorum illa pituita ita debilitatur , ut aer vi
sua elastica majus spatium affectet , atque sic sæpe
non

non sine magno incommodo per os superius & inferius prorumpit ; vel , si prorumpere non possit , *agris magnas anxietates* , spirandi difficultatem aliaque mala inducat.

XXIV.

Causa

2.

Altera flatuum causa sunt *congestionibus sanguinis in vasis venæ portæ* & præsertim ventriculi atque intestinorum , in sanguineis , hypochondriacis atque hystericis , quibus intestina , dum sanguis venæ portæ hepar commode transire nequit , ad motus spasmodicos irritantur , a spasmis tandem diuturnis debilitantur , tonus eorum relaxatur , ita ut aer contentus vim suam elasticam exerceat , ventriculum & intestina valde distendat , diaphragma & pulmones urgeat , unde si ob causam quamcumque expelli nequeant , *angustia atque anxietates præcordiorum , spiritus difficilis , dolores colici , cardialgia , & per consensum ventriculi cum capite , dolores capitis , vertigo , vigilia* aliaque mala inducuntur.

XXV.

Cura-
tio pri-
ma .

In curatione autem *hae duæ flatuum causæ æque species probe a se invicem distinguendæ* ; quia ut plurimum id , quod in hac prodest , in altera nocet . Igitur in specie §. XXIII. *quæ a cruditatibus ventriculi oritur* , evacuatio primarum viarum per idonea purgantia §. IV. & VI. præ omnibus requiritur sordibus vero evacuatis , *stomachica roborantia , aromatica , amara & carminativa* §. V. exhibenda , in forma guttarum , pulveris vel infusi , præsertim vinosi . Speciatim vero hic *essentia carminativa Wedelii* , spiritus nitri dulcis , spiritus carminat. de tribus sem. anisi , fœniculi , carvi , saccharo obducta , pulv. flaved. cortic. aurant. cum vino calido , vel & post pastum aquæ spirituosæ anisi , carvi , fœniculi , corticis aurantiorum , menthæ ; vel vitæ Matthioli cochlear. j. vel ij. deglutiri cum fructu possunt . Si præterea *modicam servant dietam* , flatulentos , & nimios cibos , una cum *vita sedentaria*

ria vitant, & contra corpus saepe exercent, a flatuum incommodis liberantur, seque etiam eodem regimine ab illis quam efficacissime præservare poterunt.

XXVI.

Quod si vero a congestionibus sanguinis in vasis venae portae §. 24. & inde nata laxitate ventriculi atque intestinorum flatuum incommoda febrioriantur, quam molestiam hodie flatulentiam hybus vel pochondriacam appellare solent, & vel consuetæ a verisanguinis evacuationes naturales suppressæ vel artificiales neglectæ fuerint, illæ, si fieri potest, restituendæ, vel sanguinis missio instituenda; atque si alvus obstructa, clystere emolliente, vel blando laxante est aperienda, postea medicamenta antispasmodica, in cardialgia §. XXI. commendata, diligenter usurpanda. Quæ si parum sunt, ad martialia remedia secunda, tam ad fluxus suppressos restituendos, quam ad tonum intestinorum ac ventriculi instaurandum, tanquam ad sacram anchoram, est confugiendum: inter quæ primaria sunt tinctura vitrioli martis Ludovici, tinctura martis helleb. Wedel., præcipue vero limatura martis subtilissime trita, ad gr. VI. VIII. X. vel cum elæosacch. cinam. vel cum extract. plantarum amararum sumpta, vel & crocus martis antimon. Stahlî cum pulveribus stomachicis, aromaticis vel elæosaccharo diu satis usurpata; vel & aquæ martiales medicatæ, cum victu conveniente & frequenti corporis motu, quæ in utroque casu fere præstantissimæ, sunt usurpandæ.

XXVII.

De Colico dolore.

Post cardialgiam & flatus nunc etiam de *colicis* *colicus* *dolor.* *Quid*

co dolore speciatim adhuc acturus sum, qui est dolor plus minus vehemens, partim in ventriculo, partim in intestinis, atque interdum adeo atrox, ut ægri non solum vehementer clamare cogantur, sed &, sicut in cardialgia §. XXI. diximus, moribus convulsivis subinde corripiantur ac doloris atrocitatem vix perferre valeant, atque iis ipsis quam vehementissime intra breve tempus ita sæpe debilitentur, ut se vix commovere aut erigere valeant, atque diurnus languor iis inde inducitur, qui paralytin quandoque post se trahit, & ejusmodi vehemens dolor a Riverio, Sydenhamo aliisque colica Pictonum appellari solet. Quoniam vero sæpe mali sedes est in intestino colo, doloris colici vel colicæ nomen obtinuit.

XXVIII.

Ejus Causse ejus sunt 1. cruditates pituitosæ una cum caussa. flatibus a prava diætâ, sicut de his modo diximus, ortæ. 2. humores biliosi acres, in cholericis, vel iis, qui ira vehementer perciti fuerunt, geniti. 3. congestiones sanguinis in plethoricis, hypochondriacis & iis, qui hæmorrhoidalibus morbis obnoxii sunt, atque ille sanguis per venam portæ commode transire, vel per hæmorrhoides exitum sibi facere nequit, unde hæc colica hæmorrhoidalis vocari solet, hincque spasmi & dolores illi concitantur. 4. inflammatio ventriculi & intestinorum dolores quoque colicos atrocissimos in abdomine producere solet. Occasionem sæpe his doloribus præbet potus frigidus, corpore præsertim calente assumptus; incessus per pavimenta frigida, lapidea ac humida, pedibus nudis, fructus horæ frigidi copiosius comesti, sanguinis excretiones consuetæ suppressæ, vel non rite succedentes; hinc scæminæ mensibus instantibus vel suppressis, vel non rite fluentibus, sæpe dolores colicos modo leviores modo atrociores perferre solent.

In curatione igitur ad caussarum diversitatem probe est respiciendum : si enim a *cruditatibus* §. 28. *ex diata erroribus natis* , aut biliosis vitiatis humoribus orta est , atque alvus obstructa , *clyisma* ex speciebus emollientibus & carminativis , addito ol. chamomillæ , nitro & melle *injiciendum* , quo ipso sæpissime præsentaneum animadvertitur auxilium ; postea vel etiam ubi æger clyisma admittere nolit , *purgans ex rhabarbaro* , vel *sale amaro cathartico* , ad noxios illos humores eliminandos , dari debet . *Quando autem agri hi vomitu simul* , ut sæpe fit , laborant , ut quicquid detur vel assumant , sursum rursus ejiciant , *clysmata* tunc sunt *iteranda* , & natura in expellendis humoribus viciosus potu frequenti aquæ tepidæ , vel infusi foliorum cardui benedicti , aut *florum chamomillæ* est juvanda , quod ultimum simul egregium anodynum est . *Opiata* vero , præsertim in principio , sunt vitanda ; *sacculi contra paregorici* ex floribus chamomillæ & semin. 4. carminat. vel *vesica aqua vel lacte calido repleta* , in quibus flores chamomillæ vel matricariæ cocti sunt , ventri calide sunt imponendi . Interne postquam prægresso purgante , vel vomitu spontaneo primæ viæ purgatæ sunt , *aqua carminativa & spiritus ejusdem naturæ* §. 25. indicati , sæpius , donec dolores remittant , sunt porrigendi , ubi etiam sequens mixtura valde utilis est .

℞. aqu. feniculi

chamomil. ā ʒiij.

essent. cort. aurant.

spirit. nitri dulcis ā ʒj.

sirup. cort. aurant. ʒss. M.

de qua detur quavis hora , & dolore paululum remittere , quovis bihorio cochl. j. vel ij. *spiritus salis ammoniaci anisati* , vel *essentia millesolii cum essentia alexipharmaca* ad guttas L. vel LX. da-

ta ,

Cura-
tio si a
prava
diata .

ta, hic etiam sæpe egregie profunt: ita *infusum* quoque *florum chamomilla & millefolii* loco theæ sæpius haustum in doloribus hisce leniendis valentissimum est. *Corpus simul a frigore*, quia perniciosissimum hic est, semper probe defendatur.

XXX.

*Cura-
tio bi-
liosa.*

Quando *dolores cholici ab humoribus biliosis* concitati sunt, ut plurimum perquam atroces esse solent: quo igitur in casu, præter remedia *evacuantia*, præsertim ex *rhubarbaro* parata, & *clysmata* sæpius injecta, *vena secanda*, ac *pulvis antispasmodicus* ex aquis aut infusis modo §. 29. laudatis, cum fructu sæpius exhibetur, atque *spiritus* etiam *nitri dulcis*, *spiritus anticolicus de tribus*, aut liquor anodynus mineralis Fr. Hoffmanni subinde dati, hic egregie benefaciunt. *Oleum amygdalarum dulcium* recens fibras valde irritatas ac spasmis contractas potenter quoque demulcet, si ad ℥j. vel ℥ij. cum vehiculo calido aliquoties per intervalla datur.

XXXI.

*Ejus,
que a
conge-
stioni-
bus.*

Sed si a *congestionibus sanguinis* oritur, & vel mensium vel hæmorrhoidum negotium turbatum est, studendum ut hoc suis remediis in ordinem redigatur. Qua de re videatur Cap. IX. Ut vero interea, dum restitutio illorum fluxuum, (nisi forte insint) non tam facilis est, ægris dolores leniantur, atque malum tolerabilius reddatur; *opiata* atque *narcotica* ad hos dolores tollendos hic minime adhibenda; quia hæc obstructions illorum fluxuum adhuc peiores ac pertinaciores reddunt, atque ægros vel in gravissimos alios morbos, vel in ipsum vitæ periculum conjiciunt; neque *carminativa calidiora*, ut *spiritus vini*, aquæ *carminativæ* inde paratæ, essentia calidiores; olea destillata *carminativa* aut *aromatica*, danda sunt; quia stimulaute & calefaciente virtute dolores manifesto augent, atque intesti-

nis

nis inflammationes facile inducunt; verum potius *venæ sectio* est instituenda, *clysmata* §. 29. sunt injicienda, & *pulveres antispasmodici* vel per se, vel in potiunculis sæpius sunt ingerendi, atque externe ea quoque quæ §. 29. commendavimus, ventri applicanda. *Præservandi gratia* iis, qui sæpius jam hjs malis conflictati fuerunt, *sanguinis detractiones* postea bis vel sæpius in anno sunt instituendæ, sæpe *equitandum*, & ut menses vel hæmorrhoides rite succedant, studendum.

XXXII.

Colicus dolor, qui *ab inflammatione ventriculi* aut *intestinorum inducitur*; & ex ardoris sensu in abdomine, calore p. n. pulsu febrili celebrari, & siti cognosci solet, longe peior est illo, *matum* qui a simplici congestione ortum trahit, atque omnium fere atrocissimus atque periculosissimus, minusque adhuc opiata aut carminativa calidiora fert; sed potius requirit *venæ sectionem largam*, ut pleræque graviores inflammationes internæ, eamque haud raro semel iterumque repetitam; quia viscera affecta, hac omissa, facile alias in gangrænâ & sphacelum mortiferum abeunt; & deinde eadem remedia, quæ pag. 120. ad inflammationes internas curandas proposuimus, sunt adhibenda.

Olei amygdalarum dulcium vel *olei lini* usus (§. 30.) ad dolores hosce atrocissimos leniendos ab ʒj. ad ʒij. subinde exhibitorum, quamplurimis etiam quam maxime prodest. Miror hanc speciem satis frequentem a multis auctoribus Medicis silentio prorsus esse prætermittam.

XXXIII.

De Vermibus sive Lumbricis.

Vermes sive lumbrici ventriculi quoque & intestino-
Vermium symptoma.

stinorum morbum peculiarem faciunt , quo sæpe gravissima inducuntur symptomata , dolores scilicet ac rofiones ventriculi atque intestinorum atroces , convulsiones , epilepsia , atrophia , & haud raro mors : atque frequentius in infantibus ac pueris observantur , quam in adultis , quamvis & in his sæpe negotium facessunt .

XXXIV.

Eos adesse dijudicamus ex frequenti dolore rodente & pungente in abdomine , ægri plerumque *Signa* pallidum aut livescentem faciei habent colorem , *vermi-* (quamvis & hic in quibusdam sit sanis simillimus) *um.* infantes in somno sæpe terrentur atque expavefcunt , plerumque sunt voraces & pane delectantur , spiritus male olet atque peculiarem prorsus eumque adversissimum obtinet fetorem ; adest sæpe nausea , quasi vomendum ipsis esset , atque os multo phlegmate subinde repletur ; haud raro vertigine etiam afficiuntur , atque in naribus digitis sæpe scalpunt : venter in infantibus plerumque tumidus est , & per alvum multum pituitæ tenacis albicantis interdum rejiciunt ; quidam epilepsia , alii febricula , quam *verminosam* appellant , corripuntur ; certissime vero omnium , quando homines ægri vermes vel per os , vel per alvum semel aut sæpius jam rejecerunt , eorum præsentia dignoscitur .

XXXV.

Ver- *Tres præcipue* dantur eorum species : quarum *mium* prima illa est , quæ lumbricorum terrestrium similitudinem obtinet , & quæ hinc proprie *lumb-* *species.* *bricis* vel & *vermes teretes* appellantur : alteram *vermes plani* sive *lati* , qui ex multis quasi juncturis sive partibus planis constant , seminibus cucurbitæ aliquo modo similibus , constituunt , quos propterea *lumbricos latos* sive *planos* itemque *cucurbitinos* appellant , atque decem & plurimum
ulna-

utrarum quandoque longitudinem habent; (a) certa species *vermiculis in caseo obviis* haud absimilis est, & ut plurimum tantum in intestino rectoprehenditur, ubi ægris molestissimum pruritum ac tenesmus sæpe concitare solent. Interdum & alia adhuc insectorum aut vermium species in corpore humano observatæ sunt, quæ per os & anum excretæ fuerunt; quos vero Medici ad peculiaria vermium genera, qui usum forte nullum præstat, nondum, quod sciam, retulerunt, sed tantum ut insolita & rara insecta corporis nostri annotarunt. Ita & nos de modo, quo generentur, & qua ratione in corpus humanum perveniant, non hic disputabimus; sed potius modum, quo interficiendi atque ex eo ejiciendi sint, in usum ægrorum iis afflictorum, considerabimus.

XXXVI.

Utrumque præstant primo omnis generis amara, vermibus plerumque adversa: ut *absinthium* & cumprimis ejus atque *centaurii minoris* summitates, præterea herba *scordii* & flores *tanaceti*, itemque semen *cinae* sive *sanctonicum*, cortex *peruvianus* & *castearilla*, quæ cerevisiæ aut vino, præsertim malvatico vel canariensi infundi, & aliquoties in die aliquot cochlearia, vel ab adultis aliquot haustuli sumi debent. Eodem modo & radic. *filicis* & *filipendulae* cum successu usurpari possunt. *Aloe*, *myrrha*, semen *cinae* & *corallina* valentissima quoque adversus omnis generis vermes corporis humani sunt remedia, quæ vel in pulvere ex aqua graminis, fumaris, scordii vel absinthii, vel si ægri pulveres averfantur, cum melle in forma boli aut electuarii bis vel ter in die sumen-

Cura-
tio 1.
per a-
mara.

Z

men-

(a) Vid. *Spigelius* de lumbricolato. *Andry* de la Generation des Vers, & *Clerici* Hist. Lumbricorum, ubi eorum figuræ & longitudo videri possunt.

menda. *Succus nasturt. aquat. rec.* matutino tempore per aliquot dies, larga satis copia sumptus, vermibus quibuscumque & speciatim *planis* maxime adversatur.

XXXVII.

2. Per
mur-
tialia
& aci-
da.

Præterea *martialia* & sigillatim *limatura mar-
tis* lumbricos & ascarides exturbant, si larga satis copia ægris per aliquod tempus exhibentur. Ipsæ etiam *aquæ martiales*, & speciatim Pyrmontanæ, vermes quoscumque expellere solent. *Acida* quoque *remedia*, ut spiritus vitrioli, vel sulphuris, Elixir. vitrioli Mynsichiti, Elixir. propriet. Paracelsi & similia vermibus etiam valde sunt inimica, si per aliquod tempus apta quantitas ægris ex aquis laudatis exhibeantur: immo & ipsum *vinum* merum ægris his, tam adultis, quam pueris, in passu datum, vel etiam cum laudatis vegetabilibus infusum, & horis medicis haustum ad vermes destruendos conducit.

XXXVIII.

3. Per
mercu-
rium.

Denique & remedia ex *hydrargyro* parata vermibus sunt insensissima, & cumprimis commode adhiberi potest, postquam uncia dimidia vel integra in aquæ graminis, absinthii, fumariz, aut scordii, vel etiam vulgaris, libra una, in vase vitreato per horam quasi dimidiam coquitur; agitando interea sæpius hoc hydrargyrum bacillo ligneo, quæ aqua postea in vitro servanda, & infanti vel puero aliquoties in die cochleare unum, adultis vero duo vel tria danda, quod decoctum adhuc valentius redditur, si ei sirupi de cichor. cum rhabarb. ʒj. vel ij. adduntur. Eandem etiam virtutem obtinet *hydrargyrum*, si eadem ratione bis vel ter in die cum lacte decoquitur, atque infantibus ac pueris, qui lacte delectantur, mane a meridie & circa vespem, adjecto pauxillo sacchari, aliquot unciz calide devorandæ exhibeantur. Præterea supra jam Cap. XIV. monni, ræ-

ele-

electuario ex cortice peruviano, mercurio vivo, conserva quadam & sirupo parato, puellam a vermibus & epilepsia satis jam inveterata, & ubi multa frustra prius adhibita fuerunt, liberasse. Denique & athiops mineralis ad aliquot grana sæpe datus, & qui hoc adhuc præstat, mercurius dulcis præstantissima sunt anthelmintica, cujus ultimi granulum dimidium vel unicum infantibus, adultis vero grannum unum vel duo, cum pulveribus supra laudatis, vel etiam cum extractis amarioris in forma pilulæ unius vel plurium, bis in die dari commode possunt; atque sic sæpe fit, ut ab omnibus illis laudatis remediis vermes & teretes & lati non solum interficiantur, verum etiam quandoque integri vel destructi expellantur: ad quod igitur in usu horum attendere debent ægri adulti, in infantibus vero & pueris eorum parentes vel ancillæ.

XXXIX.

Si vero nulli vermes ab his remediis expelli observantur, opus est, ut *tertio vel quarto quovis die purgans* quoddam illis interponatur; pro quo autem talia eligenda sunt purgantia, quæ simul vermibus sunt adversa. Huic igitur scopo *mercurius dulcis cum aloe*, vel *scammonio* aut *diagrydio*, aut *resina jalapæ*, aut *trochiscis albandali*, vel in pulveris vel pipularum forma, aptissimus est, observando, ut cuilibet ægro, pro ætatis & virium ratione, apta horum quantitas exhibeatur. Ita etiam aliquoties observavi, quod, dum ægris, tam pueris, quam adultis, de quibus, an vermibus laborent, ignoraveram, ob alias causas & morbos pilulas ex mercurio dulci, resina jalapæ & extracto panchymagog. Crollii paratas, per aliquot dies continuos exhibuerim, magna copia lumbricorum, immo integri eorum nidi expulsi & rejecti fuerint.

XL.

Externa quædam remedia quoque his in malis non

4. *Per purgantia.*

5. *Per remedia externa.*

prorsus rejicienda sunt, præsertim quia infantes & pueri occurrunt, qui nulla remedia interna assumere volunt. Huic igitur scopo inserviunt *fel bubulum*, quod ventri bis terve in die calide probe inungendum, vel hujus loco oleum colocynthid. vel unguent. de arthanita sive de cyclamine, vel ol. absinth. coct. cum ol. destillat. absinthii & tanaçeti roboratum, vel & *succus recens radice cyclaminis*, qui a veteribus valde hic commendatur: quibus interne decoctum mercurii cum lacte commodè addi potest, quia hoc non ut medicamentum, sed ut alimentum assumunt.

XLI.

De Ascaridibus.

*Asca-
ridum
curatio*

Si *ascarides* in intestino recto nidulantur, id quod ex molestissimo pruritu circa anum & in intestino recto, ut & ex tenesmo sive frequenti desidendi stimulo, quam maxime vero ex observatis & visis ejusmodi bestiolis, vermiculis in caeco generatis similibus, in ægrorum excrementis dignoscitur, ad eas interficiendas & expellendas conducunt primo laudata *martialia* §. 37. & *purgantia mercurialia* §. 39. ac deinde *clysmata* injecta ex *anthelminticis*, ut decocto ex herb. absinth. sem. cinæ, myrrhæ & hydrargyro in aqua parato, cui olei absinthii cocti vel alterius olei $\mathfrak{z}\text{ij}$. vel $\mathfrak{z}\text{ij}$. addi & in anum tepide injici potest. Vel & *clyster ex solo oleo olivarum* vel lini, vel amygdalarum, aliove simili paratus aliquoties injiciendus, qui omnes ascarides interficit, dum nulla ejusmodi infecta olea perferre aut in iis vivere possunt, sed ab iis cito interficiuntur.

X L I I.

De Tenesmo.

Tenesmus est molestus ac sæpe dolorificus desidendi stimulus in intestino recto, quo tamen parum vel nihil per alvum excernitur. *Excitatur* sæpe ab *ascaridibus* in hoc intestino habitantibus; vel ab *acri urina* in dysuria aut stranguria, vesicam & intestinum rectum, ob arctum nexum vehementer stimulante; vel & a calculo in vesica; vel ab acri materia quæ in dysenteria intestinum rectum irritat ac rodit, & denique in hæmorrhoidum negotio, quando sanguis noxius vel abundans in hoc intestino congeritur, vasa ibidem valde distendit atque exitum ibi molitur, quo, præter dolorem, tenesmus sæpe inducitur molestissimus.

X L I I I.

Quando *tenesmus* ab *ascaridibus* oritur, tunc sublatis & enecatis iis, ut §. 40. docuimus, & hic tollitur. Si ab *acri urina*, hujus acrimonia, ut Cap. XII. §. 19. dictum, est temperanda. Si a calculo in vesica, non curatur nisi hoc ablato; mitigatur tamen externe clysmatibus emollientibus & lenientibus cum lacte paratis, vel suppositorio ex butyro non salito, in anum sæpius demisso. Interne simul ea sunt exhibenda quæ ad calculi vesicæ dolores mitigandos supra pag. 176. commendavimus. Si ab hæmorrhoidibus cæcis vel instantibus, eadem enemata & suppositoria, quæ modo laudavimus, conveniunt, vel & oleum amygdalarum dulc. aut liliorum alborum, aut verbasci, vel unguentum de linaria aut nutritum, quæ dolentibus partibus illinenda; vel *fotus emolliens* & *leniens* ex foliis hyoscyami vel flor. verbasci cum lacte coctus ano imponendus. Si in dysenteria in-

Ejus
curatio

cidat, calor eum optime lenit; hinc quoties alvus exoneranda, aut teneamus urget, *vas aqua calida* impletum iis supponatur; vel *clyfma emolliens* cum lacte paratum, adjecto oleo olivarum, lini, papaveris albi, verbasci, hyperici vel liliorum alborum cum vel sine theriaca, subinde applicetur; vel & splenium decocto herbae hyoscyami vel altheae, aut florum verbasci & chamomillae cum lacte imbutum, ano superimponatur, & pro doloris modo saepius reiteretur.

CAPUT XVII.

De Morbis sexus foemini praecipuis.

I.

*Morbi hi quo-
suppli-
ces.* S

Unt, praeter morbos haecenus propositos, sexui utrique plerumque communes, quidam adhuc morbi sexui foemino, & quidem 1. virginibus, aut foemininis non gravidis; vel 2. gravidis; vel 3. parturientibus; vel denique 4. puerperis proprii: quorum quidem nonnullos jam supra variis in locis exposuimus; verum sunt adhuc quidam mulierum morbi, de quibus haecenus nondum egimus, & qui seorsim adhuc hic considerari merentur.

I. I.

*Men-
struo-
rum
vitia.* In virginibus, viduis, & mulieribus non gravidis saepe menstrua deficiunt, aut obstruuntur, sive supprimuntur, vel non satis, & tunc saepe cum dolore excernuntur, vel non debito tempore, & tardius veniunt; vel nimium fluunt, aut etiam justo citius redeunt; unde omnis generis mala eaque saepe gravia symptomata oriuntur: quae si ab obstructione aut non satis largo ipsorum fluxu proveniant, ut capite IX. p. 141. docuimus,

em-

emmenagogis , venæ sectione in pede , pediluviiis , balneis , fricationibus pedum frequentibus , ac motu , &c. curanda ; *sin vero nimis fluunt* , fluxus temperantibus , aliisque idoneis remediis est moderandus ; quemadmodum hac de re capite VIII. pag. 135. jam actum est : sicut & de *hysterico malo* p. 169. de *chlorosi* pag. 192. & *fluore albo* pag. 221.

III.

De Sterilitate mulierum.

Sterilitas fœminarum , quandoque non harum , *Sterilitatis fœminarum causa.*
sed virorum subinde culpa contingit , quando ejusmodi vitia in his observantur , de quibus supra Cap. XV. §. 26. diximus ; sed si talia absunt , ut plurimum causa est in mulieribus , & *dependet vel a mensibus* , ob causam quamcumque non rite succedentibus ; vel ab iisdem *nimum* & perpetuo fere fluentibus , vel *a cachexia* , *fluore albo* , aliave corporis aut uteri prava constitutione ; vel *a vaginæ vitio* , quando hæc vel nimis arcta , aut concreta , vel tumore , membrana morbosa , aliove malo obleta , vel clausa est. Potest etiam oriri ex ore uteri interno coalito , aut *tubarum Fallopii* , vel *ovariorum vitio* , aliove uteri malo interno , atque in sensus non incurrente ; quæ propterea ut plurimum nec cognosci , nec curari queunt.

I V.

In curatione igitur ad causas probe respiciendum : nam si a *mensium anomalia* , hi secundum methodum Cap. VIII. & IX. propositam , inordinem sunt redigendi ; *sin a fluore albo* aliove malo corporis habitu , hæc vitia sunt curanda , ut Cap. VIII. proposuimus : ubi imprimis pilularum Beccherian. diuturnus usus , una cum decocto liqui *sassafras* aut *guajaci* , cum ess. *succini* ac *scor-*

*Cura-
tio e-
jus .*

dii, vel & aqua minerales ac therma, interne & externe adhibitæ, multum sæpe præstare solent, si legitime usurpantur.

Quando vitium adest in uteri vagina male constructa, sive ea sit nimis arcta, sive concreta, aut carunculis vel tumore obsita, arte chirurgica hæc vitia sunt tollenda.

Si vitium simile in ipso utero, ovario aut tubis Fallopianis, quia nec visui nec manibus accessus datur, plerumque est immedicabile. Aquæ medicata tamen, tam frigida, quam potissimum therma sæpe tam in mensium anomaliis, quam fluore albo, & malo corporis habitu, quam & in malis nobis prorsus occultis corrigendis, ut modo dictum est, multum haud raro boni præstant, & mulieres multæ, & experientia sæpe docuit, post earum usum conceperunt, quæ diu antea fuerunt steriles.

V.

De Gravidarum noxis.

Gravidarum In gravidis vero multis quam plurimæ quoque occurrunt symptomata, quorum pleraque, primis potissimum mensibus, ex sanguine menstruo retento, mala quæque atque sic inde nata plethora, mihi oriri videntur: earum causa. ut cibi appetentia læsa aut imminuta, vulgo appetitus prostratus, aut depravatus, quem picam & malaciam vocant, itemque nausea, & vomitus frequens, in altis animi deliquia, dyspnœa, hæmorrhoides, hæmorrhagia uteri, & abortus, &c. Alia vero ultimis mensibus, a mole sive magnitudine fœtus, secundarum, & aquarum, quibus fœtus innatat, sensim increſcentium, variasque corporis actiones lædentiũ, proveniunt: inter quæ, præter enarrata, tumores pedum, varices, tensiones abdominis, spirandi difficultas, obstructio alvi, flatuum molestia

ac tormina, hæmorrhoides dolentes aut fluentes, difficultas urinae & alvi fere præcipua sunt: quæ omnia e mechanicis rationibus deduci, atque ex eis satis commode explicari possunt.

VI.

In curatione igitur symptomatum primorum mensum, & cumprimis hæusea, vomitus, anorexia, vitio eorundem, & e contrario, tum, conducunt diæta modica, potus tenuis, motus moderatus, at frequens, blanda roborantia, stomachicis, carminativa & cardiaca, cum blandis acidis, ut essentia cortic. aurant. & gentianæ cum spiritu nitri dulcis, elix. viscerale Hoffmanni; vel etiam in calidioribus & biliosis, spir. nitri dulcis solus, vel elixir. vitrioli Myrsichti. Contra in paullo frigidioribus, aqu. embryon. aqu. cinamomi; cinam. cydon. aliave cordialis, & in passu haustus vini generosi confert.

In animi deliquiis, dyspœa, hæmorrhagia uteri, &c. missio sanguinis in brachio instituta, hæc symptomata minuere solet; quæ vero in valde plethoricis, si res exigit, post aliquod tempus semel iterumque interdum repetenda. Nonnullis etiam in primis mensibus, præsertim si victus inordinatus præcessit, aliave signa adsint cruditatum in ventriculo, lene medicamentum alvum ducens, immo & si vomitus indicia adsunt, emeticum etiam blandum conducit; & roborantia postea his subjungenda. In appetitu depravato, si terrea appetunt, hoc acidum peccare in ventriculo indicat: hinc terrea, attramen securiora sive blandiora, ipsis sunt danda; contra si acida, alcali aut calor peccat, adeoque acida ipsis etiam modice sunt concedenda & suadenda. Denique si falsis aut aromaticis delectantur, pituitam in ventriculo abundare hæc significant; hinc præmissis lenibus & aptis purgantibus, qualia sunt pilulæ Beccherianæ aliæque, similes, vel rhabarbarina, vel aqua aut salia amara laxantia, &c. vel etiam

etiam pro indicantium ratione , blando *emetico* ,
salia media , *medicamenta amara & aromatica* , ad
 cruditates has viscidas destruendas , ipsis sunt ex-
 hibenda , observata simul apta victus ratione .

VII.

Que In symptomatibus, *que mediis & ultimis mensi-*
mediis bus , a mole & magnitudine foetus atque uteri &
O ul- sæpe simul adhuc a plethora proveniunt , ac spe-
zimis , ciatim in tumore pedum ac varicibus , ut & *dy-*
spnoea ac *palpitatione cordis* , in sanguineis condu-
 cit maxime *missio sanguinis* in brachio , deinde
 blanda diaphoretica & diuretica , quotidianæ *fric-*
ationes pedum , motus moderatus , sed frequens
 corporis , diæta modica , atque antea §. VI indi-
 cata *remedia roborantia* , vitando simul otium ,
 necessaria sunt ; in *pituitosis* vero venæ sectio o-
 mittenda .

VIII.

De Alvo obstructa Gravidarum .

Alvi Speciatim propter *alvum obstructam* , præ omni-
obstru- bus *potus sufficiens* , aquens vel tenuis , ut theæ ,
ctio . coffeæ , cerevisiæ tenuis , vel aquæ cum pauco vi-
 no est commendandus , ac præterea *victus mollis* ,
 humidus , leniens , vitando siccum , adstringentem ,
 durum , flatulentum , necessarius est ; & si hæc
 ex fonte diætetico desumpta forte non sufficiunt ,
clysma emolliens subinde adhibendum , aut lenissi-
 mum remedium alvum ducens ; vulgo *laxans* di-
 ctum , ut *Potumcula* ex tamarindis , foliis sennæ
 & manna vel *magneſia* , vel *pilule* blande ape-
 rientes ; ut *Becheriana* aliæque similes , vel *sal*
 quoque *amarum purgans modica* , attamen suffi-
 cienti copia iis exhibendum .

IX.

De Flatuum molestiis .

In flatuum molestiis , & inde sæpe natis tormi-
nibus , anxietatibus aut dyspnœa , præter victum ^{Flatus}
modicum , & evitacionem alimentorum flatus in-
ducentium , modoque §. VIII. dicta aperientia ac
laxantia , *stomachica* & *carminativa* antea §. VI.
laudata atque imprimis essentia cortic. aurantio-
rum , essentia carminativa Wedelii , spiritus nitri
dulcis vel carminat. de tribus , aqua embryo-
num , cort. aurant. vel carminativa quantitat. mo-
dica subinde sumpta , egregie conveniunt .

X.

De Urinæ difficultate .

In *urina difficultate* , elevatione ventris gravi-
di , quia uterus cervicem vesicæ comprimit , ple- ^{Urina}
ramque succurri satis potest ; ut & , præsertim ^{diffi-}
hæc non sufficit , *cataplasmate* ex *chærefolio* & *ce-*
pis affatis pubi imposito , itemque liq. terræ folia- ^{cul-}
tæ tartari , vel tincturæ tartari , vel & subinde ^{tates}
solus aquæ petroselinii aut chærefolii , vel *emulsi-*
onis ex nucleis persicorum vel amygd. amar. cum
aquis his paratæ , potu prodesse possumus ; *diure-*
tica vero fortiora , quia facile sanguinem nimis
exagitant ac fortum pellunt , sæpe nocent . In ma-
lâ contra gravitari , *catheters* potius urinam e ve-
sica emoliri præstat .

XI.

De Ventris tensione.

Dolor abdominis. In tensione & dolore cutis atque musculorum abdominis, a foetu & utero vehementer extensorum inductis atque hinc multis perquam molestis, externe ad has partes emolliendas ac leniendas, pinguis, oleosa & emollientia, ut unguent. dialth. vel ol. amygdal. dulc. aut liliorum alborum, butyrum recens, aut pinguedines varie blandiores, ut caponum, asserum, medulla pedum vitulinorum aut bubulorum, abdomini sæpius calide illita, optime profunt.

XII.

De Hemorrhoidibus dolentibus.

Hæmorrhoidum visia. Hemorrhoidum cæcarum dolores & tumores pulveribus temperantibus aut antispasmodicis & potui tenui, aquoso interne; sed externe sanguinis missioni, applicatisque eis, quæ pag. 181. ad hæmorrhoides inflammatas aut dolentes commendavimus, ac speciatim etiam decocto foliorum hyoscyami vel sem. lini cum lacte aliquoties applicato, egregie cedere solent. Sed si hæmorrhoidum adest fluxus, hic similiter moderandus blandis pulveribus temperantibus, venæ sectione in brachio, usu moderato infusi herbar. & flor. millefolii ac quiete corporis: qua de re uberius consilium ex pag. 135. peti potest.

XIII.

XIII.

De Uteri hæmorrhagia, & Abortus metu.

Hæmorrhagia uteri, & inde metuendus *abor-Uteri* *tus*, periculossimus gravidarum affectus, vel a *hæmor-* *plethora* & orgasmo sanguinis, vel ab *ira* aliisve *rhagia*, affectibus animi gravioribus, vel a *solutione pla-* & *ab-* *cente ab utero*, lapsu, saltu, ictu vel alia qua- *ortus*. cumque de causa, sive interna sive externa facta, dependet, ubi sanguis sæpe tam larga copia ex utero profluit, gravidæque haud raro brevi tam insigniter inde debilitantur, ut sæpius, nisi in tempore adhuc auxilium feratur, ob sanguinis hunc fluxum enormem pereant. Igitur *si ab* *orgasmo*, vel *plethora*, vel etiam ab *ira* oriatur, conducit præ omnibus quies corporis & animi, pulveres vel mixturæ temperantes, sanguinis missio in brachio, aer & potus moderate frigidus, & abstinentia ab omnibus calidis & calefacientibus aut spirituosus, ut & ab ira ac venere. At in *malo graviori*, potio Sylvii adstringens, pulv. stypticus Heurnii, immo alumen ipsum ad modum *Nynsichti* & *Helvetii* paratum, aliave adstringentia, & opiata moderata, qualia supra pag. 128. de fluxibus sanguinis nimis commendata sunt, conveniunt, quibus ipsis etiam tunc *abortus sæpe præcavetur*.

XIV.

Si vero ab his hic sanguinis fluxus non remittat, *placentam ab utero solutam esse* indicat, quæ *tio chi-* huic nulla ratione rursus agglutinari, adeoque nec *rurgi-* medicamentis fluxus hic cohiberi potest: hinc, *ca*, quia gravida semper inde redditur debilior, & quidem, ut aliquoties jam observavi, brevissimo subinde temporis spatio, atque hoc in statu me-

en-

tuendum , matrem cum foetu brevi esse perituram , sicut plura ejusmodi novi exempla , *foetus una cum secundinis , sive virus adhuc sit sive mortuus* , perita manu mature & caute *educendus* , quocumque etiam gestationis tempore hoc fuerit , sicut in Chirurgia nostra peculiari capite (a) id uberius docuimus ; quo solo saepe mulieres hæ , si iusto id adhuc fiat tempore , servantur ; nam alias mater & foetus simul certo pereunt ; vel si feliciter adhuc res pro matre cedit , & sanguis ac dolores partus foetum immaturum expellunt , *abortus fit* , atque foetus perit .

XV.

De Abortu facto.

*Quid
facto
abortu
facien-
dum.*

Abortus vero jam factus nullam admittit curationem , dum foetus , isque ut plurimum jam mortuus , in uterum refundi nequit ; verum quia mulieres a prægressa eaque saepe adhuc durante sanguinis per uterum profusione , præsertim si secundæ in utero restiterint , *valde debiles sunt* , & *adhuc magis debilitantur* , ita ut cum sanguine animam simul haud raro emittant , ad hunc fluxum compescendum & vires resarciendas oportet primo , si *secundæ haberi possunt* , *eas extrahere* ; deinde ut strenue in lecto , in loco moderate frigido , conquiescant ; postea ut analepticis , aquis scilicet roborantibus atque modice adstringentibus , & nominatim aqua cinamomi cydoniata , aq. melissæ , vel emulsionib. cardiacis , aut *pulveribus temperantibus* cum coraliis aut spec. de hyacintho ; itemque tinctura coralliorum , infuso millefolii , jusculis nutrientibus , haustulo vini & cumprimis rubri , reficiantur .

XVI.

XVI.

De Abortu præcavendo.

Quando alia , quam hæmorrhagia uteri , indi- *Quo-*
cia in gravidis *abortus metuendi aut futuri , per ve-*
hementia tormina aut dolores partus spurios , nulla abort-
adhuc apertura uteri oris interni præſente , in ven- *tus*
tre ac lumbis ſe manifeſtant , intus carminativa , *præca-*
extus aqua embryonum vel in pauperibus ſpiri- *ven-*
tus vini ventri cum ſplenio aut pane mellito ca- *ven-*
lide , dum ægra ſuper lecto decumbit , imponen- *duſ.*
da , atque *clysmata* emollientia & carminativa una
cum quiete corporis adhibenda ſunt . Si hæ mu-
lieres ſunt *plethorica* , etiam venæ ſectio hic con-
ducit . Si cauſa horum malorum eſt *ira* , tempe-
rantia & nervina cum quiete profunt ; ſi a *paſ-*
ſione hysterica , antihysterica & antipafmodica dan-
da . Quando a *tuffi* vehementiori metuendus abor-
tus , tuffis curanda , contra quam noctu *pilula de*
ſtyrace vel de cynogloſſo ad pauca grana datæ ,
proficiunt . *Febres acutæ* etiam ſæpiſſime ſunt
abortus cauſæ ; ubi vero raro præcaveri poteſt ,
& curandum hic maxime remediis feбри debitis ,
ut minimum , mater ſervetur , quæ alias ſæpe ſi-
mul cum fœta hic perit . Ubi vero jam uteri
adeſt *hæmorrhagia* , id , quod §. XIII. agendum
præcepimus , eſt faciendum . Ad eas vero , quæ
jam ſemel aut ſæpius abortum paſſæ ſunt , ab abor-
tu præcavendas , quia hic ſæpiſſime a nimia ſan-
guinis copia , exitum moliente provenit , graviditate
facta , circa finem ſecundi aut tertii menſis ,
quando forte alias antea abortum fecerunt , ſan-
guis e brachio mittendus , & temperantia , una
cum modicis adſtringentibus , ut coralliis , per
aliquod tempus adhibenda ; quæ etiam poſtea
ſoga-

singulo trimestri, vel in valde sanguineis, singulo bimestri spatio, iteranda, servata modica diata, vitatisque calefacientibus, motibus quibuscumque & affectibus animi vehementioribus. *Abortus* etiam in quibusdam fit *ex nimia vel gravida, vel satus debilitate*; quo in casu causa debilitatis investigata removenda, atque internis & externis alimentis ac medicamentis roborantibus §. XV. & modo laudatis, præcipue vero aq. melissæ ac cinam. vel aqua embryonum interne & externe ægris his succurrere, & si morbi alii hujus debilitatis causæ sunt, eos prius vel simul curare oportet. Si *cachexia* quædam *abortus frequentioris causa*, hæc purgantibus, cachexiæ cuilibet contrariis, & speciatim etiam *aquis medicatis* aut thermis, quæ hic præstantissimæ sunt, curanda.

XVII.

De Partu difficili.

Puer. perarum mala. In puerperis *partus difficilis* potissimum occurrat, qui vel matris, vel obstetricis, vel infantis culpa contingere potest ac solet. *Matris culpa*, si apertura uteri facta & foetu rite sito, vires tamen ac dolores ad partum seu foetum expellendum necessarii, ei deficiunt vel prorsus desunt, præsertim si aquis jam ruptis omnes dolores etiam in robustis cessant, fere semper partus difficilis & situs foetus p. n. est metuendus; præterea si *vitium in partibus* ejus genitalibus adsit; vel si *parturiens vires & nisus ad expellendum foetum*, ut quandoque ob varias causas contingit, adhibere nolit. Haud raro etiam *alvus adstricta* partum reddit difficilem.

XVIII.

Si dolores & vires deficiunt

In virium ac dolorum naturalium defectu, quando

do fœtus in situ dispositus est naturali, & apertura oris interni uteri adest, id quod ab Obstetrice vel Medico digito est explorandum, (a) exhibenda sæpius sunt corroborantia; analeptica & leniter pellentia; ut sunt primo *haustulus vini generosi*, cum vel sine cinamomo aut mace, vel frigidus vel & pro re nata, calidus, semel iterumque, si negotium non succedit, repetendus; vel *aquæ pulegii*, *melissæ*, *liliorum alborum*, *cinamomi*, *florum cheiri*, *lilior. convall. perlarum*, &c. cum *pauçillo elæosacchari* aut sirupi cinamomi vel caryophyllor. aut confect. alkermes incompleta; vel cum talibus aquis, si majori stimulo opus est, detur *apta dosis pellentis medicamenti*, ut *hepatis anguilla pulvis*, vel boracis, cinamomi, myrrhæ, aut antherar. liliorum alborum; non neglecto potu conveniente, eaque post horam unam vel alteram, si partus non sequatur, semel iterumque aut sæpius repetatur: naribusque spiritus aut aquæ roborantes cephalicæ subinde admoveantur, donec tandem partus sequatur. Cavendum tamen ab abusu aut largiori calefacientium ac pellentium horum usu, quia eis puerperis febres acutæ ac *purpuratæ* sæpius inducuntur, adeoque caute cum iis mercandum. Clysteres stimulantés etiam subinde, præsertim alvo obstructa, multum hic valent, adeoque ubi fortiori stimulo opus, & hi non omittendi. *Manus Obstetricis* vel Medici periti in vaginam uteri immissio, & ossis coccygis repressio, multum ad dolores excitandos & partum promovendum facere quoque potest. Ubi vero dolores veri sunt *vegeti*, & situs fœtus bonus, res naturæ relinquenda.

Quando puerpera vires ad expellendum factum adhibere nolit, vel precibus atque exhortationibus, Si eas adhibere nolit.

A a

(a) Vid. Chir. nostræ Instit. Tab. XXXIII. fig. 1.

vel interdum, si immorigera, minis etiam ad officium suum est adigenda.

XIX.

Si vitium in partibus mulieris genitalibus, & rium in os uteri vel nimis angustum vel durum, ut sæpe parti- pe solet in primiparis, præsertim senioribus, vel bus ge- nimis siccum, fotibus vel linimentis emollienti- nitali- bus, butyro vel oleo sæpius inungendum, vel bus, vapore balnei relaxandum, digitisque & manibus prudenter immisissis sensim diducendum ac dilatan- dum, eisque foetui exitus promovendus. Sin. tu- mor, caruncula, membrana vaginam claudens, vel coalitus in vagina adsint, manu chirurgica & scalpello hæc curanda.

XX.

Obste- tricis vitia. Sape quoque obstetrix est causa partus difficilis præsertim quando gravidas parturientes præma- ture, tempore nimirum graviditatis nondum exple- to, nullis adhuc veris partus doloribus præsentibus, & cum primis nulla etiam adhuc facta apertura oris uteri interni, digitis exploranda, (qua sola dolores veri a falsis certo distinguuntur) ad labores impellit aut cogit: unde solum, vi summa diu & frustra ad pariendum adhibita, mulieres vires consumunt ac debilitantur, & tamen, natura invita, suis conatibus nihil efficere possunt; eoque ipso & foetus & mater, culpa imperitarum ejusmodi, quam sapissime interficiuntur, vel saltem in varios morbos & vitæ periculum conjiciuntur. Hinc, ubi modo dicta partus requisita & cum primis iusta apertura oris uteri nondum adsunt, a laboribus potius abstineant, & præsertim si iustum etiam pariendi tempus nondum adsit, nulla pellentia danda, sed quieti ejusmodi mulieres gravidæ committantur; deinde analeptics, carminativis, aquis præsertim roborantibus §. XVIII. vel aqua melissæ, menthæ, embryonum, cortic. aurant. vel cinnamomi, cum vel sine vino, vel jusculis etiam resti-

reficiantur, tempusque partus naturale ac debitum & grāvīda & obſtetrix cum patientia expectent, negotiumque hoc non præcipitent. *Natura enim hic vult duci, non cogi.*

XXI.

Si fœtus cauſſa partus difficilis, iſque vel ob caput nimis magnum, vel ob monſtruoſam figuram, vel, quod frequentiffimum, ob ſitum ineptum ſive præter naturam, tunc medicamenta pellentia non modo ſunt fruſtranea; ſed omnino noxia, quia periculofa ſanguinis profluvia, inflammationes internas & febres acutas, præſertim purpuratas, ut ſupra jam diximus, §. XVIII. ſæpe concitare ſolent; verum plerumque fœtus tunc per pedes perita manu, ſive vivus, ſive mortuus ſit, mature ac prudenter invertendus & educendus, ſicut in Inſtitut. chirurg. noſtr. Cap. de Arte obſtetricia, abunde docuimus. Si vero integer haberi nequit, antequam putreſcat, per fruſta potius quam cauſſime, ne mater lædatur, extrahendus.

Post partum quemvis laborioſum puerperis, quia plerumque valde ſunt debiles, & animi deliquiis ſæpe tunc afficiuntur, hauſtulus vini aut cereviſiæ calidæ, aut aquæ analepticæ §. XVIII. eſt exhibendus, atque, ubi opus, ſemel iterumque repetendus.

XXII.

De Fœtu in utero mortuo.

Quando fœtus in utero mortuus eſt, ſtudendum, Quid ut antequam putreſcat, & mulieri hoc ipſo gravia cum mala inducat, inde ejiciatur. Si tamen extra partus fœtu tempus, membranis fœtus nondum ruptis, & aquis mortuo nondum effuſis, moritur, naturæ res relinqui commode poteſt, quia fœtus membranis integris, & aquis adhuc incluſis, ob aeris denegatum acceſſum,

non putrescit: nam suo tempore sponte partus dolores veri oriuntur, quibus peregrinus ille hospes tandem expellitur. Si vero in partu moritur, postquam membranæ fœtus jam ruptæ sunt, accedente aere cito putrescit, & mala pessima, nisi brevi emittatur, concitat. Ita si in situ est naturalis, & partus dolores adsunt, hi cardiacis prudenter sustentandi, donec his ipsis vel sponte, vel Obstetrice juvante protrudatur. Sin vero hi dolores desunt, vel etiam fœtus est in situ p.n. optimum consilium est, ut quam primum vel manibus, vel ubi hæ non sufficiunt, ferramentis, de quibus videnda est Chirurgia, educatur.

XXIII.

De Secundis relictis.

Secunda relictæ. Si post partum editum secunda non mox sequantur, quas tamen Obstetrix tunc ut plurimum apte educere potest ac debet, sed adhuc in utero hæreant, puerpera, antequam hæc ediderit, non facile e sella dimittenda; sed vel conatibus & nitibus parturiendi continuatis eas expellere studeat, Obstetrice ejectionem manibus leniter adjuvante: vel si hæ sic fœtum brevi non sequantur, sicut tamen sæpe fieri solet, & parturienti adhuc vires sunt, manu mox, in uterum, juxta ductum funiculi umbilicalis ad placentam usque immissa, eaque prehensa, vacillando ac blande motitando, ab utero solvenda, & si fieri potest, caute educenda: sin vero nimis arcte utero adhæreat, ut sine vi ac laceratione earum aut uteri inde solvi nequeat; vi haud evellendæ aut dilacerandæ, quia evulsio violenta sæpissime inflammationem & gangranam uteri & febres pessimas & cumprimis etiam purpuras hisce puerperis inducit; verum
potius

potius per aliquid tempus , horulam forte dimidiam expectando , manum vero in utero , ne os ejus se claudat , servando , sponte ab utero separatur , ut sine vi tandem educi queat . Ita & si *mox post partum nimis debilis sit puerpera* , prius potu , jusculo vel aquis roborantibus , refocillanda , & quies aliqua ipsi concedenda , donec vires aliquas recuperavit , ubi tunc , si sponte interea sub doloribus post partum non prodierint , manu & digitis blande motitando solvenda & protrahenda . Sed si fœtu nato *secunda sola* ob imperitiam obstetricis intus remanserint manuque mox ab ea , sicut fieri debuisset , eductæ non sint , uterique os jam denno clausum sit , ut manui aditus non amplius pateat , eadem *medicamenta , qua menses aut partum promovent* §. XVIII. (quia hæc & secundas pellunt) & hic adhibenda , ubi cumprimis etiam pilulæ Beccherianæ singulo vesperi sumptæ valde profunt , eisque secundinæ emolliendæ : id quod subinde feliciter adhuc obtinetur ; sæpius vero ob neglectam earum maturam extractionem in utero *putrescunt* , febres aliaque mala accedunt & *puerpera inde moriuntur* , vel minimum in istiusmodi febres , præsertim *inflammatorias* , & *purpuratas* , incidunt periculosissimas .

XXIV.

De Doloribus post partum .

Si doloribus post partum corripitur puerpera , qui sæpe vehementes sunt , & vel a parte secundarum vel integris etiam secundis relictis , vel a res post magnis frustis sanguinis in utero concretis , vel a partu difficili prægresso , vel a lochiis non rite tum. succedentibus , vel etiam a flatibus concitari solent , præsertim si venter mox a partu fascia ido-

*nea vel longo mantili, non probe fuit ligata, vel frigori qualicumque se exposuit, ligato prius decenter ventre, conducit potus diluens, aqueus, calidus, ut thea cum croco, infusum flor. chamomillæ, vel seminis carvi, loco theæ haustum, vel juscula cum semine carvi cocta, vel flores chamomillæ aut absinthii aut flav. cort. aurantiorum 3j. cum jusculo calido aut cerevisia cocti ac iaulti, quod primum Foresti fuit specificum, el & essent. florum chamomillæ, essent. cortic. urant. cum spiritu nitri, vel essent. carmin. Wel-
lelii, aliaque ejusmodi cum infuso aliquo præd-
ictorum calido sumpta, corpore contra frigus pro-
prie defenso. Oleum amygd. dulc. ad 3j. vel 3ij. ex
vehiculo calido subinde usurpatum, multis opti-
me quoque conducit. Si calor p. n. simul sentia-
tur, detur sæpius pulvis temperans, ex lap. cancr.
cinnabari, nitro & croco, vel potiuncula tem-
perans, non omittis in malo vehementiori pro re
nata, clysmatibus emollientibus & carminativis,
ut & facculis carminativis, aut vesica aqua vel
lacte calido, in quo flores chamomillæ cocti, re-
pleta, ventri imponendis. Ceterum præstat primis
diebus alvum esse obstructam, lochiis rite fluen-
tibus, quam nimis laxam, quæ valde hic suspe-
cta est; adeoque & purgantia fortiora hic vitan-
da: blanda tamen, ut pilulæ Beccherianæ ac si-
miles non nocent.*

Haud raro etiam hi dolores oriuntur post vio-
lentam secundarum ex utero evulsionem, ita ut
uterus inde inflammetur, & febres acutæ pessimæ
hac ratione inducantur. Sed de his mox §. XXVI.
plura.

XXV.

De Lochiorum vitiis .

Quomodo lochiorum nimius fluxus eorumve *Lochia* suppressio sint tractanda , Cap. VIII. & IX. jam *pec-* docuimus . *cantia.*

Hoc solum hic adhuc addo , quod si cum febre acuta lochia fluant cum doloribus , hæc ut plurimum uteri læsionem , præsertim a placenta vi evulsa , indicare , quam inflammatio , gangræna uteri & mors sæpe sequuntur .

XXVI.

De Febris acutis Puerperarum .

Quando vero ex suppressis lochiis , ob frigus ad- *Febres* missum , vel animi affectus , ut sæpe fit , vel & *acuta* ex evulsis per vim secundinis , febres acuta , pur- & *in-* pura puerperarum , sive febris miliaris , inflam- *flam-* mationes interna , ut pleuritides , peripneumonia , *matio-* phrenitides , angina , hepatis , ventriculi , uteri , *nes in-* mammarum , aliarumve partium nobiliorum *interna.* inflammationes , oriuntur , conducunt , ut in aliis febribus acutis & inflammationibus , pulveres temperantes , resolventes , diaphoretici , acido citri saturati , cinnabarini , nitrosi , essentia diaphoreticæ , ut scordii & croci , diluentia aquea , potus largus aqueus , potiuncula diaphoreticæ & moderate cardiacæ , aliaque in febribus continuis & inflammationibus internis supra commendata . Sæpius etiam lene emeticum ex hypecacoanna , si causæ , ut ira prægressa , aliæve id exigant , utiliter exhibetur . Glysmata quoque ano , fomenta-

iones vero ope vesicae aqua vel lacte calido repleta, partibus dolentibus aut inflammatis, vel *cataplasmata* in uteri inflammatione *ad gangrænam præcavendum* ex rad. præsertim symphyti, sigilli Salomonis & althæa, in lixivio fortissimo aut vino coctis, eidem calide sæpius applicata profunt (a); atque in *plethoricis*, præsertim ubi *lochia suppressa* sunt, in principio *sanguinis missio in pede* est instituenda, & lochia leniter pel-
lencia, ex succino aut myrrha temperantibus sunt addenda.

XXVII.

De Febri lactaria.

*Febris
lacta-
ria.*

Febris lactaria, quæ circa tertium vel quartum diem, lacte ad mammâs congesto, oriri & per unum alterumve diem durare plerumque solet, vel sponte solius naturæ actione, ope sudoris transit, vel diaphoreticis quoque & diluentibus aqueis, præsertim calidis, modo §. XXIV. indicatis, ac regimini diaphoretico ut plurimum cedit, præsertim si simul diætâ servatur tenuis, & infans mammis sæpius admovetur. Quando autem puerperæ non lactant, tenui diætâ & diaphoreticis res potissimum est expedienda, lac simul, si quod adest, leniter subinde, ne subsistat & coeat, exprimendo.

XXVIII.

(a) *Hoc cataplasma* in Aëtis Nat. Cur. vol. II. pag. 329. & a Cel. *Werehofio* in doctis. suis obs. de febrib. pag. 294. contra uteri gangrænam valde laudatur; prodest tamen quoque hic *cataplasma* ex flor. chamomillæ, melliloti & sambuci in vino vel lacte coctum.

XXVIII.

De Mammarum inflammatione .

Mammarum tumor & inflammatio, qui a lacte *Mam-*
stagnante, primis plerumque post partum diebus, *marum*
immo & haud raro tardius oriri solet, interne, *tumor*.
iisdem remediis diaphoreticis, quæ §. XXIV. com-
mendata sunt; externe vero, resolventibus, ma-
xime spiritn vini cum linteis, calide sæpe appli-
cato, vel empl. diachyl. simpl. vel de sperm. ceti,
addita camphora, aliisque in Chirurgia (a)
laudatis, sæpe resolvitur, cum primis si lac subin-
de vel ab homine vel caniculo exsugitur, vel ma-
nibus leniter exprimitur. Si vero inflamatio jam
ad suppurationem spectat, tumor quantocyus emol-
lientibus, vel cataplasmatibus, vel emplastro dia-
chylo cum gummis, maturandus, postea aperiend-
us, pus ejiciendum, abscessus unguento digesti-
vo depurandus, & tandem balsamicis, ac nomi-
natim balsamo peruviano aut de Meccha, rursus
consolidandus.

XXIX.

De Papillis dolentibus & fissis.

Papillæ dolentes & fissæ lactentium curantur *Papil-*
vel balsamicis, ut oleo ovorum & ceræ, vel mu- *la fis-*
cilag. sem. cydon. sæpe illitis; vel sæpius insper- *sa*.
so pulvere gummi arabici; vel aqua Reginæ
Hung. superimposita, aliisque in Chirurgia nostra
laudatis.

XXX.

(a) Cap. de Mammarum inflammatione.

XXX.

De Lactis abundantia & defectu.

Lactis vitia. *Lactis abundantia* nimia, præsertim ubi foetus mortuus, vel puerperæ lactare nolunt, minuitur victu tenui, parco, sudoris largi tolerantia, eaque lenibus sudoriferis sustentata, itemque purgantibus ac lochia pellentibus, ut pilul. Beccher. & Elixir. propr. quibus addi potest lap. galactites in dorso appensus.

Defectus vero *lactis* curatur victu humido multo ac bene nutriente, ut omnis generis bonis forbitionibus & jusculis, lacte, præsertim cum fior. sambuci cocto, ovis sorbilibus, gelatinis, emulsionibus, cerevisia calida cum vitellis ovorum & saccharo, stomachicis quoque & digestionem promoventibus atque cum primis pulveribus ex *seminibus carminativis*, anisi, fœniculi, carvi & saccharo, sæpius assumptis; *frictione* quoque *mammarum* frequenti, appenso lapide galactite, aut mercurio vivo ad mammas: quæ ultima tamen, si quid præstant, stimulo magis sive blanda irritatione ad mammas, quam alia quadam occulta facultate, id efficere videntur.

XXXI.

De Urinæ incontinentia post partum.

Cura- tio. Hoc malum a læsione, laceratione, debilitate, relaxatione vel paralyfi cervicis vesicæ oriri solet, & malum est molestissimum atque simul ut plurimum per medicamenta curatu difficillimum. Interea tamen *roborantia*, & *traumatica* principio sæpe aliquid proficiunt, ut infusa herbarum *traumaticarum*, Essent. traumat. Wedel. tinct. terræ japon.

japon. chinæ & cascarillæ , immo & tincturæ martiales ; item externe *fotus herbar.* illarum cum vino rubro , vel aqua ferrariorum facti , sæpius applicati. *Balnea* etiam & cumprimis *thermarum* , vel ex *aquis martialibus* parata , egregia sunt ; quæ tamen simul & interne hoc in malo usurpâri cum fructu possunt. Quod si vero hæc omnia parum sint , *machinis chirurgicis* vitium hoc adhuc leniri sæpe potest : qua de re videantur *Instit. chirurgicæ*.

XXXII.

De Mulierum morbis chirurgicis .

De ceteris morbis mulierum , quæ manum vel scalpellum chirurgi requirunt , quales sunt *vagina uteri concreta* , *procidentia uteri* , *partus difficilis* ex situ fœtus p. n. , *fœtus moreuus* , *secunda fœtum sponte non sequentes* , *calculus vesicæ* , *cancer mammarum* , aliisque in chir. *Instit.* nostris satis prolixè egimus , sicut etiam jam supra Cap. XII. de *Cancro* medice tractando præcepimus.

MONITA PRACTICA

Circa Morbos Mulierum .

1. In morbis mulierum semper querendum , *an menses rite fluunt* ; & secundum horum constitutionem curatio est instituenda.
2. In fœminis extra matrimonium viventibus , & de pudicitia aliquo modo suspectis , cavendum , ne , dum de mensium obstructione conqueruntur & consilium desiderant , eis forte gravidis per medicamenta pellentia , vel venæ sectionem in pede abortum concitemus .

g. Idem

3. Idem observandum in *mulieribus gravidis*, ut modo dictis abortum ipsis procuremus.

4. *Gravidis ad abortum pronis*, bona diæta, & missio sanguinis matura in brachio, magna ad eum avertendum sunt remedia.

5. *Ad roborandum fœtum & gravidam debilem*, conducit subinde haustulus vini generosi, vel aquæ melissæ vel cinamomi cum vino, aut embryonum, cochlear unum vel alterum; atque in hystericis, aquæ hystericæ vel epilepticæ Langii.

6. *Contra diarrhœam & tormina gravidarum*, a quibus abortus sæpe metuendus, eadem modo dicta & vesperi parum theriacæ aut diascordii conducunt.

7. *Tussi gravidarum*, præter alia contra tussim laudata pectoralia. M. P. de styrace paucis granis noctu data, medetur.

8. *Dolores partus veri* a spuriiis apertura oris uteri interni optime distinguuntur.

9. *Parturientibus nulla pellentia danda*, nisi os uteri internum percipitur apertum, & fœtus sit in situ naturali; alias nocent.

10. *Frigus quodcumque & parturientibus & puerperis est pestiferum.*

11. *Si fœtus per tres quatuorve dies in partu hæret*, ut plurimum mortuus est, præsertim si fœtet, aut cuticula a cute recedere observatur.

12. *Puerpera, ut graviter vulnerata tractanda*: hinc quiescant per 8. vel plures dies in lecto, tenuem servant diætam, vitent calefactionem & carnes, primis præsertim diebus, ita a multis morbis se præservabunt. In fine lenis purgatio conducit.

CAPUT XVIII.

De Morbis Infantum ac Puerorum &

1. *de morbis a meconio retento ,
torminibus , vigiliis , ictero ,
epilepsia , &c.*

I.

Infantes recens nati , ob meconium , pituitam , Infantum
aliaſve ſordes in primis viis hærentes , niſi matum
ture ejiciantur , sæpe torminibus ſive doloribus recens
ventris & inde concitatis perpetuis fere clamori- nato-
bus , ſingultu , ictero , vigiliis , inquietudine , pa-
vore , terrore & sæpe convuſſionibus atque epile- mala
psia ipſa corripuntur : quibus malis multi infan- meco-
tes , niſi in tempore ipſis ſuccurramus , pereunt. nio .
quapropter , quia omnia hac mala plerumque ab
eadem hac cauſſa dependent , eadem etiam potiſſi-
mum ratione , expurgando ſcilicet retentum hocce
meconium , curari sæpe poſſunt . Ad quod vero
expellendum , egregie conducit primum illud lac
tenue ſive aquoſum puerperarum recentium , ſi
ipſæ lactant infantem , quod coloſtrum appella-
tur , ſi illud infantibus ſugendum conceditur ,
quod inſtar ſeris lactis ad illud expurgandum opti-
me confert ; vel ſi hæ mulieres non lactent , dum,
ut ditiores ſolent , vel lactare nolunt , aut non
poſſunt , jejunium duodecim circiter horarum
his infantibus convenit , & interea ſemel iterum-
que exhibitum lene alvum laxans , ex pulveris
jalapæ gr. ij. aut rhabarb. gr. iij. aut iv. cum
vel ſine granulo , præ malorum diverſitate , mer-
curii dulcis , vel in forma pulveris , vel cum ſi-
rupo roſarum ſolutivo , vel ſirupo de manna ,
aut de cichor. cum rhabarb. aliove ſimili , in for-
ma linctus . Vel horum loco vinum dulce etiam
cum

cum melle dari apte potest , quod infantes quoque purgare , atque sic meconium evacuare solet; & si hæc forte non sufficiant, atque infantes clamare pergant , auri fulminantis gr. j. & *clysmate* e sero lactis , vel decocto avenæ , cum melle & sapone parato , harum fordium exitus est promovendus.

Nonnullis in locis in hunc scopum infantibus *olei amigdal. dulc.* ʒʒ. cum *pauçillo sacchari penidi* exhibent ; cui vero priora , tamquam valentiora , præfero.

II.

*De Morbis Infantum ab alvo obstructa
& flatibus retentis.*

Si infantibus post hæc successu temporis , ut sæpe contingit , *fæces alvi fiant duriores* , atque inde *alvi obstructio & flatuum retentio* ejusmodi , qualia modo enarravimus , concitet symptomata , profunt vel *clysmata emollientia & carminativa* vel & eadem (§. i.) laudata remedia , donec alvi sufficiens sit facta evacuatio , & postea subinde ad *acre sive acidum a lacte corrupto* ortum , obstructionemque haud raro producens , corrigendum atque absorbendum , pulvis aliquis absorbens ex conchis vel lapidibus cancrorum , aut matre perlarum , cum pulvere seminis anisi quod hic egregium , mixtus , modica copia ipsis sæpe porrigatur , quibus varia & pessima illa mala , *ab acido lactis corrupti* plerumque provenientia , ut plurimum optime curantur . In malo vehementiori etiam *matres lactantes ; vel nutrices* , expurgari & postea medicamentis acido & flatibus contrariis , quæ modo commendavimus , aliisque morbo adversis uti , atque ab acidis in victu quoque , ut

& a

& a flatulentis cibis abstinere debent. *Vitanda vero* quam maxime in infantibus, & præsertim his in malis sunt *opiata*, [nisi magna ob doloris vehementiam urgeat necessitas, & *premissio clysmate* aut *purgante*] itemque *acida quacumque*, quæ etiam a matre lactante vel a nutrice, ut modo diximus, tunc serio sunt fugienda; nam omnibus in morbis infantum, tam ratione victus quam medicamentorum, simul ad nutricem est respiciendum.

III.

De Morbis a lacte corrupto.

Infantes præterea, quia lac sugunt, aut & simul, ut multis in locis mos est, cibis vel pultibus nutriuntur lacteis, a lacte in ventriculo ob quamcumque causam corrupto, coagulato & acido reddito, & modo dicta & varia adhuc alia sæpe patiuntur symptomata: *faces enim alvi fiunt virides*, acres, acidum spirantes & subsequuntur inde frequenter *vomitibus*, tormina ventris *seuissima*, *alvi fluxus*, *inflationes abdominis*; *anxietates*, *clamores*, *metus suffocationis*, *convulsiones*, *pavores*, *epilepsia*, aliaque: quæ vero mala optime rursus curantur, primo per evacuationem & postea per correctionem eruditatis sive materiæ corruptæ, acidæ. Illud fit .1. idoneis *purgantibus* §. I. eisque si opus, per intervalla repetitis; 2. medicamentis *acidum absorbentibus*, ut terreis & *carminativis* blandis, modo §. II. laudatis; 3. *clysmatibus*, antea §. I. quoque jam indicatis; 4. *oleo amigdalinarum dulcium* interne subinde dato; 5. *oleis* & *sacculis carminativis* externe abdomini adhibendis. Quibus ipsis etiam *epilepsia* in hac ætate, & ab eadem causa tunc sæpe proveniens, optime profligatur; quam ob rationem *pulvis Mar-*
Epilepsia a lacte corrupto.
chio-

chionis forte & *specif. cephal.* Mich. cranium humanum, ungulæ alcis, aliaque adhuc multa acidum destruentia sive absorbentia, tantum inter medicamenta antepileptica nomen adepta sunt, quia ob virtutem acido contrariam, illud his casibus destruunt, præsertim si pulveribus prædictis *pulvis lumbricorum terrestrium* admiscetur, & sic, destructa causa, etiam curatur epilepsia: atque hanc ob causam *spiritus C.C.* ad.gutt. iij. iv. v. quoque hic haud raro valde prodest, & inter præcipua antepileptica habetur.

IV.

De Pavore in somno.

Pavoris curatio. Speciatim *pavores infantum prodromi sape sunt epilepsie*, atque convulsivi motus, a causa irritante, inducti esse videntur, Oriuntur sæpissime in somno, atque valde suspectum est symptoma; si tamen in vigilantibus incidunt, adhuc peioris esse solent indolis. In minoribus infantibus *ut plurimum a lacte corrupto* & acido vehementiori in ventriculo mihi oriri videntur; in adultioribus vero etiam a vermibus induci possunt. Quando igitur *a lacte corrupto*, iisdem remediis, quæ §. III. modo commendavimus, curanda; sin vero *a vermibus*, hi ut mox infra §. XXI. & seq. docebimus, tollendi.

V.

De Vigiliis nimis Infantum.

Vigiliæ cum. Hæ vel *a torminibus*, vel *ab alvo obstructa*, & flatibus ac doloribus inde inductis, ortum ducunt; & sicuti sanitas infantum præcipue ex bono ac tran-

tranquillo somno dijudicatur , ita contra ex perpetuis vigiliis , ploratu & clamoribus eos ægrota-
re haud temere credere possumus . Vigiliæ igitur
vel *ex corrupto lacte in ventriculo* & intestinis o-
riuntur , vel si alvus simul est obstructa , etiam
sæpe *a flatibus* . In his malis igitur præ omnibus
semper alvus aperta , an clausa sit , videndum , &
si clausa vel adstricta , clystma iis primo & deinde
adhuc *purgans* exhiberi debet , prout supra dixi-
mus §. I. & III. postea , purgatione facta , ad
acrimoniam lactis corrigendam , & flatu dissipan-
dos , absorbentia & carminativa antea laudata §.
III. ac speciatim *pulv. sem. anisi* sæpe danda , ad-
hibitis simul externe ventri oleis carminativis , &
nisi tormina hinc sopiantur , ut quiescere possint ,
clysteres repetendi . Quibusdam post purgationem
oleum amygdalarum dulcium ad ʒij. aliquoties da-
tum egregie benefacit , & tormina , vigiliarum caus-
sas , demulcet ; in malo graviore , si hæc parum
sunt , & *convulsiones metuuntur* , aquæ epilep. Lan-
gii pauxillum vel spiritus salis ammoniaci anisatus ,
vel spir. C. C. vel liq. C. C. succin. solus , aut cum
pauillo eff. castor. mixtus ad guttas V. vel VI. sub-
inde ex exhibendus . *Ad opiata* vero & theriacalia
non facile accedendum , nisi necessitas tandem ea
urgeat . *Nutrices* sibi caveant *ab acidis & flatu-*
lents , itemque a frigore : e contrario purgantia
& carminativa , ut essent. carmin. vel spiritus salis
ammoniaci anisatus & antispasmodica potius iis
sæpe sunt porrigenda .

V I.

De Singultu infantum .

Hoc malum etiam sæpe vehementer infantes *Cura-*
affligit ac debilitat , atque *ex pituita acri & potis-* *tio sin-*
B b *simum gultus.*

simum *acida* circa ventriculi orificium superius hærente , atque hoc una cum diaphragmate per consensum irritante , provenire videtur . *Ad hoc vero acre corrigendum* atque hac ratione singultum tollendum , *absorbentia terrea* sæpius data conducunt ; & speciatim ex *Joelis* commendatione , in quovis singultu pulv. ex corall. præp. & C. C. usto , addito vel pulv. anisi aut ol. anisi vel caryophyllorum , aut macis gutt. j. vel ij. , vel & in malo vehementiori , circa noctem pauxillo *theriaca* , egregie prodest . Quod si vero malum sit pertinacius , pituita illa acris rad. *hypercacoann.* gr. j. aliove idoneo *emetico* ejicienda .

VII.

de Aphthis .

Aph-
tha
quid . *Aphtha* sunt crusta quædam albicans , os vel ex parte vel totum intus , labra scilicet , gingivas , genas , linguam , palatum & fauces obducens , immo per oesophagum & intestina omnia ad anum usque sæpe se extendens , ubi vero periculosissimæ sunt & infantes plerumque consumunt . A multis cum *Celso* pro *ulceribus* habentur , atque in adultis quoque haud raro observantur . *Earum natura & causa* mihi nondum satis perspectæ esse videntur ; interea tamen a vitiosa humorum constitutione eas provenire verisimile est . *Lactis nutricum vitio* hoc malum plerumque adscribi solet ; sed vidi infantes , qui dum matres lactare non poterant , neque nutrices ipsis dabantur , pituantæ potu & cibis mollissimis alebantur , & tamen aphthis correpti ac mortui sunt . Linguae motum , lactis e mammis suctionem & deglutitionem difficilem reddunt ; hinc infantes mammas sugere recusant , & inquieti sunt ; forte ob dolores ,

res, quos infantilis movent. Calor p. n. etiam ac
respiratio aucta in eis ut plurimum quoque perci-
piuntur, qui de calote interno sive febricula te-
stantur. Si paucae sunt, sæpe adhuc tolluntur;
sed si copiosæ, difficillime sanantur.

V I I I.

Interea tamen in curatione fervoris humorum Cura-
& acrimoniæ correctioni atque evacuationi erit tio.
studendum, quem in finem infanti dari potest
sirup. de cichor. cum rhabarb. ℥ij. cum pulv. jala-
pæ gran. ij. vel iij. vel & mercur. dulc. gr. j. aut
ij. Postea quotidie mane *anima rhabarb.* exhibeatur
cochleare unum parvulum, & postea *pulveres &*
mixtura vel & *julepi temperantes* pro febricula &
calore p. n. interno moderando porrigendi.

Externe commendatur *raparum* in aqua deco-
ctarum succus expressus, addito tantillo sacchari
vel mellis, præsertim rosati, quo ope linteoli ac
digiti aliquoties in die os intus abstergetur, quod
& aqua salviæ & rosarum, addito melle, commo-
de fieri potest; aut & melle rosarum solo, vel
cum sirupo mororum mixto, cui parum spiritus
vitrioli, ut efficacius reddatur, addendum, sæ-
pius mundetur; vel *melle rosarum* mucilagine *se-*
minis cydon. soluto, ope penicilli vel linteoli os
probe extergatur. *Oleum myrrhæ* per deliquium,
addito pauxillo sacchari vel mellis, eodem modo
usurpatum, quandoque benefacit.

Nutrici, præmisso purgante, *anima rhabarbari*
largiter danda ac simul *absorbentia*, acido citri
vel aceto saturata, itemque essentia alexipharma-
ca ratione febriculæ cum infuso theæ aut cum ce-
revisia tenui exhibenda.

I X.

Aph-

Adultis, qui aphthis labrant, interne quoque *tharū*
anima rhabarbari, essent. trifolii fibrini, tinctura curatio
antimonii aliaque diaphoretica & antiscorbutica in ad-
sæpius danda. Externe, pro gargarismate & ore ultis.

colluendo ipsis conducit *decoctum veron.* vel alterius similis herbarum vulnerariarum cum vino, addito melle rosato, & pauxillo spiritu vitrioli ad lenem acorem; vel *serum lactis* cum lap. prunellarum, & postea partes affectarum melle rosato cum spiritu vitrioli largiter imprægnato sæpius illinendæ. Sunt qui os sæpe his in malis *colluendum* vel *abstergendum* suadent *aceto* vel simplici vel *destillato*, ac melle rosato imprægnato, quod etiam quibusdam benefacit.

X.

De Intertrigine infantum.

Intertriginis curatio.

Est *excoriatio partium genitalibus vicinarum, inguinum* præcipue ac *scroti*, ut & in rimis sive plicis colli, sub axillis aliisque subinde locis, ab *acrimonia urina ac sudoris producta*, infantibus ingratum pruritus, immo dolores, clamores, vigiliis atque inquietudinem concitante. *Ad hoc vitium tollendum*, partes ita affectarum abluantur aliquoties in die aqua tepida, & postea inspergantur pulveres exsiccantes, ut farinæ volatilis in sartagine ferrea parum tostæ & probe exsiccata; vel creta, C. C. usti, lap. alabastr. & cumprimis tutiæ, lapid. calaminaris & cerussæ, qui nodulo ex linteo paulo laxiori inclusi locis affectis sæpe inspergantur.

Si malum est gravius atque vera exulceratio adest, prædictis pulveribus addatur aliquid sacchari saturni, vel loco horum unguento de cerussa camphorato partes læsarum inungantur. Ita etiam si parum *vitrioli albi* in aqua simplici vel plantaginis solvatur, eaque intertrigo ulcerata aliquoties abluatur, egregie eam siccatur & sanat.

XI.

XI.

De Naribus obstructis infantum.

Nares infantum sæpe a *mucro crasso* ita obstruuntur, ut difficulter *respirare, sugere ac deglutire* queant; cum ad has actiones rite perficiendas nares apertæ & aeris liber per eas transitus requirantur: hinc infantes *inde valde fiunt inquieti & clamant*, quia hoc ipsis est perquam molestum; ad quod vero *vitium curandum*, præter idoneum *purgans*, revellendi causa datum, solutio vitrioli albi gr. ij. vel iij. in aquæ majoranæ ʒ℥. post filtrationem cum linteolo naribus per intervalla immittatur, vel loco hujus

℞. aq. majoran. ʒj.

vitriol. albi

elater. ā gr. ij. M.

& eodem modo applicetur: quæ mixtura *liquor errhinus est Wedelii*, humores viscidos sine sternutatione egregie liquans & educens. Si simul externe oleum amygdal. dulc. oleo destillato majoranæ imprægnatum, *radici & alis nasi illinitur*, resolvuntur inde sordes narium, & respiratio tandem libera rursus redditur.

XII.

De Achoribus, Favis, Crusta lactea.

Intelliguntur his nominibus *exanthemata scabiosa* *capitis* in infantibus, & si ea sunt in facie, speciatim *crusta lactea* appellari solent, quæ impurum & acrem sanguinem pro causa habere videntur, quem natura hic expellit, & qui, antequam

*Vitia
hac
quid
sint.*

erumpit, sua irritatione haud raro epilepsiam inducit. *Subinde a vitio matris vel nutricis* oriuntur, vel ab horum prava diæta, vel etiam *a victus erroribus ipsorum infantum*, præsertim jam paullo adultiorum, quando pluribus alimentis, & sæpe mali succi, obtinuntur, quam commode concoquere & subigere possunt. Si hæc mala vel sponte vel ineptis remediis, præsertim externis repellentibus, tractata recedunt, aut nigricantem induunt colorem, res est periculosissima: quia infantes gravibus malis ac præcipue asthma vel epilepsia corripiuntur, & inde ut plurimum moriuntur.

XIII.

*Cura-
tio.*

In *curatione* igitur hic naturæ ductum sequi debemus: adeoque præ omnibus vitandum, ne medicamenta externa, præsertim repellentia, adhibeantur; sed *potius internis agendum*, quæ sanguinem corrigunt ac temperant, noxiumque per diaphoresin sensim expellunt. Hinc, *expurgatis prius primis viis*, pro hoc scopo exhibenda & nutrici & infanti essentia alexipharmaca, vel eff. fumar. lignorum & tinctura antimonii, bis mape, & a meridie pulveres aliquoties ex lapidibus cancrorum vel conchis præparatis cum antimonio diaphoretico, succino & cinnabari; quibus, si suspicio impuritatis venereæ subest, mercurii dulcis exigua portio addenda, interpositis subinde lenibus purgantibus, præsertim si alvus non respondet. *Quando hæc mala retrocedere videntur*, vel re ipsa jam retrocesserunt, aut nigrescunt; quod pestiferum esse modo diximus, liquore C. C. succinato ex vehiculo calido sæpe assumpto, dataque essentia alexipharmaca nutrici, efficiendum, ut rursus expellantur; ubi simul *frigus evitandum*, & infantes calore probe fovendi, donec rursus prodeant.

XIV.

*Exter-
na.*

Externe omnia omittere ac negligere præstat, quam incongrua, & præsertim unguenta e sulphu-
re

re vel mercurio parata, aut loriones repellentes ac frigidas adhibere: quia his ad viscera interna repelluntur, & vel mors vel alii morbi graves his ipsis concitantur. Si tamen tandem, mundantibus internis diu usurpatis, externe aliquid desideratur, oleum ovorum recens, vel butyrum recens non salitum, vel medulla ossium vitulindrum, vel cremor lactis ad emolliendas crustas & ulcera sananda adhiberi optime possunt. *Malum saepe est pertinax*, atque patientia tunc & parentum & Medicorum indiget; *nutrici* vero tunc subinde purgantia quoque, quotidie autem per satis longum tempus alexipharmaca & sanguinem purificantia danda sunt, victusque bonum regimen servare debent.

XV.

De Tussi & Respiratione difficili cum catharro.

Ex frigore vel prava aeris constitutione infantes *Causse harum.* saepe his malis afficiuntur, quibus serum faucium, bronchiorum, & asperæ arteriæ vel acius vel spissius redditur, atque hæc ipsa symptomata concitantur; quibus plerumque etiam *coryza*, immo & *febricula* juncta sunt. Quia igitur a frigore & transpiratione læsa plerumque oriuntur, in curatione studendum ut abundans materia noxia per alvum primo educatur postea transpiratio diaphoreticis restituatur, & lymphæ vel acris vel spissa corrigatur.

XVI.

Igitur primo idoneum purgans & infanti & nutritrici, præsertim si & hæc tussi laboret, detur; *Cura- tio.* deinde infusum specierum pectoralium cum saccharo canto, ut thea, utrique aliquoties in die exhibeatur; præterea Elixir. pectorale Wedelii, vel spiritus salis ammoniaci misctus, vel utraque mixta,

vel & essentia alexipharmaca apta copia cum hoc infuso assumantur. His interponantur subinde *pulvis pectoralis* ex sperm. ceti recenti (quod hic prestantissimum) pulv. bez. aut Marchionis cum flor. sulphuris, vel etiam lapid. tantum cancerorum, rad. irid. florent. & saccharo canto paratus, qui vel cum thea vel aqua aut julepo pectorali dandus. Aut loco hujus pulveris *linctus* quoque *pectoralis* ex sperm. ceti, oleo amygdalarum dulcium recente, liq. C. C. succinato & sirupo pectorali confectus sæpius exhibeatur. In *graviori* pectoris *catarrho*, *asthmate* & *ronco pulmonis* spiritus salis ammoniaci, vel liquor C. C. succinatus solus, repetitis sæpe vicibus, ad guttas V. VII. vel plures datus, haud raro huic malo tollendo sufficit; qui & *nutrici* tunc optimo cum successu exhibetur. Immo in *nimia pituita copia* in pulmonibus, & inde nato *suffocationis metu*, etiam lene *emeticum*, ex tartari emetici, vel sulphuris antimonii quarta parte gr. valentissimum est, & pro deploratis fere habitos ex orei quasi sancibus jam sæpius eripuit; cui *clysteres* quoque deinceps apte subjungi possunt. *Pulvis* denique *seminis anisi* & iridis florent. cum saccharo canto ac pauxillo sperm. ceti recentis, cui & olei anisi guttæ aliquot commode admiscuntur, sæpe exhibitus, hic etiam valde prodest.

XVII.

De Diarrhœa infantum.

Causse Hac in diarrhœa, æquæ ac in aduitorum, natura aliquid supervacanei, vel acris & noxii, quod *cu-* intestina nimium irritat, expellere satagit. Oritur *ratio.* hoc vitium sæpe a *nimia aut frequentiori lactis serioris* & acrioris suctione; vel *ob lasam a frigore transpirationem*, atque ad primas vias translationem.

Ergo

Ergo hic alvi fluxus minime mox adstringentibus aut opiatīs cohibendus, sed potius vitiatorum humorum excretio evacuantibus primo juvanda ac promovenda, deinde roborantia & modice adstringentia his subjungenda. Utrique scopo, ut in diarrhœa & dysenteria adultorum Cap. VIII. §. X. & XIV. *rhæbarbarum* vel in pulvere, vel in essentia, apta dosi datum, omnium optime convenit, & cum primis essentia sive *anima rhæbarbari*, per aliquot dies mane & circa vesp̄eram danda, donec alvi fluxus remittat. His interponi apte possunt pro acrimonia, quæ hic ut plurimum a lacte corrupto acida est, corrigenda, *absorbentia terrea*, & præsertim subadstringentia, ut corallia, C.C. ustum, crystall. mont. præp. &c. quæ simul tunc diaphoreticam virtutem exerunt, quæ & *nutrici exhibere* consultum est. In malo graviore, ubi hæc parum sunt, vel pulveribus illis aliquot grana pulveris *corticis cascarillæ* addi, vel decoctum hujus aut etiam *corticis peruviani* forte, vel extracti horum part. j. in aquæ plantaginis, menthæ aut cinamomi cydoniatæ part. iv. soluti, ad guttas l. lx. vel cochlearis unius parvuli singulo trihorio vel quadrihorio danda. *Externe balsama stomachica* ex oleo nucis moschatæ expresso, oleis destillatis carminativis & stomachicis imprægnato, ventriculo totique abdomini calide sæpius inungenda. *Nutrix* a frigore ac nimio potu absteineat, atque modica ac temperante utatur diætâ.

XVIII.

De Urina suppressa, ejusque difficultate.

Urinæ difficilis excretio aut ejus omnimoda suppressio in infantibus [a] ab humoribus viscidis, la-
Causæ & effectus.
ctis

(a) De adultorum jam supra p. 251. egimus.

Etis vel aliarum rerum vitio ortis, & renes obstruentibus, vel a vesicæ tono relaxato, vel sphincteris ejus spasmodica constrictione oriri videntur: unde dolores, convulsionones & alia mala sæpe proveniunt. Quare humores illi spissi ac viscosi incidendi & fluxiles reddendi, tonus vesicæ laxatus roborandus, atque ad constrictionem excitandus ac stimulandus, & spasmodica cervicis vesicæ constrictione antispasmodicis & emollientibus relaxanda.

XIX.

Cura- Præstare hoc possumus primo salibus mediis, tio. ut tartaro vitriolato, arcano duplicato, &c. vel per se ad ℥℥. datis, vel cum semine lycopodii æquali copia, tanquam diuretico & antispasmodico in pueris præstantissimo, quæ ex aqua petroselinii, chæresolii, vel alkekengi data, & si opus, post temporis intervallum repetita, optime profunt: atque his subinde haustulus solius aquæ petroselinii, aut ceterarum laudatarum aquarum interponendus, quibus haud raro solis sæpius usurpatis urinæ fluxus restituitur. Emulsio ex amygdalis amaris vel nucleis persici cum aqua petroselinii aliave simili facta, est quoque hic valde egregia. Pubis regio infantibus his frequenter calide fricetur oleo scorpionum, oleo juniperi, succini & anisi roborato, eique postea cataplasma ex cepis affatis superimponatur calide; vel ex cepis, allio, herba chæresolii & petroselinii; quibus etiam oleis renum regio, quando forte causa in his latet, calide fricanda: atque hæc etiam remedia in calculis parvis expellendis, valde proficua sunt. Si denique hæc omnia parum sunt, & symptomata urgent, cathetere apto urina e vesica est emollienda; id quod longe facilius fit in puellis quam pueris. Plura de urina adultorum suppressa vid. supra Cap. XII. §. XIV. p. 257.

XX.

XX.

De Atrophia sive Tabæ itemque Rachitide infantum .

Hi morbi ut plurimum apud infantes ex chylo
 & sero viscido , in mesenterio congesto , glandulas mesenterii obstruente , atque ne chylus ad sanguinem rite pervenire queat , impediēte , oriuntur : hinc venter partim a tumore glandularum mesenterii obstruendarum , partim a laxitate intestinorum , a multa pituita inducta , plerumque vehementer intumescit , reliquæ autem partes tabe quasi consumuntur . Quoniam vero de his morbis supra pag. 188. & seq. jam actum est , plura hic de iis non proponemus .

*Causse
& sedes .*

XXI.

De Dentitione difficili .

Mense sexto , septimo & sequentibus dentes ut plurimum infantibus ex alveolis suis per gingivas prodire incipiunt ; ubi autem sæpe ob dentitionem difficilem , præsertim quando dentes canini erumpere debent , oriuntur gingivarum tumor & inflammatio , unde dolores , clamores , vigilie , febres , convulsio , epilepsia & sæpe mors consequuntur . Quando igitur ejusmodi symptomata in illis incidunt , arduum profecto sæpe est divinare aut conjectura assequi , unde aut qua ex causa hæc mala oriantur , cum & ex aliis sæpe proveniant , & qua ratione curatio recte instituenda : eoque factum mihi esse videtur , ut veteres jam conqueſti sint atque exclamaverint , difficile esse infantibus mederi , quia quid , aut ubi , aut unde

*Dentitionis
symptomata .*

pa-

patiantur , nobis dicere vel revelare non possunt. Hinc quam sagacissime , quantum fieri potest , ponderanda ac perpendenda sunt omnia phænomena , donec ex iis vel certe , vel verisimiliter minimum , utrum mala illa a dentitione difficili , an a lacte corrupto , an alia ex causa ortum trahant , perspiciamus .

XXII.

Signa. Indicantur vero ea mala a dentibus exitum molientibus provenire , si infantes multum clamantes (quo quippe clamore dolores suos nobis significare solent) digitos sæpe in os intrudunt papillas nutriticum vel digitos alterius personæ intra eorum maxillas insertos , fortiter mordent , si saliva solito largius ex ore effluit , in gingivis maxillarum , ubi dentes primi erumpere solent , tubercula inæqualia & digitis & oculis , itemque calor p. n. & in ore & in toto corpore , ac speciatim in pulsu percipiantur . Accedit quod simul sæpe subito sine causa externa expavescant , & præsertim in somno , atque ut plurimum alvi simul fluxu laborent ; quod ultimum tamen longe melius est quam si alvus , ut haud raro fit , sit constipata .

XXIII.

Cursus. Quando igitur ex his aliisque indiciis mala illa a dentibus concitari judicamus , ea non melius curantur , quam iis , quæ dentium eruptionem promonent , hoc est , quæ gingivas duras , crassas ac tumidas emolliunt & atterunt , inflammationem earum resolvunt , caloremque p. n. blande temperant : ut sunt interne pulveres & mixture aquosæ , temperantes ; externe vero oleum amygdalarum dulcium cum sirupo violarum , aut papaveris rhœad. vel sirupus florum papaveris , vitrioli spiritu leniter imprægnatus , si sæpe gingivæ iis fricentur . Interponantur his ea quæ gingivas atterunt , ut sunt corpora dura , glabra , sicut dens lupi , crystallus vel agathus politus , vel frustum matris per-

perlarum læve, aliave similia, quæ infantibus sæpe in manus dentur, ut ea in os ingerant, vel ad mandendum ea in os ipsis immittantur. Ita & *frustum cutis recentis. lardi* sic usurpatum utrique scopo sæpius egregie satisfacit. Specificè multi hic commendant ac laudant *cerebrum leporis cocti*, aut *sanguinem cristæ galli recentis* pro ingivis his ipsis illinendis.

XXIV.

De Epilepsia infantum.

Epilepsia infantum recens natorum ut plurimum vel a *meconio* non satis expurgato, vel post hæc a *lacte corrupto* & acido, ut jam supra §. I. & III. diximus, vel a *dentitione difficili*, vel ab imminentibus *variolis*, vel a *vermibus* oritur. Si a *meconio*, curanda ut §. I., si a *lacte corrupto*, ut §. II. & III. docuimus; sin vero a *dentitione difficili*, facienda primo ea sunt quæ §. XXIII. modo proposuimus, sed præterea *epilepsiam* & *convulsiones inde sæpe oriundas* egregie & avertit & minuit, immo sæpe tollit, præmissis & interpositis prædictis, spiritus C. C. vel liquor C. C. succinatus, tamquam egregia *nervina* & *antispasmodica*, ad aliquot guttas aliquoties in die exhibiti, qui & vertici, cervici, temporibus atque naribus cum fructu sæpe adhibendi; itemque *pulveres absorbentes*, supra §. II. & IV. laudati, ac speciatim pulvis ex lumbricis terrest. pulvis item Marchionis, & specificum cephalicum Mich. non omittis, præsertim si *alvus obstructa*, lenibus purgantibus & clysmatibus sæpius jam indicatis, eisque alvus semper aperta, quod hic utilissimum est, servetur. Quando vero his symptomata non cedunt, *tumor gingivæ*, ubi dens erumpendus latet, *scalpello*, ad dentem usque

usque subtus latentem transversim incidendus, id quod sine periculo fit & sæpe omnia tollit symptomata; quo etiam in casu, quia inflammatio in gingivis adesse solet, *vena sectionem*, ut efficacissimum & quasi infallibile remedium hic laudat celebris Sydenhamius; id quod tamen non semper esse experientia edocuit sum. Quando *epilepsia a vermibus* ortum habet, vermes destruendi, sicut cap. XVI. §. 33. & seq. itemque infra in hoc capite §. 29. proposuimus; ea vero, *que imminentibus variolis* incidit, non adeo est pertimescenda; quia eis erumpentibus sponte cessat. Adeoque nihil aliud requirit, quam ipsæ variolæ, blande scilicet temperantia & eruptionem promoventia, sicut hac de re uberius Cap. IV. & speciatim pag. 67. & 68. proposuimus.

XXV.

*Mala
a ni-
mia re-
pletio-
ne.*

Quod si vero illa mala §. XXII. *clamores* nimirum, *vigilia*, *febres*, &c. non a dentitione oriuntur, plerumque a *lacte corrupto* vel & a *nimia eorum repletione*, præsertim cibis incongruis facta, provenire solent. Si a *lacte corrupto*, curatio ut §. II. & III. dictum, est instituenda; sin autem a *nimia repletione* ventriculi & cruditatibus inde ortis, ex *purgantibus*, ac *clysmatibus* vel etiam, pro malorum diversitate, blandis *emetiis* evacuandæ & postea pulvere seminis anisi, anima rhabarbari aliisque stomaticis & carminativis remediis internis & externis ventriculus roborandus.

XXVI.

De Ophthalmia infantum.

Cura. Ophthalmia sæpius quoque infantes affligit, eo-
que haud raro, vel *suppuratione* inducta, vel *cor-*
terna. nea alba & opaca facta, cæcos reddit, nisi sum-
ma

ma cura tunc tractetur, atque in infantibus varias ob causas nunquam periculo vacat . Oritur *sæpe a vicio lactis nutricis*, nimum forte acris, vel & hac ipsa scorbutica aut & quandoque venerea labe affecta . Adeoque in *curatione* tam *nutrici*, quam infanti danda sunt medicamenta idonea, tam *purgantia*, quam *alterantia*, catarrhis, scorbuto aut morbo venereo propria, & quidem purgantia hic cum mercurio dulci semper maritentur . Ex *alterantibus* vero conveniunt ess. alexipharm. essentia & decocta lignorum, infusum herbarum euphrasie cum rasura ligni sassafras, ad modum theæ sæpius haustum, pulveres diaphoretici ex lap. cancror. succino præparato, antimonii diaphoretico, radice valerianæ, semine anisi, fœniculi &c. compositi, quibus subinde, præsertim ubi scorbuti vel luis venereæ suspicio est, aliquid mercurii dulcis recte additur.

XXVII.

Externe oculi defendendi, ne ab acri lymphæ erodantur, & stases sanguinis hic factæ resolvendæ: id quod commode fieri potest *collyriis ex aquis ophthalmicis* & cumprimis euphrasie, flor. cyani, valerianæ, fœniculi, chelidon. majoris, calcatriæ, &c. Si uncia uni vitrioli albi, vel sacchari saturni gr. ij. & camphoræ sem. melon. tritæ gr. j. vel spir. vini camphorati 3j. addantur, eisquæ sæpe oculi tepide eluantur atque abstergantur. Quidam his aquis *amyli albi*, *tutia* vel *lapidis calaminaris* præparati aliquot grana addunt, vel & *aliquid aloes*, iisque eadem ratione utuntur . In quibusdam casibus parum pulveris mercurii dulcis addo. Præterea *amuleta* ex radic. imperatorie aut valerianæ cum camphora sæpe etiam hic multum profunt, & in malo pertinaciori *vesicatoria* cervici aut brachiis, immo & in paullo adultioribus, ipsi vertici feliciter adhibendum; vel & si omnia hæc parum sunt, *fonticulus* in brachio excitatur .

*Cura-
tio ex-
terna .*

Si

Si *adhuc ubera sugunt*, attamen ad annum accedunt, vel eum jam superarunt, sæpe eos fere sponte a pertinacibus oculorum inflammationibus curatos vidi, postquam solum a nutrice, licet sanissima visa sit atque etiam revera fuerit, remoti fuerunt. *Diatæ* quoque hic magni est momenti, adeoque tam a nutrice, quam pueris probe observanda.

XXVIII.

De Maculis oculorum, Nebula, Albugine.

*Cura- Hæc vitia, de quibus jam Cap. XIV. egi, et-
rio.* iam sæpe in infantibus ex ophthalmia in tunica oculi cornea oriuntur, & vel eam comitantur, vel etiam sedata inflammatione adhuc restant, atque visum vel ex parte vel ex integro tollunt. Ita etiam sæpissime in *variolis*, vel etiam post has, bene licet superatas, incidunt. Si *inflammatio adhuc adest*, iisdem remediis internis potissimum & externis §. 36. & 37. est continuandum, *purgantiaque* idonea sæpius interponenda, ubi etiam externe trochiscos alb. Rhas. ʒʒ. in aquæ cujusdam ophthalm. ʒiij. solutos, egregios deprehendi, itemque aquam ophthalm. Quercet. ex croci metall. aliquot granis in aquæ ophthalm. ʒj. infusis, paratam, oculisque sæpius instillando & abstergendo adhibitam, Si *macula illa alba sine inflammatione restant*, præter aquas has quotidie *pinguedo viperarum* bis vel ter oculis ad gutt. j. vel ij. instillanda, vel *pinguedo ascia piscis*, aut *sperma ceti liquidum*; quibus ipsis sæpe, si non nimis densæ sunt, tolluntur. Quando a *variolis ortæ*, & adhuc recentes sunt, sæpequens purgatio cum mercurio dulci instituenda, atque deinceps interna & externa modo laudata quam solertissime adhibenda; si vero hæc *macule jam in-*
vete-

veterata, vix aut raro tolluntur, & acrioribus potius oculus omnino destruitur, quam emendatur. Sciendum enim, quod mala hæc sæpe admodum sint pertinacia, quæ moram & patientiam parentum & ægrorum requirunt, qui monendi, ne mox, si malum brevi haud cedat, ad agyras confugiant, qui vitia hæc sæpe acribus valde medicamentis aggrediuntur, atque vi quasi ea eradicare volunt: verum eis oculos sæpe omnino corrumpunt. Ita nec Medicus mox ad acriora eandem ob causam accedat, sed blandis patienter continuet, vel & quandoque per aliquod tempus a medicamentis externis prorsum abstinere; neque desperet prorsus de mali curatione, quando oculi fabrica nondum destructa est: nam tempore haud raro sponte hæ maculæ in pueris dissipantur, & præstat tranquilla potestas, quod violenta nequit; natura enim hic non vult cogi, sed blande duci.

XXIX.

De Vermibus sive Lumbricis.

Quando infantes magis adolescunt & alimentis *Vermes* crassioribus nimisque copiosis, panē scilicet, fari- *quotu-* nosis, carnibus, caseo, saccharatis, crudis & dif- *plices* ficulter digerendis vescuntur, præsertim si debilio- *& effe-* ris, frigidioris & pituitosi sint temperamenti, al- *ctus.* tero, tertio & sequentibus annis VERMES sive LUMBRICI sæpe in ipsorum ventriculo & intestinis generantur, iique ut plurimum, teretes, *lumbrici* ob similitudinem dicti, [rarius *lati*, vel *ascarides*] qui plerumque multæ pituitæ involuti, in ventriculo aut intestinis, cum multis gravibus symptomatibus haud raro hærent: Rarius vero in infantibus robustis & vegetis observantur, sed plerumque ut jam dixi, in debilioribus, frigidioribus, teneris, pituitosis. *Efficiunt vero ver-*

mes irritatione sua, rosione ac morfu dolores ventris, nauseam, vomitus, diarrhoeas, animi deliquia, pallorem, pulsum debilem, inaequalem, intermittentem, pruritus narium, tormina & clarescentes, borborygmos, febres, tabem, insultus epilepticos, &c. sicuti jam supra Cap. XVI. §. 23. & seq. ubi de vermibus adutorum actum est, indicavimus. At consumptione chyli producunt in infantibus saepe voracitatem, debilitatem, maciem, alvum adstrictam, immo quandoque ipsa intestina perforant, & abdominis cavum ingrediuntur, sicut aliquoties in cadaveribus eorum incisis observavi: quo ipso tumores ventris, atroces cruciatus, epilepsiam aliaque saevissima mala & plerumque mortem ipsam inducunt.

XXX.

Dia- Cognoscuntur ex aetate, temperie frigida, pallido
gnosis ut plurimum faciei colore [quamvis hic saepe fal-
eorum. lat] palpebris lividis, concavis, pruritu narium
frequenti, voracitate, terroribus in somno, caeterisque §. 29. enarratis symptomatibus, & cumprimis quoque *singulari spiritus sive oris fatore* aliisque supra Cap. XVI. §. 34. adductis signis; quam maxime tamen etiam quando semel iterumque vermes vel per os vel per anum ab ipsis exiisse observati sunt. Quoniam igitur tam gravia mala, immo ipsam mortem infantibus & pueris saepe inducunt, non negligendi, sed mature efficacibus remediis sunt curandi.

XXXI.

Cura- In curatione igitur pituita, tanquam nidus eorum, eique simul ipsi sunt destruendi, enecandi atque expellendi: id quod in adultis optime fieri Cap. XVI. §. 36. & sequ. docuimus, variis *amaris, martialibus, mercurialibus*, ac *purgantibus*, ex quibus vero Medicus ea hic seligere studeat, quae infantibus ac pueris commodissime ingeri possunt: ut sunt *decoctum mercurii* in aqua vel lacte, aliquoties

quoties in die ipsis ad uncias aliquot datum; porro *infusum seminis cinæ* vel *florum tanaceti* in vino malvatico aut canariensi, ad cochlearia duo vel tria pro dosi aliquoties in die; præterea *semen cinæ* cum melle subactum; vel *mercurii dulcis* gr. j. cum saccharo aut pulvere quodam grato aut insipido exhibitum, quibus simul *externa* Cap. XVI. §. 39. nominata addi, atque *purgantia* §. 38. recensita subinde interponi; immo & *clysteres ex lacte*, præsertim quando purgantia sumpserunt, ad eos deorsum invitandos, injici debent, servata semper diætâ modica.

XXXII.

De Variolis & Morbilibus.

Capite quarto, pag. 65. & seq. satis actum est, adeoque lectorem ad illud remittimus. Hic solum adhuc monere volui, quod in infantibus *variola* sæpius cum *epilepsia* incipiant, quæ vero hic nihil mali denotat aut infert, sed eis vel sponte vel ope diaphoreticorum erumpentibus, cessat.

DE HERNIIS infantum, ac speciatim *umbilici*, *inguinum* & *scroti*, infantibus & pueris valde frequentibus, de *hydrocephalo*, *calculo vesicae*, *aniprocedentia*, *ranula linguae* aliisque infantum morbis, manuum auxilium desiderantibus, vid. Institutiones nostræ chirurgicæ.

M O N I T A.

Quædam practica circa morbos infantum.

1. *Difficile est mederi infantibus*: primo quia, quid patiantur, quidve doleat, & ubi, dicere nequeunt; deinde quia medicamenta rix aut ægre assument.

2. In morbis infantum quibuscumque primorum dierum præcipue explorandum, *an meconium satis sit expurgatum*; quod si non sit, hoc quam primum adhuc est expurgandum.

3. Subsequenti tempore in eorum morbis *ad lac corruptum* & *acescens*, postea *ad dentitionis tempus*, & denique in paullo adultioribus *ad variolas* & *vermes* est attendendum.

4. In infantum morbis semper, *an alvus sit aperta*, inquirendum, & ut sit, probe curandum.

5. *Ad nutricem* semper simul respiciendum, eique & *diæta* & *remedia* morbo præsentī congrua sunt ordinanda.

6. In *febris acutis*, temperantia, ut in variolis, ipsi danda, atque aliquid camphoræ appendendum. Nutrices quoque temperantibus & in victu vegetabilibus utantur; a carnibus vero abstineant.

7. In *intermittentibus*, primæ viæ purgandæ, postea eff. rhab. sæpe detur: & si hæc intra aliquot dies non fugatur, decoctum sorte cort. chinæ frequenter exhibeatur.

CAPUT XIX.

De Venenis.

I.

Veneri definitio facilis. **V**enenorum cognitionem eorumque curandi rationem, quia tam multi eis pereunt, Medico summe necessarias esse existimo; etiamsi hæc doctrina in plerisque libris practicis prætermissa & neglecta sit, Sed *quid venena sint*, aut quid per ea proprie intelligatur, quamvis plerisque, & cum primis præcipitanter judicantibus, facile videatur, tamen prudentibus ob magnam eorum diversitatem,

tem, & cumprimis quia multa, immò pleraque eorum certa ratione atque prudenter adhibita, præstantissima etiam sunt, aut fieri possunt medicamenta, multa e contrario nobilissima medicamenta, sinistre aut imprudenter adhibita, fieri possunt ac solent venena; definitionem perfectam dare, quæ omnibus conveniat, jam dudum atque adhuc hodie multis eruditis difficillimum visum est, adeoque donec quis forte perfectam exhibeat, sequens descriptio pro aliqua eorumdem idea formanda sufficere poterit.

II.

Intelligo autem per *venena*, corpora naturalia, quæ parva mole intra corpus nostrum assumpta, vel alia ratione, ut per morsus aut vulnera, aut sub fumi aut vaporis specie ipsi applicata sive ingesta, nunc brevi, nunc tardius, gravia eaque sæpe horribilia symptomata, principes corporis nostri actiones lædentia, invertentia, & mortem ipsam frequenter inducunt. Græcis *toxica*, immo & *pharmaca*, sed addito plerumque adjectivo *delecteria*, vocantur: quia *pharmaca* etiam medicamenta significant.

Quid
venena

III.

Dividuntur hinc 1. in *celera* & *tarda*; 2. in *Divi-*
rodentia, *corrodentia*, sive *caustica*; 3. in *acida* sive *co-*
& *alcalica*; 4. in *obstruentia*, vel ob vim vasa mi-
nora vehementius *adstringentem*, vel ob qualita-
tem humores nostros sanos nimis *inspissantem*, ut
per subtiliores ductus arterias & nervos fluere ne-
queant; 5. in *narcotica* sive *stupefacientia* ac *so-*
porifera; 6. in *mineralia*, *vegetabilia* & *anima-*
lia; 7. quædam etiam horum venenorum, dici
possunt *naturalia*, ut plerumque sunt venena vege-
tabilium & animalium, atque nonnulla etiam ex
mineralibus; quædam vero *artificialia*, quæ vel
per ignem sive artem chemicam, ut pleraque mi-
neralia, vel *mechanica* quadam ratione conficiun-
tur,

tur, ut *adamas*, *crystallus*, aut *vitrum* rudi modo contusa & ingesta, quæ ob spicula sua acuta, pungentia ac scindentia ventriculum & intestina lædunt, vulnerant, ac destruunt, vel *apex cultelli*, culter ipse, *acicula*, aliæve similes res mechanice præparatæ atque vel imprudenter vel casu deglutitæ. Quædam vero eaque summe perniciofa venena *putrefactione* etiam generantur. Quæ venena *ex regno minerali*, natura vel arte producuntur, *acida ut plurimum sunt indolis*, ut spiritus sulphuris, vitrioli, aqua fortis, &c. magna copia sumpti, mercurius sublimatus, præcipitatus, butyrum antimonii, & alia §. VIII. quæ vero *venena regno vegetabili vel animali* ortum debent, ut plurimum *alcalica sunt natura*: ita ut nullum nunc vegetabile acidum mihi succurrat, quod venenatæ sit indolis, sed *omnia vegetabilia venenata alcalica sunt*, eaque vel *rodentis* sive *causticæ indolis*, ut aconitum, helleborus, euphorbium, rithymalus aliæque plura §. VIII. recensenda; vel ob vim *inspissantem*, sive *obstruantem* vel *narcoticam* noxia deprehenduntur, adeoque vegetabilia acidi saporis tuto tam in esca, quam in medicamento adhiberi solent.

8. Veteres etiam a qualitate vel nimis *calefaciente* aut *frigefaciente* venena in *calefacientia* & *frigeficientia* dividerunt; quæ divisio, licet a quibdam ut inutilis prorsus rejiciatur, certo tamen modo & certis in malis retineri potest, dum quædam refrigerantibus, alia calefacientibus remediis curanda. Prisci quamplurimis venenis *qualitates occultas* adscripserunt; quarum vero naturam maxima ex parte hodie satis manifeste demonstrare possumus, ut ex sequentibus uberius patebit. Quoniam vero omnia illa venena gravia mala & quam sæpissime ipsam mortem concitant, de præcipuis una cum eorundem medendi ratione hic nunc acturus sum:

IV.

Antequam vero ulterius hoc in argumento progrediar, diversa hæc venena §. III. adhuc paulo intimius hic perscrutanda atque exponenda esse existimo, ut natura eorum & quomodo agant, melius perspecta, in curatione eorum, ad ductum sanæ rationis, tanto curatius, ac certius progredi queamus, cum veteres varique adhuc recentiores in eis curandis empirico fere tantum modo, & sæpius sine omni ratione egerint, & quidquid antecessores contra hoc vel illud venenum laudaverunt, id & ipsi ad eorum ductum commendaverint.

Natura eorum exponenda.

V.

RODENTIA igitur venena sunt corpora acria, fluida vel solida, gradu quidem acrimoniæ diversa, sed ita tamen acria, ut in ventriculum & intestina, vel sub cibi, potus aut medicamenti nomine delata, vel etiam casu aut per errorem ingesta, particularum suarum figura acuta, rigida, ancipite, pungente & scindente, hæc viscera irritent, pungant, vellicent, secent, inflamment, erodant, exulcerent, ac tandem gangrana & sphacelo inductis corrumpant ac destruant. Hinc quia in partibus internis fere ut medicamenta caustica externa in cute agunt, hæc venena interna rodentia corrodentia, caustica & adurentia dicuntur, Itaque effectus illorum in corpore humano sunt, ut primo irritatis, & arrosis ab eis fibris faucium, œsophagi, ventriculi atque intestinorum nerveis, oriantur in hisce partibus ardor, inflammatio, dolores acutissimi, nausæ, spasmi, vomitus, singultus, convulsionones, tremores, fluxus alvi serosi, subinde cruenti, quandoque & purulenti, ac foetidissimi, pro illorum venenorum varietate. Deinde autem, quando partes eorum in sanguinem penetrarunt, non solum acrimonia sua, irritando vasa sanguifera, varias in œconomia corporis & præsertim cordis, arteriis, pulsu, respiratione, ac sensibus

Rodentia quomodo agant.

bus turbas & febres concitant, verum sanguinem & serum pervertendo, coagulando ac destruendo, gravissimis symptomatibus, doloribus, anxietatibus interitum tandem corpori inferunt.

VI.

Sunt ACIDA vel ALCALICA hæc §. V. *rodentia vel aci sunt venena*, utraque acerrima, atque eadem fere *da vel* ratione & solidas & fluidas corporis nostri partes *alcali-* afficiunt: tamen, quia contrariam fere curandi *ca.* rationem exigunt, probe a se invicem sunt distinguenda: dum *acida alcalicis*, *alcalica vero venena acidis* potissimum remediis destruantur.

VII.

Natura acidorum.

VENENA igitur ACIDA pleraque, si non omnia, sunt *artificialia*, ut *spiritus omnes acidi*, ex mineralibus parati; iusto majori copia assumpti, ut spiritus sulphuris, & qui hujus soboles sunt, spiritus vitrioli, & aluminis, item spiritus nitri ac salis, & quæ rursus ex his fiunt, aqua fortis, aqua regia, oleum vitrioli, butyrum antimonii. Præterea *sales metallici*, ut mercurius sublimatus, mercurius præcipitatus, albus, ruber, viridis, turbith minerale, arcanum corallinum, vitriolum, præsertim veneris, argenti, qui lapis infernalis vocatur, aliaque ex his producta acriora, quæ partes quas attingunt, sua acrimonia lædunt, irritant, erodunt, discindunt, destrunt & speciatim *sales metallici horrendas nauseas, vomitus, anxietates, tremores, convulsiones, pessimaque alia mala inducunt.*

VIII.

Alcalicorum.

ALCALICA vero *venena* sunt partim *naturalia*, partim *artificialia*. *Naturalia* in vegetabili potissimum regno deprehenduntur, ut *aconitum* sive *napeplus*, *helleborus* uterque, *cicuta* (a) & *ananthe* suc-

[a] De *cicuta* effectib. vid. *Wepffer* de *cicuta aquatica*.

succo viroso , croceo (a) , laureola sive mezeri bacca , grana coccignidii etiam dictæ , scammonium , tithymali , euphorbiæ , apocyna , colocynthis , helleboroides Boerh. cristophoriana , ranunculi & clematitides urentes , nicotiana , fangi quidam acres venenati , corona imperialis bulbi hyacinthi , colchici , &c. Quo & certo modo arum , arisarum atque omnia fortiora purgantia & emetica referri possunt , si nimia copia ingeruntur : quia in omnibus his sapor acris , sal acre alcalinum indicans , linguam , fauces , œsophagum , immo & ventriculum & intestina acrimonia sua arrodens & inflammans percipitur . Deinde adhuc varia venena sunt alcalica sponte vel arte producta , ut primo quæ putrefactione oriuntur , ex oleis putrefactis olivarum , amygdalar. multisque aliis , itemque ex putrefacto butyro , lardo , pinguedine aliisque animalium partibus ac humoribus putredine corruptis , quæ assumpta acerbissima sæpe mala concitare solent .

Deinde quadam venena alcalica ignis vi producuntur , ex sale alcali , (ut cineres sunt clavellati) & calce viva , quæ lapides caustici appellari solent , externe in chirurgia sæpe utiles . Præterea ad venena alcalica etiam pertinent nonnulla animalia , & præsertim insecta , ac nominatim cantharides , quæ interne sæpe gravia mala inducunt , ac denique morsus animalium , venenatorum vulgo dictorum , ut scorpii , apum , vesparum , araneorum , serpentum , speciatim viperarum & canis rabiosi .

IX.

Tandem ad venena rodentia & scindentia , mechanica illa §. III. adamas scilicet , crystallus & vitrum rudius contusa , aciculæ , cuspis cultelli & similia etiam referenda ; quæ vero quomodo agant , supra

Mechanicorum.

(a) De hac vid. notabilis observ. in *Wielii* obs. Med. 43. quæ gustata brevi duobus mortem intulit.

supra jam indicavimus, curatque sunt difficillima.

X.

Ob- Ad OBSTRUENTIA VENENA pertinent *gypsum, calx* aliaque corpora calciformia, *creta, præparata ex plumbo*, ut *plumbum ustum, lithargyrium, cerussa, tutia, lapis calaminaris, minium* & similia, item *saccharum saturni & vinum lithargyrio imprægnatum* aliaque ex *plumbo* vel *saturno*, aut & ex *stanno* producta: quæ vasa & præsertim lactea, aliaque in ventriculo & intestinis absorbentia, una cum glandulis harum partium vehementer adstringunt, obturant, eoque ipso dolores colicos acerbissimos, convulsiones, debilitates, paralytes, animi deliquia, tabem & atrophiam aliaque funesta mala inducunt: immo & *fumus & pulvis plumbeorum* respiratione attracti, *asthma, tabem* aliave mala metalla hæc tractantibus (a) & figulis (b) concitare solent. Ad obstruentia etiam a nonnullis *mespila immatura* aliaque similia fortiter adstringentia referunt. Deinde corpora illa, quæ vim habent humores nostros nimis inspissandi, ut oscula vasorum minorum & speciatim lacteorum aliorumve absorbentium in primis viis transire nequeant: sicut sunt *fungi quidam venenati, glutinoso viscido succo abundantes, viscum arboreum varium, semen psyllii, sanguis tauri & similia varia*.

XI.

Narco- Inter NARCOTICA & stupefactiva sive soporifica *fera* primum est *opium* adeo decantatum, deinde *hyoscyamus, solanum & inprimis furiosum, Bella donna dictum, stramonium sive datura, cynoglossum, mandragora, lolium, lupulus, cannabis &c. spiritus*

[a] Vid. *Stöckhusius* in libello de lithargyrii fumo noxio. [b] *Timaus* in casib. Med. Lib. VII. cas. X. & *Ramazzini* de morb. artif.

tus vini & omnia inebriantia ; in quibus sal alcalicum , acre , idque volatile , cum narcotico sulphure prædominatur , quod non tam vi rodendi , ut cetera §. VIII. nocet , verum motus in sanguine auctos , postea nimios , atque ope horum primo hilaritatem , vires auctas , stimulum in venem , tandem soporem , sentiendi facultatem ablatam , deliria , stuporem , spasmos , convulsiones , fatuitatem , aliosque pravos effectus producere videtur ; id quod uberius ex curatione horum malorum probatur : dum *efficacissima remedia* contra soporem aliosque effectus opii , solani , hyoscyami , lolii & ebrietatis , sive ea vino sive spiritu vini , sive etiam cerevisia inducta fuerit , sunt acida , ut *acetum* , *succus citri* , cremor tartari , aliaque fere *quæcumque* , larga satis copia assumpta .

XII.

ANIMALIUM VENENA pleraque morfu potissimum nocent , ut *serpentum* , *viperarum* , *scorpionum* , *tarantula* , *aranearum* , *apum* , *vesparum* , *canis* aliufve animalis *rabiosi* , quando scilicet ipsorum saliva venenata , dentibus adhærens , cum ipso sanguine per vulnus morfu factum communicatur , quod *venenum non acidæ , sed alcalicæ & speciatim saponacæ* esse indolis , varia suadent phænomena , & præcipua eorum , *viperæ* nimirum & *animalium rabiosorum* , funestissima inducunt symptomata , immo sæpe mortem . *Cantharides* vel iusto majori copia intus usurpatæ , vel extus ad vesicas excitandas largius aut diutius adhibitæ , in quibusdam *ardorem vesicæ* , ut ipse observavi , & quandoque ipsum mictum cruentum *cum gravibus doloribus* inducunt ; id quod a sale alcalico valde acri ac volatili , quo omnia fere ejusmodi insecta abundant , deducendum est . *Quæ barbi piscis comesta* , licet piscis ipse sine noxa assumatur , vehementia tormina , choleram aliaque veneni vel purgantis fortioris assumpti symptomata inducere aliquot exemplis ostendit .

*Ani-
mali-
um ve-
nena .*

ostendit TIMÆUS; (a) id quod & *mytilos* comestos nonnullos quandoque facere, præter alios, adhuc nuper peculiari scripto Medicus doctus Brunsvic evicit. (b) *Hirudines* sive *sanguisugæ* in potu aquæ vel alia ratione forte deglutitæ; cæphago vel etiam ipsi ventriculo se affigere, hæque partes vulnerare, vomitum cruentum & mortem ipsam inducere possunt. (c) Tacemos nunc multa *alia animalia*, quæ a veteribus Græcis aut Romanis *inter venenata sunt relata*; quia apud nos vix vel numquam occurrunt.

XIII.

*Diagnosis
veneni
accepti*

Hominem venenum sumpsisse vel accepisse, ni forte id jam effatu ægri vel adstantium constat, difficillime cognosci potest; quia sæpe sponte in hominibus oriuntur morbi ac symptomata; & cum primis *cardialgia*, *colica*, *cholera*, &c. qui similibus fere malis stipantur, ac si a sumptis vel datis venenis orirentur. Interea tamen *conjecturis probabilibus aliquem venenum accepisse generatim suspicamur*; quando quis antea sanus, mox ac cibo, potu vel medicamento sumpto, sævis obruitur symptomatibus, ac speciatim virium subita prostratione, magna cordis anxietate, respiratione molesta, inusitato ac vehementi ardore in faucibus, animi deliquiis, cordis palpitatione aut tremore, doloribus vehementibus ventriculi atque intestinorum, sæpe nausea & vomitu enormi, *cardialgia*, faciei colore livido, lingua ac labris, corporis extremis & præsertim unguibus nigricantibus, vertigine, oculis torvis, deliriis, sudore

(a) In casib. Med. Lib. III. Cap. VII. (b) *Barbrens* in *Epist. de Affection. a comestis mytilis*, ad celeb. *VVerlhof* Hannov. 1735. 4. (c) Ejusmodi exemplum videri potest in *Timæi* casib. Med. lib. VII. cas. XIX. Plura autem legi possunt in notis *Stentzelii* ad *Linde Stolpium* de venenis, pag. 134.

re frigido, maxime circa frontem ac tempora & similibus; speciatim a rodentibus sive causticis, cardialgia, ardore ventriculi, nausea & cholera enormi, subinde etiam alvi fluxibus maxime dolorificis, iisque modo serosis, modo cruentis, cum anxietatibus præcordiorum, respiratione anxia & inquietudine, affliguntur, immo & haud raro intumescencia ventris & similibus. Veneni alcalici assumpti signa sunt ardor linguæ, faucium & ventriculi, calor p. n. sitis vehemens, tormina ventris sævissima, nausea, hypercatharsis, singultus, respiratio anxia, gangræna & sphacelus intestinorum, foetor, animi deliquia, & a nonnullis, ut cicuta, aconito, hyoscyamo, mentis alienatio, sensuum perversio, & convulsiones. Veneni obstruentes indicia & effectus præcipuos §. X. jam proposui. A venenis narcoticis sumptis delirant, rident, saltant, varias gesticulationes sæpe faciunt ludicras, in soporem profundum incidunt & convulsionibus etiam sæpe tentantur, &c.

XIV.

Pro diversitate vero ægrorum eorumque corporis habitu non omnes aque vehementer eodem veneno *Venenæ afficiuntur*, sed quidam levius, quidam vehementius, quidam brevi sæpe moriuntur, quidam vehementer ægrotant, alii minus, aut omnino sine *afficiuntur* omni detrimento, vel saltem uno alterove vomitu evadunt, licet quandoque idem venenum & ex eodem vase assumerint. Hinc patet, nullum certum aut definitum tempus actionis veneni, ut quidam existimant & perhibent, determinari posse. Dignoscere autem post mortem utrum quis veneno intersectus, an ab alia causa mortuus sit, nisi res venenatæ in ventriculo aut intestinis reperiantur, quoque difficillimum est: interea tamen in eis, qui causticis intersecti sunt, ventriculus intus erosus & sanguinolentus conspicitur, & sæpe arsenicum aut mercurius sublimatus, forma pulveris albi in

eo reperitur; qui pulvis si prunis injectus allium redolet, arsenici indicium est. Sed cum hæc res ad Medicinam forensensem pertineat, hic plura de ea non dicemus.

XV.

Prognosis.

Quod ad *prognosis* attinet, si venenum sumptum esse novimus illiusque natura nobis perspecta est, facilius æger ab eo liberatur ac restituitur, quam si illud ejusque indoles, hoc est vera causa Medico occulta sit. Quæ *chemicis artibus* producta, quia cito erodunt ac destruunt ventriculum, ex vehementissimis sunt, ideoque ventriculus quamprimum vomitu tepida concitato, ab eis liberandus est. Qui brevi ab assumpto veneno materiam venenatam vel sponte natura, vel ope tepidæ aliorumve idoneorum remediorum, evomunt, facilius evadunt, quam ubi manet. Venena quæ non mature & mox in principio, idoneis remediis expugnantur, vel insanabilia fiunt, vel morbos lentos ac diuturnos, præcipue languores & paralytes insanabiles, post se relinquunt. Quorum ventriculus, quando venenum accipiunt, cibis, iisque oleosis vel pinguibus est infarctus; minus a venenis rodentibus afficiuntur; hinc jejuni plerumque vehementius & celerius inde læduntur, quam bene pasti. Quibus gangrena & sphacelus a veneno interne inductus est, pereunt. Infantes, pueri & gravis, præsertim teneriores, plerumque durius a venenis affliguntur robustis; licet quidam contrarium sentiant. Qui a sumpto venenoso sensus & motum amittunt, aut tremore, convulsionibus & animi deliquiis sæpe tentantur, item quibus externa livent & frigent, cum summa cordis anxietate, respiratione difficili, oculis torvis ac turbidis, periculossissimo sunt in statu. Mechanica illa §. IX. & obstruentia calciformia ac saturnina difficillime & vix expugnantur, quamvis non cito, sed tarde occidant. Qui ab animali rabioso morfi

morsi sunt, & tristes fieri atque male se habere incipiunt, lucem fugiunt & humida averfantur, in magno versantur periculo; nam *hydrophobia* tunc ut plurimum instat, quia plerumque moriuntur.

XVI.

In *curandis venenis*, quia valde diversa sunt, *Cura-
semper ad veneni*, si notum est, *naturam* §. V. *ad tio ge-
IX: respiciendum*, & secundum illorum naturam *neralis*
ac diversitatem per contrariam curatio est institu-
enda: ita, si in tempore advocamur, & mox ne-
cessaria adhibemus, ut plurimum quam efficacissi-
me ea superabimus. Attamen quia *venena non
semper nobis mox patent*, præsertim si ab homini-
bus sceleratis clam ægris exhibita fuerunt, pru-
denti symptomatum perscrutatione & conjectura
opus est. Quando enim quis ejusmodi insolitis
symptomatibus §. X., vel plures simul, qui eo-
dem cibo vel potu sunt usi, iis afficiuntur, quæ
veneni suspicionem Medico incutiant, veneni in-
gesti magna est suspicio, adeoque *generalis indi-
catio hic est*, *venenum*, vel saltem acre irritans
illud, quam primum fieri potest, & quidem per
viam brevissimam, vomitu scilicet *esse ejiciendum*:
id. quod optime plerumque fit haustu largo *aquæ
repidæ simplicis* sæpius & copiose repetitæ, *irri-
zatis* simul, si vomitus sponte mox non sequatur,
faucibus ope. digiti vel plumæ, quæ aqua a ve-
tustissimis Medicis jam ut magnum antidotum ad-
versus multa venena commendata est; dum par-
tim evacuat, partim acre temperat, & expurgat,
præsertim si, ubi dolores circa ventriculum ad-
sunt acuti & rodentes, oleosa & pingua, ut *olei
olivarum* vel lini, vel amygdalar. dulc. vel buty-
ri uncia circiter in quovis haustu & quoties vo-
mitu rejicitur, ei admisceatur; vel & ubi veneni
acerrimi suspicio est, *merum oleum* larga copia de-
tur. *Loco aquæ simplicis etiam juscula vel decoct.*
bor-

hordei aut avenæ, cum pinguibus illis vel ipsam etiam *lac tepidum*, dari apte possunt, donec omne venenum tam per superiora quam inferiora rejectum sit: id quod *clysteres* quoque ex his, vel etiam lacte & oleo parati egregie promovent. Postea quia ægri ut plurimum his valde debilitati sunt, *roborantia* & *cardiaca* quædam, tam ex *culina* & *cella*, ac præsertim bona *juscula* atque usus vini generosi, quam ex *pharmacia*, ægris danda.

XVII.

Quod si vero *venenum sumptum sit cognitum*, & utrum e *rodentium acidorum* aut *alcalicorum*, *Cura- tio si* an ex *obstruentium*, *adstringentium* aut *narcotico-venenū* rum sit genere, illudque haud adeo sit ingestum *cogni-* atque sic adhuc in primis viis hæreat, præmissio *tum.* vomitu §. XVI. *remedia* ea præcipue sunt adhibenda quæ *simul naturæ veneni sunt adversa*, ut sic eis illud, quod forte omne ejici non potuit, tanto citius & melius enervetur, atque tandem omnino per contraria sua corrigatur ac destruat, ne nocere amplius queat.

XVIII.

Si aci- Igitur, ubi *venena ingesta sunt acida*, ut aqua *dum.* fortis, spiritus, acidi minerales, mercurius sublimatus, præcipitatus, vel alia supra §. VII. nominata, *alcalica* aquæ vel *jusculis* pinguibus ac *for-* bitionibus §. XVI. laudatis, sæpeque assumendis, *admiscenda*, vel etiam *his interponenda*, ut oleum tartari per deliquium, vel cineres clavellati, lapides cancerum, conchæ, corallia præparata, aliaque similia. Speciatim vero *arsenici antidotum* *crystallus montana* præparata, *mercurii* vero *sublimati*, oleum tart. per deliquium celebratur. CARDANUS quinque, qui hunc sumpserant, *solo lacte* frequenter dato servavit. (a) Vel loco horum

(a) Lib. de venenis III. Cap. 3.

horum olea pura largiter ingeri, vel illis etiam interponi possunt. Si venena hac etiam ad intestina transferunt, id quod dolores sævi in eis percepti indicant, clysmata temperantia, & cumprimis ex lacte, melle & oleis parata atque sæpe injecta, evacuandi & temperandi scopo profunt; ubi etiam *potiuncula laxantes*, ex decocto passularum cum manna paratæ & aliquoties sumptæ, egregie conveniunt, qua de re uberius vid. *Wepfer*. lib. de *cicuta* aquat. Cap. 23. de curatione. Denique ad doloris vehementiam mitigandam ceteris remediis subinde aliquid *theriaca* interponi potest.

XIX.

Sed si venenum sit *alcalica* rodentis & urentis naturæ, ut *salia alcalica fortissima*, *helleborus*, (a) *aconitum* sive *napellus*, *ananche* succo viroso, *cicuta*, *euphorbium*, *tithymalus*, *colocynthis*, *elaterium*, *scammonium*, *laureola*, & similia, quæ intestina & fauces erodunt & inflammant, atque etiam mentem sæpe turbant; tunc præmissis vomitu, aquosorum tepidorum largo potui admiscenda, immo & interponenda sunt *acida copiosa* & speciatim *acetum bonum* quodcumque, quod cum aqua mixtum *oxycratum* constituit, propterea ab antiquis temporibus jam a tam multis scriptoribus, tamquam multorum venenorum potens antidotum, atque hoc non sine ratione, celebratur; deinde & *succi acidi fructuum horarum recentium*, præsertim *malorum citriorum*, *limonum*, *aurantiorum*, *ribesiorum*, *berberis*, *cerasorum acidorum*, addito paulillo *sacchari* vel *mellis* ad gratiam, vel & *herbæ acetosæ*, *granatorum* aliorumque similium, vel

D d

etiam

[a] Præter multos veteres *hellebori antidotum præstantissimum* esse *acetum* vel *succum citri* aut *limonum*, LISTERUS quoque in comm. ad Aph. Hipp. Sect. V. Aph. I. docet: unde patet ejus virulentiam in sale alcalico caustico consistere.

etiam *sirupi inde confecti*, ut acetositatis citri, ribesiorum, berberis, granatorum &c. largiter assumpti, donec acre alcalicum omnino sit destructum. Loco horum etiam *oxycratum cum melle*, vel ipsi *spiritus minerales acidi*, quo & *clyssus antimonii* pertinet, immo & ipsa *aqua fortis*, quæ nihil aliud est, quam spiritus nitri, & quæ largius sumpta sanis venena esse supra diximus, his in casibus, si modo satis aqua diluta sunt, fiunt antidota; sic ut mirandum non sit, quod veteres quædam pro venenis habita, ut aqua fortis & spiritus illi acidi, &c. subinde tamen antidota contra alia venena commendaverint, (a) quod multi olim capere vix potuerunt. Speciatim pro *cicutæ antidoto* DIOSCORIDES laudat *vinum purum* largiter sumptum. In his venenis, quando ægri initio non vomunt, ut vomitus facilitetur, *tartari emetici*, vel *vitrioli veneris* grana ij. vel iij. cum syrupo & aqua multa tepida dari apte possunt. *Decocti tamarindor.* cum cremore tartari & manna, itemque *seri lactis* potus copiosus, *lactis ebutirari*; immo & *ipsius lactis*, hic etiam egregie confert, subjunctis in fine roborantibus & theriacis. *Purgantia fortiora* ejusdem fere sunt indolis, eorumque violentia in hypercatharsi vel hyperemesi his quoque cohibenda.

XX.

Si ob- Si venena sunt ex *obstruentium*, *inspissantium*
struens sive *coagulantium* classe, ut viscum, semen spyl-
vel me lii, saccharum saturni, vinum lithargyrio corru-
chani- ptum, hæc diluenda, dissolvenda & evacuanda,
cum. diluentibus aqueis, incidentibus, attenuantibus, sero lactis, aquis medicatis, salibus mediis, immo si saturnina, ipsis mercurialibus, quæ plumbum solvere & mobile reddere valent. *Mechanica* & nomi-

[a] Ut Plinius Hist. Nat. lib. 27. Cap. 2. Aconitum.

nominatim *adamas* vix medelam admittunt, præsertim cum ipsum datum esse Medicus haud facile comperiet. Cetera autem vix aliter quam inviscantibus, pinguibus, oleosis, pultribus, ex oryza aut fagopyro, jusculis, emulsionibus & lacte corriguntur. *Calx* vel *gypsum* assumptum curantur vomitu aqua tepida cum oleo aut butyro excitato, postea diluentibus & mucilaginosi modo laudatis.

XXI.

Sin ex *narcoticorum* & *soporiferorum* familia, §. XI. ut opium, hyoscyamus, cynoglossum, solana, Bella donna, &c. quæ sensus turbant, atque etiam *alcalico* & *sulphureo narcotico principio* gaudent, præmissis emeticis, §. XIX. & in plethoricis larga venæ sectione, ea quæ excitant, ut extus volatilia & *acetum*, præsertim calidum, naribus sæpe cum spongiola ac pulvis adhibenda, intus vero sæpe *acetum* quoque calidum aut *succus citri*, *limoniorum*, vel *aurantiorum* & similes §. XIX. cum aqua calida, vel infuso theæ aut coffeæ sæpius danda, quæ valentissima horum, ut & inebriantium, ac sopore inde orto, sunt antidota, præsertim si agri sæpius moveantur, atque vellacentur, donec expergiscant, non neglectis excitandi gratia *clysteribus acribus*: denique in regimine sudorifero aliquandiu continendi.

XXII.

Quando *venena* jam in sanguinem penetrarunt, id quod potissimum patet, si anxietates & palpitantes cordis adsunt vehementes, & sensus plus minusve læsi, tunc præter largum usum infusorum aquosorum calidorum ut coffeæ, theæ, scordii, salviæ, contra *venena* acida, alcalica, theriaca, vel & spiritus salis ammoniaci, modica, sed sæpius repetita dosi exhibenda; contra *venena* vero *alcalica*, *acetum* simplex vel compositum quoddam, *succus citri*, *limoniorum* vel *aurantiorum*, vel mixtura simplex & similia, cum regimine diapho-

Si
narco-
ticum.

Venena
in san-
guine
ingres-
sa.

retico; quo scopo etiam *balnea*, a *Celso* aliisque jam commendata, egregie prodesse possunt.

XXIII.

Postea *Destructa vero sic tandem veneni violentia*, id quod ex symptomatum remissione & sensuum restitutione potissimum patet, omnis generis roborantia, ut bona juscula, emulsiones, gelatinæ, mucilagines hordei, avenæ, fagopyri, oryzæ, ova sorbilia, theriaca, vinum generosum cum blandis aromatibus, aquæ cardiacæ, quies mentis & corporis conducunt.

XXIV.

De Ovis Barbi piscis, Mytulis venenatis, Cantharidibus & Hirudinibus assumptis.

Cura- *Ova barbi piscis* §. XII. comesta, si choleram cum ventris torminibus faciant, sicut in alia cholera, copioso potu jusculi vel aquæ tepidæ, cum vel sine oleo mixtæ, acrimonia irritans illorum est eluenda atque evacuanda; postea aliquoties theriacæ ℥ss. cum vino mero calido, vel cum aqua menthæ aut cinamomi danda, donec symptomata quiescant.

Si qui theriacam metuant, vel ægri eam aversentur, vinum calidum cum pipere vel cinamomo exhibeatur. Ita si quis a *mytulis comestis brevi nauseam & dolores ventriculi sentiat*, proderit mox, sumpto quodam emetico, superingesta aqua vel malsa tepida, vomitu eos e ventriculo expellere, & postea ventriculum theriaca ac vino mero calido, tamquam omnium fere venenorum antidoto, rursus roborare.

Si vero vomitus vel cholera jam adsit, ut in ovis barbi piscis posuimus, & hæc curanda. Si a *cantharidibus assumptis mala metuuntur*, proderit ipsas protinum vomitu, aqua tepida concitato, addi-

to si-

to simul oxymelle vel simplici vel squillitico, rursus ejicere, vel & decocto tamarindorum cum cremore tartari per alvum expellere. *Sin vero jam ardorem ac dolores in vesica induxerint*; sive intus fuerint assumptæ, sive extus tantum applicatæ, lac bubulum largiter haustum præstantissimum eorum est antidotum, dolores brevi leniens, vel si in febribus acutis id contingat, *emulsiones* ex sem. 4. frig. largiter haustæ. Ad *hirudines* sive *sanguisugas* a puero *deglutitas* §. XII. interficiendas, TIMEUS cas. Med. Lib. VII. Cap. XIX. *muriam cum aloe bibendam*, & simul decoctum *anethi cum oxymelle* simplici vomendi scopo præscripsit; quæ profecto satis apta ad hunc usum videntur: interea tamen æger ille ex superveniente epilepsia mortuus est. *Forte oleum olivar.* aut aliud quoddam hujus naturæ largiter assumptum, cum vermes aliaque insecta interficiat, etiam has certius occideret, & læsiones inde inductas resciret.

XXV.

De Morfibus Viperarum & Serpentum.

Sequuntur tandem medelæ *illorum animalium*, *Eorum* quorum punctura sive morsus venenatus est, ut *qua* sunt morsus viperarum, quorundam serpentum, morsu itemque scorpii, canis rabiosi, aliorumque similium inferuntur. §. XII. *Vipera* quidem comestæ, aut in medicina adhibitæ, nihil quicquam mali inducunt, sed morsu tantum nocent, (a) & gravissima brevi mala concitant; atque nisi celeriter succurratur, læsi inde pereunt. *Curatio* hætenus iis, qui commu-

Dd 3

nem

(a) Ut jam Celsus L. V. Cap. 27. Lucanus Lib. IX. Pharsal. Rhedius obs. & exper. de Viperis aliique docuerunt.

nem cum viperis patriam habent; consueta & maxime commendata in ejusmodi læsionibus fuit, ut mox supra vulnus *ligatura* applicetur, deinde vulnusculum scalpello ampliatur, *sanguis* probe digitis inde *exprimatur*, vel *cucurbitula* aut ore sani hominis, ad modum *Psyllorum* extrahatur: deinde vel aqua salsa, vel aceto & theriaca, vel & spiritu vini cum theriaca, venenum e vulnere probe eluatur; postea hoc aceto & theriaca repleatur, splenium vel linteum emplastri loco, eodem remedio imbutum, vulnere superimponatur, ut virus hoc tanto melius destruat, idque primis diebus sæpius renovetur. *Linderus* [a] suadet, ut spiritus sulphuris vel vitrioli gutta, aut venenum hoc alcalicum tanto promptius destruendum, ejusmodi vulneribus instilletur. Interne vulnerato *theriaca* quoque cum vini generosi largo haustu, quod teste CELSO fere omni veneno contrarium est [b], vel etiam cum aceto, sæpius detur, injuncto postea sudore in balneo, vulnere aperto, qui deinceps promovetur & utiliter conservatur infuso scordii, vel *salvia*, [c] addito aceto vel succo citri, sæpius assumpto: id quod per aliquot dies, donec symptomata periculosa præterierunt, repetendum atque continuandum, ac denique vulnus balsamo vulnerario glutinatur.

STENTZELIUS post morsum viperarum & scorpionum, facta prius vulneris dilatatione & purgatione, commendat ut demorsus *clyssi antimoni sulphurati* quovis bihorio ad gutt. xxx. vel xl. ex infuso oxylapathi sumat, ita ipsum ab omni incommodo liberum esse permansurum asseverat. *Serpentum aliorum morsus* eadem ratione curandos præcipiunt.

XXVI.

(a) Lib. de venenis. (b) Lib. V. Cap. 27. num. 2. [c] Forte & *echii* infusum hic proderit, cum nomen a græco γί *vipera*, cum demorsis a *vipera* auxiliari existimetur. Tournef. Instit. 136.

XXVI.

Sed recentiores, ut de *radice mungos Kämpferi* Novus nunc nihil dicam, qui hanc pro certo contra hos *hos cum morbos* specifico describit, (a) *duo alia remedia*, *randi* tamquam certissima illorum antidota celebrant; *modus*. quorum alterum est *axungia viperarum*, quam Clar. Anglus *Meadius* certissimum ad hos morsus remedium, si modo vulneri illinatur, nullaque alia medicina interna opus esse asseverat. (b) Alterum est *oleum simplex olivarum*, ab Anglis quoque observatum & eodem modo usurpatum, quod & toti membro læso illini potest; sicut id uberius exposuit cel. VATERUS, in diff. de Antidoto novo *adversus viperarum morsus*, Vitebergæ 1736. edita. Magnopere optandum, ut experientia stupendus hic effectus tam vilis, domestici & ubique obvii remedii, uberius confirmetur & extra dubitationem vindicetur.

XXVII.

De Scorpii, Apum, Vesparum & Aranearum puncturis, itemque de morfu Canis rabiosi.

In *Scorpii punctura* veteres contritum scorpionem ad venenum ejus extrahendum cum fructu supra vulnus imposuerunt (c); id quod adhuc facere solent, ubi hæc animalia & læsiones sæpe occurrunt. Alii *oleum scorpionum* cum oleo olivarum paratum, ut certum antidotum commendant, vulneri instillandum eive illinendum, id quod forte *oleum olivarum simplex* modo §. XXVI. ad viperæ morsus laudatum, quoque præstabit, præ-

D d 4

ser-

(a) In Amœnit. exoticis, pag. 577. (b) Lib. de venenis anglico, p. 29. (c) Teste Celso Lib. 2. Cap. 27. num. 5.

sertum si certum est, quod serpentum & vipera-
rum morsus tam egregie sanet. Ad apum, vespa-
rum, & araneorum ictus curandos, acetum vel
simplex vel rutaceum, aut cum theriaca, aut bo-
lo mixtum, imponere egregie prodest. Alii com-
mendant ut locus læsus dissecto pyro tantum vel
pomo bene fricetur.

In morsu canis aliufve animalis rabidi quid sit
faciendum supra jam pag. 290. & in institut. chi-
rurg. pag. 160. docuimus. KÆMPFERUS etiam
hic radicem mungos ut infallibilem prædicat, in
brutis æque ac hominibus, multis successibus com-
probatam, loco modo §. XXVI. citato.

Qui plura de venenis scire desiderat, ex veteri-
bus Dioscoridem, ex recentioribus MEADIUM,
(a) LINDERUM, (b) STENTZELIUM (c) &
Lindestolpium (d) evolvere potest.

C A P U T XX.

De Aquarum medicatarum natura & usu.

I.

Natu-
ra a-
quar.
medi-
cat. sci-
tu ne-
cessaria

A Quarum medicatarum natura & legitimus
iis utendi modus, ob frequentem atque ma-
xime salutarem hodie earum usum, & insignem
in Medicina utilitatem, Medico probe debent
esse perspecta. Hinc i. nosse debet, eas esse vel
calidas, quæ thermæ vocantur, ut in Germania
Wisbadenses, Emsenses, Aquisgranenses, in Bohe-
mia

[a] Lib. De venenis. (b) Lib. De Venenis,
Lugd. Bat. 1708. 12. (c) In Toxicologia sive Lib.
de Venenis Francof. 1733. 4. (d) De venenis,
[qui idem esse videtur ac Linderus] cum notis
Stentzelii, Francof. 1739. 8.

mia Carolina & Toeplitenses , &c. atque in aliis Europæ partibus aliæ; vel frigidas . Utræque rursus sunt vel aqua tantum purissima, ut ex frigidis Peterswaldenses in Silesia aliæque , & ex calidis, Toeplitenses in Bohemia , ambæ tamen magnæ in sanitatis negotio utilitatis . Vel blando sale medio, aut alcalico , & terra alcalica præditæ sunt, ut Selserenses , Antoniana , sive Tennistemenfes , & athermæ variæ; vel simul martialibus particulis, & ipso vitriolo martis imprægnatæ sunt , aqua martiales inde vulgo dictæ, ut Pyrmontanæ , Sualbæcenses , Egræ , Wildugenses , Geismarienses , Driburgenses , & multæ aliæ . Ideoque 2. uniuscujusque ingredientia sive elementa scire debet , ut tanto melius de ipsarum natura & agendi ratione judicare valeat ; 3. quibus in morbis conveniant , & in quibus minus ; 4. qua ratione recte usurpanda , dum a recto usu quamplurimum boni effectus dependent ; 5. quæ diata & quodnam regimen in earum usu ægris sint servanda ; & 6. quomodo symptomatibus in earum usu subinde oriundis sit succurrendum .

II.

Scriptores, qui de aquis medicatis olim scripserunt, easque obiter tantum examinarunt, ut *Ta-bernæmontanus*, *Thurneiserus*, *Hörnckius*, *Sebizius*, aliique plures, præter aquam varia eis adscripserunt elementa, quæ revera iis non insunt: ut nimirum *vitriolum vulgare*, ob saporem atramento fere similem, *cuprum*, *fulphur vulgare*, *alumen*, *nitrum*, *ochram*, *succinum*, immo & ipsum *arsenicum*, pessimum scilicet illud venenum in nonnullis inesse, varias ob rationes crediderunt, atque sic multos tam Medicos, quam ægros ab usu earum saluberrimo temere deteruerunt.

Tot autem ac tam diversa elementa, in aquis medicatis saltem Germaniæ, non reperiri, sed eas longe simpliciores esse ac pauca tantum & quidem nul-

Ele-
menta
ipsarū.

nulla prorsus noxia , sed mere salutaria ac tuta eis inesse elementa , recentiorum industria detexit , *aquam* scilicet primo *purissimam* , & *terram subtilissimam* , alcalicam , deinde in quibusdam *sal* quoddam *alcalicum* vel *mixtum* , in aliis *martiales* particulas , & *vitriolum martis* , quod spiritum acidum sulphuris aut vitrioli subtilissimum continet , quæ aquæ propterea *martiales* & multis *acidula* vocantur , sicut ex infra dicendis uberius patebit . Interea vero sciendum aquas martiales *acidulas* dictas , non ob spiritum acidum , licet revera iis insit , suoseffectus , ut multi putarunt , primario præstare , sed potius *ob elementa alcalica* , prout hoc sequentia docebunt experimenta ; sic , ut non satis apte *acidula* dicantur : præsertim cum experientia doceat , eas in morbis ab acido & viscido oriundis , eisque quam pertinacissimis , optimo cum successu adhiberi , immo plerisque medicamentis aliis palmam præripere . Igitur ad nostram hanc sententiam primo de ita dictis acidulis sive aquis martialibus probandam [nam de ceteris minus est dubium] sequentia notanda experimenta , quæ & simul ceterarum naturam illustrent ac demonstrant .

III.

*Experi- Aqua martiales vel acidulæ Pyrmontana , Sual-
menta bacenses , Egrana , Spadana , Driburgenses , Wil-
cum dungenfes , Geismarienses , alique similes re-
his recens ex fonte desumptæ , sensibus externis varia
a- ostendunt . 1. Visu percipimus gratam pellucidita-
quis tem , quæ tamen coloris lactescentis vel cœrule-
scents aliquid cum multis bullulis continet ; quibus a vulgaribus aquis valde distinguuntur ; quæ vero , si pulvis gallarum eis injicitur , colorem ex atro rubentem sive fuscum assumunt .*

2. Si naribus ope vitri , recens ex fontibus hauriæ , mox admoveantur , percipitur in eis volatilibus quidam vapor , gratam in naribus vellicationem excitans , quem plerique olim pro spiritu acido ,

do, volatili, alii pro *alcalico*, spiritui falis ammoniaci analogo, haberi voluerunt : quorum tamen neuter hucusque per certa experimenta demonstrari potuit ; sed nil nisi aer vel æther subtilissimus in iis contentus , qui bullulis illis inclusus , esse videtur , præsertim quando aquæ hæ ope vitri puri e fonte subito hauriuntur .

3. *Gustu* percipimus *saporem acriusculum, gratum* tamen , ad acidam vini Rhenani generosi aliquo modo accedentem , quo a simplicibus aquis valde distinguuntur . Hinc jam ab antiquissimis temporibus fontem Sualbacensem *fontem vinosum* incolæ appellarunt, præsertim cum & multos bibentes , quando ejusmodi aquas bibunt , iniçio quasi ebrios & temulentos sæpe faciant .

IV.

4. Multis, & præsertim iis, qui his aquis non assueti sunt , *sapor vitriolicus* videtur , vel ad *atramentum* aliquo modo accedens , id quod etiam non est sine ratione , nam *revera vitriolum martis* ipsis inesse, idque saluberrimum , subsecutura experimenta ostendent .

Continuantur .

5. In aliis supra N. I. nominatis aquis salutaribus , *quæ martem haud continent* , hic *vitriolicus* aut *vinosus* sapor non percipitur , sed plus minus vel *salsus* , prout magis vel minus salibus alcalicis aut mediis abundant , quemadmodum *id aqua Selserenses* , atque plerarumque thermarum manifeste docent .

6. Si *chemice examinantur*, & *martialium aquarum* sufficiens copia cucurbitæ immittitur cum alembico , supposito leni igne , prius ascendit vapor , qui in guttas collectus , aqua est pellucida, simplex , sine sapore aut odore notabili, nisi levi empyreumatico , quæ in vase recipiente colligitur . Superficieï hujus aquæ & alembico se affigit interne *pellicula subpinguis* , varii & ad iridem accedentis coloris ; *nullus vero spiritus* , neque acidus,

cidus, neque alcalicus, ullo modo sic percipi aut colligi potest.

7. Si destillando pergimus, nil aliud nisi aqua, ut antea; simplex semper transcendit, sed remanet *in fundo tandem cucurbitæ materia terreæ, flavescent, & albicans, exigua copia*, in quibusdam tamen majori, in aliis minori, (a) saporis & odoris fere expers, quia maxima ex parte est terra subtilissima alcalica, ex qua nullum alumen, nitrum, sulphur, succinum, ochra aut vitriolum cupri, vel cuprum vel plumbum, vel aliud metallum, multo minus arsenicum, aut simile quid venenati aut noxii extrahi potest; verum accuratiori examine constat, in terra illa hæere sal aliquod amaricans, medium, ut Anglicanum, Ebslonense, vel mirabile Glauberi, in quibusdam rursus majori, in aliis minori copia, [b] & simul, quod caput rei est, *martiales quoque particulas*, quæ verus crocus martis naturalis sunt, atque fusione igne folium in verum martem, quem magnes trahit, redigi potest, *nullum vero sal aut metallum vel minerale aliud*. In ceteris vero aquis medicatis, quæ non vitriolicum aut ferreum, sed tantum acriusculum, sive salinum continent saporem, ut Selserenses, & thermæ præcipue, præsertim Emsenses Carolinæ, & præterea aquæ amara Bohemica Seidllicenses, præter terram alcalicam, nil nisi sal quoddam contingitur medium amarum, ad Glauberianum maxime accedens; aliæ vero, ut thermæ Wisbadenses, sal quoque medium, sed magis ad vul-

(a) Ex libra una aquæ Egranæ gr. xxxii. Selterensis gr. xxx. Pyrmontanæ gr. xxii. Sualbacensis & Spadanæ gr. x. Confer. *VVagener* de aquis Geismar. p. 64. (b) In Pyrmontanis in libra j. salis medii gr. vij. ad x. continentur; in Egranis & Selterensibus grana plura; in Sualbacensibus & Spadanis, pauciora.

vulgare sive culinare accedens, continent; Tœpli-
centis autem non nisi ex aqua simplici pura, ac
levi constant, quamvis calide e terra propullulent.

8. Simulac *aqua martiales igne multum incal-
escunt*, brevi perdunt illum gratum odorem & sa-
porem, N. III. neque a gallarum pulvere amplius
tinguntur; immo ipse vapor exhalans nullum præ-
bet vel odorem vel saporem.

V.

*Si materia remanens ulterius examinatur, natu- Alkali
ram suam alcalinam sequentibus experimentis mani- in eis
festat.* Nimirum quando ei spiritus acidus, ut spiri- proba-
tus vitrioli, affunditur, effervesct, & spiritus aci- tur.
dus saporem suum acidum mutat: unde noscimus
terream hanc materiam esse acido contrariam, sive
acidum destruentem, hoc est, alcalicam, ut a Me-
dicis & Chemicis vocari solet, a qua virtute & ab
aqua magni ac fere *precipui salutarium fontium
effectus merito deducendi.*

VI.

Ut autem præterea adhuc specialius sciatur cu- *Mars
jusnam natura sit hac terrea materia*, si sufficien- ostendi-
te copia collecta & crucibulo indita in ignem fa- tur.
brorum ferreorum satis diu, donec fundatur, im-
mittatur, sensim per fusionem, sine alia re addi-
ta, mutatur in nigricantem sive cineream massam,
quæ in pulverem redacta a *magnete attrahitur*,
sicut *limatura martis*, & saporem simul habet fer-
reum atque subadstringentem: unde constat, re-
vera *martiales particulas quam subtilissimas*, hoc
est, martem, non cuprum, plumbum, aut aliud
metallum noxium his aquis inesse.

VII.

Præterea, quod *virtus harum aquarum non acida*, *Alcali
sed alcalica sit*, uberius docet, si hæ aquæ cum si- uberius
ruppo bono violarum miscentur. Nam si acidulæ demor-
recentes, vel saltem nondum corruptæ, [id quod *stratum*,
& de reliquis aquis medicatis valet) ei affundun-
tur,

tur, mox ejus color cœruleus mutatur in viridem; sicut ab aliis alcalicis. Deinde si rosæ, aut violæ, aut flores cyani in hac aqua coquantur, colorem viridem acquirunt, qualem adipiscuntur ab affuso oleo tartari per deliquium tamquam principe alcalicorum. Porro cum affuso spiritu acido & etiam cum vino rhenano effervescent, ut alia alcalica, & lac ab iis affusis non coagulatur; sed potius iis affusis diutius a coagulatione præservatur. Ex his & pluribus aliis ejusmodi experimentis satis probatum esse existimo, naturam & virtutem harum aquarum esse alcalicam, id est, acido contrariam, diluentem, resolventem, martialem ac roborantem, aperientem & diureticam, contentaque earum non adeo multa ut veteres putarunt, sed pauca eaque valde esse simplicia, easque nihil de metallo noxio, multo minus venenati, neque cetera illa salsilia, sulphura aut mineralia continere quæ vulgo iplis olim attribuerunt.

VIII.

In martialibus inest vitriolum martis.

In martialibus tamen fontibus etiam aliquid vitriolici inesse docet sapor vitriolicus, atramentosus, & color nigricans, si gallarum pulveri affunduntur: quod vero non est vitriolum vulgare aut cupri sive veneris, quod ventriculo & sanitati valde est adversum; sed vitriolum martis blandum, ex martialibus ab acido sulphuris vel vitrioli sub terra solutis particulis constans, idque in modica copia, a quo varii salutares harum aquarum, de quibus infra, dependent effectus. Probatur vero, spiritum ejusmodi acidum his aquis inesse, ex eo, quod, si sal ex iis paratum sufficienti copia colligatur, & cucurbita igne arenæ destilletur, spiritus acidus, spiritui sulphuris vel vitrioli simillimus inde obtinetur, qui sensim præsertim in calore martem relinquit, alcalicas & terreas harum aquarum particulas ingreditur, atque cum eis sal illud medium, amarum, quod in iis deprehenditur, con-

stituit, facitque sic, ut vitriolum nullum, [quod quidam male per calorem volatile fieri & avolare crediderunt, quasi ferrum volare possit] inde educi queat, licet revera iis infuerit. Atque huic sapor acriusculus, vitriolicus in recentibus & color nigricans, si cum gallis miscetur, immo tota mixtura, crasis, vis purgans, mixturæ conservatio, aliaque debentur phænomena & effectus, quos multi comprehendere & explicare non potuerunt: [a] atque propterea tam spiritum hunc acidum quam vitriolum martis in eis vel prorsus negarunt, vel tam volatilia ea statuerunt, ut a levissimo calore ea avolare crediderint, (b) quæ tamen minime volatilia existunt, sed fixa & solum transmutantur, eadem scilicet prorsus ratione, ut, quando in præparatione tartari vitriolati Dakentani solutio vitrioli vulgaris & salis tartari, vel cinerum clavellatorum commiscentur, spiritus acidus, quem vitriolum veneris continebat, venerem relinquit, & salia hæc alkalica ingreditur, ita ut vitriolum postea, quod revera paullo ante adfuit, non amplius reperiri & ostendi queat, licet non avolaverit.

IX.

Cognitis sic veris aquarum salutarium principis, & ratione & experientia concludere possumus, eas generatim ad humores crassos, viscidos, tenaces, pituitosos, salios quoscunque & cumprimis acidos, corrigendos, temperandos, fluxiles reddendos, atque ad obstructions referandas valere. Hinc in morbis, qui a sanguine spisso

In quibus morbis profint.

(a) Conf. Scipp de Aquis Pyrmont. Wagner de Aquis Geismariensibus, & Diss. nostra de Aquis Pyrmontanis. 1732. edita. (b) Ut Fr. Hoffmannus in differt. de Aquis medicatis, & Boheravius, Essem. Chem. Tom. II. Proc. 162. magni hi Medici & Chemici existimarunt.

spisso & viscido, quorum quamplurimi sunt, vel ab acido, vel ab obstructionibus viscerum oriuntur, egregie prosunt, & inprimis etiam propterea conducunt, quia vi sua evacuante, diuretica & purgante noxios simul & supervacuos humores ex corpore vel per alvum, per urinam, blande ac sine omni, si modice & recte usurpantur, virium prostratione expellunt. Ita in universum etiam iis sunt valde salutare, qui ob vitam sedentariam multas in corpore & præsertim primis viis cruditates sive vitiosos humores ac flatu accumulantes, omnibusque illis, qui nimio vini aliorumque spirituosorum potuum abusu, sanguinem nimis æstuantem reddiderunt, vel aliam ob causam de sanguine nimis fervido conqueruntur: nam his egregium refrigerium præbent.

X.

Speciatim vero egregie conducunt variis in capitis affectibus, inprimis qui per consensum ventriculi oriuntur; ut in vertigine stomachica & hypochondriaca, cephalalgia, morbis soporosis, comate, caro, apoplexiæ metu, melancholia, mania, epilepsia, memoriæ debilitate, catarrhis oculorum, visus debilitate, tinnitu aurium & auditu difficili, aliisque morbis capitis, qui a viscidis, pituitosis & acidis humoribus oriuntur.

XI.

2. In variis pectoris affectibus, a similibus causis oriundis; ut in dyspnœa, asthma, tussi, immo & in ipsa hæmoptysi, ubi nondum adest pulmonis exulceratio notabilis, ac denique in cordis palpitatione.

In pectoris & infimi ventris 3. In affectibus infimi ventris, ut in soda seu ardore ventriculi, in cardialgia, vomitu frequenti, diarrhœa, ventriculi debilitate, nausea, appetitu prostrato, pica, lumbricis, malo hypochondriaco, & præcipue in principio obstructionis hepatis aut lienis, vel saltem nondum inve-

terata ; in scorbuto & cachexia nondum nimis in-
terata , nimia obesitate , ictero ; sic & in sabulo re-
num & parvis calculis , in doloribus lumborum scor-
buticis , in ardore urinæ , sive stranguria , ac de-
nique in colica , e pituita acida , biliosis humoribus ;
aut flatibus oriunda . In variis præterea uteri affe-
ctibus , passione hysterica , & uteri suffocatione ,
in chlorosi , sterilitate , mensibus obstructis vel ni-
mis fluentibus ; in hæmorrhoidibus obstructis aut
nimium fluentibus ; Præterea nec gravidis nocet ,
sed potius eis multis in morbis egregie tam præ-
servandi quam curandi scopo conducunt , si modo
paullo pariori copia & circumspecte bibantur .

XII.

4. In artuum morbis , ut in arthritide tam sim- In ar-
plici quam vaga scorbutica ; in podagra non confir- tuum
mata , in doloribus artuum quibuscumque , in para- morbis
lyticis affectibus , in impuritatibus sanguinis & cutis , & fe-
ut scabie , pruritu cutis , gutta rosacea , herpete , -bribus
serpigne , ulceribus pedum , œdematibus , tumori-
bus & variis in doloribus ischiadicis & rheumaticis .

5. Tandem in omnibus febribus intermittenti-
bus egregie prosunt , quas continuato usu , si mo-
dica simul servatur diætâ , perfectissime plerum-
que tollunt & sanant .

XIII.

Ratione ætatis hominibus mediæ ætatis omnium Ætatis
quidem optime conveniunt , nimirum ab anno 18. consi-
circiter usque ad 60. Juniores vero , præsertim ii , dera-
qui sunt infra annum decimum , ob teneriorem vi- tio.
scerum compagem , eas , præsertim martiales ,
minus commode ferunt , sic & senioribus , qui
ultra sexagesimum annum , rarius satis proficue
sunt , nisi forte sint robustiores , & eis ceteroquin
jam assueti . Interea tamen casus & præsertim he-
ctici , ubi etiam pueri juniores eis , maxime Sel-
serensibus , aut Emsensibus aliisve similibus &
cum primis cum lacte remixtis optimo cum suc-

successu sæpe usi sunt & adhuc uti possunt, verum copia longe minore quam adulti.

XIV.

Ubi minus proficiunt in ulceribus inveteratis pulmonum, ut phthisi, aliisque symptomatibus, ab ulcere tali pendentibus, *cum primis martiales sunt, fortiores*; attamen si ulcera nondum sint inveterata; & calidæ atque cum lacte temperatæ bibantur, tam *Selserenses* quam martiales, egregie sæpe profunt. Sic & in ulcere renum aut vesicæ, moderate & calide adhibitæ, valde conducunt, atque in primis hic ab HEERIO & Fr. HOFMANNO, experientia edoctis, *Spadanæ* potissimum laudantur, si diu usurpantur.

In *hemoptysi*, præsertim si ab exulceratione pulmonis oritur, aquæ medicatæ & sigillatim martiales, *frigide ut plurimum nocent*; calidæ vero, ut thermæ blandiores, v. gr. Emsenses, & aquæ Selseranæ, cum vel sine lacte, tepide haustæ multum proficiunt.

Abstinentum etiam a martialibus in dysenteria, in calculo renum, & vesicæ majore; itemque in hydrope confirmato. *Selserenses* vero in dysenteria proficue sunt. In *œdemate* vero pedum & leucophlegmatia sive *hydrope leviori* & martiales & thermæ, sæpe egregie profunt. In *affectibus venereis & gonorrhœa*, morbum quidem non sanant, attamen corpus ad faciliorem sanationem disponunt, ideo cum fructu hic etiam præparationis causa adhiberi possunt. In *gonorrhœa* vero benigna a laxitate partium proveniente, post multa incassum sæpe tentata, vi sua roborandi multum præstare solent.

XV.

Modus Omnibus, qui aquis medicatis legitime uti volunt, & *plethorici sunt*, suadendum, ut aliquot dies ante usum earum, *sanguinem mittant*; ita enim aquæ hæc tanto facilius vasa intrare & postea reliquum sanguis-

guinem melius corrigere possunt , præcaveturque ne vasa ab aquis nimis distenta , nimio sanguine jam quasi infarcta , postea morbum aliquem producant , & deinde , ut mox dicatur , idoneo purgante utantur .

Si vero non sunt pletherici , venæ sectione non est opus ; attamen sicuti illis , quibus sanguis prius fuit missus , ad *cruditates* in primis viis *evacuandas* , quæ effectum aquarum impedire possunt , maxime ubi vita sedentaria vel prava diæta prægressa est ; *idoneum purgans est præmittendum* , v. gr. ex pilulis nostris polychrestis , vel tartareis , Quercetani , Schræderi , aut Bontii , vel balsamicis gr. xiiii. vel xv. ad xx. cum regimine . Vel ex *salinis* , tartarus vitriolatus , tartarus solubilis , aut cremor tartari ʒj. ʒi℞. ad ʒij. cum aqua , vel cum ipsis aquis medicatis assumpta ; quibus salibus , si ægrî sint robustiores , grana aliquot pulveris jalapæ addi possunt , vel quod hodie usitatus , *salia amara cathartica* , ut Anglicanum , Seidlense , vel mirabile Glauberi , ab ʒ℞. ad ʒij. exhibendum .

Si potiuncula desideretur , purgans Sydenhamii vel Managettæ , aut nostra sequens apta erit .

℞. tamarindor. ʒ℞.

fol. senn. el. ʒiiij.

crem. tartar. ʒ℞. ad ʒj.

ebull. per momentum in f. q. aquæ simplicis .

Colatur ʒiiij. adde

mann. calabr. ʒj. M.

Detur mane una vice cum regimine , vel

℞. fol. senn. el. ʒiiij.

rhabarb. ʒj.

passul. min. ʒ℞.

sem. anisi ʒj.

tart. vitriolati ʒ℞.

infunde in f. q. aquæ simplicis tepidæ , stent per noctem in loco calido , mane leviter ebulliant , colaturæ ℞. ʒiiij. add. sirup. de cichor. cum rhabarb. ʒj. aquam cinamom. ʒij. M.

Fugienda hic sunt omnia drastica purgantia, imprimis resinosa, scammoniata, hebbeborata, &c.

Si indicationes ad vomitum adsint, ut dolor & gravitas ventriculi, amarities oris, nausea, conatus vomendi, aut qui alias facile vomunt, illis etiam aliquot diebus ante usum harum aquarum lene emeticum egregio cum successu datur: ut tartar. emet. gr. ij. vel rad. hypecacoannæ ℥j. aut gr. xxv. vel etiam aq. bened. Rul. ℥jss. aut ℥ij.

X V I.

Tempus.

● *Tempus anni, quo aquæ medicatæ optimo cum successu bibuntur, sunt Junius, Julius & Augustus; verum si necessitas urgeat, jam mense Maio, vel etiam Septembri adhuc, imprimis tempestate calidiori, commode usurpari queunt, immo in certis casibus etiam hyeme, & autumnis iis uti possumus.*

Tempus diei aptissimum est matutinum, hora nempe septima, immo si tempus favet sexta, ut hac ratione aqua operationem suam ante prandium commode absolvere possit. Non autem probamus morem illorum, qui hora quinta vel quarta jam ad fontes currunt, ob aerem plerumque tunc adhuc nimis frigidum, nebulosum, transpirationi adversum, tussis aliosque pectoris & capitis morbos facile inducentem; ut & ob somnum non sufficientem, & præmature abruptum.

Nonnulli etiam a meridie hora quarta aut quinta, eodem modo, ut matutino tempore has aquas bibere olim consueverant; verum hic mos apud nos hodie exolevit: nam corpus inde nimis defatigatur, & sic incommoda potius quam commoda corpori infert, imprimis vero, qui debilem habent ventriculum, a potu harum aquarum pomeridiano abstineant: in aliis vero, si sitis urgeret, haustus unus vel alter aquæ, paulillo vini temperatæ, sine noxa assumi potest, vel etiam, ut hodie moris est, haustus Coffæ.

XVII.

Modus vero quo aquæ medicatae atque acidulae Ratio optime bibuntur, ex mea sententia sequens est . *bibendum* Sumitur scilicet vitrum hujus circiter capacitatis, di. ut duo vel tria libram unam continere queant & primo die libram unam, vel ꝑjss. secundo duas, tertio die tres vel quatuor assumant, neque facile plus bibendum, nisi homines sint valde robusti; quia multi nimia copia sibi nocuerunt; & tali mensura, quam commode ferunt, continuatur per 12. 14. vel 18. dies, immo per tres hebdomadas vel diutius, pro diversitate morborum & ægrorum, atque sic tandem sensim rursus descendendi solet, sicut antea inceptum est, ut scilicet circa finem libras duas bibant, & denique una libra finem imponant.

XVIII.

Aquæ hæ in *nonnullis per urinam*, in nonnullis *per alvum*, in plerisque per utramque viam *et* operantur. Utraque operatio consulta, salutaris & *harum* bona est, nec turbanda: non enim semper opus *aqua-* est, ut multum, sicut plerique credunt, per *al-* *vum* *rum*. vum quotidie purgentur; sed sufficere potest, si modo alvus quotidie respondeat, aut solum bis vel ter exoneretur. In eis tamen, *ubi prorsus al-* *vum non movet*, aut obstructions incidunt, unde incommoda metuenda, conducit, ut subinde salis cujusdam cathartici ꝑss. mane in primo haustu simul utantur.

XIX.

Inter *bibendum observandum*, ne aqua *confer-* *Qua* *zim nimis*, nea uno quasi impetu ingerantur, ne *ratione* ventriculus iis obruatur ac lædatur: sed postquam *biben-* *dum*. unum vitrum evacuarunt, per x. vel xii. horæ minuta, vel quartam quasi horæ partem deambulandum est; tunc iterum unum aquæ vitrum assumendum, & sic alternatim bibendum & deambulandum, donec integra portio intra spatium

circiter unius & dimidiæ , vel duarum horarum assumpta sit . Postea corpus leni ambulatione continuo exercendum usque ad tempus prandii . Si interea alvus vel urina urget , non sunt cohibendæ , sed mox & mature exonerandæ , ne incommoda inde oriantur , & effectus aquæ impediatur .

XX.

Quantitas Qui ventriculum habent nimis frigidum aut deducibilem , & tempus simul est frigidum aut pluviosum , vel qui morbis pectoris laborant , aut aliam bendæ . ob causam frigidum potum perferre nequeunt , illi aquas medicatas in aqua calida leniter calefieri curent ; numquam vero nimium calefiant , quia alias naturalem odorem , saporem & vires facile amittunt , vel hæ saltem qualitates bonæ minuuntur .

XXI.

Quantitas aquæ Qui tenerioris sunt constitutionis , illis minor aquæ copia sufficit ; simulac enim sentiant , novem v. gr. vitra satis purgare , vel per urinam bene transire , non ascendant ad maiorem copiam ; quoniam hæc quantitas effectum sufficientem præstabit , & major copia læderet . In genere moderata operatio a parciore copia aquæ , si modo diutius continuatur , v. gr. tres hebdomadas , aut pro morborum varietate diutius , est efficacissima .

XXII.

Ubi hæ aquæ optima Tandem est notandum , aquarum vires plerumque multo esse valentiores , si ex ipsis fontibus bibantur , quam si ad aliâ loca transferantur : quia in multis naturalis compositio elementorum intra aliquot hebdomadas solvitur , saporque & virtutes pereunt , vel saltem valde imminuuntur . In Pyramontanis tamen & Selteranis diutius plerumque durare solent , quam in plerisque aliis .

XXIII.

Cautela quædam Motus in prodeambulando numquam sit nimis vehemens , ne inde oriatur sudor ; sudores enim contrarii

trarii sunt operationi per urinam & alvum, atque propterea facile varia incommoda inducunt.

Inter bibendum si flatus percipiuntur, aut ventriculus debilis sit, aut forte doleat, subinde cortices aurantiorum vel sem. fenic. carvi & anisi, saccharo obducta, comedi possunt.

XXIV.

Ut ab aquarum medicatarum usu optatus obtineatur successus, sollicita victus ratio est necessaria, & quidem prandium hora xxi. Cæna vero hora septima instituitur, & prandio sit parcius.

Numquam autem ventriculus nimis cibo aut potus est replendus; sed parce & edendum & bibendum, atque semper cum aliquo appetitu surgendum.

XXV.

In universum ex cibis noxii sunt omnia tenacia, exsiccata, fumo indurata, sale condita, pingua, carnes vetustorum animalium, carnes suillæ, viscera animalium, anseres, anates, pisces limosi, saliti vel exsiccati: ut anguillæ, carpiones, aselli, haleces veteres, omnes fructus horæi, brassicæ, pisæ, fabæ & lentescis exsiccata, fungi, lacticia, frigida, aut nimis crassa & coagulata, farinacea, pulvcs, acetaria, cucumeres, melones, ova dura, caseus, &c.

Cibi
inepti.

XXVI.

E contrario cibi liciti sunt omnes, qui facilis digestionis, ut carnes juniores bubulæ, agnina, vitulina, pulli, galli, capones, columbæ juniores, feræ juniores, omnis generis aves sylvestres; ex piscibus omnes teneriores, ut truttæ, juniores lucii, omnis generis bona juscula, tum ex animalibus, tum vegetabilibus parata, ut ex hordeo, avena; præterea cerasa & poma cocta, spinachia, asparagi, fabæ, phaseoli & pisæ recentia. Panis sit bene coctus, & non nimis vetustus.

Cibi
liciti.

*Potus
qualis.*

Pro potu ordinario in pastu optime inservit vinum quoddam bonæ notæ, blandum, neque acidum, neque nimis forte, & quidem, si ob sitim id fieri possit, in prandio sine admixta aqua, ne ventriculus inde labefactetur; attamen in copia non excedendum, sed solum pro siti sedanda, ad st. vel ad summum, robustioribus 7j. ad st. concedi potest. Quibus vero solum vinum sitim non compefcit, ii parum aquæ, præsertim in cœna, admiscere possunt.

In regionibus, *ubi vinum non habetur*, vel ægri nimis pauperes sunt, ut solvere vinum nequeant, cerevisia bene cocta loco vini uti possunt.

XXVIII.

De motu corporis jam supra N. XXIII. dictum, quod frequens, sed lenis esse debeat: nocet enim nimis cursus aut saltatio vehementior præsertim calidioribus, aut tempestate nimis calida. Interea tamen *frigidis ac pituitosis*, paullo fortior motus, præsertim circa finem curationis, ad initium scilicet sudoris, me iudice, concedi potest; temperamentis vero calidis minus. Magis autem *a nimia vita sedentaria sibi caveant*, imprimis mox post aquas assumptas, aut post pastum; ubi multi nimis cito lusuibus sedentariis indulgent: inde vero matutino tempore aquæ non transeunt, sed remanent in corpore, aut post pastum cibus non bene digeritur, unde necessario *flatus, colici & ventriculi dolores, diarrhœæ, vomitus*, aliaque mala oriuntur. Ita etiam *post pastum somno se tradere noxium* deprehenditur, dum capitis gravitatem aliaque mala producere solet.

XXIX.

Interea tamen nonnullis in casibus *aquæ salutares etiam in lecto bibi possunt*, præsertim si necessitas id exigat, ut in arthriticis, paralyticis, hæcticis morbis, mensibus nimiis, aliisque debilitatibus

bus laborantibus, &c. Immo *Slavius*, *Anglus Medicus*, etiam sanis & vegetis persuadere vult, ut aquas has in lecto bibant; quod vero multa incommoda secum fert, motusque moderatus huic modo præferendus.

XXX.

Animi affectus, curæ nimix, ira, terror, tristitia, maxime cavenda, sed potius tempus ambulando, gratis societatibus & colloquiis, vel lusu ambulatoriis terendum. Sic & a venere eo tempore abstinendum, vel saltem rarissime exerceatur: quoniam jam corpus per multas evacuationes alvi & urinæ aliquo modo debilitatur, adeoque sic nimis debilitaretur.

XXXI.

Post cœnam, quæ satis medioeris esse debet, & in qua vinum aqua temperari potest, rursus per horam circiter leniter deambulandum, antequam somno quis se tradat, ita blandiori somno & quiete fruuntur.

Quid post cœnam faciendum.

Aer frigidus nocturnus, ac præsertim pluviosus, quantum fieri potest, vitandus, ne insensibilis transpiratio impediatur, id quod valde noxium; dum catarrhos omnis generis facile concitare potest.

De symptomatibus frequentioribus, in usu aquarum medicatarum occurrentibus.

XXXII.

Primo hic occurrit *alvi obstructio*: quæ si accidat, facile tormina, dolores colicos, vomitus, & alia mala producit. In primis vero illi obnoxii sunt melancholici, hypochondriaci & hysterici: contra quod symptoma optime conducunt laxantia, inprimis liquida, sicuti potiuncula qualem supra N. XV. dedimus; nempe ex tamarindis, foliis sennæ & manna, vel ex senn. & manna, vel ex senna,

Alvi obstructio.

rhabarb. cum sirup. de cichor. cum rhabarb. vel decoct. laxativ. Managettæ, vel salia media, ut tartarus solubilis, aut tartarus vitriolatus ℥j. ad ʒi℥. vel salis amari cathartici ℥ij. aut ʒiij. ad ʒ℥. mane in primo aquæ haustu sumi potest. *Cavenda vero omnia purgantia fortiora, præsertim calidiora & resinosa; quia facile magna tormina & hypercatharstes concitare solent.*

XXXIII.

Alvi fluxus. Ita & *Diarrhœa* interdum ægros affligit; quæ vero adstringentibus non cohibenda, quamdiu æger nullam notabilem inde percipit debilitatem. Sæpe enim pravi humores sic expurgantur cum ægri levamine atque illa sæpe usu harum aquarum continuato, §. XI. curatur. E contrario ubi ægri inde debilitantur, nausea ciborum & magna forte simul tormina adsunt, prudenter sisti debet. Quod fieri potest primo, si aqua medicata parviori copia & calide bibatur, atque essentia stomachica ante & post pastum mediocrem assumatur. Sin vero hæc non sufficiunt, aquæ cinamomi, inprimis cydoniæ, vel aquæ maltichinæ aliquoties in die aliquot cochlearibus utantur. Vespere, si forte hæc parum sunt, theriacæ aut discordii ℥j. aut theriac. coelest. gr. ij. vel iij. exhibeantur, & in malo vehementiori, ab aqua potu per diem unum vel alterum prorsus abstineant, donec melius rursus se habent.

Externæ eadem ventriculo applicari possunt, quæ alias in diarrhœa, e. g. balsam. stomach. vel emplastr. ex theriaca, vel tacamahac. &c. quæ supra præscripsimus.

XXXIV.

Vomit. Vomitus etiam in usu harum aquarum, & speciatim initio nonnullos affligit, hic vero quoque [dâ-
plicis

plicis est generis, vel *criticus* sive salutaris, vel *symptomaticus*. Si *criticus* est, fit cum ægri levamine, & humores noxii aquis his soluti, egregie sic expelluntur: ubi hoc solum observetur ne inopia copia ventriculum repleant, & subinde præter essentiam stomachicam, ante dictarum aquarum stomachicarum cochlearia aliquot assument. Si vero vomitus est *symptomaticus*, & ex ventriculo debilitato, vel ob nimiam aquæ vel ciborum aut vini copiam ingestam oritur, parcior potus & victus instituendus, & similia stomachica assumenda. Sed si oriatur ex nimia bilis aut pituitæ copia, corpore antea non bene purgato; blanda purgatio conducit, & postea omnis generis bona stomachica, confortantia subjungenda. Interdum etiam vomitus in sequiori sexu oboritur a thorace & vestibis nimis constrictis: quo in casu vesicium reseratio optimum est remedium; post hæc essentia vel aliud remedium confortans quoque exhiberi potest. Si a graviditate, similia remedia conducunt, servata simul parca diæta, potuque harum aquarum moderatiore, donec præterierint.

XXXV.

Contra tormina & dolores colicos, si cortices aurantiorum, & reliqua supra dicta carminantia non sufficiunt, lenelaxans dari potest; nam sæpe a retentis pravis humoribus oriuntur. Deinde essent. cortic. aurantiorum, aut essent. carmin. Wedel. bis aut ter in die, ad gutt. xxx. vel xl. dari debent. In graviori malo, clystma ex decoct. flor. chamomill. in lacte factum, cum pauco melle aut saccharo optime simul conducit, & aqua medicata mane parca copia ac tepide bibatur.

XXXVI.

Si nimius mensium fluxus aut hamorrhoidum in usu aquarum incidat, tunc per unum vel alterum diem

a potu earum abstineant, & simul, si dolores adfiant lumborum, aqua vitæ mulierum, vel modo dicta carminantia ordinanda; vel saltem parcius bibant, quam alias, nimirum partem tantum circiter dimidiam. Si vero hi fluxus sunt moderati, aquarum usus continuari quidem potest, attramen paulo minori copia, & non nimis frigide.

XXXVII.

*Febres
inter-
mitten-
tes.*

Sæpe etiam febres intermittentes in usu harum aquarum vel recrudescunt, vel ab humoribus noxiis, in motum quasi citatis, recens oriuntur; quæ autem nos non terreant: nam si modo laxantia salina subinde interponantur, potu harum aquarum prudenter continuato, & essentiis amaris, simul usurpatis, optime curantur.

XXXVIII.

Podagra & arthritidis. Idem faciendum, si dolores podagrici, arthritici, ischiatici, dentium & similes tunc incidant: nam continuato usu harum aquarum peccantes humores partim expelluntur, partim corriguntur, ut peculiari curatione vix aut prorsus non indigeant. Medicus igitur solum leno conformans ordinet, e. gr. aquam vel essentiam confortantem, itemque pulverem antispasmodicum, & si dolores vehementiores sint, laudani liquidi Sydenhamii parum iis addendum, præsertim circa vesperam.

XXXIX.

Aqua thermarum. ut *Caroline*, *Wishadenses* & *Emsenses*, fere simili ratione bibuntur. Aquæ vero *Deus* *amaræ Seidlitzenses* aut *Seidschutzenenses*, parciore usum longe copia assumuntur: quia ob copiosius sal-
therma *rum* & *marum* purgans, quod continent, nimirum ℥ij. in libra una aquæ, majorem alvum movendi vim pol-
aqua- *rum a-* *lent*, optima methodus eis utendi est, ut haustulus quatuor circiter unciarum una vice, tepide
maru- *rum.* matutino tempore, hauriatur, & postea partim ad saporem amarum ex ore abstergendum, partim melioris effectus causa, haustulus Theæ vel
Coffeæ

Coffeæ superingeratur . Dein post breve temporis intervallum, x. circiter vel xii. minutorum similis haustulus aquæ amaræ & desuper Coffeæ vel Theæ assumatur, hocque post aliquod temporis spatium tertia, & in robustioribus quarta vice repetatur, ita post brevem moram, alvus leniter & sere sine omni incommodo aliquoties solvetur, multique humores noxii evacuabuntur .

XL.

Profunt hæ aquæ quam maxime in affectibus ventriculi & intestinorum, ad cruditates & sordes primarum viarum, itemque ad serum supervacuum blande evacuandas, & speciatim in cachecticis ac serosis morbis, hydrope recenti, & cum primis leucophlegmatia, affectibus hypochondriacis, cardialgia, ciborum fastidio, asthma, dyspnœa, obstructionibus alvi, flatulentia, cephalalgia, vertigine, morbis soporosis, arthriticis, podagra, chiragra, lassitudine artuum, febribus intermittentibus, ictero, hæmorrhoidibus obstructis, & malis inde provenientibus. Ita quoque in mensibus suppressis, præsertim chlorosi, aliisque hinc pendentibus mulierum morbis egregie conducunt. *Vermibus quoque adversantur, atque non solum adultis, sed pueris etiam hoc in malo cum fructu ad ℥ij. iij. vel plures pro ætatis diversitate, exhibentur.*

Aquæ amaræ quibus profunt

XLI.

Præsevationis gratia Vere & Autumno per tres, quatuor aut sex dies commode usurpari possunt; *curandi vero fine*, pro morborum diversitate, paullo diutius, nimirum per ix. xii. vel xv. dies, quovis anni tempore, ubi tamen subinde post triduum, per diem unum alterumve a potu hujus aquæ abstinere, & postea denuo incipere ægrotantes possunt, ne nimis inde debilitentur, atque *dieta eadem servanda*, ut in aliarum aquarum medicatarum usu docuimus.

Etiam præservandi scopo.

XLII.

Ubi Nocent in viscerum obstructionibus , nimium
nocent. inveteratis , phthisi , hectica , hominibus debilio-
ribus , valde emaciatis , spasms , colica & asth-
mate convulsivo.

Plura de his aquis amaris qui nosse desiderat ,
evolvat Frid. Hoffmanni scriptum An. 1725. de
eis editum , aut Garizii libellum Anno 1727.
Ratisbonæ in 8. germanice evulgatum , qui ad-
huc uberius de eis egit , atque experimentis &
observationibus quamplurimis earum utilitatem
egregie & solide obfirmavit.

F I N I S.

INDEX RERUM.

A

A Bortus. Pag. 365. 366
 Achores. 389
 Acidorum venenorum
 curatio. 416
 Aconiti veneni curatio.
 417
 Adamantis venenum me-
 chanicum. 409
 ejus curatio. 419
 Albugo in cornea. 400
 Alcalium venenorum cu-
 ratio. 417
 Alvi fluxus nimius. 258
 in febribus acutis. 15. 83
 Alvi obstructio line fe-
 bre. 230
 .. in febre. 45
 gravidarum .
 362
 Amaurosis. 277. 283
 Amblyopia. 278
 Angina quid. 33. 105. 116
 ejus curatio. 116
 Anginæ in febribus cu-
 ratio. 54
 Animi deliquium. 301
 Anorexia. 332
 Anxiëtatis in acutis cu-
 ratio. 53. 91
 Apepsia. 339
 Aphonia. 326
 Aphthæ. 386
 in acutis. 54

Apoplexia. 293
 Appetitus prostratus. 332
 post febres. 56
 Apum punctura. 423
 Aquæ fortis assumptæ
 curatio. 416
 Aquæ medicatæ. 424
 Aranearum punctura .
 423
 Ardor ventriculi. 340
 .. in acutis. 49
 Arsenici assumpti cura-
 tio. 416
 Arthritis. 182
 Articulorum rigor. 330
 Ascarides. 356
 Asthma. 227. 228
 Atrophia. 395
 Auditus difficilis. 169
 Aurium dolores. 105. 156
 susurrus & tinnitus.
 157

B

B Arbi piscis venenum.
 420
 Bellæ donhæ veneni cu-
 ratio. 410
 Bubones pestilenciales. 48
 venerei. 210. 212
 Bulimus. 336

C

C Achexia. 186
 Cal-

- Calculus renum. [176](#)
 vesicæ: *ibid.*
 Cancer. [249](#)
 penis. [212](#)
 Carnis rabiosi morsus. [423](#)
 Cantharidum assumptorum curatio. [420](#)
 Capitis dolor. [155](#)
 in acutis ut curandus. [52](#)
 Cardialgia. [342](#)
 Cardialgiæ in acutis curatio. [53](#)
 Catalepsis. [290](#)
 Cataracta, sive suffusio. [285](#)
 Catarrhus infantum [391](#)
 Causus. [33](#)
 Cephalalgia. [155](#)
 Chiragra. [182](#)
 Chlorosis. [192](#)
 Cholera. [260](#)
 Ciborum fastidium. [332](#)
 Cicutæ assumptæ curatio. [417](#)
 Coeliaca passio. [261](#)
 Colicus dolor, s. colica. [347](#)
 Colocynthis assumpti curatio. [417](#)
 Congestiones. [150](#)
 Convulsio. [313](#)
 Convulsionum in acutis curatio. [55](#)
 Cordis palpitatio. [317](#)
 Coryza. [255](#)
 Crusta lactea. [389](#)
 Cynoglossi veneni curatio. [419](#)
- D
- D**aturæ venenum. [410](#). curatio. [418.419](#)
 Deliri in acutis curatio. [52. 53](#)
 Delirium sine febre. [281](#)
 Dentitio difficilis. [395](#)
 Dentium dolores. [105.159](#)
 Diabetes. [271](#)
 Diaphragmatis inflammatio. [106. 118](#)
 Diarrhœa. [258](#)
 in acutis curatio. [51](#)
 [83. 90](#)
 infantum. [392](#)
 Dolor capitis. [155](#)
 colicus. [347](#)
 dentium? [105.159](#)
 Dolores post partum. [373](#)
 Dysenteria. [262](#)
 febri acutæ superveniens. [52](#)
 Dyspepsia. [339](#)
 Dyspnœa. [227](#)
 Dysuria. [233](#)
- E
- E**laterii largius assumpti curatio. [417](#)
 Empyema. [265](#)
 Epilepsia. [305](#)
 infantum. [397](#)
 Erysipelas. [105](#)
 Euphorbii assumpti curatio. [417](#)

Exan-

INDEX RERUM.

- Exanthematum febrilium curatio. 46.47
- F**
- Ames canina. 336
- Fauces inflammatae. 117
- in acutis. 53
- Favus. 389
- Febres in universum. 13
- Febris acuta. 29
- stomachica. 74
- puerperarum. 375
- biliosa. 34
- castrensis. 34
- catarrhalis. 34. 48
- continua. 29
- dysenterica. 35
- ephamera. 32
- epidemica. 34
- erysipelacea. 35
- exanthematica. 29
45. 46. 57. 94.
- hectica. 35. 95
- hungarica. 35. 49
- inflammatoria. 35
- intermittens. 14
- intestinalis acuta. 35. 74
- lactaria. 35. 376
- lenta. 35. 95
- lochialis. 35
- maligna, quid. 29
32. curatio. 38. 46. 47.
- mesenterica acuta. 35. 74
- miliaris, sive purpurata. 33. 70
- pestilens, quid. 34
- petechialis. 33. 70
- phthifica. 35
- purpurata. 33. 70
- quartana. 15. 28
- quotidiana. 15
- scarlatina. 34. 72
- soporosa intermittens. 28
- stomachica acuta. 35. 74
- Febris tertiana quid. 15
- urticata. 33
- vulneraria. 35
- Febrilium symptomatum curatio. 45
- Flatuum molestiae. 345.
- 363
- Fluor albus. 221
- venereus. 223
- Fluxus in genere. 253
- a motu turbati. 273
- Fœminarum morbi. 358
- Fœtor corporis. 280. 287
- narium. ibid.
- oris. ibid.
- Fœtus in utero mortuus quando & quomodo ejiciendus. 371
- Fungi venenati. 409
- Furunculi. 105

G

G Angræna & spha-
celus. 56. 111
Glandulæ induratæ. 244
Glandis penis ulcera. 212
Glaucoma quid. 278
Gonorrhœa maligna. 209
... benigna. 213
Gravidarum noxæ. 360
Gustus læsus. 286
Gutta serena, sive a-
maurosis. 277. 283

H

Hæmoptysis. 132
Hæmorrhagiæ. 122
Hæmorrhag. acutarum
tractatio. 50
Hæmorrhagia narium.
131
... suppressa. 140
... uteri. 365
Hæmorrhoides cœcæ. 180
Hæmorrhoides dolentes.
364
.... nimix. 135
.... suppressæ. 147
Hellebori largius assu-
pti curatio. 417
Hemeralopia. 279
Hepatis inflammatio. 106
120
... obstructio. 171
... scirrhus. 172
Hirudinum deglutito-

rum curatio. 420Hydrophobia. 190Hydrops. 194... ex quartana. 28. 197

Hyoscyami veneni cu-

ratio. 419Hypercatharsis. 68. 70Hyperemesis. 260

Hypochondriacum ma-

lum. 166Hystericum malum. 169

I

Icterus. 199Iliaca passio. 231.Imagines oculorum. 285Impotentia virilis. 327Incontinentia urinæ. 272

... post partum

378Incubus. 282. 290Infantum morbi. 381

Inflammatiō in genere.

104... diaphragmatis. 106119... hepatis. 106. 120... intestinorum. ibid.... lienis. ibid.... mammarum. 105.377... præputii. 210... pulmonis. 106. 119... renum. 106. 120... tonsillarum. 105.117... ventriculi. 106. 120

vesi-

INDEX RERUM. 451

... vesicæ .	<i>ibid.</i>	Malum hypochondria-	
... uteri .	<i>ibid.</i>	cum .	166
... uvulæ .	105.117	... hystericum .	169
Intertrigo infantum .	388	... ischiaticum .	186
Ischiaticum malum .	186	Mammarum inflamma-	
Ischuria .	233	tio .	377

L

L Actis abundantia .		410	
378		Mania .	288
... defectus .	<i>ibid.</i>	Marasmus senilis .	324
Languor virium .	324	Mechanica venena quæ .	
Laureolæ veneni cura-		409	
tio .	417	... eorum curatio .	418
Leucoma oculi .	278	Melancholia .	289
Lienis inflammatio .	106.	Memoria debilis .	292
120		Menses nimii .	135
... obstructio .	171	... parcius fluentes .	
... scirrhus .	172	144	
Lienteria .	261	... suppressi .	141
Linguae paralyfis .	326	Mercurii sublimati sum-	
Lipothymia .	301	pti curatio .	416
Lithargyrii venenum .		Mictus cruentus .	135
418		Morbi infantum .	381
Lochia nimia .	135 ab alvo obstru-	
... suppressa .	146	cta & flatibus reten-	
Loquelæ læsio .	326	tis .	382
Lues venerea .	209.214 a lacte cor-	
Lumbrici .	351	rupto .	383

M

M Aculæ oculorum .		Morbilli quid .	33. cura-
400		tio .	69
... in cornea .	286	Morsus canis rabiosi .	423
... volantes ante ocu-		... viperarum & ser-	
los .	285	pentum .	421
		Motus læsiones .	324
		Mulierum morbi .	458
		Myopia .	286
		Mytolorum veneni cu-	
		ratio .	429

Nar-

N

- N** Arcotica venena
 quæ. 410. eorum cu-
 ratio. 419
 Narium obstructio in-
 fantum. 389
 Nausea. 335
 Nebula in cornea. 400
 Nephritis. 106.120
 Noctambulus. 290
 Nodi venerei. 220
 Nyctalopia. 279

O

- O** Blivio. 292
 Obstructiones genera-
 tim. 223
 Obstructio alvi sine fe-
 bri. 230
 in febre. 45.
46
 gravidarum .
362
 ... hepatis. 171
 ... lienis. ibid.
 ... narium in infanti-
 bus. 389
 ... vasorum. 243
 Oculorum inflammatio.
105.115.278.
 ... morbi. 283
 Oculus lacrymans. 256
 Odontalgia. 105.159
 Oedema. 193
 post intermitten-

tes.

- Oenanthes assumpti cu-
 ratio. 417
 Olfactus læsus. 286
 Ophthalmia. 105.113.278
 ... infantum. 398
 Otalgia. 105.156

P

- P** Alpitatio cordis. 317
 Papillæ dolentes. 377
 ... fissæ. ibid.
 Paralysis. 297
 ... linguæ. 326
 Paraphrenitis. 106. 119
 Partus difficilis. 368
 Passio cœliaca. 261
 ... illiaca. 231
 Pavor infantum in so-
 mno. 384
 Penis ulcera sive can-
 cer. 212.213
 Peripneumonia. 106.119
 Pestis quid. 34
 ... curatio. 47
 Phlegmone. 105
 Phrenitis. 33.105.112
 Phthisis. 163
 Plethora & ejus morbi. 3
 Pleuritis. 33.105.119
 Podagra. 182
 Pollutio nocturna. 272
 Preputii inflammatio. 210
 ... tumor & ulcera .
210.212.
 Presbyopia. 286
 Priapismus. 209.210.322
 Pul-

Pulmonis inflammatio in febris .

106. 119

Punctura scorpionum, apum,
vesparum & aranearum .

423

R

Rabies canina .

290

Raucedo .

257

Renum inflammatio .

106

Respiratio difficilis .

227

... infantum .

391

Rhachitis .

174. 345

Rigor articularum .

330.

Ructus .

345

S

Saturnina venena .

419

Satyriasis .

210. 322

Scabies .

201

... retropulsa .

202

Scirrhus .

244

... hepatis .

172

... lienis .

ibid.

... venereus .

220

Scorbutus .

203

Scorpionum punctura .

423

Secundæ reliquæ .

372

Sensuum morbi .

277

Serpentum morsus .

421

Singultus .

320

... in acutis curatio .

52. 89.

... infantum .

385

Sitis nimia .

338

25. 26

Solani veneni curatio.

419

Somnus .

282

Sopor .

ibid.

Soporosæ febris senum

curatio .

28

Spasmus .

313

... cynicus .

316

... maxillæ .

315

Sphacelus .

56. 111

Sputum nimium

256

Sterilitas mulierum .

359

Sternutatio nimia .

317

Strabismus .

278

Stramonii venenum .

410

curatio .

419

Stupor .

280

... artuum .

287

Sudor Anglicanus .

34

... nimius .

274

Sudor nimius in acutis .

55

Suffusio sive cataracta .

Suppressio, hæmorrhagiæ

narium .

131

... hæmorrhoidum .

364

... lochiorum .

146

... mensium .

141

... urinæ .

233

... in infantibus .

394

Sulcus aurium .

157

Syncope .

301

Synochus simplex .

32

... putrida .

T

T Abes adultorum .
 163
 ... infantum . 395
 Tenesmus . 357
 Testiculorum tumor . 210
 213
 Tinnitus aurium . 157
 Tithymali veneni cura-
 tio . 417
 Tophi venerei . 220
 Tonsillarum inflamma-
 tio . 117
 Tremor . 322
 Tumor præputii . 210. 211
 Tussis convulsiva . 317
 ... acutarum curatio .
 53. 54. 69.
 ... humida . 257
 ... infantum . 491
 Tympanitis . 198

V

V Ariolæ . 33. 57
 Vasorum obstructio . 243
 Venena quid . 404
 ... acida & alcalica . 408
 ... animalium . 411
 ... narcotica . 410
 Venenorum differentia .
 405
 ... assumptorum cura-
 tio . 415
 Venerea lues . 209. 213
 Ventriculi ardor . 340

... inflammatio . 106.

120

Ventris tensio . 364

Vermes intestinatorum . 351

Vertigo . 161

... senilis . 324

Vesicæ inflammatio . 106

120

Vesicæ punctura . 423

Vigiliæ nimia . 281. 291

.... in acutis . 52

.... infantum . 384

Viperarum morsus . 421

Virium in acutis repara-
 tio . 55

Visus debilis . 278. 283

... læsiones . *ibid.*

Ulcera . 276

... venerea . 212. 220

... penis venerea . 213

Unguis oculi . 278

Vomica pulmonum . 165

Vomitus cruentus . 134

... in acutis curatio . 50

... nimius . 260

Urinæ incontinentia . 272

... incontinentia post
 partum . 378

... difficultas in infan-
 tibus . 363

... suppressio in adul-
 tis . 234

.... in infantibus .

393

Uteri inflammatio . 106.

120

Uvulae inflammatio . 105

117

NOI RIFORMATORI

Dello Studio di Padova.

A Vendo veduto per la Fede di revisione, ed approvazione del P. F. Paolo Tommaso Manuelli Inquisitore nel libro intitolato: *Laurentii Heisteri Compendium Medicinæ Practicæ &c.* non v'esser cosa alcuna contro la santa Fede Cattolica, e parimente per attestato del Segretario nostro niente contro Principi, e buoni costumi, concediamo licenza a *Simone Occhi Stampatore di Venezia*, che possi esser stampato, osservando gli ordini in materia di Stampe, e presentando le solite Copie alle pubbliche Librerie di Venezia, e di Padova.

Data li 25. Ottobre 1747.

- (
 (*Barbon Morosini Cav. Proc. Rif.*
 (*Marco Foscarini Cav. Proc. Rif.*

Registrato in Libro a carte 13. al num. 96.

1747
 1216734

Girolamo Alberti Segretario.





